

蛚



清 張廷玉 等撰

中 華 書

局

第

卷二八一至卷二九一(傳)

四

册

明史卷二百八十二

列傳第一百六十九

循吏

令多以廉卓被徵,梯取臺省,而襲、黃之治,或未之觀焉。 神宗末年,徵發頻仍,礦稅四出, 海內騷然煩費, 而民心無土崩瓦解之虞者,亦由吏鮮貪殘,故禍亂易弭也。嘉、隆以後,資格旣重甲科,縣 然丕變矣。下逮仁、宣,撫循休息,民人安樂,東治澄淸者百餘年。英、武之際,內外多故, 知縣馬亮善督運,無課農興士效,立命黜之。 一時守令畏法,潔己愛民,以當上指, 吏治煥 人,貪者必胺人以肥已,爾等戒之。」洪武五年下詔有司考課,首學校、農桑諸實政。日照 「天下新定,百姓財力俱困,如鳥初飛,木初植,勿拔其羽,勿揻其根。 然惟廉者能約己而愛 明太祖懲元季吏治縱弛,民生凋敝,重繩貪吏,置之嚴典。府州縣吏來朝,陛辭,諭曰: 郡縣不克修舉厥職。 而廟堂考課,一切以虛文從事,不復加意循良之選。

列

傳第

百六十九

循吏

外,實政不修,謂非在上者不加之意使然乎! 吏治旣以日婾, 民生由之益蹙。 仁、宣之盛,邈乎不可復追,而太祖之法蔑如矣。 重內輕

別見,故採其終於庶僚,政績可紀者,作循吏傳。 漢史丞相黃霸,唐史節度使韋丹皆入循吏傳中。 今自守令超擢至公卿有勳德者,事皆

陳灌 方克勤 吳履 廖欽等 高 斗南 余彦誠等 史誠 祖 吳祥等

謝 子襄 黄 信中 夏升 貝秉彝 劉孟 雍等 萬觀 葉宗人 王源

翟 海福 李信: 圭 孫浩等 張宗璉 李驥 王罃 等 李湘 趙 豫

趙登等

曾泉

范衷

周

濟

范希正

劉

綱

段

堅

陳鋼

丁積

田鐸 唐侃 湯紹恩 徐九思 龐嵩 張淳 陳幼學

起。 灌率武 陳灌 ,字子將,廬陵 勇結屯林中,盜不 人也。 敢入,一 元末, 世將亂, 鄉賴以 全。 環所居築場 太祖平武昌,灌詣 種樹, 人莫能 軍 一門謁 測。 見。 後 十年, 與語奇之, 盜蠭

擢湖 廣行省員外郎,累遷大都督府經 歷。 從大將軍徐達北征 尋命築城泰州 除寧

國 知府

時天下初定,民棄詩書人。 灌建學舍,延師,選俊秀子弟受業。 訪問疾苦, 禁豪 右 兼

賴。 幷。 一人,餘悉減死。 有坐盜麥舟者,論 創戶帖以便稽民。 灌丰裁嚴正,而爲治寬恤類此。 死數十人。 帝取爲式, 頒行天下。 灌覆按曰:「舟自漂至,而 伐石築堤,作水門蓄洩,護瀕江田,百姓咸 洪武四年召入京,病卒。 愚民鬨取之, 非謀 劫也。」坐其

勤 寧知 獻策 方克動,字去矜,寧海人。元末,台州盜起,吳江同知金剛奴奉行省命募水兵禦之。 弗納 府 ,逃之山 中。 洪武二年辟縣訓導、母老辭歸。 四年徵至京師,東部試第二,特授 克

濟

民 約 廟堂,敎化興起。 使君之雨。使君勿去,我民父母。」視事三年,戶口增數倍,一郡饒足。 書省,得罷役。 税如 時始詔民墾荒,閱三歲乃稅。 、期。區田爲九等,以差等徵發,吏不得爲奸,野以日闢。 又立社 盛夏,守將督民夫築城,克勤曰:「民方耕耘不暇,奈何重困之畚鍤。」請 先是久旱,遂大澍。濟寧人歌之曰:「孰罷我役。使君之力。 吏徵率不俟期,民謂詔旨不信,輒棄去,田復荒。 學數百區,葺孔 孰活我 克勤 與

一布袍十年不易,日不再肉食。 克勤爲治以德化爲本,不喜近名,嘗曰:「近名必立威,立威必殃民,吾不忍也。」自奉簡 太祖用法嚴,士大夫多被謫,過濟寧者,克動輒周恤之。

列

深數尺,舟遂達,民以爲神。八年入朝,太祖嘉其績,賜宴,遣還郡。尋爲屬吏程貢所誣,謫 永嘉侯朱亮祖嘗率舟師赴北平,水涸,役夫五千濬河。克勤不能止,泣禱於天。 忽大雨,水

子孝聞、孝孺。孝聞,十三喪母,蔬食終制。 孝孺,自有傳。

役江浦,復以空印事連,逮死。

不獲、怒、盡繫其鄉鄰。 皆大驚,相率斂跡。履乃改崇寬大,與民休息。 正。 公者,一人耳,其鄰何罪? 每祀輒有蛇出戶,民指爲神。 久之,舉於朝,授<u>南康丞。</u>南康俗悍,謂丞儒也,易之。居數月,摘發奸伏如老獄 吳履,字德基,蘭谿人。少受業於聞人夢吉,通春秋諸史。李文忠鎭浙東,聘爲 履閱獄問故,立釋之,乃白以中。以中益怒,曰:「丞慢我。」履曰:「犯 今縶者衆,而捕未已,急且有變,奈何。

」以中意乃解。 履縛巫責之,沉神像於江,淫祠遂絕。爲丞六年,百姓愛之。 知縣周以中巡視田野,爲部民所詈。捕之 邑有淫祠, 東,則 那學

履曰:「世淸矣,民安於農。 耳,非反也,招之當來。 遷安化知縣。 大姓易氏保險自守,江陰侯吳良將擊之,召履計事。 不來,誅未晚。」良從之,易氏果至。 請籍其願爲兵者,不願可勿强。」 良欲籍農故爲兵者、民大恐。 履曰:「易氏逃死

日 ,上官令民送牛羊之陝西, 遷維州知州。 山東兵常以牛羊代秋稅,履與民計曰:「牛羊有死瘠患,不若輸 他縣民多破家,攤民獨完。 會改州爲縣,召履還,潍民皆涕泣 栗便。」 他

奔送。履遂乞骸骨歸。

是時 河內丞廖欽並以廉能稱。 居八年,調吳江,後坐事謫戍。 久之,以老病放歸,道 河

内。 河內民競持羊酒 舟以績最,特擢吏部主事。 爲壽,且遺之縑,須臾裒數百匹。 民爭乞留,乃遺還之。 **欽固辭不得,一夕遁去。**

簿劉郁、 他若興化 衡山主簿紀惟正、霑化典史杜濩皆坐事,以部民乞宥復其官, 丞周 歸安丞高彬、 而惟正立擢陝西 曹縣主

參議。

遷任,皆因部民請云。 張禎、吳江 王通 、靈璧丞田誠、安平丞耿 其後州縣之佐貳知名者,在仁、宣時則易州判官張友聞、「」壽州判官許敏、許州判官 一池典史黃金蘭、深澤典史高聞,英、景時則養利判官汪浩、泰州判官王思旻、上海 丞王懋本、歷城 丞熊觀、 福緣、嘉定丞戴肅、 默陽 主簿古初、 大名丞賀禛、昌邑主簿劉整、 雲南南安州 琅井巡檢李保。 襄垣 或超遷,或 主 濔 丞 喬

南新興 績益著。 安肅范志遠、當塗孟廉及丞懷寧蘇億、「三休寧甘鏞、當塗趙森並坐事,先後被徵。 才識 奔走闕下,具列善政以聞。 年七十而卒。 精敏,多善政。二十九年,與知府永州余彦誠,知縣齊東鄭敏、儀眞康彦民、岳池王佐、 高 知 斗南,字拱極,陝西徽州人。 、州,新興人愛之不異<u>定遠。居數年,以衰老乞歸,薦子吏科給事中</u>恂自代,成祖許 尋舉天下廉吏數人,斗南與焉,列其名於彰善榜、聖政記以示 太祖嘉之,賜襲衣寶鈔遣還,幷賜耆民道路費。 貌魁梧,語音若鐘。 洪武中,由薦舉授四川定遠知縣 勸。 九載 諸人旣還任,政 績最、擢雲 其 耆 民

還,父老亦預宴。人之,擢知永州府,終河東鹽運使。 彦誠,德興 恂,字士信,博學能詩文。 人。 初知安陸州,以征稅愆期當就逮,其父老伏闕乞留。 官新興,從大軍征交阯,有協贊功。 師旋,卒於官。 太祖賜宴嘉賞,遣

年,考滿入朝。 敏常坐事被逮, 部民數千人守闕下求宥。 部民復走京師乞再任,帝從其請。 帝宴勞,復其官, 及是,再獲宥 賜鈔百錠,衣三襲。 居數

彦民,泰和人。洪武二十七年進士。 先知青田,調儀眞,後歷巴陵、天台,並著名績。

永樂初罷 望。 歸。 御史以聞,宣宗歎曰:「彥民去天台二十餘年,民猶思之,其有善政可知。」乃用為 洪熙元年, 御史巡按至天台。 縣民二百餘人言彥民廉公有為,乞還之天台,

億、廉、森三人旣釋還,明年復以事當逮。縣民又走闕下頌其廉勤,帝亦釋之。

江寧縣丞

二十九年, 時太祖操重典繩羣下,守令坐小過輒逮繫。 知縣靈璧周榮、宜春沈昌、昌樂于子仁,丞新化葉宗並坐事逮訊, 聞其賢,旋遣還,且加賞賚, 有因 部民 以 爲 超 吅

循良之績焉。

閣。

太祖喜,立擢四人爲知府,榮河南,昌南安,子仁登州,宗黃州。

由是長吏競勸,一

時多

後建言稱旨,擢 十錠,綺羅衣各一 榮,字國華,蓬萊人。 河南左布政使。 襲。 禮部宴榮及耆老而還之。 初爲靈璧丞,坐累逮下刑部,耆老羣赴輦下稱其賢。 無何,擢榮靈璧知縣。 及知河南,亦有聲。 帝賜鈔八

永樂七年,成祖 史誠 祖,解州人。 北巡, 洪武末,詣闕陳鹽法利弊。 遣御史考覈郡縣長吏賢否,還言誠祖治第一。 太祖納之,授汶上知縣,爲治廉平寬簡。 賜璽書勞之曰:「守令

列傳

第

百

六十

九

循吏

十四四 虐民 乃職,愼終 簡、民心 急,能 承流宣化 二十九年,竟卒於任。 里。 無若易州 副股 悦戴. 成祖 所 如 心 始, ,境內稱安。 以安利 者實鮮。 過汶上, 同 知 以永嘉譽,欽哉。」幷賜 張 元元。 騰,遂徵下獄。 士民哀號,留葬城南,歲時奉祀。 欲徙其民數百家於膠州 爾敦厚老成, 方古良吏,亦復 朕統御天下,夙夜求賢,共圖治理。 恪共 誠祖旣得旌、益勤於治。 內醞一 乃職。 何讓。 尊, 織金紗衣 持身勵 誠祖奏発之。 特擢爾 志, 濟寧知州,仍 土田 於廉公。 屢當遷職,輒爲民奏留 襲,鈔千貫。 往往下詢民間 增闢,戶 視 汶上縣 平賦 口繁滋、益編 均徭, 御史叉言貪 ,皆言苦 事 政清 其 益 吏苛 冕 戶 吏 共 訟

乞歸。 聞 水 信,永樂時 知 本忠復來,空間并迎 縣 是時,縣令多久任。 武 涓 進錢本忠有廉名,詿誤 縣 由 房品 國子生授遵化 宣德 拜。 間 爲 蠡縣吳祥,永樂時知嵩縣,至宣德中,閱三十二年卒於任。 鄒縣 永樂中卒官,民哀慕留葬吉水,爭負土營墳,其得民如誠祖云。 知縣,至宣德中,閱二十七年始擢 罷官。 知縣 ,至正統中,閱二十餘年卒於任,吏民皆愛戴之。 父老奔走號泣乞留,郡人胡廣力保之,得還任。 無爲知州。 以年老不欲赴,遂 臨汾李 而 民 吉

黄信中、 謝子襄,名袞,以字行,新淦人。 開化 知縣夏升並九載課最當遷。其部民相 建文中,由薦舉授青田知縣。 率訴於上官,乞再任, 永樂七年,與錢塘知 上官以聞。 帝嘉 縣

之,卽擢子襄處州知府,信中杭州,升衢州,俾得治其故縣。

官三十年,不以家累自隨。 之,一郡洶洶。 屠之。牛逸至子襄前,俛首若有訴,乃捐俸贖還其主。 有盜竊官鈔,子襄檄城隍神。 子襄治處州,聲績益著。 子襄力止軍 二十二年卒。 城中毋出 **盗方閱鈔密室,忽疾風捲墮市中,盗即伏罪。** 郡有虎患,歲旱蝗。 ,而自以計掩捕之,獲其魁,餘悉解散。 禱於 (神, 大雨二日, 蝗盡死, 虎亦遁去。 叛卒吳米據山谷為亂,朝廷發兵討 民鬻牛於市,將 爲人廉謹,歷

信中禱於神,得眞盜,遠近稱之。 以聞 ,韶行所司會鞫。 信中,餘干人。先知樂淸縣。 信中廉得其情,力詆爲誣,獲全者甚衆。 升,鹽城人。 奸人給寡婦至京誣告鄉人謀叛,而己逸去。 **盗殺一家三人,**獄 有司繫其婦 外不決。

具乗弊,名恒,以字行,上虞人。 永樂二年進士。授邵陽知縣,以憂去,補東阿。

巡,敕有司建席殿。秉彝出所貯濟用,工遂速竣。帝將召之,東阿耆老百餘人詣闕自言,願 留貝令,帝許之。九載考滿入都,詔進一階,仍還東阿。嘗坐累,罰役京師。 畫,凡廢鐵、敗皮、朽索、故紙悉藏之。 暇令工匠煮膠、鑄杵、擣紙、絞索貯於庫。 會成祖北 積潦爲田害。

秉彝相視高下,鑿渠,引入大淸河,涸之,得沃壤數百頃,民食其利。

尤善綜 獄,能以禮義導民。歲大侵,上平糴備荒議。帝從之,班下郡縣如東阿式。邑西南有巨浸, 三罰三代,乃復官。 民競代其役,

秉彝爲吏明察而仁恕。 素善飲,已仕,遂已之。 宣德元年卒官。

歙縣知縣江西樂平石啓宗,皆有惠利,民率懷思不忘云。 時龍溪知縣南昌劉孟雍、鄒縣知縣龍溪朱琉、建安知縣崑山張準、婺源知縣建安吳春、

嚴州 月,盜屛跡。 知府。 萬觀,字經訓,南昌人。 府東境七里瀧,有漁 乃勵學校,勸農桑,奏減織造,以銀代絲稅,民皆便之。 弱冠成永樂十九年進士。 舟數百艇,時剽行旅。觀編十舟爲一甲,令畫地巡警。不匝 帝少之,令歸肄學。 九年考績,治行爲海內 尋召爲御史,改

已,芝,非吾事也。」考滿,擢山東布政使,卒於官。 補平陽府, 政績益茂。 有芝生堯祠棟上, 士民皆言使君德化所致。 第一。旣以憂去,將除服,嚴州民豫上章願復得觀爲守,金、衢民亦上章乞之。朝廷異焉, 觀日:「太守知奉職而

掛舟舵,推問,則里無賴子所沉者。遂俱伏法,邑民以爲神。 蛇卽出,遣隸尾之,入餅肆爐下。發之,得僵屍,蓋肆主殺而瘞之也。又常行江中,有死人 於册,以次簽役,役乃均。嘗視事,有蛇升階,若有所訴。宗人曰:「爾有冤乎?吾爲爾理。」 |錢塘知縣。縣爲||浙江省會,徭重,豪有力往往搆黠吏得財役貧民。|宗人令民自占甲乙,書 范家港引浦水入海,禁瀕海民毋作壩以遏其流。帝令赴原吉所自效。工竣,原吉薦之,授 葉宗人,字宗行,松江華亭人。永樂中,尚書夏原吉治水東南。宗人以諸生上疏,請濬

年督工匠往營北京,卒於塗,新哭之累日。 |新歎息,攜少許去。明日召宗人共食,飲至醉,用儀仗導之歸。 時呼爲「錢塘一葉清」。十五 按察使周新,廉介吏也,尤重宗人。一日,伺宗人出,潛入其室,見廚中惟銀魚腊一聚。

郎中。 勸民及時嫁娶,革其爭財之俗。數上書論事,被詔徵入都,又論時政得失,忤旨下吏。 侍諸王講讀。 復官,奏発逋負。 王源,字啓澤,龍巖人。 遷衞府紀善,移松江同知,奏捐積逋數十萬石。 歲饑,輒發粟振救,坐是被逮。 永樂二年擢進士,授庶吉士。 **民爭先輸納,得贖還。** 改深澤知縣。 以母老乞歸養,服闋,除刑部 召爲春坊司直郎, 修學舍,築長隄, 會赦

留不獲,祠祀之。 以築橋建亭為源罪。 民爲約正、約副、約士,講肄其中,而時偕僚宋董率焉。 獲石骷髏,怪途息。 久半圮壞,源斂民萬金重築之。 英宗踐阼,擇廷臣十一人爲知府,賜宴及敕,乘傳行。 乃琢爲碑,大書「潮州知府王源除怪石」。 逮至京,罪當贖徒。 以其餘建亭、設先聖、四配、十哲像。 潮人相率叩闇, 乃復其官。 西湖山上有大石爲怪,源命鑿之,果 源得潮州府。 會杖一民死,民子訴諸朝,并 **外之,乞休。** 刻藍田呂氏鄉約, 城東有廣濟橋,歲 |潮人奏

翟溥福,字本德,東莞人。 永樂二年進士。 除靑陽知縣。 九華虎爲患, 薄福檄山神,

虎卽殄。久之,移新淦,遷刑部主事,進員外郎,爲尚書魏源所器。 正統元年七月詔舉廷臣

堪爲郡守者,源以溥福應,乃擢南康知府。

鹿書院廢,溥福倡衆興復,延師訓其子弟,朔望躬詣講授。 閱實,杖而遣之。 先是、歲歉、民擅發富家栗、及收取漂流官木者、前守悉坐以盜、當死者百餘人。 地濱鄱陽湖,舟遇風濤無所泊,爲築石堤百餘丈,往來者便之。 廬山白 溥福

之,又配享白鹿書院之三賢祠。 其去。」懇請累日,乃許之。辭郡之日,父老爭贐金帛,悉不受。 考績赴部,以年老乞歸。侍郎趙新嘗撫江西,大聲曰:「翟君此邦第一賢守也, 三賢者,唐李渤,宋周敦頤、朱熹也。 衆挽舟涕泣,因建祠湖堤祀 胡可聽

之。 浮征三之二,兩邑便之。 動 以千計。 且令書其民勤惰善惡 李信圭,字君信,泰和人。 前令請得沭陽五百 俗好發塚縱火,信主設敎戒十三條,令里民書於牌,月朔望儆戒 以聞 ,俗爲之變。 人爲助,然去家遠,艱於 洪熙時舉賢良,授淸河知縣。 、衣食。 縣瘠而 信主請免其助役,代輸清 衝,官艘日相銜 役夫

宣德三年上疏言 列 傅 第 百 大 + 「本邑地廣人稀,地當衝要,使節絡釋,日發民挽舟。 九 循 吏 丁壯旣盡,役及

老稚 亦蒙其澤。 縣悉令軍民挽舟,若無衞軍則民夫盡出有司,州縣歲發二三千人,晝夜以俟。 有 可憫傷。 分別雜泛差役,一 衣糧,俾受寒餒。 舟至四五十人者。 ,妨廢農桑。 請自儀眞抵通州,盡免其雜徭,俾得盡力農田,兼供夫役。」帝亦從之。 體派及。 乞申明前令,哀此憚人。」從之。 前年兵部有令,公事亟者舟予五人,緩者則否。 凶威所加,誰敢詰問。 致土田荒蕪,民無蓄積。 或遇快風,步追不 八年春,又言:「自江、淮達京師,沿 稍遇歉歲,輒老稚相攜,緣道乞食,實 及,則官舫 今此令不行,役夫無限, 人役沒其所齎 而上官又不 自是,他郡 河郡

歲辦 年冬,尚書金濂薦擢處州知府,其在淸河已二十二年矣。 卒於官。 論死八人。 百頃,爲淮安衞卒所奪,民代輸租者六十年。 物件及軍匠廚役、濬河人夫,報可。 正統元年用侍郎章敞薦,擢知蘄州。 清河民爲立祠祀之。 信主奏之,発六人。 天久雨,淮水大溢,沒廬舍畜產甚衆。 南北往來道死不葬者,信圭爲三大塚瘞之。 清河民詣闕乞留,命以知州理縣事。 信圭奏之, 處州方苦旱,信圭至輒雨。 韶還民。 饑民攘食人一 信圭奏請振貸,弁停 民有湖 牛, 未幾, 御史 田 數

自明興至洪、宣、正統間,民淳俗富,東易爲治。 而其時長吏亦多勵長者行,以循良見

稱。其秩滿奏留者,不可勝紀,略舉數人列於篇。

孫浩、永樂中知邵陽、遭喪去官。洪熙元年,陝西按察使頌浩前政、請令補威寧。

嘉歎,即命起復。久之,超擢辰州知府。

蹇義以聞,言長淸別除知縣已久,卽如民言,又當更易。帝曰:「國家置守令,但欲其得民 薛愼知長淸,以親喪去。洪熙元年,長淸民知愼服闋,相率詣京師乞再任。吏部尚書

心,苟民心不得,雖屢易何害。」遂還之。

吳原知吳橋,洪熙中,九載考績赴部。縣民詣闕乞留,帝從之。

陳哲知博野,以舊官還職,解去。宣德元年,部民懇訴於巡按御史,乞還哲。 御史以

聞、報可。

暢宣知泰安,以母憂去。 民頌於副使鄺埜,以聞,仁宗命服闋還任。宣德改元,宣服

闋,吏部以請。帝曰:「民欲之,監司言之,固當從,況有先帝之命乎。」遂如 其詩

劉伯吉知碭山,以親喪去。服除,碭山民守闕下,求再任。吏部言新令已在碭山二年

帝曰:「新者勝舊,則民不復思。今久而又思,其賢於新者可知矣。」遂易之。

二年詔求賢,有以公朝薦者,寧陽人聞之,又相率叩閽乞公朝。帝顧尚書蹇義曰:「公朝去 孔 公朝,永樂時知寧陽,坐與同僚飲酒忿爭,並遣戍。部民屢叩閽乞還,皆不許。 宣德

列傳第

百六十九

寧陽已二十餘載,民奏乞不已,此非良吏耶?可卽與之。」

郭完知會寧,爲奸人所訐被逮。 里老伏闕訟冤乞還,帝亦許之。

徐士宗知貴溪,宣德六年三考俱最。 民詣闕乞留,詔增二秩還任。

郭南知常熟,正統十二年以老致仕。 父老乞還任,英宗許之。

張璟知平山 ,秩滿,士民乞留,英宗命進秩復任。 景泰初,母憂去。 復從士民請,奪情

視事。

徐榮知藁城,親喪去官。 服闋,部民乞罷新令而還榮,英宗如其請。 景泰初,秩滿。 復

徇民請,留之。

何 澄知安福,被劾。民詣闕乞留,英宗命還任。 乃築寅陂,浚渠道,復密湖之舊,大興

水利。秩滿當遷,侍講劉球爲民代請,帝復留之。

田玉 知桐鄉,丁艱去。 英宗以部民及巡撫周忱請,還其任。

其他,若內丘馬旭、桐廬楊信、北流李禧、洋縣王黼、保安張庸、獲鹿吳韞、扶風宋端,皆

當宣宗之世,以九載奏最。爲民乞留,卽加秩留任者也。時帝方重循良,而吏部尚書蹇義

尤慎擇守令,考察明恕。沿及英宗,東治淳厚,部民奏留率報可

然其間亦有作奸者。 永寧稅課大使劉迪刲羊置酒,邀者老請留。 宣宗怒,下之吏。漢

中同知王聚亦張宴求屬吏保奏爲知府。 事聞,宣宗幷屬吏罪之。 自後,部民奏留,率下所

司 覈實 云

喜,曰:「鍾能知宗璉,亦賢矣。」由是知鍾,而擢宗璉南京大理丞。 外吏、鍾舉京官、何也。」對曰:「宗璉賢、臣與侍讀學士王直將舉之,不意爲鍾所先耳。」帝 位,擢左中允。 張宗璉,字重器,吉水人。 會詔朝臣舉所知,禮部郎中況鍾以宗璉名上。 永樂二年進士。改庶吉士、授刑部主事、錄囚廣東。 帝問少傅楊士奇曰:「人皆舉 仁宗卽

恕。 旨,謫常州 **連數爭之。** 至是見立暴橫,心積不平,疽發背卒。 宣德元年詔遣吏部侍郎黃宗載等十五人出釐各省軍籍,宗璉往福建。 同知。 立怒,宗璉輒臥地乞杖,曰「請代百姓死」,免株累甚衆。初,宗璉使廣東,務廉 朝遣御史李立理江南軍籍,檄宗璉自隨。 常州民白衣送喪者千餘人,爲建祠 立受點軍詞,多逮平民實伍,宗 明年坐奏事件 君 山

宗璉蒞郡,不攜妻子,病亟召醫,室無燈燭。 童子從外索取油一盂入,宗璉立却之,其

清峻如此。

李驥,字尚德,郯城人。舉洪武二十六年鄉試。 入國學,居三年,授戶科給事中。 時關

市譏商旅,發及囊篋,驥奏止之。尋坐事免。

驥。驥禱城隍神,深自咎責。明旦,狼死於其所。侍郎李昶等交薦,擢刑部郎中。 餘事,多見採納。 數四,不許。永樂初,服闋,改知東安。事有病民,輒奏於朝,罷免之。有嫠婦子齧死,訴於 建文時,薦起新鄉知縣,招流亡,給以農具,復業者數千人。內艱去,官民相率奏留者 坐累, 謫役保安。

肇慶則 帝乃切賣禮,而復驥官。其年十一月,擇廷臣二十五人爲郡守,奉敕以行。驥授河南知府, 鄭路,四撫州則大理寺正王昇,後皆以政績著。 高祥盜倉栗,驥執而鞫之。祥父妾言,祥與張貴等同盜,驥受貴等賄故獨罪祥。 施禮遂論驥死。 洪熙時,有詔求賢,薦爲御史。陳經國利民十事,仁宗嘉納。 給 事中王罃,〔三瓊州則戶部郎中徐鑑,汀州則禮部員外郎許敬軒,寧波則刑部主事 |驥上章自辨,帝曰:「御史旣擒盜,安肯納賄!」命偕都察院 再訊,驥果枉。 宣德五年巡視倉場,軍 刑部侍郎

教文、振木鐸以徇之。 河南境多盜 ,驥爲設火甲,一戶被盜,一甲償之。 自是人成改行,道不拾遺。 郡有伊王府、王數請囑、不從。 犯者,大署其門曰盜賊之家。 中官及校 又為勸

卒虐民,又爲驥所抑,恨甚。 及冬至,令驥以四更往陪位行禮。 及驥 如期往,誣驥後期,執

而 桎梏之,次日乃釋。 驥奏聞,帝怒,貽書讓王,府中承奉、長史、典儀悉逮置於理

|驥持身端恪,晏居雖几席必正。 蒞郡六年卒,年七十。 士民赴弔、咸哭失聲。

王罃,鄞人,起家舉人。 居肇慶九年,進秩二等,後徙知西安。

徐鑑,宜興人。在瓊四年卒,郡人祀之九賢祠。

許敬 軒,天台人。 起家國子生。 守汀時糾參政陳羽貪暴,宣宗爲逮治羽。

爭賻之。

情復任。 鄭珞,臣閩縣人。 嘗劾中使呂可烈無狀,帝爲誅可烈。 起家進士。守寧波,以艱去。 久之,擢浙江參政。 會海寇入犯,民數千詣闕乞留,詔奪

龍溪人。 起家進士。 在郡九載,以部民乞留,增秩還任。 以疾歸。

所取,訓誡吏民若家 李湘,字永懷,泰和人。 人然。 城東有大村壩,源出岱嶽,雨潦輒爲民患,奏發丁夫隄之。 永樂中,由國子生理刑都察院。 以才擢東平知州,常祿外一 州 無

列

聞,下刑曹閱實,乃復湘官,而抵奸人於法 苛斂民財,訐於布政司。 人復奔伏闕下,發奸人誣陷狀。及布政司繫湘入都,又有耆老九十人隨湘訟冤。 及所轄五邑,地多荒蕪,力督民墾闢,公私皆實。會舊官還任,將解去。民羣乞於朝,帝從 成祖晚年數北征,令山東長吏督民轉餉,道遠多死亡,惟東平人無失所。奸人誣湘 縣民千三百人走訴巡按御史暨布、按二司,力白其冤。 耆老七十 通政司以

老幼,泣送數十里。 蒞州十餘年,至正統初,詔大臣舉郡守,尚書胡濙以湘應,遂擢懷慶知府。 懷慶有軍衞,素挾勢厲民。 湘隨時裁制、皆不敢犯。 居三年卒。 東平民扶攜

未上,擢兵部主事,進員外郎。 趙豫、字定素、安肅人。燕王起兵下保定、豫以諸生督賦守城。 內艱,起復。洪熙時進郞中。 永樂五年授泌陽主簿,

姓。 吏員十之五。 配之邊,衆遂帖然。 稍辨,則酷刑榜掠。 宣德五年五月簡廷臣九人爲知府,豫得松江,奉敕往。 巡撫周忱有所建置,必與豫議。 一意拊循,與民休息。 人情大擾,訴枉者至一千一百餘人。 擇良家子謹厚者爲吏,訓以禮 及清軍御史李立至, 專務益軍, 勾及姻戚同 時衛軍恣橫,豫執其尤者,杖而 鹽司勾竈丁,亦累及他戶,大 法。 均徭節費,減

爲民害。 豫皆上章極論之,咸獲蘇息。 有詔減蘇、松官田重租,豫所轄華亭、上海二縣,減

去十之二三。

靜如一日。 大計羣吏,始舉卓異之典。豫與寧國知府袁旭皆預焉,賜宴及襲衣遣還。 正統中,九載考績。民五千餘人列狀乞留,巡按御史以聞,命增二秩還任。 去郡,老稚攀轅,留一履以識遺愛,後配享周忱祠 在職十五年,清 及十年春,

方豫始至,患民俗多訟。 訟者至,輒好言諭之曰:「明日來。」衆皆笑之,有「松江太守明

日來」之謠。及訟者踰宿忿漸平,或被勸阻,多止不訟。

始與豫同守郡者,蘇州況鍾 、常州莫愚、吉水陳本深、溫州何文淵、杭州馬儀、西安羅以

禮、建昌陳鼎、並皦皦著名績、豫尤以愷悌稱。

是時,列郡長東以惠政著聞者:

湖州 知府祥符趙登,秩滿當遷。 民詣闕乞留,增秩再任,自宣德至正統,先後在官十

七年。

登同里岳璿繼之,亦有善政,民稱爲趙、岳。

淮安知府南昌彭遠被誣當罷,民擁中官舟,乞爲奏請,宣帝命復留之。

(K) 正統六年超

列傳第一百六十九 循吏

擢廣東布政司。

荆州知府大庾劉永遭父喪,軍民萬八千餘人乞留,英宗命奪情視事。

鞏昌知府鄞縣戴浩擅發邊儲三百七十石振饑,被劾請罪,景帝原之。

徽州 知府孫遇秩滿當遷,民詣闕乞留,英宗令進秩視事。先後在官十八年,遷至河南

布政使。

惟袁旭在寧國爲督學御史程富所誣劾,逮死獄中。 而寧國人情之,立祠祀焉。

曾泉,泰和人。 永樂十八年進士。 選庶吉士,改御史。 宣德初,都御史邵玘甄別屬僚,

泉謫汜水典史,卒。

廷恩澤滂流,物咸得所。 矣、民懷其惠、言輒流涕、雖古循吏,何以加茲。 督民關荒土,收穀麥,伐材木,備營繕,通商賈,完逋責,官有儲積,民無科擾。 槨,贍民器用。 正統四年,河南參政孫原貞上言:「泉操行廉潔,服官勤敏,不以降黜故有偸惰心。 百姓婚喪不給者,咸資於泉。死之日,老幼巷哭。 雖在異代,猶宜下詔褒美。 若使海內得泉等數十人分治郡邑,可使朝 而獎錄未及,官階未復,使泉終蒙貶謫 臣行部汜水,泉沒已三年 造舟楫、置棺 躬

之名,不獲顯於當世,良可矜恤。 請追復泉爵,褒旣往以風方來。」帝從之。

瓜生連枝,有白兔三,馴擾墓側。鄉人莫不高其行。 外艱去,服闋,起知汝州。 三百四十有六區。正統五年三考報最,當遷。邑人頌德乞留,御史以聞,朝廷許之。 范夷,字恭肅,豐城人。永樂十九年進士。除壽昌知縣。關荒田二千六百畝,興水利 吏部尚書王直察舉天下廉吏數人,衷爲第一。性至孝,廬父墓, 尋以

董敏、王允相讐殺,詔濟督官兵進討。 濟曰:「朝廷綏安遠人,宜先撫而後征。」 馳檄諭之, 敕濟往廉之。濟變服負薪入其宅,盡得不法狀,還報,帝大嘉之。 宣德時,授江西都司斷事。 周濟,字大亨,洛陽人。 永樂中,以舉人入太學,歷事都察院。都御史劉觀薦爲御史,固 艱歸,補湖廣。 正統初,擢御史。 已,巡按四川。 大同鎭守中官以驕橫聞, 威州土官

+ 列 年出爲安慶知府。 傳 第 百 六 + 九 循 歲比不登,民間鬻子女充衣食,方舟而去者相接。 吏 七二〇七 濟借漕糧以 遂解

振,而 禁鬻 子 女 者。 且 上疏請免租,詔許之,全活甚衆。 又爲定婚喪制 禁侈費, 愆嫁 **葬期**

者有罰,風俗一變。

當 代爾償。」掠者逐解散。 饑民 聚掠富家粟,富家以盗劫告。 濟卒官,民皆罷市巷哭云。 濟下令曰:「民饑故如此, 然得穀當報太守數,

東, 帝 正 罪,械送京師。 冰,按其人姓名皆妄,事得白。 吏 節 乃釋 誣 聞 枉。 公費代償九十餘匹, 范希正,字以貞,吳縣人。 之。 希 侍郎 IE 因請 使還縣。 許廓以 吏反 升曹 誣希正 縣爲州,而 公事 正 統 逃者皆復業。 十年,山 過曹,曹父老二百餘人遮道 他 事,坐逮。 治曹二十三年,歷 宣德 以 東饑。 希 三年舉賢良方正,授曹縣知縣。 E 爲 吉水人誣曹富民殺其兄, 曹民 惟 知 州 曹以希正 八百餘人詣京白通政 從之。 知 州 先積粟,得無患。 稽顙,泣言朝 ,再考乃致仕。 時州民負官馬不能償, 連 廷 司、言希正 有奸 坐 奪我賢令。 甚 大 吏受赇,希正按其 衆。 理寺丞 廉 希正密移吉 多 能,横 逃竄 張 事 驥 並 振 爲奸 希 Щ

知 州 王約、皆大著聲績。 當是時,潞州 知 州咸寧燕雲、徐州 **秘、健進秩視事,約賜詔旌異。** 知州 楊秘、全州 知州錢塘周健、霸州知 需件太監 王振 戍邊,人尤惜之。 州 張需、定州 而

得民最久者,無若希正與寧州知州劉綱。

即大學士字也。 酒饌,人以爲榮。 綱,字之紀,禹州人。 正統 中,請老去,民送之,娣泣載道。 建文二年進士。 由府谷知縣遷是職。 及卒,寧民祀之狄仁傑祠 蒞州三十四年,仁宗嘗賜 中。 **其孫**,

請悉徵還四方監軍,罷天下佛老宮。 民講誦。 段堅,字可大,蘭州人。 俗素陋,至是一變,村落皆有絃誦聲。 早歲受書,卽有志聖賢。 疏奏,不行。 五年成進士,授福山知縣。 舉於鄉, 入國子監。 景泰元年上書, 刊布 小 學,俾

送者,踰境不絕。 儒遺書。 學官,具告以古人爲學之指,使轉相勸誘。 成化 建節義祠,祀古今烈女。 初,賜敕旌異,超擢萊州知府。 及聞其卒,立祠,春秋祀之。 訟獄徭賦,務底於平。 期年,化大行。以憂去,服除,改知南陽。 創志學書院,聚秀民講說五經要義,及濂、洛諸 居數年,大治,引疾去。 士民號泣 召州縣

堅之學,私淑 列 傳 第 百 河東薛瑄,務致知而踐其實,不以諛聞取譽,故能以儒術飾吏治。 六 + 九 循 吏

了 炅,進士,翰林檢討。 諂附焦芳,劉瑾敗,落職,隤其家聲焉。

之。子沂,官侍講,見文苑傳。 帛,不受。請王故殿材修岳麓書院,王許之。 便之。鋼病,民爭籲神,願滅己算益鋼壽。遷長沙通判,監修|吉王府第。工成,王賜之金 不爲害。南山厓官道數里,徑窄甚,行者多墮厓死。 殺以歌古哀詞、民俗漸變。 縣城當沅、湘合流,數決,壞廬舍。 陳鋼,字堅遠,應天人。舉成化元年鄉試,授黔陽知縣。 弘治元年丁母憂歸。卒,黔陽、長沙並祠祀 鋼積薪燒山,沃以醯,拓徑丈許,行者 鋼募人採石甃隄千餘丈,水 楚俗,居喪好擊鼓歌舞。 鋼

家子墮業,聚廡下,使日誦小學書,親爲解說,風俗大變。 追券焚之,且收捕繫獄,由是權豪屛跡。申洪武禮制,參以朱子家禮,擇耆老誨導百姓。 以 風化爲本,而主於愛民。中貴梁芳,邑人也,其弟長橫於鄉,責民逋過倍,復訴 丁積,字彥誠,寧都人。成化十四年進士。授新會知縣,至卽師事邑人陳獻章。 於積。 爲政 積

列傳第一百六十九 循吏

女。 日,雨大澍。 積 民出錢輸官供役,名均平錢。 一切杜絕。 而積遂得疾以卒,士民聚哭於途。 俗信巫鬼,爲痛毀淫祠。 其後更貪,復令甲首出錢供用,曰當月 旣而歲大旱,築壇圭峯頂。 有一嫗夜哭極哀,或問之,曰:「來歲當甲 昕夕伏壇 錢,貧 者至 下 者 鬻子 八

首

,丁公死,吾無以聊生矣。」

田鐸,字振之,陽城人。成化十四年進士。授戶部主事,遷員外郎、郎中。

告歸。 訝之。 所據,鐸悉以還民。建大小二十四橋,又鑿三溪山,以便行者。 弘治二年奉詔振四川,坐誤遺敕中語,謫蓬州知州。 已,乃知州無冤民也,太息而去。薦於朝,擢廣東僉事。 州東南有江洲八十二頃,爲豪右 御史行部至蓬,寂無訟者, 遷四川參議,不赴,以老疾

鐸不聽,行次九江卒,年八十二矣。 正德時,劉瑾矯詔,言鐸理廣東鹽法,簿牒未明,逮赴廣。 未就道而 選誅,或勸繹毋行,

僕飯蔬豆羹以居。 唐侃,字廷直,丹徒人。正德八年舉於鄉,授永豐知縣。之官不攜妻子,獨與一二童 久之,吏民信服。<u>永豐俗刁</u>訟,尚鬼,尤好俳優,侃禁止之。

刑部主事,卒。 中,奄迫之急,則紿至棺所,指而告之曰:「吾辦一死,金錢不可得也。」諸奄皆愕眙去。 承天,諸內奄迫脅所過州縣吏,索金錢,宣言供張不辦者死,州縣吏多逃。 力爭之。又有議徙州境徒駭河者,侃復言不宜朘民財塡溝壑。事並得寢。 進武定知州。 會清軍籍,應發遣者至萬二千人。侃曰「武定戶口三萬,是空半州也」, 侃置空棺旁舍 章聖皇太后葬 稍遷

父獲宥,乃止。 初,侃少時從丁璣學。 其操行貞潔,蓋性成也。 鄰女夜奔之,拒勿納。其父坐繫,侃請代不得,藉草寢地。逾歲,

始至,新學宮,廣設社學。 部郎中遷德安知府,尋移紹興。 湯紹恩,安岳人。父佐,弘治初進士。 歲大旱,徒步禱烈日中,雨卽降。 爲人寬厚長者,性儉素,內服疏布,外以父所遺故袍襲之。 仕至參政。 紹恩以嘉靖五年擢第。 緩刑罰,恤貧弱,旌節孝,民情 十四年由戶

大和[°]

列 傳 第 百 六 + 九 循 吏

特嚴。

訟者

,抶不過十。

字 矣。 扼 以 怨 果 行 沙 潮 應 讀 有 水 汝承,其後果驗。 不 列 煩 石 道,至三江 能 初 川 士民德之,立廟 宿 驟 興。 陰、會稽、 脈 不 紹恩之生也,有峨嵋僧過其門,曰:「他日地有 横 洩, 為閘 紹 瓦 於內為 良 恩 兩 患。 口 田 不 Щ 蕭山 盡 , 爲 間 備閘三,日 見 刻水 成 閘左,歲時奉祀不絕。 ,遂興工。 兩 動,禱於 三邑之水,匯三江口 巨浸, 山對峙,喜曰:「此下必有石根, 則石間, 當 經 海 事者不得已決塘以 凄, 神,潮 先投以鐵石 俾後 目 撞 不 人相 塘,日 至者累日, 入海,潮汐 屢遷山 水勢以時 ,繼以籠盛甃屑沉之。 平水,以防大閘之潰。 東右布政使,致仕 瀉 工 日至,擁 啓閉。 之。 稱紹者, 逐竣。 余其於此 塘決 自是,三 沙積 修五 將承是兒恩乎?」 則 建閘 憂旱, 如 + 工未 歸,年九十七而 丘 ·餘尋, 邑方數百 閘 乎! 凌。 半、潮 外築石隄 歲苦修築。 爲閘 募善水者探之, 遇霆潦,則 衝 里 因名紹思, 三十 蕩 四 間 不 卒。 無水 百 紹 ·有八, 能 除丈 恩遍 水阻 就, 患

九 思 徐九 摘 其 奸 思 論 貴溪 如 法。 人。 嘉靖中,授句容知縣。 郡 吏 為 叩頭請,不許,於是人人惴 始視事,恂恂若不能。 恐。 爲治於 俄有 單赤務加 吏袖空牒竊印者, 恩,而御豪猾

諸所催科,預爲之期,逾期令里老逮之而已,隸莫敢至鄉落。

縣東

以去,其山谷遠者,則就旁富人穀,而官爲償之,全活甚衆。 雖平價不能糴。」乃以時價糶其半,還直於官,而 貴醮神三茅山,縣民苦供應。 其賢,特留之。 侵,穀湧貴。 蠲 通衢七十里,麈土積三尺,雨雪,泥沒股。 租賜復,第在吾曹酌緩急而已。」久之,與應天府尹不合,爲巡撫所劾,吏部尚書熊浹知 巡撫發倉穀數百石,使平價糶而 九思搜故牒,有鹽引金久貯於府者,請以給賞,民 九思節公費, 償直於官。 以餘穀煮粥食餓者。 九思曰:「彼糴者, 甃以石, 行旅便之。 嘗曰:「卽天子布大惠, 穀多,則 皆豪也。 使稱 朝廷數遣 無所擾。 安能 力分負 貧民 歲 中

遣 **搆之,遂坐九思老,致仕。** 所限而不至於涸。 田 思。 茅山迎我」,遂卒。子貞明,自有傳。 吏齎牒往謁,文華嫚罵 積九載,遷工部主事,歷郎中,治張秋河道。 九思議築減水橋於沙灣,俾二水相通,漕水溢,則有所洩以入海, 工成,遂爲永利。 句容民爲建祠茅山。 而去。 會遷高州知府。 時工部尙書趙文華視師 九思家居二十二年,年八十五,抱疾,抗手 漕河與鹽河近而不相接, 漕水溢則泛濫爲 文華歸,修舊怨, 東南, 道河上。 與吏部尚書吳鵬合謀 而不 ·侵田,少則有 九思不出迎,

應天 通判,進治中,先後凡八年。 龐嵩,字振卿 南海 人。 嘉靖十三年舉於鄉。 府缺 尹,屢攝其事。 講業羅浮山,從遊者雲集。 始至,值歲饑,上官命督振。 二十三年歷 公粟竭,

貸之巨室富家,全活者六萬七千餘人。 乃蠲積逋,緩征徭,勤勞徠,復業者又十萬 餘 人。

隄築防,得田三千六百畝,立惠民莊 戶,俾悉出以供役,民困大蘇。 留都民苦役重,力為調劑,凡優発戶及寄居客戶、詭稱官戶、寄莊戶、女戶、神帛堂匠 江寧縣葛仙、永豐二鄉,頻遭水患,居民止存七戶。 四,召貧民佃之,流移盡復。 屢剖冤獄,戚畹王湧、舉人 嵩爲治

趙君

龍占良人妻,殺人,嵩置之法。

志,時議稱之。 京府佐貳鮮有舉其職者,至嵩以善政特聞。 疏請止之,遂爲永制。 早遊 王守仁門,淹通五經。集諸生新泉書院,相與講習。 應天、曲靖皆祠之名宦,葛仙鄉專祠祀之。 遷雲南曲靖知府,亦有政聲。中察典,以老罷,而年僅五十。復從湛若水游, 遷南京刑部員外郎,進郎 府官在六年京察例,而復與外察。 中。 撰原刑、司刑、祥刑、明刑四篇,日 歲時單騎行縣,以壺漿自隨。 嵩謂: 非體, 刑曹

張淳,字希古,桐城人。 列 傳 第 百 六 + 九 隆慶二年進士。授永康知縣。 循 吏 吏民素多奸點,連告罷七令。

淳 兩 至, 造 如 日 刼 夜 至 閱 , 案牘 片晷 分析無留滯。 訟者數千人,剖 鄉民 決 裹飯 如流,吏民大駭服,訟浸減。 包即 可 基訟, 因 呼爲 張 凡 赴控者,淳即示 一包」,謂其敏 斷 審 如 期, 包

拯

也。

月 復 聞 十 淳言 耳。 敎 檄。 之請 巨 以告十八,十八意自安。 及 盗盧十八剽庫金,十餘年不獲,御史以屬淳。 橡 以婦代 累下 淳陽 、繋、而 笑 己出營貲 曰:「盜遁 以償。 淳乃令他役詐告吏負金,繫 人矣,安從捕。」寢不行**。** 十八聞,亟往視婦 淳刻期三月必得盜,而請御史月下數 因 東獄。 吏某婦與十八 醉而 擒之。 密召 . 吏責 及 通, 吏頗爲 報 以 御 通 史, 盜 死 耳目 僅 罪, 兩

服辜。 甫 者 淳 就 淳 勸 車,顧 誠 民 佯 永 備至,貧無力者捐俸量給, 有 取 人駭 睚 死 其下曰:「某盜 眦 囚 其事,謂有神告。 嫌,輒以 杖 殺之,而 人命訟。 已來,去此 榜其罪曰「是劫米者」, 淳曰:「此盜 淳驗無實即 全活 數里,可爲我縛來。」如言跡之,盜正濯足於 無數。 捕之急則遁, 坐之,自是無誣訟者。 歲旱,劫掠公行 衆皆懾服。 今聞吾去乃歸耳。 ,下令劫奪者死。 **外之**, 永 以治行第 人 貧,生 以 河,繁至, 女 理 有 赴召 奪五斗米 多 ۲, 不 去永, 何 舉。 神 盗

擢 禮部主事,歷郞中,謝病去。 起建寧知府,進浙江副使。 時浙江有召募兵,撫按議散

之,兵皆洶洶。淳曰:「是憍悍者,留則有用,汰則叵測。不若汰其老弱,而留其壯勇,則留 者不思亂,汰者不能亂矣。」從之,事遂定。官終陝西布政。

茂著。 利。 其中。 知府丘度慮幼學得禍,言於撫按,調繁中牟。秋成時,飛蝗蔽天。幼學捕蝗,得千三百餘 紡者,授紡車八百餘輛。置屋千二百餘間,分處貧民。建公廨八十間,以居六曹吏,俾食宿 根深難墾。令民投牒者,必入草十斤。未幾,草盡,得沃田數百頃,悉以畀民。有大澤,積 石,乃不爲災。 縣故土城,卑且圮。 給饑民粟,俾修築,工成,民不知役。 以備荒,墾萊田八百餘頃,給貧民牛五百餘頭,覈黃河退地百三十餘頃以賦民。里婦 水,占膏腴地二十餘里。 幼學疏爲河者五十七,爲渠者百三十九,俱引入小淸河,民大獲 大莊 陳幼學,字志行,無錫人。萬曆十七年進士。授確山知縣。政務惠民,積粟萬二千石 布政使劉渾成弟燦成助妾殺妻,治如律。行太僕卿陳耀文家人犯法,立捕治之。 節公費六百餘兩,代正賦之無徵者。栽桑楡諸樹三萬八千餘株,開河渠百九十八道。 以不 諸里多水,爲築隄十三道障之。給貧民牛種,貧婦紡具,倍於確山。越五 通權貴,當考察拾遺,掌道御史擬斥之,其子爭曰:「兒自中州來,咸言中牟治行 縣南荒地多茂草, 年,政績 不能

無雙。今予殿,何也。」乃已。

嘉興 人袁黃妄批削四書、書經集註,名曰删正,刊行於時。 稍遷刑部主事。中官採御園果者,怒殺園夫母,棄其屍河中。 幼學駁正其書,抗疏論列。 幼學 具奏,逮置之法 疏雖

留中,鏤板盡毀。以員外郎恤刑幾輔,出矜疑三百餘人。進郎中。

視郡 敏置諸獄。 萬有奇。 己去陞必復逞,遂捕置之死,一郡大治。 廷圭,幼學言之御史,疏劾之,下獄。他奸豪復論殺數十輩,獨楊陞畏禍斂跡,置之。 事。 遷湖州知府,甫至,即捕殺豪惡奴。 御史將薦之,徵其治行,推官閻世科列上三十六事,御史以聞。 敏路貴人囑巡撫檄取親鞫,幼學執不予,立杖殺之。敏獄辭連故尚書潘 **霪雨連月,**禾盡死。 有施敏者士族子,楊陞者人奴也,横郡中。 幼學大舉荒政,活饑民三十四 詔加按察副使,仍 幼學執 季馴子 已,念

啓三年起南京光祿少卿,改太常少卿,俱不赴。 久之,以副使督九江兵備。 幼學年已七十,其母尚在,遂以終養歸。 明年卒,年八十四矣。 母卒,不復出。 中牟、湖州並祠 天

校勘記

祀之。

S

易州判官張友聞 張友聞,原作「張有聞」,據明史稿傳一五七吳履附傳、宣宗實錄卷五洪熙元

年閏七月甲辰條、國権卷一九頁一二六六改。

丞懷寧蘇億 蘇億, 明史稿傳一五七高斗南傳、 太祖實錄卷二四八洪武二十九年十二月癸丑

條作「蘇益」。

給事中王罃 王罃,原作「王瑩」,據明史稿傳一五七李驥傳、宣宗實錄卷七二宣德五年十一月

己未條、國権卷二一頁一四〇四改。下同。卷目照改。

寧波則刑部主事鄭珞 鄭珞,原作「鄭恪」,據明史稿傳一五七李驥傳、宣宗實錄卷七二宣德五

年十一月己未條、國權卷二一頁一四〇四改。下同。

万五 鄭珞 此又作「魏恪」,顯有錯誤。「魏」字據上文改作「鄭」,「恪」字改「珞」見校勘記「智」。 原作「魏恪」。按王罃以下五附傳,卽上文所述與李驥同授知府之五人,上文作「鄭恪」,

· 公 宣帝命復留之 宣帝,當作「宣宗」。

明史卷二百八十二

列傳第一百七十

儒林一

學、儒林爲二,以明伊、雒淵源,上承洙、泗,儒宗統緒,莫正於是。 治 相表裏。 粤自司馬遷、班固創述儒林,著漢興諸儒修明經藝之由,朝廷廣厲學官之路,與一代政 後史沿其體製,士之抱遺經以相授受者,雖無他事業,率類次爲篇。 所關於世道人心者甚 朱史判道

鉅,是以載籍雖繁,莫可廢也。

網羅碩學。 化,煥乎成一代之宏規。雖天亶英姿,而諸儒之功不爲無助也。制科取士,一以經義爲先, 儒預機政,雖弗究於用,其淸修篤學,海內宗焉。 明太祖起布衣,定天下,當干戈搶攘之時,所至徵召耆儒,講論道德,修明治術,興起敎 嗣世承平,文教特盛,大臣以文學登用者,林立朝右。 吳與弼以名儒被薦,天子修幣聘之殊 而英宗之世,河東薛瑄以

列

傳

第

百七

+

儒林

禮, 前席延見, 想望風采,而譽隆於實,詬誶叢滋。 自是積重甲科,儒風少替。 白沙而後,

曠典缺如。

快、元之糟粕,論者謂科舉盛而儒術微,殆其然乎。 專門經訓授受源流,則二百七十餘年間,未聞以此名家者。經學非漢、唐之精專,性理 有明諸儒,衍伊、維之緒言,探性命之奧旨,錙銖或爽,遂啓岐趨,襲謬承譌,指歸彌遠。 傳逾百年,其敎大行,其弊滋甚。嘉、隆而後,篤信程、朱,不遷異說者,無復幾人矣。要之, 學,孤行獨詣,其傳不遠。宗守仁者曰姚江之學,別立宗旨,顯與朱子背馳,門徒徧天下,流 謹繩墨,守儒先之正傳,無敢改錯。 學術之分,則自陳獻章、王守仁始。 宗獻章者曰江門之 原夫明初諸儒,皆朱子門人之支流餘裔,師承有自,矩矱秩然。 曹端、胡居仁篤踐履,

也。 賢後裔,明代亟爲表章,衍聖列爵上公,與國終始。 考其原始,別自爲篇,附諸末簡,以備一代之故云。 今差別其人,準前史例,作儒林傳。 有事功可見,列於正傳者,茲不復及。 其他簪纓逢掖,奕葉承恩,亦儒林盛事 其先聖、先

閻 范祖幹 禹錫 周蕙等 葉儀等 胡居仁 余祐 謝應芳 汪克寬 蔡清 梁寅 陳琛 林希元等 趙汸 陳謨 羅欽順 薛瑄

潘府 曹端 楊 廉 崔 劉 吳與弼 銑 觀 孫 鼎 何 胡九韶等 . 塘 李中 唐伯元 馬 陳眞 理 晟 黄淳耀 魏校 呂柟 王應 弟淵耀 呂潛等 電 王敬臣 邵 寶 周 王問 瑛

范祖幹,字景先,金華人。 從同邑許謙遊,得其指要。 其學以誠意爲主,而嚴以愼獨持

守之功。

終。 祖幹 罰,一 稱爲純孝先生。 萬物各得其所,而後可以言治。 祖令剖陳其義,祖幹謂帝王之道,自修身齊家以至治國平天下,必上下四旁,均齊方正,使 家貧不能葬,鄉里共爲營辦,悲哀三年如一日。 以親老辭歸。 太祖 有不平, 何以服衆。 下婺州,與葉儀並召。祖幹持大學以進,太祖問治道何先,對曰:「不出是書。」太 李文忠守處州、特加敬禮,恒稱之爲師。 夫武定禍亂,文致太平,悉是道也。」深加禮貌,命二人爲諮議, 太祖曰:「聖人之道所以爲萬世法。 有司以聞,命表其所居曰純孝坊,學者 祖幹事親孝,父母皆八十餘而 吾自起兵以來,號令賞

葉儀,字景翰, 列 傅 第 百 七 金華人。 + 儒 林 受業於許謙,謙誨之曰:「學者必以五性人倫爲本,以開明心

知府王宗顯聘儀及宋濂爲五經師,非久亦辭歸,隱居養親。所著有南陽雜藁。 久自得之,不可先立己意,而妄有是非也。」太祖克<u>婺州,</u>召見,授爲諮議,以老病辭。已而 賢言行、盡於六經、四書,其微詞奧義,則近代先儒之說備矣。由其言以求其心,涵泳從容, 術、變化氣質爲先。」儀朝夕惕厲,研究奧旨。已而授徒講學,士爭趨之。其語學者曰:「聖 吳沉稱其理

父歿,舍所居宅易地以葬。學者因其自號,稱曰歸全先生。 門人何壽朋,字德齡,亦金華人。窮經守志,不妄干人。洪武初,舉孝廉,以二親俱老 明識精,一介不苟。安貧樂道,守死不變。

同邑汪與立,字師道,祖幹門人。其德行與壽朋齊名而文學爲優。隱居教授,以高壽終。

飭。疾異端惑世,嘗輯聖賢格言、古今明鑒爲辨惑編。 隱白鶴溪上。 謝應芳,字子蘭,武進人也。 **搆小室,顏曰「龜巢」,因以爲號。** 自幼篤志好學,潛心性理,以道義名節自勵。 郡辟教鄉梭子弟,先質後文,諸生皆循循雅 有舉爲三衢書院山長者,不就。及 元至正初,

久之, 江南底定,始來歸,年逾七十矣。徙居<u>芳茂山</u>,一室蕭然,晏如也。 有司徵修郡

天下兵起,避地吳中,吳人爭延致爲弟子師。

年六十有九。

禮 志,强起赴之。年益高,學行益劭。 議論必關世敎,切民隱,而導善之志不衰。詩文雅麗蘊藉,而所自得者,理學爲深。卒 達官縉紳過郡者,必訪於其廬,應芳布衣韋帶與之抗

年九十七。

疏。[1] 易則有程朱傳義音考。 方學士,執經門下者甚衆。至正問,蘄、黃兵至,室廬貲財盡遭焚掠。 業,盡力於經學。 問業於吳仲迂,志益篤。 以 雙峯問答之書,輒有悟。 洪武初,聘至京師,同修远史。 汪克寬,字德一,祁門人。祖華,受業雙峯饒魯,得勉齊黃氏之傳。克寬十歲時,父授 春秋則以胡安國爲主,而博考衆說,會萃成書,名之曰春秋經傳附錄纂 元泰定中,舉應鄉試,中選。 乃取四書,自定句讀,畫夜誦習,專勤異凡兒。後從父之浮梁, 詩有集傳音義會通。 書成,將授官,固辭老疾。 禮有禮經補逸。 會試以答策伉直見黜,慨然棄科舉 賜銀幣,給驛還。 綱目有凡例考異。 **簞瓢屢空**,怡然自得。 五年冬卒, 四

辟集慶路儒學訓導,居二歲,以親老辭歸。 梁寅,字孟敬,新喻人。 世業農,家貧,自力於學,淹貫五經、百氏。累舉不第,遂棄去。 明年,天下兵起,遂隱居教授。

先生。」寅卒,年八十二。 不害民,王道也。」其人退曰:「梁子所言,平平耳。」 後以不檢敗,語人曰:「吾不敢再見石門 勤,居官三字符也。」其人問天德王道之要,寅微笑曰:「言忠信,行篤敬,天德也。 14 局 ,四方士多從學,稱爲梁五經,又稱石門先生。鄰邑子初入官,詣寅請敎。 ,

寅在禮局中,討論精審,諸儒皆推服。 太祖定四方,徵天下名儒修述禮樂。 書成,賜金幣。 將授官,以老病辭,還。 寅就徵,年六十餘矣。時以禮、律、制度,分爲三 寅曰:「淸、愼、 結廬石門 不傷財,

澄心默坐。 之要。後復從臨川虞集游,獲聞吳澄之學。 防一再登門,乃得六經疑義千餘條以歸。已,復往,留二歲,得口授六十四卦大義與學春秋 子書讀之。 趙汸,字子常,休寧人。生而姿稟卓絕。初就外傳,讀朱子四書,多所疑難,乃盡 聞九江黃澤有學行,往從之游。 由是造詣精深,諸經無不通貫,而尤邃於春秋。 澤之學,以精思自悟爲主。其敎人,引 乃築東山精舍,讀書著述其中。 初以聞於黃澤者,爲春秋師說 雞初鳴輒起, m 不發。 取朱

八篇。又以爲學春秋者,必考左傳事實爲先,杜預、陳傅良有得於此,而各有所蔽,乃復著 三卷,復廣之爲春秋集傳十五卷。因禮記經解有「屬辭比事春秋敎」之語,乃復著春秋屬辭

左氏補注十卷。當是時,天下兵起,汸轉側干戈間,顚沛流離,而進修之功不懈。

太祖既定天下、詔修元史、徵坊預其事。 書成、辭歸。 未幾卒,年五十有一。 學者稱東

山先生。

游。 然要於至當。隱居不求仕,而究心經世之務。嘗謂:「學必敦本,莫加於性,莫重於倫,莫先 於變化氣質。 事親孝,友於其弟。鄉人有爲不善者,不敢使聞 陳謨,字一德,泰和人。幼能詩文,邃於經學,旁及子史百家,涉流探源,辨析純駁,犁 若禮樂、刑政、錢穀、甲兵、度數之詳,亦不可不講習。」一時經生學子多從之

應聘爲江、浙考試官,著書教授以終。 洪武初,徵詣京師,賜坐議學。學士宋濂、待制王禪請留爲國學師,謨引疾辭歸。

屢

進。 生,逐 爲瑄 宣德中服除,擢授御史。 十二,以所作詩賦呈監司,監 而 生 以繼 瑄。 薛瑄 師 舉河南 田 性穎 由 , 字 德 溫 憂 是盡焚所作詩 郷試第 歸 敏,甫 河津 就塾,授之詩 一,時永樂十有八年 人。 三楊當國,欲見之,謝不往。 賦,究心洛、閩 司奇之。 父貞,洪武初領鄉 書,輒 旣而 也。 成誦 淵 聞高密魏希文、海寧范汝舟深於理 源, 明年成進士。 ,日記千百言。及貞 薦,爲元氏敎 至忘 寝食。 出監湖廣銀場, 後貞 以省 諭。 1親歸。 復 母齊,夢 、改任 改官鄢陵。 日探性理諸書,學益 滎陽 居父喪,悉遵古禮。 一紫衣 瑄 學,貞 停 瑄 人謁 補 行。 鄢陵 乃並 見,已 時 年 學 禮

瑄 者ご以瑄 親 拜爵 亦 爲 講授。 無加 IF. 公朝 統 禮 初還 一對,召爲大理左少卿。三楊以用瑄出 ,謝恩私室,吾不爲也。」 其後議事 東閣,公卿見振多趨拜,<u>暄獨屹立</u>。 ,自是銜 才者樂其寬,而 朝,尚書郭璡舉爲山東提學僉事。 瑄 不才者憚其嚴,皆呼爲薛夫子。 振意,欲瑄一往見,李賢語之。 首揭白鹿洞學規,開示學者。 王振語三楊三吾鄉 誰 延 瑄正 振趨揖之, 可爲京卿 見諸 色曰:

故出 誣 服 人罪,振復諷言官劾瑄等受賄,並下獄。 指 瑄 揮某死,妾有色,振從子山欲納之,指揮妻不肯。妾遂訐妻毒殺夫,下都察院訊,已 及同 官辨其冤,三却之。 都御史王文承振旨誣瑄及左、右少卿賀祖嗣、顧惟 論瑄死,祖嗣等末減有差。繫獄待決,瑄讀 敬等

易自如。 益悲, 曰:「問今日薛夫子將刑也。」振大感動。 子三人,願一子代死,二子充軍,不允。 會刑科三覆奏,兵部侍郎王偉亦申排,乃免。 及當行刑,振蒼頭忽泣於爨下。 問故,泣

暄執置之法。召改北寺。 坐以叛,當死者二百餘人,暄力辨其誣。|文恚曰:「此老倔强猶昔。」 然卒得滅死。 屢疏告 餉,事竣,卽乞休,學士江淵奏留之。 景帝嗣位,用給事中程信薦,起大理寺丞。 蘇州大饑,貧民掠富豪粟,火其居,蹈海避罪。 景泰二年,推南京大理寺卿。 也先入犯,分守北門有功。 富豪 殺 王文以閣臣出視, 人,獄 尋出督貴州軍 久不决,

已,見石亨、曹吉祥亂政,疏乞骸骨。帝心重瑄,微嫌其老,乃許之歸。 **|亨等將置之極刑。暄力言於帝,後二日文、謙死,獲滅一等。** 英宗復辟,拜禮部右侍郎無翰林院學士,入閣預機務。王文、于謙下獄,下羣臣議,石 帝數見瑄,所陳皆關君德事。

宗之。天順八年六月卒,年七十有二。贈禮部尚書,諡文清。弘治中,給事中張九功請從 還,斯道已大明,無煩著作,直須躬行耳。」有讀書錄二十卷,平易簡切,皆自言其所得,學者 **暄學一本程、朱,其修已敎人,以復性爲主,充養邃密,言動咸可法。嘗曰:「自考亭以** 隆慶六年,允廷臣請,從祀先聖廟庭。

列

其閭。聞河津薛瑄講濂、洛之學,遂罷公車,往受業。 久之,將歸,瑄送至里門,告之曰:「爲 父幾滅性。長博涉羣書,領正統九年鄉薦,除昌黎訓導。以母喪歸,廬墓三年,詔以孝行族 其弟子閻禹錫,字子與,洛陽人。父端,舉河南鄉試第一,爲教諭,卒。禹錫方九歲,哭

學之要,居敬窮理而已。」禹錫歸,得其大指,益務力行。

皆知嚮學。成化十二年卒,年五十一。 武學,四爲同考官,超拜監察御史。督畿內學,取周子太極圖、通書爲士子講解,一時多士 **尋陞監丞,忤貴幸,左遷徽州府經歷。諸生伏闕乞留,不允。再遷至南京國子監丞,掌京衞** 天順初,大學士李賢薦爲國子學正。請嚴監規以塞奔競,復武學以講備禦,帝皆從之。

問之,應曰三吾軍士也,召役則可。若以爲師,師豈可召哉。」蓮躬送二子於其家,蕙始納贄 泉代己,命未下而卒。蕙從之久,學益邃。恭順侯吳瑾鎭陝西,欲聘爲子師,固辭不赴。或 乃研究五經。又從學安邑李泉。泉,亦瑄門人也,由舉人官淸水教諭。 讀 **【書。州人段堅,薛瑄門人也,時方講學於里。 蕙往聽之,與辨析,堅大服。 誨以聖學,蕙** 周蕙,字廷芳,泰州人。爲臨洮衞卒,戍蘭州。年二十,聽人講大學首章,惕然感動,遂 學使者歎其賢,薦

焉。 後還居泰州之小泉,幅巾深衣,動必由禮。 州人多化之,稱爲小泉先生。 以父久遊江

南不返,渡揚子江求父,舟覆溺死。

蔥門人著者,薛敬之、李錦、王爵、夏尙樸。

第一 歿,號哭徒行大雪中,遂成足疾。 爾雅 座, 事必持敬,吾以爲友。」憲宗初,以歲貢生入國學,與同舍陳獻章並有盛名。 0 跪而請敎。嘗語人曰:「周先生躬行孝弟,學近伊、洛,吾以爲 便音、思菴埜錄諸書。 敬之,字顯思,渭南人。五歲好讀書,不逐羣兒戲。 弘治九年遷金華同知。居二年,致仕,卒年七十四。 思菴者,敬之自號也。 母嗜韭,終身不食韭。成化末,選應州知州,課績爲天下 其門人呂柟最著,自有傳。 長從萬游,雞鳴候門啓,輒灑掃設 所著有道學基統、洙泗言學錄、 師。 陝州陳雲逵忠信狷 會父母相繼

衆抗章白其非辜。幼喪父,事母色養,執喪盡禮,不作浮屠法。 以齊衰不入公門,固辭。所居僅蔽風雨,布衣糲食,義不妄取。 錦,字名中,咸寧人。 舉天順六年鄉試。入國學,爲祭酒邢讓所知。 成化中選松江 巡撫余子俊欲 讓坐事下吏,錦率 同 延爲 知,卒官。 子師、錦

爵,字錫之,泰州人。 弘治初,由國學生授保安州判官,有平允聲。 其敎門人也,務以

誠敬爲本。

力行旣久,全體皆仁。舉而措之,家齊國治,聖人能事畢矣。」 於空虛,其患有二:一在所見不眞,一在功夫間斷。」嘗作進學箴曰:「誠敬旣立,本心自存。 以求靜。不知聖賢惟戒愼恐懼,自無邪思,不求靜未嘗不靜也。故卑者溺於功利,高者鶩 辭立誠之義。每言:「與吾道相似莫如禪學。後之學者,誤認存心多流於禪,或欲屛絕思慮 先,以求放心爲要,操而勿失,莫大乎敬,因以敬名其齋。端莊凝重,對妻子如嚴賓。手置 「學以爲己,勿求人知。」語治世,則曰:「惟王道能使萬物各得其所。」所著有居業錄,蓋取修 一册,詳書得失,用自程考。鶉衣簞食,晏如也。築室山中,四方來學者甚衆,皆告之曰: 胡居仁,字叔心,餘干人。聞吳與弼講學崇仁,往從之游,絕意仕進。其學以主忠信爲

而已。 然學者或有間言。居仁閣修自守,布衣終其身,人以爲薛瑄之後,粹然一出於正,居仁一人 主白鹿書院。過饒城,淮王請講易傳,待以賓師之禮。是時吳與弼以學名於世,受知朝廷, 不細。又病儒者撰述繁蕪,謂朱子註參同契、陰符經,皆不作可也。督學李齡、鍾成相繼聘 倫、張元禎友善,數會於弋陽龜峯。嘗言,陳獻章學近禪悟,莊泉詩止豪曠,此風旣成,爲害 居仁性行淳篤,居喪骨立,非杖不能起,三年不入寢門。與人語,終日不及利祿。 卒年五十一。萬曆十三年從祀孔廟,復追諡文敬。 與羅 遷韶州知府,投劾去。嘉靖初,歷雲南布政使,以太僕寺卿召,未行,改吏部右侍郎,祐已 發其違禁物,敬懼、詣酤求解,酤不聽。 服闋,補徐州兵備副使。中官王敬運進御物入都,多挾商船,與知州樊準、指揮王良詬。良 黨曰:「不去余滿,鎭守不得自遂也。」然滿素廉,摭拾竟無所得。未幾,遷山東副使。父憂, 不予直,民羣訴於滿。涕泣慰遣之,云將列狀上聞。鎭守懼,稍戢,然恚甚,遣人入京告其 年舉進士。爲南京刑部員外郎,以事忤劉瑾,落職。瑾誅,起爲福州知府。鎭守太監市物 敬誣奏準等毆己,遂幷逮酤,謫爲南寧府同知。稍

安得執少年未定之見,而反謂之晚年哉。」其辨出,守仁之徒不能難也。 論 不 其言又一變。 誠不敬者,不患不至古人。時王守仁作朱子晚年定論,謂其學終歸於存養。 心學凡三變,存齋記所言,乃少時所見,及見延平,而悟其失。 祐 之學,墨守師說,在獄中作性書三卷。其言程、朱敎人,專以誠敬入。學者誠能去其 最後改定已發未發之論,然後體用不偏,動靜交致其力,此其終身定見也。 後聞五峯之學於南軒,而 祐謂:「朱子

歸甫 尋以 清南京國子祭酒。 逐乞休。 日 遇朔望, 爲 「非禮 稽 蔡清, 母 兩 勳主事 二十年成進士,卽乞假歸講學。 月而 憂歸,服闋,復除祠祭員外郎。 諸司先朝王, 次日謁文廟。 清不可, 先廟而後王。 也」,去蔽膝而入,王積不悅。 王佯輓留,且許以女妻其子,竟力辭去。 字介夫,晉江人。 父卒,自是家居授徒不出。 ,恒訪以 命甫下而清已卒,時正德三年也,年五十六。 7時事。 清乃上二札·一請振紀綱,一薦劉大夏等三十餘人。 少走侯官,從林玭學易,盡得其肯綮。 已, 乞便養,改南京文選郞中。 正德改元,卽家起江西提學副使。 會王求復護衞,淸有後言。 謁選,得禮 劉瑾知天下議己,用蔡京召楊時故事,起 部祠祭主事。 王生辰,令諸司以朝服賀。 王欲誣以詆毀詔旨,清 王恕長吏部,重清,調 日心動,急乞假養父, 舉成化十三年鄉試第 寧王宸濠驕恣, 恕皆納用。 清

浸易名。 清之學,初主靜,後主虛,故以虛名齋。 平生飭躬砥行,貧而樂施,爲族黨依賴**。** 嘉靖八年, 其子推官存遠以所著易經、四書蒙引進於朝,韶爲刊布。 萬曆中追諡 以善

莊,贈禮部右侍郎。

其門人陳琛、王宣、易時中、林同、趙逸、蔡烈並有名,而陳琛最著。 琛,字思獻,晉江

辭。居一年,卽家起貴州僉事,旋改江西,皆督學校,並辭不赴。家居,却掃一室,偃臥其 授刑部主事,改南京戶部,就擢考功主事,乞終養歸。嘉靖七年,有薦其恬退者,詔徵之,琛 沉潛辛苦而僅得者,以語人常不解。子已盡得之,今且盡以付子矣。」清歿十年,琛舉進士。 人,杜門獨學。清見其文異之,曰:「吾得友此人足矣。」踩因介友人見清,清曰:「吾所發憤

中,長東莫得見其面。

同 郡林希元,字懋貞,與琛同年進士。歷官雲南僉事,坐考察不謹罷歸。所著存疑等

書,與琛所著易經通典、四書淺說,並爲舉業所宗。 王宣,晉江人。弘治中舉於鄉,一赴會試不第,以親老須養,不再赴。嘗曰:「學者混

朱、陸爲一,便非眞知。」爲人廓落豪邁,俯視一世。

推官。 易時中,字嘉會,亦晉江人。舉於鄉,授東流敎諭,遷夏津知縣,有惠政。稍遷順天府 以治胡守中獄失要人意,將中以他事,遂以終養歸。道出夏津,老稚爭獻果脯。將

別,有哭失聲者。母年九十一而終,時中七十矣,毁不勝喪而卒。

魯矣。 趙逯,字子重,東平人。弘治中舉鄕試,受易於淸。蔡氏易止行於閩南,及是北行齊、 居母喪毀瘠,後會試不第,遂抗志不出。生平好濂、洛諸子之學,於明獨好薛氏讀

列

喜錄。

海,見烈,歎曰:「先生不言躬行,熈已心醉矣。」 孔門求仁,未嘗出事外也。 堯、舜之道,孝弟而已。 夫子之道,忠恕而已。」 學士豐熙戍鎭 李元陽檄郡邑建書院,亦固辭。 忽山鳴三日,烈遂卒。 主簿詹道嘗請論心,烈曰:「宜論事 居鶴鳴山之白雲洞,不復應試。嘉靖十二年詔舉遺佚,知府陸金以烈應,以母老辭。巡按 蔡烈,字文繼,龍溪人。父昊,瓊州知府。烈弱冠爲諸生,受知於清及莆田陳茂烈。隱

仕,有司給祿米。時<u>張聰、桂萼以議禮驟貴,秉政樹黨,</u>屏逐正人。 改禮部尙書,會居憂未及拜。 法當疏通,不報。大禮議起,欽順請愼大禮以全聖孝,不報。 卿,再遷南京吏部右侍郎,入爲吏部左侍郎。世宗卽位,命攝尚書事。 懋以實行敎士。 羅欽順,字允升,泰和人。弘治六年進士及第,授編修。 未幾,奉親歸,因乞終養。劉瑾怒,奪職爲民。瑾誅,復官,遷南京太常少 再起禮部尙書,辭。又改吏部尙書,下詔敦促,再辭。 遷南京吏部尚書,省親 遷南京國子監司業,與祭酒章 欽順恥與同列,故屢詔 '上疏言久任、超遷, 乞歸。

不起。

欽順致書守仁,略曰:「聖門設教,文行兼資,博學於文,厥有明訓。如謂學不資於外 |居二十餘年,足不入城市,潛心格物致知之學。|王守仁以心學立敎,才知之士翕然

『吾心之良知,卽所謂天理。致吾心良知之天理於事物,則事事物物皆得其 師之。 謂物,果何物耶?如必以爲意之用,雖極安排之巧,終無可通之日也。 論,以程子格物之訓推之,猶可通也。 物,凡爲物也三。謂正其物之心,誠其物之意,致其物之知,其爲物也一而已矣。就三而 者,致其物之知也。』自有大學以來,未有此論。 夫謂格其心之物,格其意之物,格其知之 也,格其意之物也,格其知之物也。正心者,正其物之心也。誠意者,誠其物之意也。致知 觀內省,未嘗遺外也。」反復二千餘言。」欽順再以書辨曰:「執事云:『格物者,格其心之物 得書,亦以書報,大略謂:「里無內外,性無內外,故學無內外。講習討論,未嘗非內也。反 求,但當反觀內省,則『正心誠意』四字亦何所不盡,必於入門之際,加以格物工夫哉。」字仁 之良知者,致知 不當云『致知 在 格 也。 物』,與『物格而后知至』矣。」書未及達,守仁已歿。 事事物物各得其理者,格物也。』審如 以執事格物之訓推之,不可通也。 所言,則大學當云『格物在致知』, 叉執事: 就一 、理矣。 物而 論 學書有云: 論 致吾心 列則所

1L 見性,與吾儒 欽順 爲學,專力於窮理、存心、知性。 之盡心知性相似,而實不同。 初由釋氏入,旣悟其非,乃力排之,謂:「釋氏之明 釋氏之學,大抵有見於心,無見於性。今人明

列傳

第

百

七

+

心之說,混於禪學,而不知有千里毫釐之謬。 ,自號整菴。 年八十三卒,贈太子太保,諡文莊。 道之不明,將由於此,欽順有憂焉。」爲著因知

專心 謂:「佛氏以空爲性,非天命之性。」老氏以虛爲道,非率性之道。」父欣然從之。 矣。」篤志研 喪,五味不入口。 性理。 曹端,字正夫,澠池人。 其學務躬行實踐, 而以靜存爲要。 究,坐下著足處,兩甎皆穿。 旣葬,廬墓六年。 永樂六年舉人。 事父母至孝,父初好釋氏,端爲夜行燭一書進之, 五歲見河圖、洛書,卽畫地以質之父。 讀宋儒太極圖、通書、西銘, 歎曰:「道在是 繼遭二親 及長,

諸 淫 三年,霍人罷市巷哭,童子皆流涕。 廉 兩邑各上章爭之,霍奏先得請。 生服 祠百餘,爲設里社、里穀壇,使民祈報。年荒勸振,存活甚衆。爲霍州學正,修明聖 則 更不敢欺。」晟拜受。 端初讀謝應芳辨惑編,篤好之,一切浮屠、巫覡、風水、時日之說屏不用。上書邑宰,毁 從其教,郡人皆化之,恥爭訟。 遭艱歸,澠池、霍諸生多就墓次受學。服闋,改蒲州學正。 先後在霍十六載,宣德九年卒官,年五十九。 貧不能歸葬,遂留葬霍。二子瑜、琛,亦廬<u>端墓</u>,相繼 知府郭晟問爲政,端曰:「其公廉乎。 公則民不敢謾, 諸生服 霍、蒲 "心喪

死,葬墓側,後改葬澠池。

自得之。」又曰:「天下無性外之物,而性無不在焉。性卽理也,理之別名曰太極,曰至誠, 參取。」又曰:「凡、顏之樂仁也,孔子安仁而樂在其中,顏淵不違仁而不改其樂,程子令人 |端嘗言:「學欲至乎聖人之道,須從太極上立根脚。」又曰:「爲人須從志士勇士不忘上

日至善,日大德,日大中,名不同而道則一。」

理文集、儒學宗統譜、存疑錄諸書。 初理學之冠。所著有孝經述解、四書詳說、周易乾坤二卦解義、太極圖說通書西銘釋文、性 道蘇門,北方之學者翕然宗之。洎明興三十餘載,而端起崤、澠間,倡明絕學,論者推爲明 初,伊、洛諸儒,自明道、伊川後,劉絢、李籲輩身及二程之門,至河南許衡、洛陽姚樞講

德也。 月川先生。 遂避席去。 霍州李德與端同時,亦講學於其鄉。 至其知古今,達事變,末學鮮或及之。古云『得經師易,得人師難』,諸生得人師矣。」 端亦高其行誼,命諸生延致之,講明正學。 及歿,私諡靜修。 正德中,尚書彭澤、河南巡撫李楨請從祀孔子廟庭,不果。 及見端,退語諸生曰:「學不厭,敎不倦,曹子之盛 初,端作川月交映圖擬太極,學者稱

出。嘗歎曰:「宦官、釋氏不除,而欲天下治平,難矣。」景泰七年,御史陳述又請禮聘與爾, 俾侍經筵,或用之成均,敎育胄子。 詔江西巡撫韓雍備禮敦遣,竟不至 歲家益貧,躬親耕稼,非其義,一介不取。四方來學者,約己分少,飲食、敎誨不倦。正統十 九,見伊洛淵源圖,慨然嚮慕,遂罷舉子業,盡讀四子、五經、洛閩諸錄,不下樓者數年。 年,山西僉事何自學薦於朝,請授以文學高職。後御史涂謙、撫州知府王宇復薦之,俱不 吳與弼,字子傳,崇仁人。父溥,建文時爲國子司業,永樂中爲翰林修 撰。 與朔年十 中

官。 意。 澗 陛下垂聽虛聲,又不幸有狗馬疾。東帛造門,臣慚被異數,匍匐京師,今年且六十八矣,實 不能官也。」帝曰:「宮僚優閒,不必辭。」賜文綺酒牢,遣中使送館次。 召見文華殿,顧語曰:「聞處士義高,特行徵聘,奚辭職爲。」對曰:「臣草茅賤士,本無高行 以宮僚,侍太子講學。」遂授左春坊左諭德,與弼疏辭。 帛,遣行人曹隆,賜璽書,齎禮幣,徵與弼赴闕。比至,帝問賢曰:「與弼宜何官。」對曰:「宜 者,務令就職。」時帝眷遇良厚,而與關辭益 一詔不 與弼留京師二月,以疾篤請。 天順元年,石亨欲引賢者爲己重,謀於大學士李賢,屬草疏薦之。帝乃命賢草敕加束 乃請以白衣就邸舍,假讀秘閣書。 賢請曲從放還,始終恩禮,以光曠舉。 力。 帝曰 又疏稱:「學術荒陋 「欲觀秘書, 賢請賜召問,且與館次供具。 勉受職耳。」命賢 ,苟冒昧徇 顧謂賢曰:「此老非迂 帝然之,賜敕慰 禄,必 於是 且 曠 諭

勞,賚銀幣,復遣行人送還,命有司月給米二石。 與關歸,上表謝,陳崇聖志、 廣聖學等十

事。<u>成化五年卒,年七十九。</u>

下士,士大夫用此訾與酮。 師。 王,正名討罪,豈容先生久竊虛名」語。 慢,始遣還。 與朔 及與酮歸,知府張蹟謁見不得,大惠。 與關諒非弟意,友愛如初。編修張元楨不知其始末,曰遺書誚讓,有「上告素 後顧允成論之曰:「此好事者爲之也。」與弼門人後皆從祀,而 直復筆其事於瑣綴錄。 募人代其弟投牒訟與弼,立遣 又言與弼跋亨族譜,自稱門 直大慍,出即謗與 吏攝之,大 加 侮 與

所竟不果。 其門人最著者曰胡居仁、陳獻章、婁諒,次曰胡九韶、謝復、鄭伉。 所著日錄,悉自言生平所得。

胡九韶,字鳳儀,少從與弼學。諸生來學者,與弼令先見九韶。及與弼歿,門人多轉師

之。家貧、課子力耕、僅給衣食。成化中卒。

學者稱西山先生。 友,喪祭冠婚,悉遵古禮。 謝復,字一陽,祁門人。聞與弼倡道,棄科舉業從之游。 弘治末年卒,年六十五 或問學,曰:「知行並進,否則落記誦詁訓矣。」晚卜室西山之麓, 身體力行,務求自得。 居家孝

列傳第一百七十 儒林一

切折衷於朱子。事親孝。 鄭伉,字孔明,常山人。 爲諸生,試有司,不偶,卽棄去,師與弼。 設義學,立社倉,以惠族黨。所著易義發明、讀史管見、觀物餘 辭歸,日究諸儒論議,

(論

(、蛙鳴集,多燼於火。

宿、與語、大推服曰:「斯道自程、朱以來、惟先生得其真。 部議,侍郎鄒幹寢其事。 運,一著學者之心法天之運,終言立明師、輔皇儲、隆敎本數事,以畢圖說之意。 闕 主一之說,專心克治,歎曰:「大學,誠意爲鐵門關,主一二字,乃其玉鑰匙也。」天順二年詣 棄去,由是篤志聖賢之學。讀大學或問,見朱子重言主敬,知「敬」爲大學始基。又得程子 **遂歸閩,潛思靜坐,自號漳南布衣。** 上程朱正學纂要。其書首取程氏學制,次采朱子論說,次作二圖,一著聖人心與天地同 陳眞晟,字晦德,漳州鎭海衞人。初治舉赴鄉試,聞有司防察過嚴,無待士禮,恥之。 眞晟歸, 聞臨川吳與弼方講學, 欲就問之。 卒於成化十年,年六十四 如康齋者,不可見,亦不必見也。」 過南昌,張元禎止之 書奏,下禮

證,要其學頗似近之。 眞晟學無師承,獨得於遺經之中。 自以僻處海濱,出而訪求當世學者,雖未與與弼相

世宗嗣位,首召柟。 監,尤人所不敢言。是年秋,以父病歸。都御史盛應期,御史朱節、熊相、曹珪累疏薦。適 劉瑾以柟同鄉欲致之,謝不往。又因西夏事,疏請帝入宮親政事,潛消禍本。瑾惡其直,欲 殺之,引疾去。瑾誅,以薦復官。乾清宮災,應詔陳六事,其言除義子,遣番僧,取回鎭守太 呂柟、字仲木、高陵人、別號涇野、學者稱涇野先生。正德三年登進士第一、授修撰。 上硫勸勤學以爲新政之助,略曰:「克己慎獨,上對天心,親賢遠讒,下

解梁及四方學者聞之,皆設位,持心喪。 將躬祀顯陵、累疏勸止、不報。值天變,遂乞致仕歸。年六十四卒,高陵人爲罷市者三日。 京太僕寺少卿。 御史盧煥等累薦,陞南京宗人府經歷,歷官尚寶司卿。吳、楚、閩、越士從者百餘人。晉南 及文公家禮,求子夏後,建司馬溫公祠。 詔 通民志,庶太平之業可致。」 獄,謫解州判官,攝行州事。 恤榮獨,減丁役,勸農桑,興水利,築隄護鹽池,行呂氏鄉約 大禮議興、與張、桂忤。以十三事自陳,中以大禮未定,諂言日進,引爲己罪。上怒,下 太廟災,乞罷黜,不允。 四方學者日至,御史爲闢解梁書院以居之。三年, 選國子監祭酒,晉南京禮部右侍郎,署吏部事。帝 **計聞,上輟朝一日,賜祭葬。**

列

第

文集。萬曆、崇禎間,李禎、趙錦、周子義、王士性、蔣德璟先後請從祀孔廟,下部議,未及行。 秋說志、禮問內外篇、史約、小學釋、寒暑經圖解、史館獻納、宋四子抄釋、南省奏養、涇野詩 若水,獨守程、朱不變者,惟柟與羅欽順云。所著有四書因問、易說翼、書說要、詩說序、春 共 主講席。 柟 受業渭南薛敬之,接河東薛瑄之傳,學以窮理實踐爲主。官南都,與湛若水、鄒守益 仕三十餘年,家無長物,終身未嘗有惰容。 時天下言學者,不歸王守仁,則歸湛

皆有學行。 **榊弟子,涇陽呂潛,字時見,舉於鄉。** 官工部司務。張節,字介夫。咸寧李挺,字正五。

授國子博士。兩人不及牌門,亦秦士之篤學者也。 潛里人郭郛,字維藩,由舉人官馬湖知府。 藍田王之士,字欲立。 由舉人以趙用賢薦,

朔, 而 稱怒,從昭烈所諡也。 會諸 邵 寶、字國賢、無錫人。年十九、學於江浦莊泉。成化二十年舉進士、授許州知州。月 生於學宮,講明義利公私之辨。正願考叔祠 巫言龍骨出地中爲禍福,寶取骨,毀於庭,杖巫而遣之。 墓。改魏文帝廟以祠漢愍帝,不稱獻 躬課農

桑,做朱子社倉,立積散法,行計口澆田法,以備凶荒。

少,勞民傷財,慮生他變。」卒奏寢其事。進湖廣布政使。 校勘,獨無實跡。 舍,處學者。其敎,以致知力行爲本。江西俗好陰陽家言,有數十年不葬父母者。 士不葬親者不得與試,於是相率舉葬,以千計。寧王宸濠索詩文,峻却之。 弘治七年入爲戶部員外郎,歷郎中,遷江西提學副使。 遷浙江按察使,再遷右布政使。 與鎮守太監勘處州銀礦,寶曰「費多獲 釋菜周元公祠。 後宸濠敗,有司 修白鹿書院學 寶下令,

寶曰:「君第劾平江,無後患矣。」寶曰:「平江功臣後,督漕未久,無大過,不知所劾。」二人默 然出。越三日,給事中劾熊併及寶,勒致仕去。 陳熊,欲使寶劾之,遣校尉數輩要寶左順門,危言恐之曰:「行逮汝。」張綵、曹元自內出,語 正德四年擢右副都御史,總督漕運。 劉瑾擅政,寶至京,絕不與通。瑾怒漕帥平江伯

尙書,再疏辭免。 世宗即位, 起前官,復以母老懇辭。 許之,命有司以禮存問。 久之卒,贈 通州城濠歸,奏稱旨。 **瑾誅,起巡撫貴州,尋遷戶部右侍郞,進左侍郞。** 尋疏請終養歸,御史唐鳳儀、葉忠請用之留都便養,乃拜南京禮部 命兼左僉都御史,處置糧運。及會勘

寶三歲而 列 傳 第 孤,事母過氏至孝。 百 七 + f. 林 甫十歲,母疾,爲文告天,願滅己算延母年。 太子太保、諡文莊

得疾, 名之曰日格子。所著學史、簡端二錄,巡撫吳廷舉上於朝,外定性書說、漕政舉要諸集若干 道學。」舉南畿,受知於李東陽。爲詩文,典重和雅,以東陽爲宗。 於正,則其所自得也。 學者稱二泉先生。 左手不仁,猶朝夕侍親側不懈。 博綜羣籍,有得則書之簡,取程子「今日格一物,明日格一物」之義, 學以洛、閩爲的,嘗曰:「吾願爲眞士大夫,不願爲假 至於原本經術,粹然一出

父卒,遂不復仕。築室湖上,讀書三十年,不履城市,數被薦不起。 減羨耗十二三。以父老,乞便養,改南京職方,遷車駕郎中、廣東僉事。行未半道,乞養歸。 士大夫皆慕之。卒年八十,門人私諡曰文靜先生。 其門人,同邑王問,字子裕,以學行稱。嘉靖十七年成進士。授戶部主事,監徐州倉, 工詩文書畫,淸修雅尚,

父殁久之,進尚實卿,改南京鴻臚卿,引年乞休。進太僕卿,致仕。 鑑亦善畫,有言勝其父

子鑑,字汝明。嘉靖末年進士。累官吏部稽勳郎中。念父老,謝病歸,奉養不離側。

者,遂終身不復作。

楊廉,字方震,豐城人。父崇,永州知府,受業吳與弼門人胡九韶。 廉承家學,早以文

行稱。舉成化末年進士,改庶吉士。

科。 已,請申明祀典,謂宋儒周、程、張、朱從祀之位,宜居漢、唐諸儒上。 大成 兩浙 末言,遇大政,宜召大臣面議,給事、御史隨入駁正。帝頗納之。吏部尚書王恕被讒,康請 經筵停罷時,宜日令講官更直待問。一,召用言事遷謫官,不當限臺諫及登極以後。三,治 而 下旬御經筵。 **斥讒邪,無爲所惑。** 後日講繼之,今遲一日之經筵,卽輟一旬之日講也。」報聞。以父老欲便養,復改南京兵 本樂名,不合諡 中貴李廣死,得廷臣通賄籍。言官劾賄者,帝欲究而中止。 、三吳水患,停額外織造。四,召林下恬退諸臣。五,删法司條例。六,災異策줲大臣。 弘治三年授南京戶科給事中。明年,京師地震,劾用事大臣。 廉言:「故事,經筵一月三舉, 苟以月終起以月初罷, 則進講有幾。且經筵啓 母喪,服闋,起任刑科。請祀薛瑄,取讀書錄貯國學。明年三月有詔以 法。 皆不果行。 遷南京光祿少卿 廉率同官力爭,竟不納 五年以災異上六事。一, 闕里廟,當更立木主。

缺失,疏留 IE 奏免夏稅萬五千石,慮州縣巧取民財,置歲辦簿,吏無能爲奸。 德初,就改太僕,歷順天府尹。 中。 明年擢南京禮部右侍郎。 時京軍數出,車費動數千金,廉請大興遞運所餘 上疏諫南巡,不報。 帝駐南京,命百官戎服朝見。 乾清宮災,極陳時政 銀供

列

傅

第

百七

+

儒林

廉不可,乞用常儀,更請謁見太廟,俱報許。世宗卽位,就遷尚書。

卒,年七十四。贈太子少保,諡文恪。 此又修所不忍言者。」報聞。八疏乞休,至嘉靖二年,賜敕、馳驛,給夫廩如制。家居二年 末。 率祖歐陽修。然修於考之一字,雖欲加之於濮王,未忍絕之於仁宗。今乃欲絕之於孝廟, 至是首進大學衍義節略。帝優詔答之。疏論大禮,引程頤、朱熹言爲證,且言:「今異議者 學者稱月湖先生。嘗以帝王之道莫切於大學,自爲給事卽上言,進講宜先大學衍義, 廉 與羅欽順善,爲居敬窮理之學,文必根六經,自禮樂、錢穀至星曆、算數,具識其本

復何言。」吳與阿,其鄰郡人也,極推重之。 山,名曰「養中」。平居,飯脫粟,服澣衣,翛然自得。每日端坐一室,無懈容。或勸之仕,不 子家禮。[三族有孤嫠不能自存者周之。或請著述,曰三朱子及吳文正之言,尊信之足矣, 應。又作勤、儉、恭、恕四箴,以敎其家,取呂氏鄕約表著之,以敎其鄕。冠婚喪祭,悉如朱 不出。杜門讀書,求聖賢之學。四方來問道者,坐席嘗不給。縣令劉成爲築書院於虎丘 劉觀,字崇觀,吉水人。正統四年成進士。方年少,忽引疾告歸。尋丁內艱,服除,終

先生。 觀 叉 前 (有李中 有 孫鼎、廬陵 , 吉水人, 官副都御史, 號谷平先生, 在觀後。 人。 永樂中爲松江府教授, 以孝 弟 立教。 是爲吉水 後督 學 三先生 南畿, 人稱爲

名震都 登 督 關 一鄉薦 學政, 中馬 馬 入 下。 理 見理 理先生安在,何不仕 ,字伯循,三原人。 國 高麗 學,與柟及林慮馬卿,檢次寇天敍,安陽崔銑、張士隆,同縣秦偉,日 與呂柟、康海文, 使者慕 之, 錄其文以去。 也。」其爲 同 大奇之, 里尚 書王恕家居,講學著書。 外裔 日:「康生之文章,馬生 連遭 所 重 艱, 如 此 不 預 試。 安南使者至,問 理 、呂生之經學,皆天下 從之遊,得其指 主 授。 事 切 |黄清日: 劘 楊 士 於學, 也 0 淸

放戶 理, 事 靖 偕郎 理 部 初 正 力持不可 郎 德 起 中 中莊釋者,正德時首導 九年舉進士。 移 張 勳員 衍 ,寢其事。 瑞等諫南巡。 外郎,與郎 Ŧi. 清爲吏部尚書, 年 中余寬等伏闕 詔跪 大計外吏,大學士賈詠、吏部尚書廖紀以私 劉瑾覈天 闕門、予 下庫藏。 卽 杖 爭大禮。 擢 奪 理稽 俸。 瑾 敗, 勳 下詔 未 主事。 幾,復告歸。 落職。 獄 ,再予杖奪俸。 調 文選, 至是奏辨 敎 請告歸。 授生徒, **憾欲去廣東副** 求復, 屢遷 考功 從 起 當路 游 考 者衆。 郎 功 者屬 中。 使 主

列

傳

第

百

七十

儒

林

致仕。 南京通政參議,請急去。 請先去理。」乃止。 魏校、河南 三十四年,陝西地震,理與妻皆死。 副使蕭 鳴鳳、陝西副使唐龍。 明年大計京官 居三年,起光祿卿 「 黜張 璁、桂萼黨吏部郎中彭澤,璁、萼竟取旨留之。 理力爭曰:「三人督學政,名著天下,必欲去三人, ,未幾告歸。 閱十年,復起南京光祿卿,尋引年 理 擢

宗。 穆宗立,贈右副都御史。 理 學行 純篤, 居喪取古禮及司馬光書儀、朱熹家禮折衷用之,與呂柟並爲關中學者所 天啓初,追諡忠憲。

直行己意,無所徇。 成進士。 兵備副 魏校,字子才,崑山人。 使。 歷南京刑 累遷國子祭酒,太常卿,尋致仕 部郎中。 改兵部 郎中,移疾 其先本李姓,居蘇州葑門之莊渠,因自號「莊渠」。弘治十八年 守備太監 歸。 劉瑯藉劉瑾勢張甚,或自判狀送法司,莫敢抗者。 嘉靖初,起爲廣東提學副使。丁憂,服闋,補江西

校

陰陽五行 "「古聖賢論性有二"其一,性與情對言,此是性之本義,直指此理而言。 校 私 之本體也 淑胡居仁主敬之學,而貫 改 理無不具。 人物之性,皆出於天地,然而 通諸儒之說,擇執尤精。 嘗與余祐論性,略曰:「天地者, 人得 其全,物 其一,性與習對 得 · 其偏。 又

『性,卽理也』,則諸說皆不攻自破矣。」所著有大學指歸、六書精蘊。 明,故言之直捷,但未言性爲何物,故蕳、腸、幃諸儒得以其說亂之。 論性之所以得名,則前後說皆不謬於聖人,而孟子道性善,反爲一偏之論矣。孟子見之分 惡,揚子論性善惡混,韓子論性有三品,衆言淆亂,必折之聖。若謂夫子『性相近』一言,正 語,遂謂性兼氣質而言,不知人性上下不可添一物,纔著氣質,便不得謂之性矣。 荀子論性 王應電、王敬臣、皆其弟子也。順之,自有傳。 言,但取生字為義,非性之所以得名,蓋曰天所生為性,人所為曰習耳。先儒因『性相近』一 卒, 諡恭簡。 伊川一言以斷之,日 唐順之、

江西 近世 顯 指 於兵燹,流 人之心, 摘 以探微, 一,刊行 其瑕釁至數十萬言。而余壽翁、吳澄則以爲冬官未嘗亡,雜見於五官中,而更次之。 何喬新、陳鳳梧、舒芬亦各以己意更定。然此皆諸儒之周禮也。覃研十數載,先求聖 王 應電,字昭明,崑山 溯斯禮之源;次考天象之文,原設官之意,推五官離合之故,見綱維統體之極。 於世 寓江西泰和。 而釋大,成周禮傳詁數十卷。以爲百世繼周而治,必出於此。 以其書就正羅洪先,洪先大服。 人。受業於校,篤好周禮,謂周禮自宋以後,胡宏、季本各著書, 翰林陳昌積以師禮事之。 嘉靖中,家燬 胡松撫 因

電 研 精字學,據說文所載譌謬甚者,爲之訂正,名曰經傳正譌。 又著同文備考、書

法指 要、六義音切貫珠圖、六義相關圖。 卒於泰和。 昌積爲經紀其喪,歸之崑山

時有李如玉者,同安儒生,亦精於周禮,爲會要十五卷。 嘉靖八年詣闕上之,得旨嘉

獎,賜冠帶

餘人。其學,以愼獨爲先,而指親長之際、袵席之間爲愼獨之本,尤以標立門戶爲戒。 故居常杜口不談。 事 背,親自吮舐。 父,妻失母歡,不入室者十三載。初,受校默成之旨,嘗言議論不如著述,著述不如躬行, 王敬臣,字以道,長洲人,江西參議庭子也。 老得瞀眩疾,則臥於楊下,夜不解衣,微聞謦欬聲,即躍起問安。 自見耿定向、語以聖賢無獨成之學,由是多所誘掖,弟子從游者至四百 十九爲諸生,受業於校。 性至孝,父疽發 事繼 鄉人 母如

尊爲少湖先生

士价復薦。 萬曆中,以廷臣薦,徵授國子博士,辭不行。 吏部以敬臣年高,請有司時加優禮,詔可。 韶以所授官致仕。二十一年,巡按御史甘 年八十五而終。

部 **外之,進右布** 郎 中,出 周 瑛,字梁石,莆田人。 「為無州· 政使, 知府,調知鎭遠。 咸有善績,尤勵淸節。 成化五年進士。 秩滿, 省親歸 給事、御史交章薦,大臣亦多知瑛,而瑛 知廣德州,以善政聞,賜敕旌異。 弘治 初, 吏部尚 書王恕起瑛 四 遷南京禮 以]]] 參政 母喪

歸。

服除,遂引年乞致仕。孝宗嘉之,詔進一階。

本,亦自得之矣,所謂求諸萬殊而後一本可得也。 以 窮 理。 瑛始 自六經之奧,以及天地萬物之廣,皆不可不窮。積累旣多,則能 與陳獻章友,獻章之學主於靜。 暎不然之,謂學當以居敬爲主,敬則心存,然後可 正德中卒,年八十七。 學者稱翠渠先生。 子大謨,登進士,未 1通貫 ,而於道之一

振 以大行未葬,麻衣衰絰如故。府因上疏請行三年喪,略言:「子爲父,臣爲君,皆斬衰三年, 角 仁之至,義之盡也。漢文帝遺詔短喪,止欲便天下臣民,景帝遂自行之,使千古綱常一墜不 門視事 晉武帝欲行 潘 府,字孔修,上虞人。成化末進士。值憲宗崩,孝宗踐作甫二十日,禮官請衰服御西 事,明日 釋義易素,翼善冠、麻衣腰絰。帝不許,命俟二十七日後行之。 而 不能、魏孝文行之而不盡、宋孝宗銳志復古、易月之外、猶執通喪、然不 至百日,帝

列

傳

寢 不廢政,勒爲彝典,傳之子孫,豈不偉哉。」疏入,衰絰待罪。詔輔臣會禮官詳議,並持成制, 能推之於下,未足爲聖王達孝也。 日 1未改。 望排羣議,斷自聖心,執喪三年一如三代舊制。詔禮官參考載籍,使喪不廢禮,朝 先帝奄棄四海,臣庶銜哀,陛下惻怛由衷, 麻衣視朝,百

長三寸,上弭災三術。 兵部,遷武選員外郎。 星變,北寇深入,孔廟災,疏請內修外攘,以謹天戒。又上救時十要。以便養乞南,改南京 求筆札,府輒欣然與之。 薦其學行,終不起。 謁選,得長樂知縣,教民行朱子家禮。 躬行郊野,勞問疾苦,田夫野老咸謂府親己,就 尚書馬文升知其賢,超拜廣東提學副使。雲南畫晦七日,楚婦人鬚 以母老乞休,不待命輒歸。 遷南京兵部主事,陳軍民利病七事。父喪除,補刑部。值旱蝗、 已而吏部尚書楊一清及巡按御史吳華屢

年七十三卒。 廉 明 之本 經 傳 嘉靖改元,言官交薦,起太僕少卿,改太常,致仕。 為事。 也,遠聲色,勤之本也,去讒私,明之本也。」又 故事,四品止予祭。 時王守仁講學其鄉,相去不百里,頗有異同。 世宗重府孝行,特詔予葬。 曰:「薦賢當惟恐後,論功當惟恐先。」 旣歸,屏居南山,布衣 嘗曰:「居官之本有三:薄奉養, 、蔬食,惟以發

敗,召復故官,充經筵講官,進侍讀。 修孝宗實錄, 崔 **銑**,字子鍾,安陽 與同 官見太監劉瑾,獨長揖 人。 父陞,官參政。 引疾歸,作後渠書屋,讀書講學其中 不拜, 由是忤瑾。 書成, 出為南京吏部 授編修。 主事。 瑾 闽

疾作,復致仕。卒,贈禮部尚書,諡文敏 帝覽之不悅,令跳致仕。 忠,忠則逆旨,希旨爲邪,邪則畔道。今忠者日疏,而邪者日富。 子得四 怒,柔者甘言以動聽。 夢等曰:「臣究觀議者,其文則歐陽修之唾餘,其情則承望意嚮,求勝無已。 俱 以 執議去位,其他擯斥杖戍者相望,而張璁、桂萼等驟貴顯用事。 世宗卽位,擢南京國子監祭酒。 一海歡心以事其親,未聞僅得一二人之心者也。 非有元 閱十五年,用薦起少詹事兼侍讀學士,擢南京禮部右侍郎。 功碩德,而遽以官賞之,得毋使僥倖之徒踵接至 嘉靖三年集議大禮,久不 賞之,適自章其私昵而已。 決。 一邪亂邦,況可 大學士蔣冕、尚書汪俊 **銑上疏** 悍者危 求去,且刻璁、 與? 使富 夫守道爲 臣 法 哉! 未幾 一聞天 以激

挈良知,是霸儒也。」又嘗作政議十篇,其序曰:「三代而上,并田封建,其民固,故道易行, 慎動。」「ED 又曰:「孟子所謂良知良能者,心之用也。 愛親敬長,性之本也。 銑 少輕俊,好飲酒,盡數斗不亂。中歲自厲於學,言動皆有則。嘗曰:「學在治心,功在 若去良能,而獨

列

而已。」凡篇中所論說,悉傲此意。世多有其書,故不載 三代而下,阡陌郡縣,其民散,故道難成。 況沿而下趨至今日乎。 然人心弗異,係乎主之者

修黃陵岡隄成,擢東昌府同知,乞歸。 揖。瑾怒,不以贈。受贈者復拜謝,瑭正色曰:「何僕僕也」」瑾大怒,詰其姓名。」瑭直應曰: 禮則人之元氣而已,則見侵於風寒暑濕者也。人能無爲邪氣所勝,則元氣復,元氣復而其 欣然忘寢食。 弘治十五年成進士, 選庶吉士。 「修撰何瑭。」知必不爲瑾所容,乃累疏致仕。 人成矣。」宿學咸推服焉。劉瑾竊政,一日贈翰林川扇,有入而拜見者。 瑭時官修撰,獨長 何瑭,字粹夫,武陟人。年七歲,見家有佛像,抗言請去之。十九讀許衡、薛瑄遺書,輒 後瑾誅,復官。以經筵觸忌諱,謫開州同知。 閣試克已復禮爲仁論,有曰:「仁者,人也。

郎、晉南京右都御史、未幾致仕。 幾,晉南京太常少卿。與湛若水等修明古太學之法,學者翕然宗之。歷工、戶、禮三部侍 嘉靖初,起山西提學副使,以父憂不赴。 服闋、起提學浙江。 敦本尙實,士氣丕變。未

是時,王守仁以道學名於時,時獨默如。 嘗言陸九淵、楊簡之學,流入禪宗,充塞仁義。

一介必 後學未得游、夏十一,而議論卽過顏、曾,此吾道大害也。 里居十餘年,敎子姓以孝弟忠信, 兩執親喪,皆哀毀。 後諡文定。所著陰陽律呂、儒學管見、柏齋集十二卷,皆行

於世。

唐伯元,字仁卿,澄海人。萬曆二年進士。歷知萬年、泰和二縣,並有惠政,民生祠之。

遷南京戶部主事,進郞中。

郎中,佐尙書孫丕揚澄淸東治,苞苴不及其門。秩滿,推太常少卿,未得命。 | 蔡清、羅洪先、王艮於鄉。 疏方下部,旋爲南京給事中鍾宇淳所駁,伯元謫海州判官。 屢遷 去,而諸疏仍留不下。居二年,甄別吏部諸郎,帝識伯元名,命改南京他部,而伯元已前卒。 疏皆留中,伯元言:「賢愚同滯,朝野咨嗟,由臣擬議不當所致,乞賜罷斥。」帝不懌,特允其 尚寶司丞。 請黜陸九淵,而躋有若及周、程、張、朱五子於十哲之列,祀羅欽順、章懋、呂柟、魏校、呂懷、 伯元清苦淡薄,人所不堪,甘之自如,爲嶺海士大夫儀表。 伯元受業永豐呂懷,踐履篤實,而深疾王守仁新說。及守仁從祀文廟,上疏爭之。因 吏部尚書楊巍雅不喜守仁學,心善伯元前疏,用爲吏部員外郎。 時吏部推補諸 歷考功、文選

名士爭務聲利 黃淳耀,字蘊生,嘉定人。爲諸生時,深疾科舉文浮靡淫麗,乃原本六經,一出以典雅 一,獨澹漠自甘,不事徵逐。 崇禎十六年成進士。 歸益研經 籍,縕袍糲食,蕭然

室。

心。 宣力王朝,退不能潔身自隱,讀書寡益,學道無成,耿耿不寐,此 死,年四十有一。 息,偕弟淵耀 乃索筆書曰:「弘光元年七月二十四日,進士黃淳耀自裁於城西僧舍。 京師陷,福王立南都,諸進士悉授官,淳耀獨不赴選。及南都亡,嘉定亦破。 入僧舍,將自盡。 僧曰:「公未服官,可無死。」淳耀曰:「城亡與亡,豈以 心而已。」遂與淵耀 嗚呼! 進不 愾然太 相 出 [處貳 對 縊 能

正,卓然名家。有陶菴集十五卷。 言得失,念慮純雜,無不備識,用自省改。 淳耀弱冠卽著自監錄、知過錄,有志聖賢之學。 其門人私諡之日貞文。 晚而: 充養和粹,造詣益深。 後爲日曆,畫之所爲,夜必書之。 所作詩古文,悉軌先 凡語

淵耀,字偉恭,諸生,好學敦行如其兄。

[一] 春秋經傳附錄纂疏 本書卷九九藝文志、 四庫全書總目卷二八、 嵇黃續文獻通考卷一五三都

作春秋胡傳附錄纂疏

編修張元楨不知其始末 張元楨,本卷陳與晟傳有張元禎,又本書卷一八四有張元禎傳,天順

時官編修,與本傳合,疑當作「張元禛」。

悉如朱子家禮 原脫「禮」字,據明史稿傳一五八劉觀傳補

Z9 功在愼動 班史稿傳一五九崔銑傳作「功在愼獨」。

列

傅 第

百

七 +

校

勘

記

明史卷二百八十三

列傳第一百七十一

儒林二

陳獻章 李承箕 張詡 婁諒 夏尙樸 賀欽 陳茂烈 湛若水 蔣信等

鄒守益

子善等

錢德洪

徐愛等

王畿 王艮等

歐陽德

族人瑜

羅洪先 程文德 吳悌 子仁度 何廷仁 劉邦采 魏良政等

孟化鯉 王時槐 孟秋 許孚遠 來知德 尤時熙 張後覺等 鄧元錫 劉元卿 鄧以讚 章潢 張元忭

試和楊時此日不再得詩一篇,驚日「龜山不如也。」颺言於朝,以爲眞儒復出。 載 歸 ,讀書窮日夜不輟、築陽春臺,靜坐其中,數年無戶外跡。久之,復游太學。 陳獻章,字公甫,新會人。 舉正統十二年鄉試,再上禮部,不第。 從吳與弼講學。 由是名震京 祭酒邢讓 居半

訓

檢討 去。 故不 師。 東 獻章 受職 給事 以 布 歸 政 聽選國子生,何敢僞辭釣虛譽。」自是屢薦,卒不起。 使 中質欽聽其議論,即日抗疏解官,執弟子禮事獻章。 m 求觀秘書,冀在開悟主上耳。 彭韶、總督朱英交薦。 至南安,知府張弼疑其拜官,與與弼不同。 召至京,令就試吏部。 時宰不悟,先令受職然後觀書,殊戾先生意,遂決 對曰:「吳先生以布衣爲 屢辭疾不赴,疏乞終養,授翰林院 獻章旣歸,四方來學者日進。 石亨所薦

白沙 至 日 用 以爲「活孟子」云。 嘗自言曰:「吾年二十七,始從吳聘君學,於古聖賢之書無所不講,然未知入處。 應酬隨吾所欲,如馬之卸勒也。」其學灑然獨得,論者謂有鳶飛魚躍之樂,而蘭谿姜麟 ,專求用力之方,亦卒未有得。 獻章之學,以靜爲主。 其教學者,但令端坐澄心,於靜中養出端倪。 於是舍繁求約,靜坐久之,然後見吾心之體隱然呈露, 或勸之著述,不 比歸

歸。 弘治十三年卒,年七十三。萬曆初,從祀孔廟,追諡文恭。 獻章儀幹修偉,右頗有七黑子。母年二十四守節,獻章事之至孝。母有念,輒心動卽

投壺賦詩,縱論古今事,獨無一語及道。久之,承箕有所悟,辭歸,隱居黃公山,不復仕。與 門人李承箕,字世卿,嘉魚人。成化二十二年舉鄉試。 往師獻章、獻章日與登涉山水,

兄進士承芳,皆好學,稱嘉魚二李。 卒年 五十四。

不起。 爲大,以無欲爲至。 張 詡 正德中,召爲南京通政司 ,字廷實,南海 卒年六十。 人,亦師事 參議 獻章 謁孝陵卽告歸。 成化二十年舉進士, 獻章謂其學以自然爲宗,以忘己 授戶部主事。 尋丁憂,

諒往視,云學者須親細務。 婁諒,字克貞,上饒人。少有志絕學。 諒素豪邁,由此折節。 聞吳與弼在臨川,往從之。 雖掃除之事,必身親之。 日, 與弼治地,召

助爲居敬要旨。 「是非必待三傳而後明,是春秋爲棄書矣。」其學以收放心爲居敬之門,以何思何慮、勿忘勿 總附二經之後。 訛四十卷。 二經之傳,分附各篇,如冠禮附冠義之類。 景泰四年舉於鄉。 謂周禮皆天子之禮,爲國禮,儀禮皆公卿大夫士庶人之禮,爲家禮。 其爲諸儒附會者,以程子論黜之。 然其時胡居仁頗譏其近陸子,後羅欽順亦謂其似禪學云。 天順末、選爲成都訓導。 不可附各篇者,各附一經之後。 尋告歸,閉門著書,成日錄四十卷、三禮訂 著春秋本意十二篇,不採三傳事實,言: 不可附一 以禮記爲 一經者,

子忱,字誠善,傳父學。 列 傅 第 百 بإ ·† 儒 女爲寧王宸濠妃,有賢聲,嘗勸王毋反。 林 王不聽,卒反。 腻子

姓皆捕繫,遺文遂散軼矣。

講習。 遷惠州知府,投劾歸。 傳主敬之學,常言「纔提起,便是天理。 如 東巖文集。 此,尚可干進乎。」不試 門人夏尙樸,字敦夫,廣信永豐人。正德初,會試赴京。 言官劾大學士桂萼,語連尙樸。 王守仁少時,亦嘗受業於諒。 嘉靖初,起山東提學副使。 而歸。 六年成進士,授南京禮部主事。 纔放下,便是人欲」。 吏部尚書方獻夫白其無私,尋引疾歸。 擢南京太僕少卿、與魏校、湛若水輩日相 魏校亟稱之。 見劉瑾亂政,慨然歎曰:「時事 歲饑,條上救荒數 所著有中庸語、 早年師諒, 事 再

師事陳獻章。〔〕旣歸,肖其像事之。 賀欽,字克恭,義州衛人。 少好學,讀近思錄有悟。 成化二年以進士授戶科給事中。

非常之禮起之,或俾參大政,或任經筵,以養君德。三,內官職掌,載在祖訓,不過備灑掃、 今日要務莫先經筵,當博訪眞儒,以資啓沃。二,薦檢討陳獻章學術醇正,稱爲大賢,宜以 弘治 改元,用閣臣薦,起爲陝西參議。檄未至而母死,乃上疏懇辭,且陳四事。

因仍不改,乞申明正禮,革去敎坊俗樂,以廣治化。」疏凡數萬言。奏入,報聞。 守地方掌握兵權。四、興禮樂以化天下。「陛下紹基之初,舉行朱子喪葬之禮,而頹敗之俗 左道,進淫巧,以蕩上心。誤國殃民,莫此爲甚。宜慎飭將來,內不使干預政事,外不使鎭 司啓閉而已。近如王振、曹吉祥、汪直等,或參預機宜,干政令,招權納寵,邀功啓釁。

正德四年,劉瑾括遼東田,東人震恐,而義州守又貪橫,民變,聚衆劫掠。顧相戒曰:

て基でを見たりて賣口書いて窓いより用きてとて「毋驚賀黃門。」飲聞之,急諭禍福,以身任之,亂遂定。

<u></u>
欽學不務博涉,專讀四書、六經、小學,期於反身實踐。 謂爲學不必求之高遠,在主敬

以收放心而已。卒年七十四。

子士諮、鄉貢士、嘗陳十二事論王政、不報。終身不仕。

{錄。 八年舉進士。 尋授吉安府推官,考績過淮,寒無絮衣,凍幾殆。入爲監察御史,袍服朴陋,乘一疲馬, 陳茂烈,字時周,莆田人。年十八,作省克錄,謂顏之克己,曾之日省,學之法也。 奉使廣東,受業陳獻章之門,獻章語以主靜之學。退而與張詡論難,作靜思

而敬之。

米,皆以爲 薄,故臣 力,尙恐不及,上煩官帑,心竊未安。」奏上,不允。 日遣之還。 以 母 母自安於臣之家,而 老終養。 親,臣之貧尙未至是。 吏部以其貧,祿以晉江教諭,不受。 供母 之外,不辦一帷。治畦汲水,身自操作。 臣亦得以自逭其貧,非有及 而 臣 母鞠臣 艱苦,今年八十有六,來日 母卒,茂烈亦卒。 又奏給月米, 人之廉,盡己之孝也。 太守聞其勞,進二卒助之, 上書言:「臣 無多。 素貧,食本儉 古人 臣 欲 自盡 行 傭 負

"「與時周語,沉疴頓去。」 其爲所重如 茂烈 爲諸 生時,韓文問莆田 人物於林俊,曰:「從吾。」謂彭時也。 此。 又問,日:「時周。」且

此。 南京國子監。 尋丁母憂,廬墓三年。 湛若水,字元明,增城人。弘治五年舉於鄉,從陳獻章游,不樂仕進。母命之出,乃入 置第二。 賜進士,選庶吉士,授翰林院編修。時王守仁在東部講學,若水與相 十八年會試,學士張元禛、楊廷和爲考官,撫其卷曰:「非白沙之徒不能爲 築西樵講舍,士子來學者,先令習禮,然後聽講。 應和

嘉靖 左右近侍爭以聲色異教蠱惑上心。 初,入朝,上經筵講學疏,謂聖學以求仁爲要。已,復上疏言:「陛下初政,漸不克 大臣林俊、孫交等不得守法,多自引去,可爲寒心。

朝。 賢 已,遷南京 疏言:「 亚 之訓 清 歷 親賢遠奸,窮理 南 明醫不 二年間 京 國子 吏、禮、兵三部尚書。 ·監祭酒,作心性圖說以教士。 以深錮之疾而 ,天變地震,山崩 一講學,以隆太平之業。」又疏言日講不宜停止, 廢元氣之劑,宜博求修明先王之道者,日侍文華,以裨 川 南京俗尙侈靡,爲定喪葬之制頒行之。老,請致仕。 湧,人饑相 拜禮部侍郎。 食,殆無虛月。 做大學行義補,作格物通,上於 夫 聖 報聞。 人不以 屯否之時 明年 進侍讀,復 聖 而 學。」 年九 後 親

+

五

卒。

守仁 汪、湛 謂 學爲求之於外, 弟子 心,指方寸而言。 若水 同 之學。 講學,後各立宗旨,守仁以致良知爲宗,若水以隨處體驗天理 也,戒其同志曰:「甘泉先 生平所至,必建書院以祀獻章。 若水亦謂守仁格物之說不可信者四。 吾之所謂心者,體萬物而不遺者也,故以吾之說爲外。」一時學者遂分 生 來,吾輩當憲老而 年九十,猶爲南京之游。 不乞言,愼毋 叉曰:「陽明與吾言心不同。 輕 過江西,安福 一爲宗。 有所 論 辨。 守仁言若水之 鄒守益,守 岩水 陽明所 初 與

以其失。 知 湛 此 氏門人最著者,永豐呂懷、至三德安何遷、婺源洪垣、歸安唐樞。 皆不盡守師 樞之言求眞心,大約出入王、湛兩家之間,而別 說也。 懷,字汝德,南京太僕少卿。遷,字益之,南京刑部侍郎。垣, 爲一義。 垣則主於調停兩家,而 懷之言變化氣質,遷

列

字峻之,溫州府知府。樞,刑部主事,疏論李福達事,罷歸,自有傳。

舉進士,累官四川水利僉事。却播州土官賄,置妖道士於法。遷貴州提學副使。 偕元亨事焉。 一,廩羣髦士其中。龍場故有守仁祠,爲置祠田。坐擅離職守,除名。 蔣信,字卿實,常德人。年十四,居喪毀瘠。與同郡冀元亨善,王守仁謫龍場,過其地, 嘉靖初,貢入京師,復師湛若水。若水爲南祭酒,門下士多分敎。至十一年, 建書院

事虛談。 信初從守仁游時,未以良知教。後從若水游最久,學得之湛氏爲多。 湖南學者宗其教,稱之曰正學先生。卒年七十九。 信踐履篤實,不

體認天理,即圧之致良知也。」與信集師說爲新泉問辨錄。 時宜興周衝,字道通,亦游王、湛之門。由舉人授高安訓導,至唐府紀善。 兩家門人各相非笑,衝爲疏通其 嘗曰:「湛之

歷官福建僉事,擒殺武平賊渠黃友勝。居家以孝友稱。 鄒守益,字謙之,安福人。父賢,字恢才,弘治九年進士。 授南京大理評事,數有條奏。

守益舉正德六年會試第一,出王守仁門。以廷對第三人授翰林院編修。 踰年告歸,謁

守仁,講學於贛州。宸濠反,與守仁軍事。世宗卽位,始赴官。

嘉靖三年二月,帝欲去興獻帝本生之稱。守益疏諫,忤旨,被責。踰月,復上疏曰:

子禮樂,以祀周公,蓋尊之至也。而孔子傷之曰「周公其衰矣」。臣願陛下勿以姑息事 子之稱。昔曾元以父寢疾,憚於易簀,蓋愛之至也。而曾子責之曰「姑息」。魯公受天 陛下欲隆本生之恩,屢下羣臣會議,羣臣據禮正言,致蒙詰讓,道路相傳,有孝長

獻帝,而使後世有其衰之歎。

且羣臣援經證古,欲陛下專意正統,此皆爲陛下忠謀,乃不察而督過之,謂忤且

慢。 馬光之徒,當時所謂欺慢,後世所仰以爲正直也。後之視今,猶今之視古。望陛下不 吝改過,察羣臣之忠愛,信而用之,復召其去國者,無使姦人動搖國是,離間宮闈 臣歷觀前史,如冷褒、段猶之徒,當時所謂忠愛,後世所斥以爲邪媚也。師丹、司

之,必以是爲盡忠於先帝。今入繼大統,獨不容羣臣盡忠於陛下乎。 昔先帝南巡,羣臣交章諫阻,先帝赫然震怒,豈不謂欺慢可罪哉。 陛下在藩邸聞

部郎中、州人立生祠以祀。 帝大怒,下詔獄拷掠,謫廣德州判官。 聞守仁卒,爲位哭,服心喪,日與呂柟、湛若水、錢德洪、王畿、薛 廢淫祠,建復初書院,與學者講授其間。 稍遷南京禮

儒

列傅

第

百七十

侃輩論學。考滿入都,卽引疾歸。

帝知 聖功圖 妖爲祥,享國長久。」帝大怒,落職 請留侍東宮, 事 之,以薦起南京 "乃解。 自 神堯茅茨土階,至帝西苑耕稼蠶桑,凡爲圖 被謫 明年 遷太常少卿兼侍 尋改南京祭酒。 吏部 郎中,召爲 歸。 讀學士, 九廟災,守益陳上下交修之道,言:「殷中宗、高宗,反 司經局洗馬。 出掌南京翰林院, 守益以太子幼,未能 干三。 帝以爲謗 夏言欲遠之也。 訓 出閣 幾得 ,乃與霍韜 亸 御史毛愷 賴 韜 受 上

學,四方從 守益天姿純粹。 遊者踵至,學者稱東廓先生。 守仁嘗曰:「有若 無 居家二十餘年卒。 實若虛,犯而不校,謙之近之矣。」里居, 隆慶初,贈南京禮部右侍 日 郎 事 講

文莊。

獨

,蓋兢兢焉

暉端雅好學,初不肯宗守仁說,久乃篤信之,自名王氏學,浸淫入於釋氏。 先是,守仁主山東試,堂邑穆孔暉第一,後官侍講學士,卒,贈禮部右侍郎,諡 而 守益於戒懼慎 文簡。 孔

興 諸生講學。 子善,嘉靖三十五年進士。 萬曆初,累官廣東右布政使,謝病歸。 以刑部員外郎恤刑湖廣,矜釋甚衆。 久之,以薦卽家授太常卿,致仕。 擢山東提學 僉事, 時 子

涵、德溥。

史傅 由 應禎 德涵 善服習父訓 是專以 劉 字汝海, 臺 悟爲宗,於祖父所傳,始一 相 一踐履 繼論 隆慶五年進士。 居正 無怠,稱其家 ,皆德涵 學。 里 歷刑部員外郎。 人,疑爲黨,出 變矣。 而德涵從耿定理游,定理 德溥 ,由萬曆十一 張居正方禁講學,德涵守之自若。 爲河南 年進士。 不 0 答。 御 史承 發憤 歷 風 司 湛 指劾之,貶秩 經 思,自 局 洗 馬。 覺有 御

事,乞休歸。 百 官救之, 善從子 亦削 德泳,萬曆十四年進士。 所司將為忠賢建祠,德泳塗毀其募籍,乃 籍。 家居三十年,言者交薦。 官御 史。 光宗 給事 立 中李獻可請預教太子,斥爲 此 ,起尚寶 少卿,歷太常卿。 民。 魏忠賢用 德泳偕

共 、學焉。 錢 (德洪, 名寬, 字德洪, 後以字行, 改字洪甫, 餘姚人。 四方士 踵至,德洪與王畿先爲疏通其大旨,而後卒業於守仁。 王守仁自尚書歸里,德洪偕數十

人

于場,以終心 洪 日 「某有 嘉 靖五 親在,麻衣布絰弗敢有加焉。」畿曰:「我無親。」遂服 年舉會試,徑歸。 喪。 十一年始成進士。 七年冬,偕畿赴廷試,聞守仁計,乃奔喪至貴溪。 累官刑部郎中。 郭勛下韶獄,移部定罪,德洪據獄詞 新義。 喪歸,德洪與幾築室 議喪服,

列

傳

第

百

七

+

論 上其罪,已出 死。 廷臣欲坐以不軌,言德洪不習刑名。 獄矣。 帝曰:「始股命刑官毋梏勛,德洪故違之,與勛不領敕何異。」再下 而帝雅不欲勛死,因言官疏下德洪詔 獄

御史楊爵、都督趙卿亦在繫,德洪與講易不輟。

外之,斥爲民。

者矩矱云。 弟子,尤爲人所宗。 **德洪旣廢,遂周** 遊 德洪徹悟不如畿,畿持循亦不如德洪,然畿竟入於禪,而德洪猶不失儒 四方,講良知學。 時士大夫率務講學爲名高,而德洪、畿以守仁高第

穆宗立,復官,進階朝列大夫,致仕。 神宗嗣位,復進一 階。 卒年七十九。 學者稱緒山

先生。

山陰蔡宗兗、〔三朱節及應良、盧可久、應典、董澐之屬 初,守仁倡道,其鄕隣境從游者甚衆,德洪、畿爲之首。 其最初受業者,則有餘姚徐愛,

所不 多未信,愛爲疏通辨析,暢其指要。 逮。」愛卒,年三十一,守仁哭之慟。 愛,字曰仁,守仁女弟夫也。 正德三年進士。 守仁言:「徐生 一日講畢,歎曰:「安得起日仁九泉聞斯言乎」」率 一之溫恭,蔡生之沉潛,朱生之明敏, 官至南京 工部郞中。 良知之說,學者初 皆我

門人之其墓所,酹酒告之。

蔡宗兗,字希淵。 正德十二年進士。官至四川提學僉事。

朱節,字守中。 正德八年進士。爲御史,巡按山東。大盜起顏神鎮,蔓州縣十數。 驅

馳戎馬間,以勞卒。贈光祿少卿。

學山中者將十年。 應良,字原忠,仙居人。正德六年進士。官編修。 嘉靖初,還任,伏闕爭大禮,廷杖。 張璁黜翰林爲外官,良得山西副使, 守仁在吏部,良學焉。 親老歸養,講

盧可久,字一松。程粹,字養之。皆永康諸生。與同邑應典,皆師守仁。 粹子正誼,歷

順天府尹。

謝病歸,卒。

應典,字天彝。進士。官兵部主事。居家養母,不希榮利。 通籍三十年,在官止一考。

可久傳東陽杜惟熙,惟熙傳同邑陳時芳、陳正道。惟熙以克己爲要,嘗曰:「學者一息

不昧 貢不仕。 ,則萬古皆通,一刻少寬,卽終朝欠缺。」卒年八十餘。時芳博覽多聞,而歸於實踐。 正道爲建安訓導,年八十餘,猶徒步赴五峯講會。其門人呂一龍,永康人,言動不 歲

苟,學者咸宗之。

董澐,字子壽,海寧人。 年六十八矣,游會稽,肩瓢笠詩卷謁守仁,卒請爲弟子。子瀔,

列傳第一百七十一 儒林二

官知縣,亦受業守仁。

事有小過不足累。」故在官弗発干請,以不謹斥。 事中戚賢等薦畿。夏言斥繼僞學,奪賢職,繼乃謝病歸。繼嘗云:「學當致知見性而已,應 奔守仁喪,經紀葬事,持心喪三年。人之,與德洪同第進士。授南京兵部主事,進郎中。 大喜。嘉靖五年舉進士,與錢德洪並不就廷對歸。守仁征思、田、留畿、德洪主書院。已, 王畿,字汝中,山陰人。弱冠舉於鄉,跌宕自喜。後受業王守仁,聞其言,無底滯,守 給

陽明學派,以龍谿、心齋爲得其宗。 逞者,率自名龍谿弟子。而泰州王艮亦受業守仁,門徒之盛,與畿相埓,學者稱心齋先生。 動 人,所至聽者雲集。每講,雜以禪機,亦不自諱也。學者稱龍谿先生。其後,士之浮誕不 | 畿旣廢,益務講學,足跡遍東南,吳、楚、閩、越皆有講舍,年八十餘不肯已。 善談說,能

役 於官。艮哭曰:「爲人子,令父至此,得爲人乎!」出代父役,入定省,惟謹。 艮,字汝止。 初名龈,王守仁爲更名。七歲受書鄉塾,貧不能竟學。父竈丁,冬晨犯寒

艮讀書, 止,孝經、論語、大學, 信口談說, 中理解。有客聞良言, 詫曰:「何類王中丞語。」

其間,聲名反出諸弟子上。然艮本狂士,往往駕師說上之,持論益高遠,出入於二氏。 不悅。 艮往謁, 拒不見,長跪謝過乃已。 王氏弟子遍天下,率都爵位有氣勢。 艮以布衣抗 要人士,告以守仁之道,人聚觀者千百。抵京師,同門生駭異,匿其車,趣使返。守仁聞之, 卒稱弟子。從守仁歸里,歎曰:「吾師倡明絕學,何風之不廣也」」還家,製小車北上,所過招 ·乃謁守仁江西,與守仁辨久之,大服,拜爲弟子。 明日告之悔,復就賓位自如。 已,心折,

之,抵其城下,死焉。 詔贈光祿寺卿,予祭葬,任一子官。 樾,字子直,貴溪人。舉進士。歷官雲南左布政使。元江土會那鑑反, [2] 詐降。

艮傳林春、徐樾,樾傳顏鈞,鈞傳羅汝芳、梁汝元,汝芳傳楊起元、周汝登、蔡悉。

推王畿,志行敦實推春及羅洪先。進文選郎中,卒官,年四十四。發其篋,僅白金四兩,僚 時十一年會試第一,除戶部主事,調吏部。 縉紳士講學京師者數十人,聰明解悟善談說者, 友棺斂歸其喪。 春,字子仁,泰州人。聞良知之學,日以朱墨筆識臧否自考,動有繩檢,尺寸不踰。

講座。 汝芳,字維德,南城人。 遷刑部主事 ,歷寧國知府。 嘉靖三十二年進士。除太湖知縣。 民兄弟爭產,汝芳對之泣,民亦泣,訟乃已。 召諸生論學, 公事多決於 創開元會

列

傳第

百七

+

儒

林二

鈞 汝芳事之,飲食必躬進,人以爲難。 服 罪 講 闪 闋 學,後鈞繫南京獄當死,汝芳供養獄中,鬻產救之,得滅戍。 亦令聽講。 起補 東昌,移雲南 入觀,勸徐階聚四方計吏講學。階遂大會於靈濟宮, 屯田副使,進參政,分守永昌,坐事爲言官論罷。 鈞詭怪猖狂,其學歸釋氏,故汝芳之學亦近 汝芳旣罷官,鈞 聽者數千人。 初,汝芳從永新顏 釋。 亦赦歸。

宗傳, 盡採先儒語類禪者以入。 蓋萬曆世士大夫講學者, 多類此。 官,累官南京尚寶卿。起元淸修姱節,然其學不諱禪。 未幾卒。 學焉。 楊起元、周汝登,皆萬曆五年進士。 張居正方惡講學,汝芳被劾罷,而起元自如,累官吏部左侍郎。 天啓初,追諡文懿。汝登,嵊人。初爲南京工部主事,権稅不如額,謫兩淮鹽 起元,歸善人。 汝登更欲合儒釋而會通之,輯聖學 選庶吉士,適汝芳以參政 拾遺被劾,帝不問。 入賀,遂 運判

南京 吏部主事,累官南京尚寶卿,移署國子監。嘗請立東宮,又極論礦稅之害。有學行,恬 蔡悉,字士備,合肥人。嘉靖三十八年進士。授常德推官。築郭外六隄以発水患。 仕五十年,家食强半。 清操亮節,淮西人宗之。 擢

歐陽德,字崇一,泰和人。 甫冠舉鄉試。 之贛州,從王守仁學。不應會試者再。

復 牛 司 改 業 年 徒 南 論 策問陰詆守仁,德與魏良弼等直發師訓無所阿,竟登第。 作 京 學 講亭, 鴻臚 入 卿。 爲 進諸生與四方學者論 刑部員 **父憂,服闋** 外郎。 , 六年詔簡朝士有學行者爲翰林,乃改德 留養 其 道 其 母,與鄒守益、聶豹、羅洪 中。 尋改南京尙寶卿。 除知六安州 召爲 先日講學。 太僕 編 修。 ,建龍津書院,聚 少卿 以 遷 薦 南京國子 起故官。 以 便養,

累

遷

吏

部

左侍郎兼學士,掌詹事

府

從。 滋不 外, 旭 何從。」帝不 同 龍不相見」之說,諱言建儲,德懇請。 疏言:「曩太祖以父婚子, 諸王皆處禁中。 德遇事 悦, , 母 請從 憂 然終諒其誠,婚亦竟不同 歸 侃侃 初制。」帝 悦曰:「旣云王禮,自有典制。 ,服未闋,即 ,裁制諸宗藩尤有 不許。 用爲禮部尚書。 德又言:「會典醮詞, 日。 執。 或當 裕 喪畢之官,命直無逸殿。時儲位久虛,帝惑陶仲文 王 會有詔,二王出邸同日婚。 如若言,何不竟行册立耶。」德 日康妃杜氏薨,德請用成化朝紀淑妃故事,不 利害,衆相顧色戰,德 宣宗、孝宗以兄婚弟,始出 主器則曰承宗,分藩 意氣自 德以裕王儲 則日承家。 即具册立儀 如 外府。 今裕王 貮 今事 不當出 與太 帝 當

知 之學。 當是時,德與徐階 赴者五千人。 、聶豹、程文德並 都城講學之會,於斯爲盛 以宿學都顯位。 於是集四方名士於靈濟宮,與論良

德器宇溫粹, 學務實踐,不尙空虛。 晚見知於帝,將柄用,而德遽卒。 贈太子少保,諡

列

傅

第

文莊。

鄕,不就會試,曰:「老親在,三公不與易也。」母死,廬墓側。虎環廬嘷,不爲動。歷官四川 参議,所至有廉惠聲。年近九十而卒。 族人瑜,字汝重,亦學於守仁。守仁教之曰:「常飲然無自是而已。」瑜終身踐之。舉於

敞乃謝循。循歷知鎭江、淮安二府,徐州兵備副使,咸有聲。 人素出劉瑾門,循罷其管事。瑾怒罵尚書王敞,敞懼,歸部趣易奏。循故遲之,數日瑾敗, 羅洪先,字達夫,吉水人。父循,進士。歷兵部武選郎中。會考選武職,有指揮二十餘

每肅客,洪先冠帶行酒、拂席、授几甚恭。居二年,詔劾請告踰期者,乃赴官。尋遭父喪,苫 同邑李中,傳其學。 塊蔬食,不入室者三年。 吾壻成大名。」洪先曰:「儒者事業有大於此者。此三年一人,安足喜也。」 洪先事親孝。父 洪先幼慕羅倫爲人。年十五,讀王守仁傳習錄好之,欲往受業,循不可而止。 嘉靖八年舉進士第一,授修撰,卽請告歸。 外舅太僕卿曾直喜曰:「幸 繼遭母憂,亦如之。 乃師事

後、皇太子出御文華殿、受羣臣朝賀。時帝數稱疾不視朝、諱言儲貳臨朝事、見洪先等疏、 十八年簡宮僚,召拜春坊左贊善。明年冬,與司諫唐順之、校書趙時春疏請來歲朝正

大怒曰:「是料朕必不起也。」降手詔百餘言切責之,遂除三人名。

訪。曰:「苟當其任,皆吾事也。」邑田赋多宿弊,請所司均之,所司卽以屬。洪先精心體察, 章、河渠、邊塞、戰陣攻守,下逮陰陽、算數,靡不精究。至人才、吏事、國計、民情,悉加意諮 洪先歸,益尋求守仁學。甘淡泊,鍊寒暑,躍馬挽强,考圖觀史,自天文、地志、禮樂、典

守,寇引去。素與順之友善。順之應召,欲挽之出,嚴嵩以同鄕故,擬假邊才起用,皆力辭。 弊頓除。歲饑,移書郡邑,得粟數十石,率友人躬振給。流寇入吉安,主者失措。 爲畫策戰

告學人。又曰:「儒者學在經世,而以無欲爲本。 洪先雖宗良知學,然未嘗及守仁門,恒舉易大傳「寂然不動」、周子「無欲故靜」之旨以 惟無欲,然後出而經世,識精而力鉅。」 時

王畿謂良知自然,不假纖毫力。洪先非之曰:「世豈有現成良知者耶。」雖與畿交好,而持論 山中有石洞,舊爲虎穴,葺茅居之,命曰石蓮。謝客,默坐一榻,三年不出 戶。

「喬微諷之,厲聲曰:「君不聞志士不忘在溝壑耶。」」江漲,壞其室,巡撫馬森欲爲營之,固辭不 初,告歸,過儀眞,同年生主事項喬爲分司。有富人坐死,行萬金求爲地,洪先拒不聽。

列傳

第

F]

隆慶初卒,贈光祿

少卿,諡文莊

郎。 編 母憂,服闋,起禮部右侍郞。 修。 **父憂,廬墓側,終喪不入內。** 程文德,字舜敷,永康 坐同 年生楊名劾汪鋐 事,下詔獄,謫信宜典史。 俺答犯京師, 初受業章懋,後從王守仁遊。 起兵部郎 分守宣武門, 盡納鄉民避寇者。 中,擢廣東提學副使,未赴,改南京國子祭酒。 鋐罷,量移安福 登洪先榜進士第二,授翰林 知縣,遷兵部員外 調吏部為 左

旣歸,聚徒講學。 欲遠已,命調南京工部右侍郎。 三十三年供事西苑。 卒,貧不能殮。 所撰青詞,頗有所規諷,帝銜之。 文德疏辭,勸帝享安靜和平之福 萬曆間,追贈禮部尚書,諡文恭。 會推南京東部尚書,帝疑文德 帝以爲謗訕,除其名。

已,改掌詹事府。

下詔獄, 歐陽衢 年,應天府進試錄, 吳悌,字思誠,金谿人。嘉靖十一年進士。 詔獄 出視 ,貶官,府尹孫懋等下南京法司,尋得還職,而停舉子會試。 兩淮鹽政。 考官評語失書名,諸生答策多譏時政。 海溢、沒通、泰民廬、悌先發漕振之而後奏聞。 除樂安知縣,調繁宣城,徵授御史。 帝怒,逮考官諭德江汝璧、洗馬 悌爲舉子求寬,坐 尋引疾歸,還朝,

按 河南。伊王典獎驕横,憚悌,遺書稱爲友。悌報曰:「殿下,天子親藩,非悌所敢友。

天子憲臣,非殿下所得友。」王愈憚之。

敗,起故官,一歲中累遷至南京大理卿。時吳嶽、胡松、毛愷並以耆俊爲卿貳,與悌稱「南都 故,徐曰:「俟談少間,當以政請。」 言爲改容。及嵩擅政,悌惡之,引疾家居垂二十年。 嵩 四君子」。隆慶元年就遷刑部侍郎。 夏言、嚴嵩當國,與悌鄉里。 嘗謁言,衆見言新服宮袍,競前譽之,悌却立不進。 言問 明年卒。

淵、吳澄、吳與弼、陳九川並祀,曰五賢祠,學者稱疏山先生。 曰:「悌,理學名臣,不宜循常格。」遂用黃孔昭例,贈禮部尙書,諡文莊。 **悌爲王守仁學,然淸修果介,反躬自得爲多。萬曆中,子仁度請恤。** 鄉人建祠,與陸九 吏部尚書孫 丕揚

溫純恚甚,請定國是,以剖衆疑,而深爲仁度惜。 吏部 御史康丕揚復劾仁度傾光祚而代之,詔改調之南京。 考功,仁度欲稍寬邦淸罰,給事中梁有年遂劾仁度黨比。時光祚引疾去,而仁度代爲文選, 主事,歷考功郎中。 仁度,字繼疎。萬曆十七年進士。授中書舍人。三王並封議起,抗疏爭之。久之,擢 稽勳郎中趙邦淸被劾,疑同官鄧光祚等嗾言路,憤激力辨。章下 仁度尋補南京刑部郎中,擢太僕少卿,進 自邦清被論後,言路訐不已,都御史

|漣等善,勒令致仕,尋卒。 理 右僉都御史,巡撫 卿,進兵 部 右侍 郎,復 Щ 四 稱疾 砥 仁度,名父子,克自振 廉 去。 隅, 再起工部 務慈愛, 與魏允貞齊名。 左侍郎。 勵,鄒元標亟稱之。 天啓五年,魏忠賢以仁度與趙 居四年,以疾 歸。 熹宗. 南星 初,起大 |楊

仁 滿考,即致仕。 誠 洞 一面 意 立論尚平實 之學於弘綱。 盎溢。 何廷仁,初名秦,以字行,改字性之。 後 視 事。 而 ,守仁歿後,有爲過高之論者,輒曰:「此非吾師言也。」除新會知縣,釋菜獻章 弘綱難近,未嘗假色笑於人。 弘綱 政尙簡易,士民愛之。 守仁征桶岡,詣軍門謁,遂師事焉。 曲 鄉舉官刑部主事 遷南京工部主事, 黄弘綱,字正之。 然兩人志行相 嘉靖元年舉於鄉,復從守仁浙東。 分司儀真,権燕湖 準。 皆零都人。 廷仁初慕陳獻章,後聞王守 廷仁和厚,與人接, 税,不私一錢。 廷

畿。時人語曰:「江有何、黃,浙有錢、王。」然守仁之學,傳山陰、泰州者,流弊靡所底極,惟江 西多實踐,安福則劉邦采,新建則魏良政兄弟,其最著云。 守仁之門,從遊者恒數百,浙東、江西尤衆,善推演師說者稱弘綱、廷仁及錢德洪、王

師 事焉。 父憂,蔬水廬墓。 邦采、字君亮。族子曉受業守仁、歸語邦采、遂與從兄文敏及弟姪九人謁守仁於里第、 発喪,不復應舉。 提學副使趙淵檄赴試,御史儲良才許以常服

明,用力果銳。 **入闡,不解衣檢察,乃就試,得中式。** 守仁倡良知爲學的,久益敝,有以揣摩爲妙悟,縱恣爲自然者,邦采每極言 久之,除壽寧教諭,擢嘉興府同知,棄官歸。 邦采識高

排斥焉

敦朴,燕居無惰容,嘗曰:「不尤人,何人不可處;不累事,何事不可爲。」舉鄉試第一而卒。 史唐龍持論與守仁異,戒諸生勿往謁,良政兄弟獨不顧,深爲守仁所許。 礪,以融氣稟,絕外誘,徵諸倫理、事物之實,無一不慊於心,而後爲聖門正學,非困勉不可 得入也。 良政,字師伊。守仁撫江西,與兄良弼,弟良器、良貴,咸學焉。提學副使邵銳、巡按御 文敏,字宜充。至父喪除,絕意科舉。嘗曰:「學者當循本心之明,時見己過,刮磨砥 高談虛悟,炫末離本,非德之賊乎。〕曉,字伯光。舉於鄉,後爲新寧知縣,有善政。 良政功尤專,孝友

良弼嘗言,「吾夢見師伊,輒汗浹背」,其爲兄憚如此。 ,踐履務平實。良關,自有傳。良貴,官右副都御史。 良器,字師顏。 性超穎絕人,雖宗良

謂之閨 起貴州 萬曆 僉事 中 王 時 ·,南赣巡撫張岳 參政,旋擢南京鴻臚卿,進太常,皆不赴。 察。 累官太僕 槐 時槐在閨察中,羣情不服,請召時槐,且永停閨察。」 字 子 小 植 卿 ,降光祿 一硫萬之。 安福 人。 少卿。 嘉靖二十六年進士。 東部言:「六年京察,祖制 隆慶末,出爲陝西 授南京兵部 | 參政。 也。 若執 報可。 張 居正 主事 政 有所驅除,非 0 柄 **外之**, 國, 歷禮 陸光 部則 以京察 祖掌 時 中 福 罷 舉, 歸。 建

說,決 精明了 年八十四卒。 則不安,非善而 悟造化生生之幾,不隨念慮起滅。 時槐 不可易。 悟而言 師 同縣劉文敏,及仕,偏質四方學者,自謂終無所得。 謂 何。」又曰:「居敬、窮理,二者不可廢 使性中本無仁義,則惻隱羞惡更何從生。 之窮理,即考索討論,亦居敬中之一事。 學者欲識 眞幾, 當從愼獨入。 0 要之,居敬二字盡之。 且人應事接物,如是則安,不 敬無所不該,敬外更無餘事 年五十,罷官,反身實證,始 其論 性 日: 「孟子性善之 自其居 也。」 敬之 如是

乞休歸,專用 廬 陵 陳嘉謨,字世顯,與時槐同年進士。 力於學。 凡及其門者,告之曰:「有塘南在,可往師之。」塘南,時槐別號也。 爲給事中,不附嚴嵩,出之外。 歷湖廣參政, 年

八十三卒。

列傳第一百七十一 儒林二

吏部。已,調北 字遠有後言,博不悅,字遠遂移疾去。隆慶初,高拱薦起考功主事,出爲廣東僉事,招 許孚遠,字孟中,德清人,受學同郡唐樞。 部。尚書楊博惡孚遠講學,會大計京朝官,黜浙人幾半,博鄉山西 嘉靖四十一年成進士,授南 京工部主事,就 無

大盜李茂、許俊美擒倭黨七十餘輩以降,錄功,賚銀幣。旋移福建。

給 運 並 事中鄒元 司 得徵,由孚遠倡也。 判官。 神宗立,拱罷政,張居正議逐拱黨,復大計京官。王篆爲考功,誣字遠黨拱, 標薦,擢陝西提學副使,敬禮貢士王之士,移書當路,幷元卿、元錫薦之。後三 歷兵部郎中,出知建昌府,暇輒集諸生講學,引貢士鄧元錫 遷應天府丞,坐爲李材訟冤,貶二秩,由廣東僉事再遷右通 、劉元卿爲 友。 謪 政。 兩 尋以 鹽

字遠入其六於官。 從。 日、彭湖及浙 遠擒倡首者,亂稍定,而給 呂宋國 二十年擢右 中 陳錢、 **僉都御史,巡撫福** 又募民墾海壇 金塘、玉環、南麂諸島, 人襲殺其父,字遠以聞,詔戮罪 事 ,中耿隨龍、御史甘士价等劾孚遠宜斥,帝不問。 地 建。 八萬三千有奇,築城建營舍,聚兵以守, 倭陷 朝鮮,議封貢,孚遠請敕諭 皆報可。 人,厚犒其使。 居三年,入爲南京大理卿,就遷兵部 福 州饑, 日本摘 因請推 民掠官府,孚 所部多僧 斬平秀吉,不 行 於南

右侍郎,改左,調北部。 甫半道,被論。乞休,疏屢上,乃許。又數年,卒於家,贈南京工部

尚書,後諡恭簡。

幽 齒 。 從孚遠遊者,馮從吾、劉宗周、丁元薦,皆爲名儒。 靜字,合下三語,始爲無病。今以心意知物,俱無善惡可言者,非文成之正傳也。」彼此論益 中,立論至爲明析。無善無惡心之體一語,蓋指其未發時,廓然寂然者而言之,止形容得一 作九諦以難之,言:「文成宗旨,原與聖門不異,以性無不善,故知無不良。良知卽是未發之 京,與汝芳門人禮部侍郎楊起元、尚寶司卿周汝登,並主講席。 字遠篤信良知, 而惡夫援良知以入佛者。 知建昌, 與郡人羅汝芳講學不合。 及官南 而字遠撫福建,與巡按御史陳子貞不相得,子貞督學南畿,遂密諷同列拾遺劾之。 汝登以無善無惡爲宗,孚遠

子博士,徐階爲祭酒,命六館士咸取法焉。 出,士大夫多力排之,時熙一見歎曰:「道不在是乎?向吾役志詞章,末矣。」已而以疾稍從 事養生家。 尤時熙,字季美,洛陽人。生而警敏不羣,弱冠舉嘉靖元年鄉試。時王守仁傳習錄始 授元氏教諭,父喪除,改官章丘,一以致良知爲教,兩邑士亦知新建學。 居常以不獲師事守仁爲恨,聞郎中劉魁得守仁 入為 國

墨自恣,故其論議切於日用,不爲空虛隱怪之談。 中設守仁位,長興必焚香肅拜,來學者亦令展謁。 課足而止,不私一錢。念母老,乞終養歸,遂不出,日以修己淑人爲事,足未嘗涉公府。 之傳,遂師事之。 魁以直言錮詔獄,則書所疑,時時從獄中質問。 卒於萬曆八年,年七十有八,學者稱西川 晚年,病學者憑虛見而忽躬行,甚且越繩 尋以戶部主事権稅滸墅,

其門人,孟化鯉最著,自有傳。

載道。 訓導,會地大震,人多傾壓死,上官令署縣事,救災扶傷,人胥悅服。 徐樾以王守仁再傳弟子來爲參政,後覺率同志往師之,學益有聞。 哀毁,三年不御內。早歲,聞良知之說於縣敎諭顏鑰,遂精思力踐,偕同志講習。 張後覺,字志仁,在平人。父文祥,由鄉舉官廣昌知縣。 後覺生有異質,事親孝, **久之,以歲貢** 及致仕歸, 士民泣送 已而 生授華陰 居喪 貴谿

居,病不能爲禮,乃促席劇談,飽蔬食而去。平生不作詩,不談禪,不事著述,行孚遠近,學 講學爲事,門弟子日**益**進。 士師 事焉。 東 昌知府羅汝芳、提學副使鄒善皆宗守仁學,與後覺同志。 汝芳亦建見泰書院,時相討論。 凡吏於其土及道經在平者,莫不造廬問業。 **猶以取友未廣,北走京師,南游江左,務以親賢** 善爲建願學書院,俾六郡 巡撫李世達兩詣 Щ

列

傳第

者稱之爲弘山先生。年七十六,以萬曆六年卒。

不問。 起。 學,遂師事之。次其問答語,爲弘山敎言。 鄉人欲舉其孝行,力辭之。 其門人、孟秋、趙維新最著。 家貧,或倂日而食,超然自得。 喪偶,五十年不再娶。嘗築垣得金一篋,工人持之去,維新 秋,自有傳。 亦以歲貢生爲長山訓導,年九十二,無疾而終。 性純孝,居喪,五味不入口,柴毀骨立,杖而後 維新,亦在平人,年二十,聞後覺講良知之

以讚幼,見父與人論學,輒牽衣尾之,間出語類夙儒。父閔其勤學,嘗扃之斗室。 鄧以讚,字汝德,新建人。張元忭,字子蓋,紹興山陰人。二人皆生有異質,又好讀書。

官軍敗績,巡撫呂光洵討滅之。至隆慶初,議者追理前失亡狀,逮天復赴雲南對簿,元忭適 下第還,萬里護行,髮盡白。已,復馳詣闕下白冤,當事憐之,天復得削籍歸 死,爲文遙誄之,慷慨泣下。父天復,官雲南副使,擊武定賊鳳繼祖有功。 元忭素羸弱,母戒毋過勞,乃藏燈幕中,俟母寢始誦。 十餘歲時以氣節自負,聞楊繼盛 已,賊還襲武定,

座主張居正枋國政,以讚時有匡諫,居正弗善也,移疾歸。 隆慶五年,以讚舉會試第一,廷試第三,授編修,而元忭以廷試第一,授修撰。 久之,補原官,旋引退。 萬曆初, **韶起中**

以重宗廟,安社稷也。」會廷臣多諫者,事竟寢。 册立,殆未諒中宮心。 斥三王並封之非,中言:「中宮鍾愛元子, 其願早正春宮, 視臣民尤切。 二十餘年,在官僅滿一 允,至中途復以念母返。 考。 況信者,國之大寶,建儲一 再起南京祭酒、就擢禮部右侍郎、復就轉吏部、再疏請建儲,且力 居母憂,不勝喪而卒,贈禮部尚書,諡文潔 尋召爲吏部右侍郎,力辭不拜。 事,屢示更移,將使詔令不信於天下,非所 陛下以厚中宮而 以讚登第 緩

悒悒得疾卒。 居 使楚府還,過家省母,旣行心動,輒馳歸,僅五日,母卒。 恩,請復父官,詔許給冠帶。 喪毁瘠,遵用古禮,鄉人多化之。 元忭嘗抗疏救御史胡涍,又請進講列女傳於兩宮,修二繭之化,皆不省。 天啓初,追諡文恭。 至是復申前請,格不從。 服闋,起故官,進左諭德,直經筵。 元忭奉二親疾,湯藥非口嘗弗進, 先是,元忭以帝登極 萬曆十年奉

潔,而元忭矩矱儼然,無流入禪寂之弊。 以讚、元忭自未第時即從王畿游,傳良知之學,然皆篤於孝行,躬行實踐。 汝懋,御史。 以讚品端志

孟化鯉,字叔龍,河南新安人。孟秋,字子成,在平人。化鯉年十六,慨然以聖賢自期。

而秋兒時受詩,至桑中諸篇,輒棄去不竟讀。

仲軾 爲民。 給事 黜陟 學 河河 雜 中 ′,名籍甚。 化 西人尸祝之。 張 職 旣 鯉 歸 棟先以建言削籍,化鯉奏起之,忤旨, 舉萬曆八 ,築書院川上,與學者講習不輟,四方從游者恒數百人。 **久之卒**。 閣 臣· 時內閣權重,每銓除必先白,化鯉獨否, 疏救,命以原品調 年進士。 南畿、山 授戶 東大饑,奉命往 ,部主事,時相 外。 頃之,言官復交章教, 振,全活多。 奪堂官俸,謫化鯉及員外郎項復弘、主事 欲招致之,辭不往。 中官請託復不應, 改 吏部,歷文選郎 帝益 怒,奪言官俸,斥化鯉等 権稅河西務,與諸生講 以故 中,佐 多不 尚 書孫 悅。 姜 鑨 都

貶,歸 迎狼 歷 職 方員 尚 寶丞 藉 秋 塗與妻孥共駕一牛車,道旁觀者咸歎息。 外 舉隆 其中,數曰:「孟我疆風味,大江 郎 少卿,卒。 督視 慶五 年進士。 Щ 海 秋旣歿,廷臣爲請諡 關。 關 爲昌黎知縣,有善政。 政久 他,奸人出入自擅,秋禁之嚴。 以南未有 者章數十上。 許字遠嘗過張秋,造其廬,見茆屋數椽,書 也。」我疆者,秋別 遷大 理 天啓初,賜諡 空評事, 去之日,老稚載道泣留。以 、號也。 中流言,萬曆九年京察坐 清憲 後 起官刑部主事,

共 (者,時人稱「二孟」。 化鯉之學得之洛陽尤時熙,而秋受業於邑人張後覺。 化鯉 自貢 、入太學,即與秋 道義相勖,後爲吏部郎,而湫官尚寶,比舍居, 時熙師日劉魁, 食飲起居無弗

後覺則顏鑰、徐樾弟子也。

列傳第一百七十一 儒林二

數年,始悟易象。 年而後書成。 用功尤篤。自言學莫邃於易。 知爲本,盡倫爲要。所著有省覺錄、省事錄、理學辨疑、心學晦明解諸書,而周易集註 繼歿,廬墓六年,不飮酒茹葷。 來知德,字矣鮮,梁山人。 又數年始悟文王序卦、孔子雜卦之意。又數年始悟卦變之非。蓋二十九 初,結廬釜山,學之六年無所得。 服除,傷不及祿養,終身麻衣蔬食,誓不見有司。 幼有至行,有司舉爲孝童。 嘉靖三十一年舉於鄉。 後遠客水溪山中,覃思者 其學以致 二親相

授官致仕,有司月給米三石,終其身。 萬曆三十年,總督王象乾、巡撫郭子章合詞論薦,特授翰林待詔。 知德力辭,韶以所

劉陽諸宿儒論學。 生,遊邑人羅汝芳門,又走吉安,學於諸先達。 鄧元錫,字汝極,南城人。十五喪父,水漿不入口。十七行社倉法,惠其鄉人。已爲諸 後不復會試,杜門著述,踰三十年,五經皆有成書,閔深博奧, 嘉靖三十四年舉於鄉,復從鄒守益、劉邦采、 學者稱潛

谷先 生

病, 辭。 於朝 痊可起送赴部, 竟不行。 敦遣 明 休 年 寧范 南京 御史王道 祭 一道,甫離 淶知南城時,重元錫。 酒 趙用賢 顯復 亦請徵聘,如吳 卒。 以元錫、元卿並 鄉人私諡文統先生。 二十一年,巡按御史秦大夔復並薦二人,詔以翰林待詔徵之, 後爲南昌知府,萬曆十六年入覲,薦元錫及劉元卿、章潢 與 薦,且請倣祖宗徵辟故事,無拘部試。 河 、陳獻章故 事。 得旨,有 司 起送 部 詔令 試 元錫 有司 問 固

九)函 ·史上下編、皇明書,並行於世。 思、四教、六藝皆桎梏也。 元 錫之學,淵源王守仁,不盡宗其說。 元錫力排之,故生平博極羣書,而要歸於六經。 時心學盛行,謂學惟無覺,一 覺卽無餘蘊,九容、 所著五經釋、

有司

上

家而

引 士 守仁弟子 疾歸, Ē 擢禮 聞而 元 卿,字調父,安福人。舉隆慶四年鄉試,明年會試,對策極陳時弊, 肆力撰述,有山居草、還山續草、諸儒學案、賢弈編、思問編、禮律類要、大學新編 部 也。 大怒,下所司申飭,且令人密詢之,其人反以情告, 主事,疏請早朝勤政, 萬曆二年,會試不第,遂絕意科名,務以求道爲事。 又請從祀鄒守益、王艮於文廟,釐正外蕃朝貢舊儀。 乃獲免。 旣累被薦,乃召爲國子博 旣歸,師同邑劉陽,王 主者不敢錄。

諸書。

卿、潢並蒙薦辟,號「江右四君子」。 言 卷, 月給米三石贍其家。 從游者甚衆。 ,身無非禮之行,交無非禮之友,目無非禮之書,乃私諡文德先生。 日圖書編。 潢, 字本淸,南昌人。居父喪,哀毀血溢。 數被薦,從吏部侍郎楊時喬請, 又著周易象義 卒於萬曆三十六年, 年八十二。 詩經原體 、書經原始、春秋竊義 遙授順天訓導, **搆此洗堂,聯同** 其鄉人稱潢自少迄老,口 如陳獻章、來知德故事,有 、禮記劄言、論語約言諸書。 志講學。 自吳與弼後,元錫、元 輯羣書百二十七 無 非 禮 之 司

校勘記

- 師事 下陳獻章 原無「陳」字。 按本傳此處始見陳獻章之名,應冠姓,今補。
- 永豐呂懷 呂懷,原作「李懷」,據本書卷二〇八洪垣傳、明進七題名碑錄嘉靖壬辰科改。
- 中王門學案及明進士題名碑錄正德丁丑科改。 Щ 陰蔡宗克 蔡宗兗,原作「葉宗兗」,據明史稿傳八○王守仁傳附徐愛傳、明儒學案卷 下同。 一一浙
- 23 元江 年正 月丁酉條改。 鑑 反 按元江 元江,原作「沅江」,據本書卷三二四元江傳、世宗實錄卷三九三嘉靖三十二 屬雲南,而沅江屬湖廣,是另一地。 徐樾是雲南 布政 使。

列傳第一百七十一 校勘記

(五) 文敏字宜充 王門學案改。

七二九四

明史卷二百八十四

列傳第一百七十二

儒林三

孔希學 孔彦繩 顏希惠 曾質粹 孔聞禮 孟希文 仲于陛 周冕 程接道

程克仁 張文運 邵繼祖 朱梴 朱墅

孔希學,字士行,先聖五十六代孫也,世居曲阜。祖思晦,字明道,仕元爲教諭,有學

仁宗時,以思晦襲封衍聖公,卒諡文肅,子克堅襲。

祭酒。 銀印。 克堅,字璟夫。至正六年,中書言衍聖公階止嘉議大夫,與爵不稱,乃進通奉大夫,予 十五年有薦其明習禮樂者,徵爲同知太常禮儀院事,以子希學襲封。 二十二年,克堅謝病還闕里,後起集賢學士、山東廉訪使,皆不赴。 克堅累遷國子

洪武元年三月,徐達下濟寧,克堅稱疾,遣希學來見,達送之京師。希學奏父病不能

列

傳

百七

儒

林三

七二九五

明日復召見,命以訓厲族人。因顧侍臣曰:「先聖後,特優禮之,養以祿而不任以事也。」 聖後,子孫不可不學。爾子溫厚,俾進學。」克堅頓首謝。即日賜宅一區,馬一匹,米二十石。 殿。問以年,對曰:「臣年五十有三。」曰:「爾年未邁,而病嬰之。今不煩爾以官。爾家,先 行,太祖敕諭克堅,末言「稱疾則不可」。會克堅亦來朝,遇使者淮安,惶恐兼程進,見於謹身

臨馭之初,訪世襲者得五十六代孫孔希學,大宗是紹,爰行典禮,以致褒崇。 統緒,尊其爵號,蓋所以崇德報功也。歷代以來,膺襲封者或不能繩其祖武,朕甚閔焉。 通之,以垂敎萬世,爲帝者師。其孫子思,又能傳述而名言之,以極其盛。有國家者,求其 月,德化之盛莫有加焉。然皆隨時制宜,世有因革。至於孔子,雖不得其位,會前聖之道而 衍聖公秩二品, 階資善大夫。 賜之誥曰: 「古之聖人, 自羲、農至於文、武, 法天治民, 明並日 山長一人。復孔氏子孫及顏、孟大宗子孫徭役。又命其族人希大爲曲阜世襲知縣。而進 寫,各一人。立孔、顏、孟三氏敎授司,敎授、學錄、學司各一人。立尼山、洙泗二書院,各設 益展聖道之用於當世,以副朕之至望,豈不偉歟」希大階承事郎,賜之敕。 十一月命希學襲封衍聖公。置官屬,日掌書,日典籍,日司樂,日知印,日奏差,日書 爾其領袖世 當

六年八月,希學服闋入朝,命所司致廩餼,從人皆有賜,復勞以敕,賜襲衣冠帶。 九月 三年春,克堅以疾告歸,遺中使慰問。疾篤,詔給驛還家,賜白金文綺,舟次邳州卒。

辭歸,命翰林官餞於光祿寺,賚白金文綺。明年二月,希學言:「先聖廟堂廊廡圮壞,祭器、 樂器、法服不備,乞命有司修治。 每歲入朝,班亞丞相,皆加宴賚。 先世田,兵後多蕪,而徵賦如故,乞減免。」並從之。 自是,

貌服物,畢力修舉,盡還舊觀。 希學好讀書,善隸法,文詞爾雅。 十四年卒。命守臣致祭。 每賓客讌集,談笑揮灑,爛然成章。 承大亂之後,廟

迎 黨有恩。建文二年卒。子公鑑襲。 於成賢街。自後,每歲入觀,給符乘傳。 子訥,字言伯,十七年正月襲封。 命禮官以敎坊樂導送至國學,學官率諸生二千餘人 帝旣革丞相官,遂令班文臣首。 討性恭謹,處宗

公鑑,字昭文,有孝行,嗣爵二年卒。成祖卽位,遣使致祭。

縉率三氏子孫觀禮 聞,命市與之。 御製碑文勒石。仁宗踐阼, 彥縉來朝。仁宗語侍臣曰: 「外蕃貢使皆有公館。 民間,非崇儒重道意。」遂賜宅東安門外。宣德四年,彥縉將遣使福建市書,咨禮部,部臣以 子彥縉,字朝紳,永樂八年襲,甫十歲,命肄業國學,久之遣歸。十五年修闕里文廟成, 已,奏闕里雅樂及樂舞生冠服敝壞,詔所司修治。 ,賜坐彝倫堂聽講。 幸學必先期召衍聖公,自此始。 景泰元年,帝幸學。彦 彦縉幼孤,能自立, 行聖公假館

列傳第

百七

+

儒

然與族人不 陸。 景泰六年,族祖克昫等與彥縉相託,帝置不問。

有儀, 授一 侵。 皆與焉。 人課其學。 彦縉 韶遣禮部郞爲治喪,而 帝甚悅。 子承慶 每歲入賀聖壽。 英宗復辟,入賀。 , 先卒。 孫弘緒,字以敬, 命其族父公恂理家事。 帝聞其賜第湫隘,以大第易之。 朝見便殿,握其手,置膝上,語良久。 甫八歲, 驛召弘緒至京襲封, 而彦縉卒。 妾江訴弘緒幼弱,爲族人所 凡南城賞花、西苑較射, 賜 弘緒纔十歲 玉帶金印, 進止 簡教

生母,方以皇貴妃有寵,於是具冠服拜謝,宮中傳爲盛事云。成化初,以言事謫漢陽知府, 少詹事,侍東宮講讀。入語孝肅皇后曰:「吾今日得聖賢子孫爲汝子傅。」孝肅皇后者,憲宗 士李賢言:「公恂,至聖後,贊善司馬恂,宋大賢溫國公光後,宜輔導太子。」帝喜,同日 日 且 至,丁父憂。服闋,還故秩,莅南京詹事府。久之卒。 午,不及備試卷,命翰林院給筆札。登第,卽丁母憂歸。天順初,授禮科給事 公恂,字宗文。景泰五年舉會試。聞母疾,不赴廷對。 帝問禮部,得其故,遣使召之。 中。 超拜 大學

弘緒少貴,又恃婦翁大學士李賢,多過舉。成化五年被劾,按治,奪爵爲庶人,令其弟 弘泰殁,爵仍歸弘緒子。

弘泰,字以和。 旣嗣爵,弘治十一年,山東按臣言弘緒遷善改行,命復冠帶。 明年六

子太傅。

月,聖殿災,弘泰方在朝,弘緒率子弟奔救,素服哭廟,蔬食百日。 弘泰還,亦齋哭如居喪。

弘泰生七月而孤,奉母孝,與弘緒友愛,無問言。 十六年卒,弘緒子聞韶

康盜起,聞韶與巡撫趙璜請城闕里,遷曲阜縣治以衞廟,不果行。 士,主子思子祀事,世以衍聖公弟爲之。 子 三年以尼山、洙泗二書院及鄒縣子思子廟各有祀事,奏請弟聞禮主之。 貞幹襲。 聞 韶 ,字知德。 明年,新廟建,規制踰舊,遣大學士李東陽祭告,御製碑文勒石。 兩書院各設學錄一人,薦族之賢者充焉。 嘉靖二十五年,聞韶卒, 帝 授 聞禮五經博 六年,山 正德

貞幹、字用濟。 三十五年入朝。卒,子尚賢襲。

庶 母郭氏訐尚賢。 **尚賢,字象之。** 帝爲革供奉女樂二十六戶,令三歲一朝。 巡撫丁以忠言:「尙賢沖年,宜如弘泰例,國學肄業。」從之。 十七年,尚賢仍請比歲入賀, 萬曆九年,

許之。 尚 賢 博 識。 天啓元年卒。子蔭椿先卒,無嗣,從弟子蔭植襲。

公。 蔭植先爲博士,尙賢旣喪子,遂育爲嗣。 蔭植,字對寰。 祖貞寧,衍聖公貞幹弟也,仕爲五經博士。父尙坦,國學生,追封衍聖 |天啓四年以覃恩加太子太保。|崇禎元年加太

因 家 衢州 孔 彦 繩 高宗 字 朝 命以州 武 衢 學爲 州 西安 家廟, 人,先聖五十九代孫也。 賜田五 頃,以奉祭祀。 宋建炎中,衍聖公端友 五傳至洙。 元至元間 ,命歸曲 扈蹕南渡, 阜

洙讓爵曲阜之弟 治

改徵 今訪 其祭田 重税 得洙之六世孫彥繩,請授以官,俾主祀事。」又言:「其先世祭田,洪武初,輕則起 弘治十八年,衢州知府沈杰奏言:「衢州聖廟,自孔洙讓爵之後,衣冠禮儀,猥同氓庶。 一之稅 ,請仍改輕,以供祀費。」帝可之。 正德元年授彦繩翰林院 五經博士,子孫世 科,後 直襲,幷

音,字知政,萬曆五年襲。 彦 (繩卒,子承美,字永實,十四年襲。卒,子弘章,字以達,嘉靖二十六年襲。卒,子聞 卒,子貞運,字用行,四十三年襲。 時以在曲阜者爲孔氏北宗,在

西安者爲南宗云。

減

惠以爲翰林院五經博士。 **颜、孟子孫長而賢者各一人,至京官之。** 改三氏學教授,以奉祀事。 顏希惠,復聖五十九代孫也。 未幾,以希惠非嫡子,仍以希仁長子議爲之。議,字定伯,成化元 池,字德裕。 洪武初,以顏子五十七代孫池爲宣德府學教授。 其年,希仁爲巡按御史顧睢所劾。 子拳,字克膺。 拳子希仁,字士元。 詔黜希仁、召养 景泰三年韶 十五 以 年

襲。 嗣。 年 一年襲。 賜第京師,入覲,馳驛以爲常。 肇先,字啓源。 尹祚爲人博學好義,尹宗之子伯貞旣長,遂以其職讓之。 卒,子從祖,字守嗣,襲。 卒,子嗣愼,字用修襲。卒,長子尹宗先卒,次子尹祚,字永錫,萬曆年 議卒,子鋐,字宗器,十八年襲。卒,子重德,字尚本,正德 卒,無子,嘉靖四十一年以從祖從父重禮之長子肇先爲 伯貞,字叔節,二十七年襲。

卒,子幼,弟伯廉,字叔清,三十四年襲。

卒,子紹緒,崇禎十四年襲。

|毅,字泰東,崇禎元年襲。 卒,子聞達,字像輿,十四年襲。 史劉光國所糾,於是罷袞官,而繼祖仍主祀事。卒,子承業,字洪福,萬曆五年襲。卒,子弘 按以質粹名聞,命回嘉祥,以衣巾奉祀。 之後一人于嘉祥山中,未幾而沒。嘉靖十二年,以學士顧鼎臣言,詔求嫡嗣。於是江西撫 麓,有漁者陷入穴中,得懸棺,碣曰曾參之墓。」詔加修築。正德間,山束僉事錢鋐訪得曾子 豫章,子孫散居撫、吉諸郡間。成化初,山東守臣上言:「嘉祥縣南武山西南,元寨山之東 子昊,未襲卒。昊子繼祖,字繩之,少病目,江西族人袞謀奪其職,爲給事中劉不息、御 **曾質粹,字好古,吉安永豐人,宗聖五十九代孫也。 其先,都鄉矦據避新莽之亂,徙家** 十八年,授翰林院五經博士,子孫世襲。三十九年

事。 年,蔭錫襲。卒,十六年,蔭鈺襲。 年,蔭桂襲。 自後,世以衍聖公弟爲之。 孔聞 禮 卒,天啓二年,蔭隆襲。 字知節,衍聖公聞韶弟也。 聞禮卒,嘉靖二十五年,貞寧字用致襲。卒,萬曆二十二 卒,八年,尙達襲。 正德二年韶授翰林院五經博士,CD以奉述聖祀 卒,崇禎十年,蔭相襲。 卒,十四

卒,子聞玉,崇禎二年襲。 子彥璞,字朝璽,隆慶元年襲。卒,子承光,萬曆二十九年襲。卒,子弘譽,天啓三年襲。 公肇,字先文,少好學,事繼母孔氏,以孝聞。卒,十二年,仍以公棨襲。公棨,字橐文。卒, 孫世襲。卒,子元,字長伯,弘治二年襲。卒,子公棨幼,嘉靖二年以元弟亨之子公肇襲。 其家。思諒,字友道,子克仁,字信夫。克仁子希文。景泰三年授希文翰林院五經博士,子 孟希文,字士煥,亞聖五十六代孫也。洪武元年詔以孟子五十四代孫思諒奉祀,世復

銓。 子孫世襲,賜泗水縣、濟寧州田六十餘頃,廟戶三十一,以奉其祭祀焉。 銓子則顯。則顯子于陛。崇禎十六年以衍聖公孔蔭植言,詔授于陛翰林院五經博士, 仲于陛,先賢仲子六十二代孫也。萬曆十五年詔以仲子五十九代孫呂 爲奉 祀。呂子

列 傳 第 百 七 十 = 儒 林 Ξ

Щ 蓮花峰下。 卒,子道襲。卒,子聯芳襲。 景泰七年,授冕翰林院五經博士,子孫世襲,還鄉以奉周子祀事。 卒,子濟襲。卒,從弟汝忠襲。卒,子蓮應襲。 卒,子繡麟

周冕,先賢元公周子十二代孫也。其先,道州人,熙寧中,周子葬母江州,子孫因家廬

許之,遂以接道爲翰林院五經博士,子孫世襲。十四年,土贼于大忠作亂,接道力拒,死之。 祀事。卒,以名<u>幼學</u>者承之。明初失傳。<u>崇禛三年,河南巡按李日宣請以正公之後爲之嗣,</u>詔 程接道,先賢正公程子後也。宋淳熙間,純公程子五世孫有居江寧者,嘗主金陵書院

言,爲鄕黨所稱。卒,弟宗益襲。卒,從子佳引襲。卒,從弟佳祚襲。 子孫世襲,以奉程子祀事。卒,子繼祖襲。卒,仲子世宥襲。卒,子心傳襲。心傳莊重寡 大忠所殺。 程克仁,先賢正公程子十七代孫也,世居嵩縣之六渾。景泰六年授翰林院五經博士, 崇禎十四年為土賊于

張文運,郿人,先賢明公張子十四代孫也。天啓二年授翰林院五經博士,子孫世襲,以

奉張子祀事。 **崇禎三年卒,子承引,以父憂未襲。** 六年卒,子元祥,本朝康熙元年襲。

爲翰林院五經博士,子孫世襲,以奉邵子祀事。 邵繼祖,洛陽人,先賢康節公邵子二十七代孫也。崇禎三年,河南巡按吳甡請以繼祖 **詔從之。卒,子養醇襲。**

字惟玉襲。卒,子之儁,字喬之襲。 以事入都,中途遇盗。未幾,有遺金道上者,燉守之,以還其人,人稱其廉介。卒,子學,字 院五經博士,子孫世襲,以奉朱子祀事。擬爲人淳謹,言動有則。卒,子燉,字孔 元厚襲。卒,子邌襲。卒,子法,字兆祖襲。 朱梴,字孟齡,先賢文公朱子九世孫也,世居福建建安縣之紫霞洲。 法爲人孝友。卒,子腱,字士啓襲。卒,子瑩, 景泰六年授翰林 輝襲。

林院五經博士。三十八年以本學訓導席端言,令其世襲。壓卒,子鰝襲。卒,子德洪襲。 在婺源者,請依闕里之例,錄其子孫一人,量授以官,俾掌祠事。」詔許之。嘉靖二年授墅翰 「朱子,繼孔子者也。孔子之後有曲阜、西安,朱子之後亦有建安、婺源。今建安恩典已隆, 朱墅,先賢文公朱子十一世孫也。 正德間,給事中戴銑、汪元錫,御史王完等相繼言:

校勘記

[1] 正德二年詔授翰林院五經博士 二年,原作「元年」,據本書卷七三職官志及武宗實錄卷三二

正德二年十一月丙辰條改。

91

傳第



明史卷二百八十五

列傳第一百七十三

文苑一

景明相倡和也。 歐、會、詩傲初唐。李攀龍、王世貞輩,文主秦、漢,詩規盛唐。王、李之持論,大率與夢陽、 宏道、鍾惺之屬,亦各爭鳴一時,於是宗摩、何、王、李者稍衰。至啓、禎時,錢賺益、艾南英 宋、元,溯流唐代,擅聲館閣。 而李夢陽、何景明倡言復古,文自西京,詩自中唐而下,一切 吐棄、操觚談藝之士翕然宗之。明之詩文,於斯一變。迨嘉靖時,王愼中、唐順之輩,文宗 已。永、宣以還,作者遞興,皆沖融演迤,不事鉤棘,而氣體漸弱。弘、正之間,李東陽出 文雄,高、楊、張、徐、劉基、袁凱以詩著。其他勝代遺逸,風流標映,不可指數,蓋蔚然稱盛 明初,文學之士承元季虞、柳、黃、吳之後,師友講貫,學有本原。宋濂、王禕、方孝孺以 歸有光頗後出,以司馬、歐陽自命,力排李、何、王、李,而徐渭、湯顯祖、袁 冕

第一百七十三

文 苑 一

準 北 宋 流 大抵如 之矩獲,張溥、陳子龍擷東漢之芳華,又一變矣。 此。 今博考諸家之集,參以衆論,錄其著者,作文苑傳 有明一代, 文士卓卓表見者,其源

楊維楨 陸居仁 錢惟善 胡翰 蘇伯衡 王冕 郭奎 劉炳

戴良 王逢 Ţ 鶴年 危素 張以寧 石光霽 秦裕 伯

趙 宋僖等 徐一 一夔 趙撝謙 樂良等 陶宗儀 顧德輝等

袁凱 高啓 楊基等 王行 唐肅 朱克等 孫蕡 王佐

王蒙 郭傳

張 崖。 **士誠不能用也。** 薦之而 宋三史成,維楨著正統辯千餘言,總裁官歐陽元功讀且嘆曰:「百年後,公論定於此矣。」將 父宏,築樓鐵崖山中,繞樓植梅百株,聚書數萬卷,去其梯, 士誠累招之,不赴,遣其弟士信咨訪之,因撰五論,具書復士誠,反覆告以順逆成敗之說, 元泰定四年成進士,署天台尹,改錢淸場鹽司令。狷直忤物,十年不調。會修遼、金、 楊維楨,字廉夫,山陰人。 不果,轉建德路總管府推官。 又忤達識丞相,徙居松江之上,海內薦紳大夫與東南才俊之士,造門納履 母李,夢月中金錢墜懷,而生維楨。 擢江 西儒學提舉,未上,會兵亂,避地富春山,徙錢塘。 俾誦讀樓上者五年,因自號鐵 少時, 日記書數千言。

無虚 П 酒酣以往,筆墨橫飛。 或戴華陽巾,披羽衣坐船屋上,吹鐵笛,作梅花弄。

見歌白雪之辭 ,自倚鳳琶和之。 賓客皆蹁躚起舞,以爲神仙 中人。

贈之詩曰「不受君王五色詔,白衣宣至白衣還」,蓋高之也。 帝竭吾之能,不强吾所不能則可,否則有蹈海死耳。」帝許之,賜安車詣闕廷,留百有一十 日,所纂敍例略定,卽乞骸骨。 曰:「豈有老婦將就木,而再理嫁者邪。」明年,復遣有司敦促,賦老客婦謠一章進御 二年,太祖召諸儒纂禮樂書,以維楨前朝老文學,遣翰林詹同奉幣詣門, 帝成其志,仍給安車還山。史館冑監之士祖 抵家卒,年七十五 帳西門外、宋濂 維楨 曰:「皇 謝

施,尤號名家云。 世 碧桃叟釋臻、知歸叟釋現、淸容叟釋信爲方外友。 金石聲。 維楨詩名擅一時,號鐵崖體,與永嘉李孝光、茅山張羽、錫山 宋濂稱其論撰,如覩商敦、周彝,雲雷成文,而寒芒橫逸。 張雨 稱其古樂府出入少陵、二李間,有曠 · 倪瓚、崑山顧瑛爲詩文友, 詩震蕩陵厲, 鬼設神

居士。 年,省試羅剎江賦,時鎖院三千人,獨惟善據枚乘七發辨錢塘江 雲松野衲。 維楨徙松江時,與華亭陸居仁及僑居錢惟善相倡和。 官副提舉。 兩 人旣 歿 張 ,與維楨同葬干山,人目爲三高士墓 士誠據吳、遂不仕。 居仁,字宅之,中泰定三年鄉試,隱居教授, 惟善,字思復,錢塘人。 爲曲 江 由 是得名, 號曲 至正元 自號 江

稱之不容口。游元都,公卿交譽之。與武威余闕、宣城貢師泰尤善。或勸之仕,不應。旣 |谿吳師道、浦江吳萊學古文,復登同邑許謙之門。 同郡黃溍、柳貫以文章名天下,見翰文, 胡翰,字仲申,金華人。幼聰穎異常兒。七歲時,道拾遺金,坐守待其人還之。長從蘭

歸,遭天下大亂,避地南華山,著書自適。文章與宋濂、王禕相上下。

有五。 教授。 金華民爲兵,翰從容進曰:「金華人多業儒,鮮習兵,籍之,徒糜餉耳。」太祖卽罷之。 太祖下金華,召見,命與許元等會食中書省。後侍臣復有薦翰者,召至金陵。 所著有春秋集義,文曰胡仲子集,詩曰長山先生集。 洪武初,聘修元史,書成,受賚歸。愛北山泉石,卜築其下,徜徉十數年而終,年七十 授衢州 時方籍

蘇伯衡,字平仲,金華人,宋門下侍郎轍之裔也。父友龍,受業許謙之門,官蕭山令,行

省都事。 伯衡警敏絕倫,博治羣籍,爲古文有聲。一元末貢於鄉。太祖置禮賢館,伯衡與焉。 明師下浙東,坐長子仕閩,謫徙滁州。李善長奏官之,力辭歸。

歲

之,入見,復以疾辭,賜衣鈔而還。二十一年聘主會試,事竣復辭還。尋爲處州敎授,坐表 箋誤,下吏死。二子恬、胎,救父,幷被刑。 宋濂致仕,太祖問誰可代者,濂對曰:「伯衡,臣鄉人,學博行修,文詞蔚贍有法。」太祖即徵 丙午用爲國子學錄,遷學正。被薦,召見,擢翰林編修。力辭,乞省覲歸。 洪武十年,學士

嘗做周官著書一卷,曰:「持此遇明主,伊、呂專業不難致也。」太祖下婺州,物色得之,置幕 府,授諮議參軍,一夕病卒。 隱九里山,樹梅千株,桃杏半之,自號梅花屋主,善畫梅,求者踵至,以幅長短爲得米之差。 去,北游燕都,客秘書卿泰不花家,擬以館職薦,力辭不就。旣歸,每大言天下將亂,攜妻孥 讀書。會稽韓性聞而異之,錄爲弟子,遂稱通儒。性卒,門人事冕如事性。屢應舉不中,棄 撻之,已而復然。 母曰:「兒癡如此,曷不聽其所爲。」 冕因去依僧寺,夜坐佛膝上,昳長明燈 |王冕,字元章,諸暨人。 幼貧,父使牧牛,竊入學舍,聽諸生誦書,暮乃返,亡其牛,父怒

同時郭奎、劉炳皆早參戎幕,以詩名。

奎,字子章,巢縣人。從余闕學,治經,闕亟稱之。 太祖爲吳國公,來歸,從事幕府。 朱

文正開大都督府於南昌,命座參其軍事,文正得罪,座坐誅。

武初,從事大都督府,出爲知縣。閱兩考,以病告歸,久之卒。 炳,字彦昺,鄱陽人。

至正中,從軍於浙。

太祖起淮南,獻書言事,用爲中書典籤。 洪

萊。 見士誠將敗、挈家泛海、抵澄、萊、欲間行歸擴廓軍、道梗、寓昌樂數年。 元順帝用薦者言,授良江北行省儒學提舉。良見時事不可爲,避地吳中,依張士誠。 陳治道。明年,用良爲學正,與宋濂、葉儀輩訓諸生。太祖旣旋師,良忽棄官逸去。 貫卒,經紀其家。

太祖初定金華,命與胡翰等十二人會食省中,日二人更番講經、史, 戴良,字叔能,浦江人。通經、史百家暨醫、卜、釋、老之說。學古文於黃溍、柳貫、吳 辛丑,

與王逢不忘故主,每形於歌詩,故卒不獲其死云。 會同館,日給大官膳,欲官之,以老疾固辭,忤旨。 洪武六年始南還,變姓名,隱四明山。太祖物色得之。十五年召至京師,試以文,命居 明年四月暴卒,蓋自裁也。一元亡後,惟良

良世居金華九靈山下,自號九靈山人。

武 止之。 十五年以文學徵,有司 策,北降於元以拒明。 逢,字原吉,江陰人。 又六年卒,年七十,有梧溪詩集七卷。 太祖 敦迫上道。 至正 滅士誠,欲辟用之,堅臥不 中,作河淸頌,臺臣薦之,稱疾辭。 時子掖爲通事 逢自稱席帽山 司令,以父年高,叩頭泣 起,隱上海之烏涇,歌咏 張士誠據吳,其弟士德用 請,乃命吏部符 自適。 洪

老丁杖策軍門,盡以貲獻。論功,賜田宅京師,奉朝請。烏馬兒累官甘肅行省左丞。父職 丁,以世廕爲武昌縣達魯花赤,有惠政,解官,留葬其地。 時 又有丁鶴年者,回回人。曾祖阿老丁與弟烏馬兒皆巨商。元世祖征西域,軍乏饟,

詩,情詞悽惻。 骨,斂而葬焉。 大定,牒請還武昌,而生母已道阻前死,瘞東村廢宅中,鶴年慟哭行求,母告以夢,乃嚙血沁 明。 方國珍據浙東,最忌色目人,鶴年轉徙逃匿,爲童子師,或寄僧舍,賣漿自給。 至正壬辰,武昌被兵,鹤年年十八,奉母走镇江。母殁,鹽酪不入口者五年。 晚學浮屠法,廬居父墓,以永樂中卒。 烏斯道爲作丁孝子傳。 鶴年自以家世仕元,不忘故國,順帝北遁後,飲泣賦 避地四 及海內

鶴年好學洽聞、精詩律、楚昭、莊二王咸禮敬之。 列 俳 第 百 七 + Ξ 文 碹 正統中,憲王刻其遺文行世。

林編修。 用 大 臣薦授經筵檢討。 危素,字太樸,金谿人,唐撫州刺史全諷之後。少通五經,遊吳澄、范梈門。 纂后妃等傳,事逸無據,素買餳餅饋宦寺,叩之得實,乃筆諸書,卒爲全史。遷太 。修宋、遼、金三史及注爾雅成,賜金及宮人,不受。由國子 助教遷翰 至正元年

常博士、兵部員外郎、監察御史、工部侍郎、轉大司農丞、禮部尙書。

悞軍 事,俄除翰林學士承旨,出爲嶺北行省左丞。言事不報,棄官居房山。 民。且曰:「今日之事,宜臥薪嘗膽,力圖中興。」尋進御史臺治書侍御史。二十年拜參知政 事,用普顏不花爲參政,經略江南,立兵農宣撫使司以安畿內,任賢守令以撫流竄之 時 亂將亟,素每抗論得失。十八年參中書省事,請專任平章定住總西方兵,毋迎帝師

兵亂,素往廉問,假便宜發楮幣,振維揚、京口 親 祀南郊,築北郊,以斥合祭之失。因進講陳民間疾苦,詔爲發錢粟振河南、永平民。淮南 素爲人侃直,數有建白,敢任事。上都宮殿火,敕重建大安、睿思二閣,素諫止之。請 饑。

乃趨所居報恩寺,入井。寺僧大梓力挽起之,曰:「國史非公莫知。公死,是死國史也。」 素 居房山者四年。 明師將抵燕,淮王帖木兒不花監國,起爲承旨如故。 素甫至而師入,

遂止。兵迫史庫,往告鎭撫吳勉輩出之,元實錄得無失。

憂之意。」時素已七十餘矣。御史王著等論素亡國之臣,不宜列侍從,詔謫居和州,守余闕 勸之酒,御製詩一章,以示恩寵,命各以詩進,素詩最後成,帝獨覽而善之曰:「素老成,有先 朝,被劾罷。居一歲,復故官,兼弘文館學士,賜小車,免朝謁。嘗偕諸學士賜宴,屢遣內官 廟,歲餘卒。 洪武二年授翰林侍講學士,數訪以元興亡之故,且詔撰皇陵碑文,皆稱旨。頃之,坐失

西北。 時,宴見,備言始末。帝歎息良久,命北平守將購得顱骨於西僧汝納所,諭有司厝於高坐寺 理宗顱骨爲飲器。眞跏敗,其資皆籍於官,顱骨亦入宣政院,以賜所謂帝師者。 以下諸陵,攫取金寶,裒帝后遺骨,瘞於炕之故宮,築浮屠其上,名曰鎭南,以示厭勝,又截 先是,至元間,西僧嗣古妙高欲燬宋會稽諸陵。夏人楊輦眞珈爲江南總攝,悉掘徽宗 其明年,紹興以永穆陵圖來獻,遂敕葬故陵,實自素發之云。 素在翰林

伯父於縣繫獄,以寧詣縣伸理,尹異之,命賦琴堂詩,立就,伯父得釋,以寧用是知名。 張以寧,字志道,古田人。父一淸,元福建、江西行省參知政事。 以寧年八歲,或訟其 泰定

列傳第

百七十三

文苑

中 教,累至翰林侍讀學士,知制誥。 有俊才,博學强記,擅名於時,人呼小張學士。 ·, 以 春秋舉進士,由黃巖判官進六合尹,坐事免官,滯留江、淮者十年。 在朝宿儒虞集、歐陽玄、揭傒斯、黃溍之屬相繼物故,以寧 順帝徵為國子助

寍 與朱升、秦裕伯等扈從擁翠亭,給筆札賦詩。 明 師 取元都,與危素等皆赴京,奏對稱旨,復授侍講學士,特被寵遇。 帝嘗登鍾山,以

後使者林唐臣至,然後入境將事。 國 天子聞而 一致祭。 人乞以印詔授其世子,以寧不聽,留居洱江上,諭世子告哀於朝,且請襲爵。 洪武二年秋,奉使安南,封其主陳日煃爲國王,御製詩一章遣之。甫抵境,而日煃卒, : 嘉之,賜璽書,比諸陸賈、馬援,再賜御製詩八章。 及還,道卒,詔有司歸其柩,所 事竣、教世子服三年喪、令其國人效中國行頓首稽首禮。 旣得命,俟

京者、素及以寧名尤重。素長於史,以寧長於經。素宋、元史藁俱失傳,而以寧春秋學遂行。 {秋 ,多所自得,譔胡傳辨疑最辨博,惟春王正月考未就,寓安南踰半歲,始卒業。元故官來 以寧爲人潔清,不營財產,奉使往還,樸被外無他物。本以春秋致高第,故所學尤專春

門人石光霽,字仲濂,泰州人。讀書五行俱下。洪武十三年以明經舉,授國子學正,進

博士,作春秋鈎玄,能傳以寧之學。

說,占奏悉當帝意,帝數稱之。出知隴州,卒於官。 治書侍御史。三年始詔設科取士,以裕伯與御史中丞劉基爲京畿主考官。裕伯博辨善論 **固辭,不允。與張以寧等扈從,登鍾山擁翠亭,給筆札賦詩,甚見寵待。 二年改待制,旋爲** 之。裕伯對使者曰:「食元祿二十餘年而背之,不忠也。母喪未終,忘哀而出,不孝也。」乃 而居此地,堅守不起,恐有後悔。」裕伯拜書,涕泗横流,不得已,偕使者入朝。授侍讀學士, 避地上海。居母喪盡禮。張士誠據姑蘇,遣人招之,拒不納。吳元年,太祖命中書省檄起 上中書省固辭。洪武元年復徵,稱病不出。帝乃手書諭之曰:「海濱民好關,裕伯智謀之士 裕伯,字景容,大名人。 仕元,累官至福建行省郎中。 遭世亂,棄官,客揚州。 久之,復

趙燻,字伯友,新喩人,好學,工屬文。一元至正中舉於鄉,爲上猶敎

生、黃篪、傅恕、王錡、傅著、謝徽爲纂修官,而燻與焉。 爲 總裁官,徵山林遺逸之士汪克寬、胡翰、宋僖、陶凱、陳基、曾魯、高啓、趙汸、張文海、徐尊 洪武二年,太祖詔修元史,命左丞相李善長爲監修官,前起居注宋濂、漳州府通判王禕 以是年二月,開局天界寺,取元經世

列

纂修官。先後纂修三十人,兩局並與者,燻一人而已。閱六月,書成,諸儒多授官,惟燻及 朱右、朱廉不受歸。[1] 右、

員瓊、朱廉、

王輝、

張孟兼、

高遜志、

李懋、

李汝、

張宣、

張簡、

杜寅、殷弼、

兪寅及

燻爲 佐等往北平采遺事。明年二月還朝,重開史局,仍以宋濂、
王禕爲總裁,徵四方文學士朱 而順帝一朝史猶未備,乃命儒士歐陽

之喪,不廢大國之禮。」太祖甚悅,命與宋濂同職史館,濂兄事之。嘗奉詔撰甘露頌,太祖稱 出爲靖江王府長史,卒。 尋召修日曆,授翰林編修。 高麗遣使朝貢,賜宴,樂作,使者以國喪辭。 燻進曰:「小國

始與壎同纂修者汪克寬、陶凱、曾魯、高啓、趙汸、貝瓊、高遜志並有傳,今自宋僖以下

可考者,附著於篇。

宋僖,字無逸,餘姚人。元繁昌教諭,遭亂歸。 史事竣、命典福建鄉試。

草諫章,力陳順帝並后之失,順帝欲罪之,引避歸里。已,奉母入吳,參太尉張士誠軍事 | 上誠稱王,基獨諫止,欲殺之,不果。 吳平,召修远史,賜金而還。 洪武三年冬卒。 初,上誠 陳基,字敬初,臨海人。 少與兄聚受業於義烏黃溍,從潛游京師,授經筵檢討。 嘗爲人 o

與太祖相持,基在其幕府,書檄多指斥,及吳亡,吳臣多見誅,基獨免。 世所傳夷白集,其指

斥之文猶備列云。

張文海,鄞人,與同里傅恕並入史館。

徐尊生,字大年,淳安人。元史成,受賜歸,復同修日曆。後以宋濂薦授翰林應奉,文

字草制,悉稱旨。尋以老疾辭還。

傳恕, 字如心, 鄭人。學通經史, 與同郡烏斯道、鄭眞皆有文名。 洪武二年詣闕陳治

道十二策,曰:正朝廷、重守令、馭外蕃、增祿秩、均民田、更法役、黜異端、易服制、興學校、

慎選舉、罷權鹽、停權茶。太祖嘉納之,遂命修元史。事竣,授博野知縣,後坐累死

事 商役定遠,放還,卒。斯道工古文,兼精書法。子緝,亦善詩文。洪武四年舉鄉試第一, 斯道,字繼善,慈谿人,與兄本良俱有學行。洪武中,斯道被薦授石龍知縣,調 永新,坐

授臨淮教諭。入見,賜之宴,賦詩稱旨,除廣信教授,自號榮陽外史。

南老,著侍其父玉,皆降而北面立,觀禮者以爲盛 傳著,字則明,長洲人。史成,歸爲常熟敎諭。 事 焉。 魏觀行鄉飲酒禮,長洲教諭周敏侍其父 歷官 知府,卒。

起國 子助教,卒。 謝徽,字元懿,長洲 徽博學工詩文,與同邑高啓齊名。 人。史成,授翰林國史院編 修。 弟恭,字元功,亦能詩。 尋擢 吏部 郎中, 力辭不拜, 歸。 復

列傳第一百七十三 文苑一

朱右,字伯賢,臨海人。 史成,辭歸。已,徵修日曆、寶訓,授翰林編修。 遷晉府右長

史。九年卒官。

中都,進詩十章,太祖稱善,爲和六章賜之。已而授楚王經,遷楚府右長史。久之,辭疾歸。 |州,延爲||釣臺書院山長。|洪武初,元史成,不受官歸。尋徵修日曆,除翰林編修。八年扈駕 朱廉,字伯清,義烏人。幼力學,從黃溍學古文。知府王宗顯辟教郡學。李文忠鎭嚴

貞文,得蘭谿金履祥之傳,學有端緒。嘗著論力詆楊維楨,目爲文妖。元史成,賜銀幣還。 又以薦入翰林,母老乞歸。 王彝,字常宗,其先蜀人,父爲崑山教授,遂卜居嘉定。少孤貧,讀書天台山中,師事王 坐知府魏觀事,與高啓俱被殺。

廉好程、朱之學,嘗取朱子語類,摘其精義,名曰理學纂言。

事。 聲聞於朝,擢山東副使。 才,臣劉基嘗稱之。」太祖熟視孟兼曰:「生骨相薄,仕宦,徐徐乃可耳。」未幾,用爲山西僉 **謫輸作。已,復官,太祖顧孟兼謂濂曰:「卿門人邪。」濂對:「非門人,乃邑子也。** |太祖言:「今天下文章,宋濂第一,其次卽臣基,又次卽孟兼。」太祖頜之。 廉勁疾惡,糾摘奸猾,令相牽引,每事輒株連數十人。 張孟兼,浦江人,名丁,以字行。史成,授國子學錄,歷禮部主事、太常司丞。 布政使吳印者,僧也,太祖驟貴之,寵眷甚,孟兼易之。 吏民聞張僉事行部,凛然墮膽。 孟兼性傲,嘗坐累 印謁孟兼, 其爲文有 劉基嘗爲

印書奏者,欲論以罪。即復上書言狀,太祖大怒曰:「豎儒與我抗邪!械至闕下,命棄市。 由中門入,孟魚杖守門卒。已,又以他事與相拄。太祖先入印言,逮笞孟兼。 孟兼憤,捕爲

李汶,字宗茂,當塗人。博學多才,史成,除巴東知縣,移南和。 晚年歸里,以經學訓

後進。

張宣,字藻重,江陰人。 洪武初,以考禮徵。 尋預修元史,太祖親書其名,召對殿廷,即

H 授翰林編修,呼爲小秀才。奉詔歸娶,年已三十矣。六年坐事謫徙濠梁,道卒。

張簡,字仲簡,吳縣人。 初師張雨爲道士,隱居鴻山。元季兵亂,以母老歸養,遂返儒

服。 洪武三年,薦修元史。當元季,浙東、西土大夫以文墨相尙,每歲必聯詩社,聘一二文

章鉅公主之,四方名士畢至,讌賞窮日夜,詩勝者輒有厚贈。 臨川饒介爲元淮南行省參政,

豪於詩,自號醉樵,嘗大集諸名士賦醉樵歌。 簡詩第一,贈黃金一餅,高啓次之,得白金三

斤,楊基又次之,猶贈一鎰。

杜寅,字彦正,吳縣人。 史成,官岐寧衞知事。 洪武八年,番賊既降復叛,寅與經歷熊

鼎俱被害。

士梁寅、劉于、曾魯、周子諒、胡行簡、劉宗弼、董彝、蔡深、滕公琰並與焉。曰明年書成,將 徐一夔,字大章,天台人。工文,與義烏王禕善。洪武二年八月詔纂修禮書,一夔及儒

續修元史,韓方爲總裁官,以一變薦。一變遺書曰:

竊怪執事何惓惓於不材多病之人也。僕素謂執事知我,今自審終不能 副執事之望, 邇者縣令傳命,言朝廷以續修元史見徵,且云執事謂僕善敍事,薦之當路,私心

何也

有春秋遺意。至於起居注之說,亦專以甲子起例,蓋紀事之法無踰此也。 政記,元和中,韋執誼又奏撰日曆。日曆以事繫日,以日繫月,以月繫時,以時繫年,猶 近世論史者,莫過於日曆,日曆者,史之根柢也。自唐長壽中,史官姚璹奏請撰時

於此、百年之後紀、志、列傳取於此、此法氏之史所以爲精確也。 日所錄事,有失職者罰之。如此,則日曆不至訛失,他時會要之修取於此,實錄之修取 日以錄。猶患其出於東牘,或有訛失。故歐陽修奏請宰相監修者,於歲終檢點修撰官 從之直前啓事,中外之囊封匭奏,下至錢穀、甲兵、獄訟、造作,凡有關政體者, 報,百官之進退,刑賞之予奪,臺諫之論列,給舍之繳駁,經筵之論答,臣僚之轉對,侍 往宋極重史事,日曆之修,諸司必關白。 如詔誥則三省必書,兵機邊務則樞司必 無不 隨

史館。及一帝崩,則國史院據所付修實錄而已。其於史事,固甚疎略。幸而天曆間虞 元朝則不然,不置日曆,不置起居注,獨中書置時政科,遣一文學掾掌之,以事付

集傲六典法,纂經世大典,一代典章文物粗備。

者承之於後,僕雖欲仰副執事之望,曷以哉!謹奉狀左右,乞賜矜察。 也,首尾未必穿貫也。而向之數公,或受官,或還山,復各散去。乃欲以不材多病如僕 申、陶中立、趙伯友、趙子常、徐大年輩皆有史才史學,厪而成書。至若順帝三十六年 之事,旣無實錄可據,又無參稽之書,惟憑采訪以足成之,竊恐事未必覈也,言未必馴 是以前局之史,旣有十三朝實錄,又有此書可以參稽,而一時纂修諸公,如胡仲

一夔遂不至。

未幾,用薦署杭州教授。 召修大明日曆,書成,將授翰林院官,以足疾辭,賜文綺遣還。

樂府,廣陵張昱工歌詩,無爲吳志淳、華亭朱芾工草書篆隸,撝謙悉與爲友。 天台鄭四表善易,則從之受易。定海樂良、鄭鄭眞明春秋,山陰趙俶長於說詩,迮雨善 趙撝謙,名古則,更名謙,餘姚人。幼孤貧,寄食山寺,與朱右、謝肅、徐一夔輩定文字 博究六經、百

列傅

第

氏之學,尤精六書,作六書本義,復作聲音文字通,時目爲考古先生

洪武十二年命詞臣修正韻,撝謙年二十有八,應聘入京師,授中都國子監典簿。

以薦召爲瓊山縣學教諭。二十八年,卒於番禺

其後、門人柴欽、字廣敬,以庶吉士與修永樂大典,進言其師所撰聲音文字通當采錄,

遂奉命馳傳,即其家取之。

樂良,字季本。 迮雨,字士霖。 趙俶、字本初。洪武中、官國子監博士。 以年老乞歸,加

翰林待制。

壽安坊,貧無以葺廬,酒間爲瞿佑誦所作詩,笑曰:「我死埋骨湖上,題曰詩人張員外墓足 張昱,字光弼,廬陵人。仕元,爲江浙行省左、右司員外郎,行樞密院判官。 留居西湖

矣。」太祖徵至京,憫其老,曰「可閒矣」,厚賜遣還,乃自號可閒老人。 年八十三卒。

吳志淳,字主一,元末知靖安、都昌二縣。 奏除待制翰林,爲權倖所阻,避兵於鄞。

|朱芾,字||孟辨,|洪武初,官編修,改中書舍人。

刻 刨 棄去 志字學,習舅氏趙雍篆法。 陶宗儀,字九成,黃巖人。父煜,元福建、江西行樞密院都事。宗儀少試有司,一不中 ,務古學,無所不窺。 出游浙東、西、師事張翥、李孝光、杜本。 浙帥泰不華、南臺御史丑驢舉爲行人, 又辟爲教官, 皆不就。 爲詩文,咸有程度,尤

官, 卷,又葺說郛、書史會要、四書備遺,並傳於世。 非其志也。 洪武 四年詔徵天下儒士,六年命有司舉人才,皆及宗儀,引疾不赴。 二十九年率諸生赴禮部試,讀大誥,賜鈔歸,久之卒。所著有輟耕錄三十 晚歲,有司聘爲敎

張

(士誠據吳,署爲軍諮,亦不赴。

相當。 河東張翥、會稽楊維楨、天台柯九思、永嘉李孝光,方外士張雨、于彦、成琦、元璞輩,咸主其 書、名畫、彝鼎、秘翫,築別業於茜涇西,曰玉山佳處,晨夕與客置酒賦詩其中。四方文學士 園池亭樹之盛,圖史之富暨餼館聲伎,並冠絕一時。而德輝才情妙麗,與諸名士亦略 顧德輝,字仲瑛,崑山人。家世素封,輕財結客,豪宕自喜。年三十,始折節讀書,購古

尋以子元臣爲元水軍副都萬戶,封德輝武略將軍、飛騎尉、錢塘縣男。 舉茂才,授會稽教諭,辟行省屬官,皆不就。 張士誠據吳,欲强以官,去隱於嘉興之 母喪歸綽溪

據吳也,頗收召知名士,東南士避兵於吳者依焉。 士誠再辟之,遂斷髮廬墓,自號金粟道人。及吳平,父子並徙濠梁。 洪武二年卒。 士誠之

爲國子助敎,尋分敎中都,踰年還國學,擢授司業,歸卒於家。 客松江,衆爲買田築室居焉。洪武六年聘修大明日曆,授翰林編修,乞改太平府敎授。召 作東家子傳。元季,挈家避兵於吳,盡棄他物,獨載書兩簏。上誠廩祿之,旋以母病謝去, 孫作,字大雅,江陰人。爲文醇正典雅,動有據依。 。嘗著書十二篇,號東家子,

元末文人最盛,其以詞學知名者,又有張憲、周砥、高明、藍仁之屬。

衆駭其狂。還入富春山,混緇流以自放。一日,升高呼所親,語曰:「禍至矣,亟去」」三日而 寇至,死者五百家。後仕張士誠,爲樞密院都事。吳平,變姓名,寄食杭州報國寺以歿。 <u>張憲,字思廉,山陰人。學詩於楊維楨,最爲所許。負才不羈,嘗走京師,恣言天下事,</u>

盡 遁去,游|會精,歿於兵。 治,字孝常,亦能詩。 | 窮陽羨山溪之勝。其鄕多富人,與治善者咸置酒招砥。 周砥,字履道,吳人,僑無錫。 博學工文詞,與宜興馬治善,遭亂客治家,治爲具舟車, 洪武時爲內丘知縣,終建昌知府。 砥心厭之,一日貽書別治,夜半

諳海 濱事, 高 明,字則誠,永嘉人。至正五年進士,授處州錄事,辟行省掾。 擇以自 從,與論事不合。 及國珍就撫,欲留置幕下,即日解官, 方國珍叛,省臣以明 旅寓鄞之櫟社。

太祖聞其名,召之,以老疾辭,還卒於家。

內附後,例徙濠梁,數月放歸,卒。 師之,授以四明任士林詩法,遂謝科舉,一意爲詩。後辟武夷書院山長,遷邵武尉,不赴。 藍仁,字靜之。 弟智,字明之,崇安人。一元時,清江杜本隱武夷,崇尚古學,仁兄弟俱往 智,洪武十年被薦,起家廣西僉事,著廉聲。

是,」凱頓首言:「陛下法之正,東宮心之慈。」帝以凱老猾持兩端,惡之。 凱懼,佯狂免,告 門,爲諸將說書。後帝慮囚畢,命凱送皇太子覆訊,多所矜減。凱還報,帝問:「朕與太子孰 都督府延通經學古之士,令諸武臣赴都堂聽講,庶得保族全身之道。」帝敕臺省延名士直午 歸,久之以壽終。 三年薦授御史。武臣恃功驕恣,得罪者漸衆,凱上言:「諸將習兵事,恐未悉君 袁凱,字景文,松江華亭人。元末爲府吏,博學有才辨,議論飇發,往往屈座人。 臣禮。 洪武 請於

凱工詩,有盛名。 性詼諧,自號海叟。背戴烏巾,倒騎黑牛,游行九峰間,好事者至繪爲

列

傅

第

遂呼

圖。 初, 在楊維 楨 座 ,客出所賦白燕詩,凱微笑,別作一篇以獻。 維楨大驚賞,偏示座客,人

魏觀爲移 已,並賜白金放還。 啓、徽俱 初,被薦,偕同 高啓,字季迪,長洲人。 入對,擢啓戶部右侍郎,徽吏部 其家郡中,旦夕延見,甚歡。 縣謝徽 啓嘗賦詩, 有所諷 召修元史,授翰林院 博學工詩。 刺,帝嗛之未發也。 郎中。 觀以改修府治、獲譴。 國史編 張士誠據吳, 啓依外家, 居吳淞江之青丘。 啓自陳年少不敢當重任,徽 修官,復命教授諸王。 及歸,居青丘,授書自給 帝見啓所作上梁文,因發怒, 三年秋,帝御 亦固 辭 乃 見許。 闕樓, 知府 洪武

明初,吳下多詩人,啓與楊基、張羽、徐賁稱四傑,以配唐王、楊、盧、駱云。

腰斬於市

,年三十有

九。

平江,基以饒氏客安置臨濠,旋徙河南。 言,名曰論鑒。 基,字<u></u> 宝載,其先蜀嘉州人,祖宦吳中,生基,遂家焉。 遭亂,隱吳之赤山。 張士誠辟爲 洪武二年放歸。 丞相府記室、未幾辭去、客饒介所。 尋起爲滎陽知縣,謫居 九歲背誦六經,及長著書十萬餘 鍾離 明 師 被

百七十三 文苑一

傳

第

基於 薦爲 西 副 座上 使。 江西行省幕官, |賦鐵笛歌,維楨驚喜,與俱東,語從游者曰:「吾在吳,又得一鐵矣。 進按察使, 以省 被讒奪官,謫輸作, 臣得罪,落職。 竟卒於工所。 六年起官,奉使湖廣。 初, 會稽楊維楨客吳中, 召還,授兵部員外郎 若曹就之學, 以詩 遷山 自豪。

興。 太常司丞。 張羽 領鄉薦,爲安定書院山長,再徙於吳。 ,字來儀,後以字行,本潯陽人。 太祖重其文,十六年自述滁陽王事,命羽撰廟碑。 從父宦江浙, 洪武四年徵至京師,應對不 兵阻不獲歸,與友除賁約,卜居吳 尋坐事 竄嶺南, 未半道, 召 稱旨,放還。 再徵 授

優於老鐵

學也。

惟紀行詩數首 還。 去。 吳平,謫徙臨濠。 徐賁、字幼文,其先蜀人,徙常州,再徙平江。工詩,善畫山水。 羽自知不免,投龍江以死。羽文章精潔有法,尤長於詩,作畫 ,太祖悅,授給事中。 洪武七年被薦至京。 改御史,巡按廣東。 九年春,奉使晉、冀,有所廉訪。 又改刑部主事,遷廣西參議。 師小米 張士誠辟爲屬,已謝 暨還,檢其豪, 以政

績卓異,擢河南左布政使。

大軍征洮、岷,道其境,坐犒勞不時,下獄瘐死。

',字止仲 吳縣 人。 幼隨父依賣藥徐翁家,徐媼好聽稗官小說,行日記數本,爲媼

石湖 行 誦之。 家言。 子亦坐死 | 輒麾 未弱 **媼喜** 其二子役於京,行往視之,涼國公藍玉館於家,數薦之太祖,得召見。 去曰:「使富 冠,謝 ,言於翁,授以 去,授徒 而 可守,則然臍之慘不及矣。」洪武 八齊門,名士咸與交。 論語,明日悉成誦。 富人沈萬三延之家塾,每文成,酬白金鎰計, 翁大異之,俾盡讀家所有書, 初,有司延爲學校師。 已,謝 遂淹貫經史<u>百</u> 後压誅,行父 去,隱於

行亦自負知兵,以及於禍云。 其端 ", 礮石至, 布隨之低昂, 則人不能害, 而 礮石無所用矣。」 後常遇春取 平江, 果如其法。 始吳中用兵,所在多列礮石自固,行私語所知曰:「兵法柔能制剛,若植大竹於地,繫布

相 近、號北郭十友,又稱十才子。啓、賁、遜志、羽自 初 ,高啓家北郭,與行比隣,徐賁、高遜志、唐肅、宋克、余堯臣、張羽、呂敏、陳則皆卜居 1有傳。

|稽二庸。 考官,発歸。 例赴京。 唐肅,字處敬,越州 至正壬寅舉鄉試。 尋以父喪還。 六年謫佃濠梁,卒。子之淳,字愚士,宋濂亟稱之。 洪武三年用薦召修禮樂書,擢應奉翰林文字。 山陰人。 張士 一誠時,爲杭州黃岡書院山長,遷嘉興路儒學正。 通經史,兼習陰陽、醫卜、書數。少與上虞謝肅齊名,稱會 建文二年,用方孝孺薦,擢 其秋,科舉行,爲分 士誠敗,

翰 林侍讀,與孝孺 共領修書事,卒於官。

謝 肅 ,官至福 建 僉事,坐事死。

迨壯 必勝,援古切今,人莫能難也。 ,謝酒徒,學兵法,周流無所遇,益以氣自豪。 宋克,字仲溫,長洲 人。 偉軀幹,博涉書史。 少任俠,好學劍走馬, 張士誠 欲羅致之,不就。 家素饒,結客飲博。 性抗 時有宋廣,字 直,與人議

杜門染翰,

日費十紙,遂以善書名天下。

,亦善草書,稱二宋。 洪武初,克任鳳翔 同 知,卒。

論期

堯臣,字唐卿,永嘉 人。 入吳,爲士誠客。 城破,例徙濠梁。 洪武二年放還,授新鄭 丞

呂敏,字志學,無錫人。一元時爲道士,洪武初, 官無錫教諭。 十三年舉人才,不知其官

所終。

口,出爲大同府同知,進知府。 陳則, 字文度,崑山人。 洪武六年舉秀才,授應天府治中。 俄擢戶部侍郎,以閱實戶

概,不妄交游。 孫蕡, 字仲衍,廣東順德人。 何眞據 領南 ,開府辟士,與王佐、趙介、李德、黃哲並受禮遇,稱五 性警敏,書無所不窺。 詩文援筆立就,詞采爛然。 先生。 負節 廖

列

傅

第

百

七

+

 \equiv

文

苑

使,遷. 年,從游者甚衆。 東 東。 九 永忠南征 年遣監祀 主者 虹縣 以奏。 乃得 大治 主簿 費爲 四 收斂。 藍玉黨, 川 召見,命誦所歌詩,語皆忠愛,乃釋之。 眞草降表, 永忠辟典教事。 放還卒。 兵燹後,養勞徠安輯,民多復業。 居久之,出爲平原主簿。 貞,字彦晦,新 會人。 工詩文, 嘗爲本邑訓導, 洪武 坐累逮繫,俾築京師望都門城垣。 臨刑, 三年始行科舉, 居一 作詩長謳而逝。 十五年起爲蘇州經歷,復 年,召爲翰林典籍,與 **黄**與 以事被 其選,授工部織染局 時門生 誣 成成 修洪武 一黎貞 | 資温 遼陽十八 坐累戍 亦 **哈為** 正韻 戍 遼 遼

純 稱其究極天人性命之理,爲一時儒宗云。 **養所著,有通鑑前編綱目** 、孝經集善、理學訓蒙及西菴集、和陶集,多佚不傳。 番禺趙

樞要 里。 搆 辭 ,將告歸。 洪武六年被薦、徵爲給事中。 敏捷,佐不 王佐 一,字彦舉,先河 時告者多獲重譴,或尼之曰:「君少忍,獨不虞性命邪。」佐乃遲徊二年,卒乞 如實,句意沉著,實亦不 康人, 元末侍父官南雄, 經亂不能歸, 遂占籍南海。 太祖 賜宋濂黃馬,復爲歌,命侍臣屬和,佐立成。 如佐。 何眞使佐掌書記,參謀議。 眞歸朝,佐亦還 與實結詩社 性不樂

骸歸

七三三三

昌舟次。 賦詩投其中,日往來西樵泉石間。有司累薦,皆辭免。洪武二十二年坐累逮赴京,卒於南 趙介,字伯貞,番禺人。博通六籍及釋、老書。 四子,潔、絢、釋、純,皆善詩文,工篆隸。 絢,隱居不出,有父風。 純,仕御史。 氣豪邁,無仕進意。行以囊自隨,遇景,

官歸卒。 其 職。 李德,字仲修,番禺人。洪武三年以明經薦授洛陽典史,歷南陽、西安二府幕官,並能 以年衰乞改漢陽教諭,秩滿,調義寧。 德初好爲詩,晚究洛、閩之學,謂誠意爲古聖喆心要,故嶺南人稱理學,必曰李仲 義寧在粵西,荒陋甚,德爲振舉,文教漸興,解

黄哲,亦番禺人。 歷仕州郡,以治行稱。

畫。 時賦 鶴山,自稱黃鶴 惟庸伏法、蒙坐事被逮、瘐死獄中。 宮詞,仁和兪友仁見之,曰「此唐人佳句也」,遂以妹妻焉。 王蒙,字叔明,湖州人,趙孟頫之甥也。 Щ 樵。洪武初,知泰安州事。 敏於文,不尚榘度。 蒙嘗謁胡惟庸於私第,與會稽郭傳、僧知聰觀 元末官 工畫山水, 理問, 遇亂, 兼善人物。 隱居黃

少

事,再遷考功監丞,進監令,出署湖廣布政司參政。 六經,異才也。」既而濂持其文以進,帝召見於謹身殿,授翰林應奉,直起居注。遷兵部主 垂意宿學之士,卿知其人乎。」對曰:「會稽有郭傳者,學有淵源,其文雄贍新麗,其議論根據 郭傳,一名正傳,字文遠。洪武七年,帝御武樓,賜學士宋濂坐,謂曰:「天下既定,朕方

校勘記

(一) 惟燻及朱右朱廉不受歸 朱廉、原作「朱濂」。上文作「朱廉」、太祖實録卷四九洪武三年二月乙

丑條、國權卷四頁四〇八作「朱世廉」。按下文言「朱廉、字伯清」。「濂」字當作「廉」,據上下文改。

(三) 滕公琰並與焉 滕公琰,原作「勝公琰」,據明史稿傳一六一徐一變傳及太祖實録卷四四洪武二

年八月「是月」條、國権卷三頁三九七改。

明史卷二百八十六

列傳第一百七十四

交苑二

劉溥 林鴻 蘇平等 鄭定等 張 王紱 丽 夏累 張 泰 沈度 陸釴 弟粲 陸容 滕用亨等 程敏政 聶 羅 大年 玘

儲巏 李夢陽 祝允明 康海 唐寅 桑悅 王九思 王維楨 何景明 徐禎卿 陳沂等

楊循吉 鄭善夫 殷雲霄 方豪等 陸深 王圻 邊貢 顧璘 弟瑮 王廷陳 李濂

脫落,不善仕,年未四十 林鴻,字子羽,福清人。 自発歸。圓中善詩者,稱十才子,鴻爲之冠。 洪武初,以人才薦,授將樂縣訓導,歷禮部精膳司 十才子者,閩鄭定,侯 員外郎。 性

官王襃、唐泰、長樂高棅、王恭、陳亮、永福王偁及鴻弟子周玄、黃玄、時人目爲二玄者也。

列傳第一百七十四 文苑二

春華,少秋實。惟唐作者可謂大成。 鴻論詩,大指謂漢、魏骨氣雖雄,而菁華不足。

晉祖玄虚,宋尚條暢,齊、梁以下但務 然貞觀尙習故陋,神龍漸變常調,開元、天寶間聲律大

備,學者當以是爲楷式。閩人言詩者率本於鴻。

晉府引禮舍人浦源,字長源,無錫人也。慕鴻名,踰嶺訪之。造其門,二玄請誦所作,

日:「吾家詩也。」鴻延之入社。

鄭定,字孟宣,嘗爲陳友定記室。友定敗,浮海亡交、廣間。久之,還居長樂。 洪武中,

徵授延平府訓導,歷國子助教。

王襃,字中美,鴻之兄子壻也。爲長沙學官,遷永豐知縣。 永樂中,召入,預修大典,擢

漢府紀善。

唐泰、字亨仲。洪武二十七年進士。歷陝西副使。

高棅,字彥恢,更名廷禮,別號漫士。 永樂初,以布衣召入翰林,爲待詔,遷典籍。 性善

飲,工書畫,尤專於詩。其所選唐詩品彙、唐詩正聲,終明之世,館閣宗之。

王恭,字安中,隱居七巖山,自稱皆山樵者。 永樂初,以儒士薦起待詔翰林,年六十餘,

與修大典。

書成,授翰林院典籍。

陳亮,字景明。 自以故元儒生,明興累詔不出,作陳摶傳以見志。 結草屋滄洲中,與三

山耆彦爲九老會,終其身不仕。

學,陳情養母。母歿,廬墓六年。永樂初,用薦授翰林檢討,與修大典。 王偁,字孟敫。父翰仕元,抗節死,偁方九歲,父友吳海撫敎之。 洪武中,領鄉薦,入國 學博才雄,最爲解

縉所重。自負無輩行,獨推讓同官王洪。

等與修大典。歷修撰、侍講。帝頒佛曲於塞外,命洪爲文,逡巡不應詔。 王洪者,字希範,錢塘人。八歲能文,十八成進士,授夷科給事 中。 爲同列所排,不復 改翰林檢討、偕偁

進用,卒官。 。而傾後坐累謫交阯,復以縉事連及,繋死獄中。

黄玄,字玄之,將樂人。 聞鴻棄官歸,逐攜妻子居閩縣,以歲貢官泉州 訓導。

十年,辭去,盡棄其書,曰:「在吾腹笥矣。」 周玄,字微之,閩縣人。 永樂中,以文學徵,授禮部員外郎。 嘗挾書千卷止高棅家,讀

同時趙迪、林敏、陳仲宏、鄭關、林伯璟、張友謙亦以能詩名,皆鴻之弟子。

王紱,字孟端,無錫 博學,工歌詩,能書,寫山木竹石,妙絕一 時。 洪武中,坐累戍

朔州 永 樂 初 用 薦,以善書供事文淵閣。 久之,除中書舍人。

之而 者,我友也,以友故與之,俟黔公與求則可耳。」其高介絕俗如此。 門不 語之曰:「此黔國 寫 在 畫 京 二枝 不 Ę 師 納 苟作,游覽之頃,酒酣握筆,長廊素壁淋漓 紱 爲配。 未 ,月下聞吹簫聲,乘 雖豪貴 踰 仕時 數年,晟復以書來,紱始爲作畫。 級索前₂ ,與吳 人勿顧也。 公也。」一級曰:「我非不聞之,是必與 人韓奕爲友,隱居九龍山, 畫裂之, 興寫石竹圖 有諫之者, 、還其餽。 紱曰:「丈夫宜 一日退朝 明旦訪其人贈之, 旣而曰:「我畫直遺黔公不可。 霑灑。 逐自 我索畫耳。」晟走及之, 黔國公沐晟從後呼其字,紱 號 有投 審所處, 九龍 則估 金幣購片楮者, 山人。 輕者如 客也。 於書法,動 此, 客以 重者將 果以畫請, 輒 紅體毺飽, 黔公客平仲微 拂 以古人自期 不應。 袖 何以 起, 請 或閉 紱 哉 同 頟 列 再

同 字仲昭、永樂十三年進士、改庶吉士、歷官太常寺卿。 善畫竹。 益死土木之難 崑 山夏泉者,亦善畫竹石,亞於緣。畫竹一枝,直白金一錠,然人多以餽遺得之。 其後,累見益石渠閣賦,自謂不如,遂不復作賦。益見、尿所畫竹石,亦遂不復畫 泉與上元張益,同中進士,同以文名,

仲微,名顯,錢塘人。 嘗知滕縣事,謫戍雲南。 其爲詩頗豪放自喜,雲南詩人稱平、居、 衣,鏤姓名於象簡,泥之以金。贈父母如其官,馳傳歸,告於墓。 右。 縣滕用亨、長樂陳登同與選。是時解縉、胡廣、梁潛、王璉皆工書,度最爲帝所賞,名出朝士 進諫、未幾辭去。都督瞿能與偕入京師。成祖初卽位、詔簡能書者入翰林、給廩祿、度與吳 歷修撰,遷侍講學士。 度博涉經史,爲文章絕去浮靡。洪武中,舉文學,弗就。坐累謫雲南,岷王具禮幣聘之,數 日侍便殿、凡金版玉册、用之朝廷、藏秘府、頒屬國、必命之書。遂由翰林典籍擢檢討, 沈度,字民則。弟粲,字民望。松江華亭人。兄弟皆善書,度以婉麗勝,粲以遒逸勝 **粲自翰林待詔遷中書舍人,擢侍讀,進階大理少卿。** 兄弟並賜織金

山夏昺者,字孟暘,與其弟晁以善書畫聞,同官中書舍人,時號大小中書,而度、粲號

大小學士。

髮訐 於事兄,己有賜,輒歸 奏有司者耶了遽却之。 度性敦實,謙以下人,嚴取與。 其兄。 其友固請,終不肯書姓名。 有訓導介其友求書,請識姓字於上。 其在內廷備顧問,必以正對。 度沈思曰:「得非 | 粲 篤

列

傳第

百七

+

四

文

苑

進,又獻貞符詩三篇。 滕 用亨,初名權,字用衡。 授翰林待詔,與修永樂大典。 精篆隸書。被薦時年七十矣,召見,大書麟鳳龜龍四字以 用亨善鑒古,嘗侍帝觀畫卷,未竟,

目

爲趙伯駒,用亭曰:「此王詵筆也。」至卷尾,果然。

審 授 度而 中書舍人。 陳登,字 辨定之。 思孝。 登於六書本原,博考詳究,用力甚勤。 得其傳者,太常卿南城程南雲也。 初仕羅田縣 丞,改蘭谿,再改浮梁。 自周、秦以來,殘碑斷碣,必窮搜摩搨, 選入翰林,仍給縣丞祿,歷十年始

疾卒。 母 來絕唱也。 謁 子賢行上之有司,詔旌其門。 ,道暍死,死後五月而大年生,母胡撫之。比長,博學,善詩古文。葉盛稱其詩,謂三十年 聶 大年,字壽卿,臨川人。父同文,洪武中,官翰林侍書、中書舍人。燕王入京師,迎 書得歐陽率更法。 宣德末,薦授仁和訓導。 服闋,分敎常州,遷仁和敎諭。 母卒,歸葬,哀感行路。 景泰六年薦入翰林、未幾得 里 上人列其

始,尚書王直以詩寄錢塘戴文進索畫,自序昔與文進交,嘗戲作詩一聯,至是十年始成

誰」句,直日,「此欲吾志其墓耳」,遂爲之志。 哉。」直聞 大年題其後曰:「公愛文進之畫,十年不忘。 其言,不怒亦不薦。 及大年疾篤,作詩貽直, 使以是心待天下賢者,天下寧復 有「鏡中白髮孰憐我,湖上青山欲待 有 遺賢

平、蘇正、沈愚、王淮、晏鐸、鄒亮、蔣忠、王貞慶號「景泰十才子」,溥爲主盟 副使,調太醫院吏目。恥以醫自名,日吟咏爲事。 長侍祖父遊兩京,研究經史兼通天文、曆數。 劉溥,字原博,長洲人。 祖彥,父士賓,皆以醫得官。 宣德時,以文學徵。 其詩初學西崑,後更奇縱, 溥八歲賦溝水詩,時目 有言溥善醫者,授惠民局 與湯胤勣、蘇 爲 聖童。

沈愚,字通理,崑山人,業醫終其身。 胤勣,東甌王和曾孫,自有傳。 蘇平,字秉衡,弟正,字秉貞,海寧人。 王淮,字柏源,慈谿人。 兄弟並以布衣

擢 典史,鄰境寇發,官兵不能討,鐸捕滅之,歸所掠於民。 更部司務,遷御史。 晏鐸,字振之,富順人。 蔣忠,字主忠,儀眞人,徙居句容。 由庶吉士授御史、歷按兩畿、山東、所至有聲。 鄒亮,字克明,長洲 王貞慶,字善甫,駙馬都尉寧子 人。 坐言事謫上高 用況鍾薦,

列傳

第

百七十

四

文

苑

也。折節好士,有詩名,時稱金粟公子。

當 兩廣 張 衝,奸人聚山谷爲惡 丽,字汝弼,松江華亭人。 ,悉捕滅之。 成化二年進士。 毁淫祠百數十區,建爲社學。 授兵部主事,進員外郎。 謝 遷南安知府,地 病 歸,士民爲

<u>V</u>

洞

裔。 言:「吾平生,書不如詩,詩不如文。」東陽戲之曰:「英雄欺人每如此,不足信也。」 鐸稱其好 學不倦,詩文成一家言。 爲詩,信手縱筆,多不屬稿,卽有所屬,以書故,輒爲人持去。 **顾自幼穎拔,善詩文,工草書,怪偉跌宕,震撼一世。自號東海。** 子弘至,自有傳。 與李東陽、謝鐸善。 張東海之名,流播外 嘗自

名,號「婁東三鳳」。 亞李東陽。 張泰,字亭父,太倉人。陸武,字鼎儀,崑山人。陸容,字文量,亦太倉人。三人少齊 弘治間,藝苑皆稱李懷麓、張滄洲,東陽有懷麓堂集,泰有滄洲集也。 泰舉天順八年進士,選庶吉士,授檢討,遷修撰。 爲 人恬淡自守,詩名

釴 與 泰 同年進士,殿試第二。 授編修,歷修撰、諭德。 孝宗立,以東宮講讀勞,進太常

少卿兼侍讀,得疾歸。秦、武皆早卒。

容,成化 遷浙江參政,罷 中進 士。 授南京主事,進兵部職方郎中。 西番進獅子,奏請大臣往迎,溶諫止

典內 敏 災 |化二年進士及第,授編修,歷左諭德,直講東宮。 東陽,性行 対象 ,東陽以聞,言者猶不已。 政鬻題, 閝 英宗 敏 程敏政,字克勤,休寧人,南京兵部尚書信子也。 政,因勒致仕。五年起官,行。尋改太常卿兼侍讀學士,掌院事。 政,名臣子,才高負文學,常俯 召試,悅之, 眞純稱陳音,各爲一時冠。 時榜未發,詔敏政毋閱卷,其所錄者令東陽會同考官覆校。 十二年與李東陽主會試,舉人徐經、唐寅預作文,與試題合。 詔讀書翰林院,給廩饌。 敏政、泉、經、寅俱下獄,坐經嘗贄見敏政,寅嘗從敏政乞文,黜 孝宗嗣位,以宮僚恩擢 視儕偶,頗爲人所疾。 學士李賢、彭時咸愛重之,賢以女妻焉。 翰林中,學問 十歲侍父官四川,巡撫羅綺以神童 弘治元 少詹事兼侍講學士,直經筵。 該 .博稱敏政,文章古雅稱李 年冬,御史王嵩等以雨 二人卷皆不在所取 進禮 部右侍郎,專 成

爲吏, 或言敏 敏 政 勒 政之獄 致 仕 ,傳輸欲奪其位,令暴奏之。 而 泉以言 事不 實調 南太僕 主簿。 事秘, 莫能 敏 政 明 出 也 獄憤恚,發癰卒。 後贈禮 部尚

槁 進士,選庶吉士,授編修。 爲祭酒, 惟中 自 羅玘,字景鳴,南城 ·秘書未讀耳。」濬姑留之,他日試以文,乃大驚異。 此 議南 文益奇,玘亦厚自負。 人不 得留北監。 人。 **益肆力古文**,每有作,或據高 博學,好古文, 濬罵之曰:「若識幾字, 務爲奇奧。 樹,或閉坐一 成化末,領京圍鄉試第 年四十困諸生,輸粟 倔彊 室,瞑目隱度,形容灰 乃爾 入國學。 _1 迅 仰 明 年舉

天下及四裔皆仰望之,一旦指名暴其惡 臣 玉 石? 賄 亦清。」李夢陽 交者。 尤尚 經 節 攻摘 義 帝怒,命言官指名劾奏。 下 ,且玷終身。 臺諫救劉遜盡 ·獄,迅言:「壽寧侯託肺腑,當有以保全之。 臣請降敕 下獄,迅言當優容以 密諭 ,

啓遠人慢朝廷心。 使 引 疾退,或斥以他事,庶不爲朝 全國體。 百僚, 言官未見籍記,憑臆 中官李廣死,遺一 夢陽不保,爲侯累。」帝深納 今若此, 固宜置重 籍, 廷羞,而 而 論,安辨 具識 典。 仕 然 大

焉。

秩滿

進侍讀

縱橫,而皇儲未建,迅疏論激切,且侵執政者。七年冬,考績赴都,遂引疾致仕歸。 大義,且請削門生之籍。尋進本寺卿,擢南京吏部右侍郎。遇事嚴謹,僚屬畏憚。 |德初,遷南京太常少卿。|劉瑾亂政,李東陽依違其間。| 現,東陽所舉士也,貽書責以 嘉靖初,賜 畿輔盜 寧王宸

諡文肅,學者稱圭峰先生。

僕少卿,請命史官記注言動,如古左右史,時不能用。進本寺卿 曰:「公所執,何異王介甫」、羣僚咸在側,裕大慚,徐曰:「郎中言是,然非我莫能容也。」 擢太 中。吏部尚書耿裕知其賢,調北部,考注臧否,一出至公。嘗覈實一官,裕欲改其評,巏正色 薦前直諫貶謫者,主事張吉、王純,中書舍人丁璣,進士李文祥,吉等皆錄用。久之,進郎 哭冢,夜讀書不輟。成化十九年鄉試,明年會試,皆第一。授南京考功主事。孝宗嗣位,疏 儲權,字靜夫,泰州人。 九歲能屬文。 母疾, 刲股療之, 卒不起。家貧, 力營墓域。 且

史,總督南京糧儲。 武宗立,塞上有警,條禦邊五事,又陳馬政病民者四事,多議行。 召爲戶部右侍郎,尋轉左,督倉場,所至宿弊盡釐。 正德二年改左僉都御 劉瑾用事,數陵侮

列傳第

百七

十四

文 苑

其秋,瑾敗,以故官召,辭不赴。後起南京戶部左侍郎,就改吏部,卒官。 大臣,獨敬巏,稱爲先生。

惡而嚴。 |嵁體貌淸羸,若不勝衣。淳行淸修,介然自守。工詩文。好推引知名士,辟遠非類,不 進士顧璘嘗謁尚書邵寶,寶語曰「子立身,當以柴墟爲法。」柴墟者,巏別號也。

嘉靖初,賜諡文懿。

陽。 弘治六年舉陝西鄕試第一,明年成進士,授戶部主事。 李夢陽,字獻吉,慶陽人。 父正,官周王府教授,徙居開封。 遷郎中,権關,格勢要,搆下獄, 母夢日墮懷 而生,故名夢

夫人愬不已,帝弗聽,召鶴齡閒 氏,罪當 罪,而予杖以洩金夫人憤。 招 納 無賴,罔利賊民,勢如翼虎。」鶴齡奏辨,摘疏中「陛下厚張氏」語,誣夢陽訕 十 八年應詔上書,陳二病、三害、六漸,凡五千餘言,極論 時皇后有寵,后母金夫人泣愬帝,帝不得已繫夢陽錦衣獄。 帝又弗許,謂尚書劉大夏曰:「若輩欲以杖斃夢陽耳,吾寧殺直 處,切責之,鶴齡発冠叩頭乃已。 **温得失。** 左右知帝護夢陽,請毋 末言:「壽寧侯張 尋宥出,奪俸。 母 后 為張 鶴齡 金

臣 快左右心乎!」他日,夢陽途遇壽寧侯,詈之,擊以馬箠,墮二齒,壽寧侯不敢校也

布 應之,去若輩易耳。」文曰「善」,屬夢陽屬草。 泣 政司經歷,勒致仕。 也。」文曰 孝宗 崩,武宗立,劉瑾等八虎用事,尚書韓文與其僚語及而泣。 . : 「奈何。」曰:「比言官劾羣奄,閣臣持其章甚力, 既而瑾復摭他事下夢陽獄,將殺之,康海爲說瑾,乃免。 會語洩,文等皆逐去。 ,公誠率諸大臣伏闕爭,閣臣必 瑾深憾之,矯旨謫 夢陽 進日 :「公大臣,何 Щ 西

實。 陽短,及僞爲奏章事。 通賄 卿燕忠往鞫,召夢陽,羈廣信獄。 惡 以冠帶閒住去。 司 夢陽 五 事。 韶下總督金行勘,金檄布政使鄭岳勘之。 日 璀 會揖 一誅,起故官,遷江西提學副使。 寧王宸濠者浮慕夢陽,嘗請撰陽春書院記,又惡岳,乃助夢陽劾岳。萬實復奏夢 淮王府校與諸生爭,夢陽笞校。 巡按御史,夢陽又不往揖,且敕諸生毋謁上官,卽謁,長揖毋跪。 亦褫岳職,謫戍沄,奪廷舉俸。 參政吳廷舉亦與夢陽有隙,上疏論其侵官,不俟命徑去。 詔遣大理 諸生萬餘爲訟冤,不聽。劾夢陽陵轢同列,挾制上官,遂 令甲,副使屬總督,夢陽 王怒,奏之,下御史按治。 夢陽僞撰萬實劾金疏以激怒金,幷搆岳子沄 與相抗,總督陳金惡之。 夢陽恐萬實右王,訐 御史江萬實亦 萬

名震海內。 夢陽旣家居,益跅弛負氣,治園池,招賓客,日縱俠少射獵繁臺、晉丘間,自號空同子, 宸濠反誅,御史周宣劾夢陽黨逆,被逮。大學士楊廷和、尚書林俊力救之,坐前

七三四七

作書院記,削籍。頃之卒。子枝,進士。

璘、陳沂、鄭善夫、康海、王九思等號十才子,又與景明、

i順卿、貢、海、九思、王廷相號七才 模擬剽竊,得史遷、少陵之似,而失其眞云。 以爲七言律自杜甫以後,善用頓挫倒插之法,惟夢陽一人。而後有譏夢陽詩文者,則謂其 攀龍、王世貞出,復奉以爲宗。天下推李、何、王、李爲四大家,無不爭效其體。華州王維楨 子,皆卑視一世,而夢陽尤甚。吳人黃省會、越人周祚,千里致書,願爲弟子。迨嘉靖朝,李 譏其萎弱。 倡言文必秦、漢,詩必<u>盛唐,非是者弗道。與何景明、徐禛卿、邊貢、朱應登、顧</u> 夢陽才思雄鷙,卓然以復古自命。弘治時,宰相李東陽主文柄,天下翕然宗之,夢陽獨

辭說之,瑾意解,明日釋夢陽。 書片紙招海曰:「對山救我。」對山者,海別號也。 達,忌者頗衆。正德初,劉瑾亂政。以海同鄉,慕其才,欲招致之,海不肯往。會夢陽下獄, 康海,字德涵,武功人。弘治十五年殿試第一,授修撰。與夢陽輩相倡和,訾議諸先 踰年,瑾敗,海坐黨,落職 海乃謁瑾,瑾大喜,爲倒屣迎。 海因設詭

黨調壽州同知。 王九思,字敬夫,鄠人。 復被論,勒致仕。 弘治九年進士。由庶吉士授檢討。 尋調東部,至郎中,亦以瑾

此 俳優,以寄其佛鬱。 海、九思同 里、同· 官,同以瑾黨廢。 九思嘗費重貲購樂工學琵琶。 每相聚沜東鄠、杜間, 海搊彈尤善。 挾聲伎酣飲, 後 人傳相做效,大雅之 製樂造 歌 山,自

道微矣。

好司 壓死。 馬 王維 遷,於詩好杜甫,而其意以夢陽兼此二人。終身所服膺效法者,夢陽也。 維楨 植,三字允寧。 傾而 哲,自負經世才,職文墨,不得少效於世,使酒謾罵,人多畏而遠之。 嘉靖十四年 進士。 擢庶吉士,累官南京國子祭酒。家居,地 大震, 於文

駿 遭 一景明稍後出,相與頡頏 人負視, 何景明,字仲默,信陽 所至聚觀若堵。 人。 十五年第進士,授中書舍人。 八歲能詩古文。 弘治十一 年舉於鄉,年方十五,宗藩貴 與李夢陽輩倡詩古文,夢陽最雄 人爭

下獄 踰 年 一,蓮盡免諸在告者官,景明坐罷。 正德改元, 衆夷敢爲 直, 劉瑾竊柄。 景明 上書吏部尚 上書吏部尚書許進勸其秉政毋撓,語極激烈。 書楊一 瑾誅 用李 清救之。 東陽薦,起故秩, 九年,乾淸宮災,疏言義子不 直內閣制敕房。 已,遂謝病歸 當畜,邊 李夢陽

列

遴 驩 鵬 三十有 軍 一秀者 弟 万以 不 當 太監鑾鎮 古畫 九 於正學書院,親爲說經,不用諸家訓詁,士 留,番 索題,景明日 僧 關 不當寵,宦官不當任。 中 , 横甚, ...「此名筆,毋汚人手。」 留經年,終擲還之。 諸參隨遇 三司 留中。 不下馬,景明執撻之。 **外之**,進吏部員外郎 一始知 有經 學。 嘉靖初 其教諸 道 尋擢: 制 引 生,專 敕 陝西提學 疾歸,未幾卒,年 如 故。 以經 錢寧欲· 副 術世 使。 務。 交 [廖

李,又 靡於隋 之後 說者謂景明之才本遜夢陽, 了互相 景明 與邊貢、徐禛卿並稱四傑。 ;,韓力振之,古文之法亡於韓。」

錢藤

益撰列朝詩,力詆 志操耿介,尚節義,鄙榮利,與夢陽並有國士風。 詆 謀。 夢陽 主摹倣 而 景明 其詩秀逸穩稱, 其 則 持論,謂:「詩溺 主創造, 視夢陽 各樹 堅 於 反為 壘不 次陶,謝· 過之。 兩人爲詩文,初相得甚歡, 相 之。 力振 F ٠, 之,古詩之法亡於謝。 然天下語詩文必 兩 人 / 交游 亦遂 分 並 左 稱 右 名成 何、 袒。 文

里 人 唐寅 陸深名,深遂得館選,而順卿以貌寢不與。 徐 禎 善,寅言之沈周、楊循吉,由 卿,字昌穀,吳縣人。 資穎特,家不蓄 是 知名。 舉弘治· 授大理左寺副,坐失囚,貶國子博士。 書,而 無所 十八年進士。 不通。 自爲諸生,已工詩歌,與 孝宗遣 中使問頑卿 與

減 卿 少與祝允明、唐寅、 文徵明齊名、號「吳中四才子」。 其爲詩,喜白居易、 劉禹錫。

旣 登第,與 李夢陽、何景 明游,悔其少作,改而趨漢、魏、盛唐,然故習猶在,夢陽譏其守而

未化。 卒,年二十有三。

禎 卿體癯神清,詩鎔錬精警,爲吳中詩人之冠,年雖不永,名滿士林。 子伯虬,舉人,亦

能詩。

小令。 苫墓 靖中,獻九廟頌及華陽求嗣 請復建文帝尊號,格不行。 致仕歸,年纔三十有一。 踔掉不能自禁,用是得顚主事名。 側。 楊循吉,字君謙,吳縣人。 帝以優俳畜之,不授官。 性狷隘,好持人短長,又好以學問窮人,至頰赤不 結廬支硎山下,課讀經史,旁通內典、稗官。父母歿,傾貲治葬,寢 流震儀,報聞 武宗駐蹕南都,召賦打虎曲,稱旨,易武人裝,日侍御前爲樂府、 成化二十年進士。授禮部主事。 循吉以爲恥,閱九月辭歸。 歲中,數移病不出。 而已。 顧。 弘治初,奏乞改教,不許。 既復召至京,會帝崩,乃還。 淸寧宮災, 詔求直言, 善病,好讀書,每得意,手足 馳疏 逐請 嘉

之,循吉忽色變,驅之出,擲還其幣。 晚歲落寞,益堅癖自好。 尚書顧璘道吳,以幣贄,促膝論文,歡甚。俄郡守邀璘,璘將赴 明日,隣往謝,閉門不納。 卒,年八十九。 其詩文,自

列

傳

第

百 七 + 四

文

苑

定爲松籌堂集,他所作又十餘種,幾及千卷。

 祝允明,字希哲,長洲人。 祖顯,正統四年進士。 內侍傳旨試能文者四 顯與焉,

掖門,知欲令敎 小內豎也,不試而出。 由給事中歷山西參政,並 有聲。

允明以弘治五年舉於鄉, 久之不第, 授廣東興寧知縣。 捕戮盜魁三十餘,邑以 無警。

稍遷應天通判,謝病歸。嘉靖五年卒。

持去,不留一 集,文章有奇氣,當筵疾書,思若湧泉。 書者踵至,多賄妓掩得之。 允明生而枝指,故自號枝山, 錢。 晚益 困, 毎出, 惡禮法士,亦不問生產,有所入,輒召客豪飲,費盡乃已,或分 追呼索逋者相隨於後, 又號枝指生。 尤工書法,名動海內。 五歲作徑尺字,九歲能詩。 允明益自喜。 好酒色六博,善新聲,求文 所著有詩文集六十 稍長, 博覽 與 及 羣

卷,他雜著百餘卷。

子續,正德中進士,仕至廣西左布政使。

閉 戶浹歲。 唐寅 ,字伯虎,一字子畏。 舉弘治十一年鄉試第 性穎利,與里狂生張靈縱酒,不事諸生業。 一,座主梁儲奇其文,還朝示學士程敏政, **祝允明規之,乃** 敏政亦奇之。

獄,謫 未 幾,敏政總裁會試,江陰富人徐經賄其家僮,得試題。 爲吏。 寅恥不就,歸家益放浪。 寧王宸濠厚幣聘之,寅察其有異 事露,言者劾敏政,語連寅, 志,佯狂 使酒, 露其 下詔

醜穢。 不能堪,放還。 築室桃花塢,與客日般飲其中,年五十四 而 卒。

誕 不羈爲世所指目,而文才輕豔,傾動流輩,傳說者增益而附麗之,往往出名敎 寅 〈詩文,初尚才情,晚年類然自放,謂後人知我不在此,論者傷之。 吳 中自枝山 「輩以放

十餘耳,年籍誤二爲六,遂除泰和訓導。 者,索筆補之。年十九舉成化元年鄉試,試春官,答策語不雅馴,被斥。 矣。」敢爲大言,以孟子自況。或問翰林文章,曰:「虚無人,舉天下惟悅,其次祝允明,又次 羅玘。」爲諸生,上謁監司,曰「江南才子」。 時常熟有桑悅者,字民懌,尤怪妄,亦以才名吳中。 監司大駭,延之較書,預刊落以試悅,文義不屬 書過目,輒焚棄,曰:「已在吾 三試得副榜,年二 腹 中

來見,長揖使者。 曰:「無恙,自負才名不肯謁耳。」使者遣吏召 無耳者,乃 學士丘濬重其文,屬學使者善遇之。使者至,問:「悅不迎,豈有恙乎?」長吏皆銜之, 今有之。 使者怒,悅脫帽竟去。 與若期,三日後來,瀆則不來矣。」使者恚,欲收悅,緣濬故,不果。三日 使者下階謝,乃已。 不至,益兩使促之。 悦怒曰"「始吾謂天下未有

初 遷長沙 () 脫在京師,見高麗使臣市本朝兩都賦,無有,以爲恥,遂賦之。 通判,調 柳州。 會外艱歸,遂不出。 居家益狂誕,鄉人莫不重其文,而駭其行。 居長沙,著庸言,自

以爲窮究天人之際。所著書,頗行於世。

太常卿,督四夷館,擢刑部右侍郎,拜戶部尚書,並在南京。 並能其官。歷陝西、河南提學副使,以母憂家居。 之謬,又劾中官苗逵、保國公朱暉、都御史史琳用兵之失。改太常丞,遷衞輝知府,改荆州, 九年進士。 邊貢,字廷實,歷城人。祖寧,應天治中。父節,代州知州。貢年二十舉於鄉,第弘治 除太常博士,擢兵科給事中。 孝宗崩,疏劾中官張瑜,太醫劉文泰、高廷和 嘉靖改元,用薦,起南京太常少卿,三遷 用藥

以繼日。 貢 (早負才名,美風姿,所交悉海內名士。 都御史劾其縱酒廢職,遂罷歸。 **外官留都,優閒無事,游覽江山,揮毫浮白,夜**

顧璘,字華玉,上元人。弘治九年進士。 授廣平知縣,擢南京吏部主事,晉郎中。 正德

知府。 四年出爲開封知府,數與鎭守太監廖堂、王宏忤,逮下錦衣獄,謫全州知州。 歷浙江左布政使,山西、湖廣巡撫,右副都御史,所至有聲。遷吏部右侍郎,改工部。 秩滿,遷台州

董顯陵工畢,遷南京刑部尚書。罷歸,年七十餘卒。

陳避不得,遂定交。旣歸,搆息園,大治幸舍居客,客常滿 道衣幅巾,放舟湖上,月下見小舟泊斷橋,一僧、一鶴、一童子煮茗,笑曰:「此必太初也。」移 舟就之,遂往還無間。 |隣少負才名,與何、空相上下。虛已好士,如恐不及。在|浙,慕孫太初一元不可得見。 撫湖廣時,愛王廷陳才,欲見之,廷陳不可。偵廷陳狎游,疾掩之,廷

作。 呼陳,陳終不赴,其孤介如此。 從弟標,字英玉,以河南副使歸,居園側一小樓,教授自給。 **隣時時與客豪飲,伎樂雜**

隣、應登羽翼李夢陽,而韋、沂則頗持異論。 三人者,仕宦皆不及**璘**。 **矱唐人,以風調** 了, 隣與同里陳沂、王韋,號「金陵三俊」。 勝。 韋婉麗多致,頗失纖弱。 沂與韋同調。 應登才思泉湧,落筆千言。然

。其後寶應朱應登繼起,稱四大家。

璘詩,矩

初

陳沂,字魯南。 正德中進士。 由庶吉士歷編修、侍講,出爲江西參議,量移山東參政。

以不附張孚敬、桂萼,改行太僕卿致

仕。

王韋,字欽佩。 列 傅 第 百 七 父徽,成化時給事中,直諫有聲。章舉弘治中進士,由庶吉士歷官太僕 + 四 文 苑

少卿。子逢元,亦能詩。

日藩,嘉靖間進士,終九江知府。能文章,世其家。 朱應登,字升之。 。弘治中進士,歷雲南提學副使,遷參政。 恃才傲物,中飛語,罷歸。子

|芹之屬,並從之游。
|穀等皆里人,
|變僑居客也。
|儀眞蔣山卿、
江都趙鶴亦與隣遙相應和。 沿及末造,風流未歇云。 詞壇,士大夫希風附塵,厥道大彰。許穀,陳鳳,璿子少南,金大車、大輿,金鑾,盛時泰,陳 南都自洪、永初,風雅未暢。 徐霖、陳鐸、金琮、謝璿輩談藝正德時,稍稍振起。 自璘主

元,用薦起南京刑部郎中,未上,改吏部。 之。」幸不死,歎曰:「時事若此,尚可靦顏就列哉!」乞歸未得,明年力請,乃得歸。 武宗將南巡,偕同列切諫,杖於廷,罰跪五日。善夫更爲疏草,置懷中,屬其僕曰:「死卽上 亭,讀書其中,曰:「俟天下之淸也。」寡交游,日晏未炊,欣然自得。 起禮部主事,進員外郎。 稅滸墅,以淸操聞。時劉瑾雖誅,嬖倖用事。善夫憤之,乃告歸,築草堂金鼈峰下,爲遲淸 鄭善夫,字繼之,閩縣人。弘治十八年進士。連遭內外艱,正德六年始爲戶部主事,権 行抵建寧、便道游武夷、九曲、風雪絕糧、得病卒、 嘉靖改

年三十有九。

善夫敦行誼,婚嫁七弟妹,貲悉推予之,葬母黨二十二人。 所交盡名士,與孫一元

雲霄、方豪尤友善。 作詩,力摹少陵。

雲霄,字近夫,壽張人,善夫同年進士。作蓄艾堂,聚書數千卷,以作者自命。正德中,官

南京給事中。武宗納有娠女子馬姬宮中,雲霄偕同官疏諫,引李園、呂不韋事爲諷,不報。

卒官,年三十有七。 鄉人穆孔暉畏雲霄峭直,曰:「殷子恥不善,不啻負穢然。」

方豪,字思道,開化人。正德三年進士。除崑山知縣,遷刑部主事。諫武宗南巡,跪

闕下五日,復受杖。 歷官湖廣副使、罷歸。 一元,見隱逸傳

閩中詩文,自林鴻、高棅後,閱百餘年,善夫繼之。迨萬曆中年,曹學佺、徐燉輩繼起,

謝肇淛、鄧原岳和之,風雅復振焉

學佺詳見後傳。燉,字興公,閩縣人。 兄熥,萬曆間舉人。 燉以布衣終。 博聞多識,善

草隸書。 積書鼈峰書舍至數萬卷。

及歷代治河利病。 肇淛,字在杭。 終廣西右布政使。原岳,字汝高,亦閩縣人,肇淛同年進士,終湖廣副使。 萬曆三十年進士。官工部郎中,視河張秋,作北河紀略,具載河流原委

百 七 + 四 文 がこ ___

列

傳 第

南巡,深掌行在翰林院印,御筆删侍讀二字,進詹事府詹事,致仕。卒,諡文裕。 使。 官亢己,悉改外,深得南京主事。 講章,閣臣不宜改竄。忤輔臣,謫延平同知。 松、茂諸番亂,深主調兵食,有功,賜金幣。 陸深,字子淵,上海人。弘治十八年進士,二甲第一。選庶吉士,授編修。 **瑾誅,復職,歷國子司業、祭酒,充經筵講官。** 晉山西提學副使,改浙江。 累官四川 嘉靖十六年召爲太常卿兼侍讀學士。 奏講官撰 劉瑾嫉翰林 左布政 世宗 進

頗倨傲,人以此少之。 深少與徐禎卿相切磨,爲文章有名。工書,做李邕、趙孟頫。 賞鑒博雅,爲詞臣冠。然

歸,築室凇江之濱,種梅萬樹,目曰梅花源。 出 [爲福建按察僉事,調邛州判官。 所撰續文獻通考諸書行世 同邑有王圻者,字元翰。嘉靖四十四年進士。除清江知縣,調萬安。擢御史,忤時相, 兩知進賢、曹縣,遷開州知州。 以著書爲事,年踰耄耋,猶篝燈帳中,丙夜不 歷官陝西布政參議,乞養

初,炘以奏議爲趙貞吉所推。 張居正與貞吉交惡,諷圻攻之,不應。高拱爲圻座主,時

梧爲解,乃夜馳去。 世宗踐阼,前直諫被謫者悉復官,獨廷陳以罣吏議不與。 曰「陳公誤我。」直上堂搏茂堅,悉呼吏卒出,鎖其門,禁絕供億, 及茂堅至,銜其素驕蹇,有意裁抑之,以小過榜州吏。 廷陳以鳳梧座主,特出迓。 輒 執政皆不悅。已而疏上,帝怒,罰跪五日,杖於廷。時已改吏科給事中,乃出爲裕州知州 館師、體嚴重,廷陳伺其退食,獨上樹杪,大聲叫呼。兩學士無如之何,佯弗聞也。武宗下 韶南巡,與同館舒芬等七人將疏諫,館師石珤力止之。廷陳賦烏母謠,大書於壁以刺,珤及 曰:「大人奈何虐天下名士」正德十二年成進士,選庶吉士,益恃才放恣。 止訟者,取彈彈之。上官行部,不出迎。已而布政使陳鳳梧及巡按御史喻茂堅先後至, 廷陳 王廷陳,字穉欽,黃岡人。父濟,東部郎中。 不習爲吏,又失職怨望,簿牒堆案,漫不省視。夏日裸跣坐堂皇,見飛鳥集庭樹, 尋上疏劾之,適裕人被案者逸出,奏廷陳不法事, 收捕繫獄, 削籍歸。 鳳梧好謂曰:「子候我固善,御史卽來,候之當倍謹。」廷陳許諾。 廷陳穎慧絕人,幼好弄,父抶之,輒大呼 廷陳爲跪請,茂堅故益甚。 且將具奏。 故事,兩學士為 茂堅大窘,鳳 廷陳大罵

列傳

第

百

王格 山人,官亳州知州。 紅紫窄袖衫,騎牛跨馬,嘯歌田 薦。 屛居二 書成, 一十餘年,嗜酒縱倡樂,益自放廢。 不稱旨,賜銀幣而已。 格,京山人,官河南僉事。 野 間 嘉靖十八年詔修承天大志,巡撫 廷陳才高,詩文重當世,一時才士鮮能過之。 士大夫造謁,多蓬髮赤足,不具賓主禮。 顧璘以 廷陳及顏木、 |木,應 時衣

於時。 城、搏獸射雉、酒酣悲歌、慨然慕信陵君、侯生之爲人。 李夢陽,夢陽大嗟賞,訪之吹臺,濂自此聲馳河、雒間。 知,擢山 李濂、字川父、祥符人。舉正德八年鄉試第一、明年成進士。 初受知夢陽,後不屑附和。 西 [僉事。 嘉靖五年以大計発歸,年纔三十有八。 里居四十餘年,著述甚富。 旣罷 一日作理情賦,友人左 濂少負俊才,時從俠 歸,益肆力於學,遂以古文名 授沔陽知州,稍遷寧波同 國璣持 少年聯騎出 以示

校勘記

五年起官 孝宗實錄卷一五一弘治十二年六月壬辰條作「弘治六年召還」。

王維楨 原作「王維禎」,據卷目、本書卷九九藝文志、 明進士題名碑錄嘉靖乙未科改。 下同。

明史卷二百八十七

列傳第一百七十五

文苑三

文徵明 蔡羽等 黄佐 歐大任 黎民表 柯維騏 王愼中

田汝成子藝蘅 皇甫涍 弟沖 汸 濂 茅坤子維屠應埈等 高叔嗣 蔡汝楠 陳束 任瀚 熊過 李開先

謝榛 盧柟 李攀龍 梁有譽等 王世貞 汪道昆

胡應麟 弟世懋 歸有光 子子慕 胡友信

僉都御史。林卒,吏民醵千金爲賻。徵明年十六,悉却之。吏民修故却金亭,以配前守何 文徵明、長洲人、初名壁、以字行、更字徵仲、別號衡山。 **父林,溫州知府。叔父森,右**

文淵,而記其事。

列傳第一百七十五 交苑三

指 所· 也。 |衣藍衫,謂曰:「敞至此邪。」||徵明佯不喻,曰:「遭雨敞耳。」||諫竟不敢言遺金事 叉 徵 與祝 明 幼 允明、唐寅、徐禛卿輩相 不 慧, 稍 長,穎異挺發。 切劘,名日益著。 學文於吳寬,學書於李應頑,日 其爲人 和而 介。 學畫於沈周, 巡撫兪諫欲遺之金, 皆父友 寧王宸

預修武宗實錄, 正 德末, 巡撫李充嗣 侍經筵, 歲時頒賜,與諸 薦之,會徵明亦以歲貢生詣吏部試,奏授翰林院待詔。 詞臣齒。 而是時專尚科目 徴 明意不自 得, 世宗立, 連歲

乞歸

及中 乞歸益 肅 以 一 徴明見獨 拜,以不獲見爲恨。 字及者,弗敢忘,實不知相公與先君友也。」一清有慚色,尋與聰謀,欲徙徵明官。 人,曰:「此法所禁也。」周、徽諸王以寶玩爲贈,不啓封而還之。 先是,林知溫州,識張璁諸生中。 力,乃獲致仕。 後。 一清亟謂曰:「子不知乃翁與我友邪。」徵明正色曰 文筆編天下,門下士贋作者頗多,徵明亦不禁。 四方乞詩文書畫者,接踵於道,而富貴 璁旣得勢,諷徵明附之, 人不易得片格,尤不肯與 辭不就。 :「先君棄不肖三十餘 外國使者道吳門,望里 嘉靖三十八年卒,年 楊一清召入輔政, 年,苟 (王府 徵 明

長子彭,字壽承,國子博士。 次子嘉,字体承,和州學正。 並能詩,工書畫篆刻,世其

家。彭孫震孟,自有傳。

道、陳道復、王穀祥、彭年、周天球、錢穀之屬,亦皆以詞翰名於世。 明及蔡羽、黃省曾、袁袠、皇甫沖兄弟稍後出。 吳 中自吳寬、王鏊以文章領袖館閣,一時名士沈周、祝允明輩 而徵明主風雅數十年, 與並馳騁,文風 與之遊者王寵 極盛。 陸 徴 師

負甚 高。 蔡羽,字九逵,由國子生授南京翰林院孔目。 文法先秦、 兩漢。 或謂其詩似李賀, 羽曰: 自號林屋山人,有林屋、南館 「吾詩求出魏、晉上,今乃爲李賀邪! 二集。 自

子姬水,字淳父,有文名,學書於祝允明

舉鄉試。從王守仁、湛若水游,又學詩於李夢陽。

所著有五嶽山人

其不肯屈

抑

如此。

黄省

曾,字勉之。

尼、日字魯望,亦官山東提學副使,有文名。 遷廣西提學僉事。 袁袠,字永之,七歲能詩。 兩廣自韓雅後,監司謁督府,率庭跪,袠獨長揖。 舉嘉靖五年進士,改庶吉士。 張璁惡之, 出為刑部 無何, 謝病歸。 主事, 子尊

國子,僅四十而卒。 王寵,字履吉, 行楷 別號雅宜。 得晉法,書無所不觀。 少學於蔡羽,居林屋者三年,旣而讀書石湖 由諸生貢入

列傳第一百七十五 文苑三

趙孟 子。 類,而 家居十四年,乃復 陸 師 道 師道並 字子傳。 傳之,其 起,累官尚寶 由 進士授工部主事,改禮部,以養母請告歸。 風 尙 亦 略相 (少卿。 似。 平居不妄交游,長吏罕識其面 善詩文,工小楷古篆繪事。 歸 人謂徵明 而 游徵 女字 明門, 卿子 四 絕,不 う適 稱弟 減 趙

陳道復 名 淳,以字行。 祖璠,副都御史。 淳受業徵明,以文行著,善書畫,自號白陽

山人。

宧

光,夫婦皆有聞

於時。

王 |穀祥,字祿之。 由進士改庶吉士,歷官吏部員外郎。 件尚書<u>汪</u>鋐,左遷眞定通判以

歸。與師道俱有淸望。

彭 年 字孔嘉,其人亦長者。 周天球,字公瑕;錢穀,字叔寶。 天球以書,穀以畫,皆繼

徵明表表吳中者也。

吉、王 良俊, 中,而 萬 .卷,名畫百籤,古法帖彝鼎數十種,棄此不居,而僕僕牛馬走乎!遂移疾歸。 其後,華亭何良俊亦以歲貢生入國學。當路知其名,用蔡羽例,特授南京翰林院孔目。 維 良俊猶滯場屋,與上海張之象,同里徐獻忠、董宜陽友善,並有聲。 字元朗。 楨 相 繼掌院事,與相得甚歡。 少篤學,二十年不下樓,與弟良傅並負俊才。 良俊居久之,慨然歎曰:「吾有清森閣 良傅舉進士,官南京禮部郎 及官南京, 在海 上,藏書四 海上中倭, 趙貞

復居金陵者數年,更買宅居吳閶。年七十始返故里。

徐獻忠、 ,字伯臣。 嘉靖中,舉 於鄉,官奉化知縣。 著書數百卷。 卒年七十七,王世貞私

諡曰貞憲。

董宜陽,字子元。

張之象,字月鹿。 祖萱,湖廣參議。 父鳴謙,順天通判。 之象由諸生入國學,授浙江按

察司 知事,以吏隱自命。 歸益務撰著。 晚居秀林山,罕入城市。 卒年八十一。

富言佐誠有罪,第爲親受過,於情可原,乃令致仕。 外僚、除江西僉事。 歸,便道謁王守仁,與論知行合一之旨,數相辨難,守仁亦稱其直諒。還朝,會出諸翰林爲 位,始成進士,選庶吉士。嘉靖初,授編修,陳初政要務,又請修舉新政,疏皆留中。 **黄佐,字才伯,香山人。祖瑜,長樂知縣,以學行聞。**正德中,佐舉鄉試第一。 旋改督廣西學校,聞母病,引疾乞休,不俟報竟去,下巡撫林富遠問。 世宗嗣 尋省親

國 子祭酒。 家居九年,簡宮僚,命以編修兼司諫,尋進侍讀,掌南京翰林院。 母憂除服,起少詹事。 謁大學士夏言,與論河套事不合。 召爲右諭德,擢南京 會吏部缺左侍郎,所

詈,而佐及同官王用賓亦爭覬望,惟恐或先之,宜皆止勿用。」言從中主之,遂皆賜罷。 司推禮部右侍郎崔桐及佐。給事中徐霈、御史艾朴言:「桐與左侍郎許成名競進,至相詬

謂洩造化之秘。年七十七卒。穆宗詔贈禮部右侍郎,諡文裕。 佐學以程、朱爲宗,惟理氣之說,獨持一論。平生譔述至二百六十餘卷。所著樂典,自

佐弟子多以行業自飭,而梁有譽、歐大任、黎民表詩名最著云。

歐大任,字楨伯,順德人。由歲貢生歷官南京工部郎中,年八十而終。

政 知其能文,用爲制敕房中書,供專內閣,加官至參議。 黎民表,字惟敬,從化人,御史貫子也。舉鄉試,久不第,授翰林孔目,遷吏部司務。

執

維騏亦在罷中。 士,授南京戶部主事,未赴,輒引疾歸。張孚敬用事,創新制,京朝官病滿三年者,概罷免, **柯維騏,字奇純,莆田人。高祖潛,翰林學士。父英,徽州知府。維騏舉嘉靖二年進** 自是謝賓客,專心讀書。久之,門人日進,先後四百餘人,維騏引掖靡倦。

慨近世學者樂徑易而憚積累,竊二氏之說以文其固陋也,作左右二銘,訓學者務實。

以辨

遷戶部 紀。 達、曾忭輩,這一成在部曹。 祠 德郞致仕。 嗜,惟嗜讀 法,及所作詩文集並行於世。 講義二卷。 爲考功員外郎,進驗封 心術、端趨向爲實志,以存敬畏、密操履爲實功,而其極則以宰理人物、成能天地爲實用,作 祭司 王愼 褒貶去取,義例嚴整,閱二十年而始成,名之曰宋史新編。 十二年,詔簡部郎爲翰林,衆首擬愼中。 維騏登第五十載,未嘗一日服官。 主事 時四方名士唐順之、陳東、李開先、趙時春、任瀚、熊過、屠應埈、華察、陸銓、江以 中,字道思,晉江人。 書。 卒年七十有八。 宋史與遼、金二史,舊分三書,維騏 八禮 部 撫按監司時 員 外郎,並在南京。 郎 中。 慎中與之講習,學大進。 有論薦,不復起。 孫茂竹,海陽知縣。 忌者讒之字敬,因覆議眞人張衍慶請封疏,謫常州通判。 四歲能誦詩,十八舉嘉靖五年進士,授戶部主事,尋改禮部 久之,擢山東提學僉事,改江西參議,進河南參政。 中更倭亂,故廬焚燬,家困甚,終不妄取。 隆慶初,廷臣復薦。 大學士張孚敬欲一見,辭不赴,乃稍移吏部, 乃合之爲一,以遼、金附之,而 茂竹子昶,副都御史,巡撫山西 又著史記考要、續莆陽文獻 所司 以維騏年高 列二王於本 世味無所 ,但授承

列

百

七

+

五

文

苑 \equiv

七三六七

稍

及。 侍郎王杲奉命振荒,以其事委愼中,還朝,薦愼中可重用。會二十年大計,吏部註愼中不 而大學士夏言先嘗爲禮部尙書,愼中其屬吏也,與相忤,遂內批不謹,落其 職

終。 成家,與順之齊名,天下稱之曰王、唐,又曰晉江、毘陵。 號遵巖居士,後號南江。 做,尤得力於會鞏。 李攀龍、王世貞後起,力排之,卒不能掩。 愼中爲文,初主秦、漢,謂東京下無可取。 已悟歐、曾作文之法,乃盡焚舊作, 順之初不服,久亦變而從之。壯年廢棄,益肆力古文,演迤詳贍,卓然 攀龍,愼中提學山東時所賞拔者也。 家居,問業者踵至。 年五十一 愼中初 意

而

師

屠應埃,字文升,平湖人,刑部尚書勳子也。 舉嘉靖五年進士。 由郎中改翰林,官至右

諭德。

華察,字子潛,無錫人。 應埈同年進士。 累官侍講學士,掌南京翰林院。

陸銓,字選之,鄞人。嘉靖二年進士。 與弟編修武爭大禮,並緊詔獄,被杖,後官廣西

布政使。 **釴終山東提學副使,兄弟皆能文。**

江以達,字子順,貴溪人。 嘉靖五年進士。 累官福建提學僉事。

列 傳 第 百 七 + £ 文 苑 =

二年 進士。 高叔嗣,字子業,祥符人。年十六,作申情賦幾萬言,見者驚異。 授工部主事,改吏部。 歷稽勳郎中。 出爲山西左參政,斷疑獄十二事, 十八舉於 鄉, 第嘉靖 人稱為

遷湖廣按察使,卒官,年三十有七。

雄,體王、孟之淸適,具高、岑之悲壯。 詩,清新婉約,雖爲夢陽所知,不宗其說。 仲嗣,官知府,亦有才名。 盡脫,石氣自青,又如衞洗馬言愁,憔瘁婉篤,令人心折。」而察汝楠至推爲本朝第一云。 叔嗣 少受知邑人李夢陽,及官吏部,與三原馬理、武城王道同署,以文藝相 王世貞 陳束序其蘇門集,謂有應物之沖澹,兼曲江之沈 則曰:「子業詩,如高 山鼓琴,沈思 磨切。 忽往,木葉 其為

兄

御 甫澤兄弟,尚書顧璘引爲忘年友。 進士,授行人。從王愼中、唐順之及叔嗣輩學爲詩。 生石鼓書院,與說經。 史,巡撫河南。 汝楠,字子木。 召爲 兒時隨父南京,聽祭酒湛若水講學,輒有解悟。年十八,成嘉靖十一年 兵部 治民有惠政, 旣去, 右侍郎,從諸大僚祝釐西宮,世宗望見其貌寢,改南京工部右侍 廷議 改 歸德州爲府, 士民祠祀之。 尋進刑部員外 擢汝楠 歷官江西左、右布政使,擢右 知其 、府事。 郎,徙南京刑部。 以母 憂歸, 聚諸 善皇 副都

郎,未幾卒。

汝楠始好爲詩,有重名。 中年好經學,及官江西,與鄒守一、羅洪先游,學益進,然詩由

此不工云。

視之。東垂髫而前,試詞賦立就,遂字以女,攜至京,文譽益起。 陳東,字約之,鄞人。 生而聰慧絕倫,好讀古書。會稽侍郎董玘官翰林時,聞東才,召

才子」之稱,謂束及王愼中、唐順之、趙時春、熊過、任瀚、李開先、呂高也。 主張璁、霍韜以前此館選悉改他曹,引嫌,亦議改,乃寢前命,束授禮部主事。 皆手批其卷。 史汪鋐請徙近郊居民墳墓,東疏諫,不報。遷員外郎,改編修。 嘉靖八年廷對,世宗親擢羅洪先、程文德、楊名爲一甲,而置唐順之及東、任瀚於二甲, 無何,考庶吉士,得胡經等二十人,以東及順之、瀚曾奉御批,列經等首。座 四郊改建,都御 時有「嘉靖八

之士,三月而畢,疾增劇,竟不起,年纔三十有三。 分巡辰、沅,治有聲。稍遷福建參議,改河南提學副使。 東出璁、韜門,不肯親附。 歲時 上壽,望門投刺,輒馳馬過之。爲所惡,出爲湖廣僉事。 妻董,亦能詩,東卒未幾亦卒,東竟無後 康故有嘔血疾,會科試期迫,試八郡

當嘉靖初,稱詩者多宗何、李,東與順之輩厭而矯之。 |束早世, 且藁多散逸, 今所傳行

岡集,僅十之一二云。

म् 劉 廢,益反求六經,闡明聖學。 帝怒,勒爲民。久之,遇赦,復官致仕。 不報,復自引還。 思潔、曾省吾先後疏薦, 十八年,簡宮僚,改左春坊左司 任瀚,字少海,南充人。 給事中周來劾瀚舉動任情,蔑視官守。 優旨報聞而已。 晚又潛心於易,深有所得。 嘉靖八年進士。 直兼翰林院檢討。 終世宗朝,中外屢薦,不復用。 瀚少懷用世志,百家二氏之書, 改庶吉士,未上,授吏部主事。 明 文亦高簡。 年,拜疏引疾,出郭戒行,疏 帝令自陳, 卒年九十三。 瀚語侵掌詹事霍韜。 神宗嗣位,四 罔不 屢遷考功郎 蒐討。 川巡撫 再上, 被

熊過,字叔仁,富順人。 瀚同年進士。 累官祠祭郎中,坐事貶秩,復除名爲民。

李 開先,字伯華,章丘人。 束同年進士。 官至太常少卿。 性好蓄書,李氏藏書之名聞

天下。

及後大計,諸御史謂經禍由高,乃斥歸,於八子中,名最下。 者手,巡按御史葉經乞順之文。 呂高,字山甫,丹徒人。亦東同年進士。 高心憾,寓書京師友人言經紕繆。 歷官山東提學副使。 鄉試錄文,舊多出學使 嚴嵩惡經,遂置之死。

顧使囹圄之徒久纏徽纆,衣冠之侶流竄窮荒,父子長離,魂魄永喪,此獨非陛下之赤子乎! 田汝成,字叔禾,錢塘人。嘉靖五年進士。授南京刑部主事,尋召改禮部。 十年十二

望大廣皇仁,悉加寬宥。」忤旨,切責,停俸二月。 屢遷祠祭郎中,廣東僉事,謫知滁州

提學副使。 誘擒公丁,而進兵討峽賊,大破之,又與萬達建善後七事,一方遂靖,有銀幣之賜。 立,與副使翁萬達密討誅之。努灘賊侯公丁爲亂,斷藤峽羣賊與相應。 復擢貴州僉事,改廣西右參議,分守右江。龍州土酋趙楷、憑祥州土酋李寰皆弑主自 歲當大比,預定諸生甲乙。比榜發,一如所定。 汝成復偕萬達設策 遷福建

山,窮浙西諸名勝,撰西湖游覽志,並見稱於時。 汝成博學工古文,尤善敍述。 歷官西南,諳曉先朝遺事,撰炎徼紀聞。 他所論著甚多,時推其博洽。 歸田後,盤桓湖

爲徽州訓導,罷歸。作詩有才調,爲人所稱。 子藝蘅,字子萟。十歲從父過采石,賦詩有警句。 性放誕不羈,嗜酒任俠。 以歲貢生

傳 第 百 七 + 五 文 苑 Ξ 沖、坊同登嘉靖七年鄉薦, 皇甫涍,字子安,長洲人。 明年, 父錄,弘治九年進士。 防第進士。 叉三年, 任重慶知府。 叉十三年, 生四子,沖、涍、汸 濂亦第進士。 濂。

而 沖尙爲舉子。 兄弟並好學工詩,稱「皇甫四傑」。

|沖,字子浚,善騎射,好談兵。 遇南北 內訌,譔幾策、兵統、枕戈雜言三書,凡數十萬言。

請建儲,皆涍起草,故言深知涍才。 官有私 **涍**,初授工部主事, 調 廣平通判 ,量移南京刑部主事,進員外郎,遷浙江僉事。 改禮部。 歷儀制員外郎,主客郎中。 比簡宮僚,逐用爲春坊司 直兼翰林檢討。 在儀制時,夏言 大計京官,以南 爲尙書,連疏 言者論孝改 陪曹事

,邑邑發病卒。

靜寡與,自負高俊,稍不當意,終日相對無一言。 居官砥廉隅,然頗操切,多忤物,

故 數被讒謗云。

遷南京稽勳郎中,再貶開州同知,量移處州府同 防,字子循,七歲能詩。 官工部主事,名動公卿,沾沾自喜,用是貶秩爲黃州推官。 知。 擢雲南僉事,以計典論點。 **防和易**,近

列

聲色,好狎游。

於兄弟中最老壽,年八十乃卒。

賈 人女爲尚書文明妾 濂,字子約,初授 明召濂 工部主事,母 切責 喪除, 之。 濂抗言曰:「公掌 起故官, 典惜薪廠。 邦 政, 縦奸 賈人偽 人干 增數問 紀, 利,濂按 又欲奪郎官法 其罪。

守邪?

明爲斂容謝。

大計,謫河

南

布 政

司

理

問,終興化同

知

才名。 年老矣,狂甚,爲讎家所殺。 濂兄弟與黃魯曾、省曾爲中表兄弟, 吳 人語 日 "「前有四皇,後有三張。」鳳翼、燕翼終舉人。 文藻亦相 似。 其後, 而獻翼爲太學生,名日益高, 里人張鳳翼、燕翼、獻翼並負

茅坤,字順甫,歸安人。嘉靖十七年進士。 歷知靑陽、丹徒二縣。 母憂,服闋,遷禮部

主 事,移吏部稽勳司,坐累,謫廣 屡遷廣西兵備僉事,轄府江道。 平通判 坤雅好談兵。

計莫若鵰剿 征,總督應檟 以問坤。 條入殲其魁,他部必響,謀自全,此便計也。」檟善之,悉以兵事委坤。 坤曰:「大征非 兵十萬不可, 餉稱之, 瑶城據鬼子諸砦,殺陽朔令。 ` 今猝不能集,而賊已據險爲備。 朝 連破十 議 大

七砦,晉秩二等。 民立祠祀 之。

遷大名兵備副使,總督楊博歎爲奇才,特薦於朝。 爲忌者所中,追論其先任貪汚狀,落

横於 職 歸。 里,爲巡按龐尙鵬所劾,遂褫冠帶。 時倭事方急,胡宗憲延之幕中,與籌兵事,奏請爲福建副使。 坤旣廢, 用心計治生, 家大起。 吏部持之,乃已。 年九十,卒於萬曆 家人

二十九年。

鹿門,坤別號也

蘇、曾、汪八家外,無所取,故坤選八大家文鈔。 坤善古文,最心折唐順之。 順之喜唐、宋諸大家文,所著文編,唐、宋人自韓、柳、歐、三 其書盛行海內,鄉里小生無不知茅鹿門者。

少子維,字孝若,能詩,與同郡臧懋循、吳稼竳、吳夢陽,並稱四子。 嘗詣闕上書,希得

召見,陳當世大事,不報。

意爲歌詩。 謝榛,字茂秦,臨淸人。 西游彰德,爲趙康王所賓禮。 眇一目。年十六,作樂府商調,少年爭歌之。 入京師,脫盧柟於獄 已,折節讀書,刻

攀龍遂貽書絕交。 李攀龍、王世貞輩結詩社,榛爲長,攀龍次之。 世貞輩右攀龍,力相排擠,削其名於七子之列。 及攀龍名大熾,榛與論生平,頗相鐫責, 然榛游道日廣,秦、晉諸

傅第一百七十五 文苑三

列

王爭延致,大河南、北皆稱謝榛先生。 趙康王卒,榛乃歸。

也。」諸人心師其言,厥後雖合力擯腠,其稱詩指要,實自牍發也。 會神氣,歌詠之以求聲調,玩味之以裒精華。得此三要,則浩乎渾淪,不必塑謫仙而畫少陵 送客,即盛禮而歸姬於榛。榛游燕、趙間,至大名,客請賦壽詩百章,成八十餘首,投筆而逝。 耳,請更製,以備房中之奏。」詰朝上新詞十四闋,姬悉按而譜之。明年元旦,便殿奏伎,酒止 所製竹枝詞也。樣方傾聽,王命姬出拜,光華射人,藉地而坐,竟十章。樣曰:「此山人里言 當七子結社之始,尚論有唐諸家,各有所重。榛曰:「取李、杜十四家最勝者,熟讀之以 萬曆元年冬,復游彰德,王曾孫穆王亦賓禮之。酒闌樂止,命所愛賈姬獨奏琵琶,則榛

沈鬱。 主禮。 答之數百,謀以土囊壓殺之,爲他卒救解。 牌居獄中,益讀所攜書,作幽鞫、放招二賦,詞旨 好使酒罵座。常爲具召邑令,日晏不至,柟大怒,徹席滅炬而臥。令至,柟已大醉,不具賓 盧柟,字少楩,濬縣人。家素封,輸貲爲國學生。 會博役夫被接,他日牆壓死,令卽捕牌,論死,緊獄,破其家。里中兒爲獄卒,恨牌, 博聞强記,落筆數千言。 為人跅弛,

謝榛入京師,見諸貴人,泣訴其冤狀曰:「生有一盧柟不能救,乃從千古哀沅而弔湘

徧 柟 乎 游吳會 禮爲 上賓。 無所遇,還益落魄嗜酒,病三日卒。 諸宗· 人以王故爭客牌,牌酒酣 | 桝騒賦 罵座 **柟出**,走謁榛。 如 最爲王世貞所稱,詩亦豪放如 故。 及光 祖 榛方客趙康王所,王立召見 爲 南京 禮部 郎,柟往 其爲人。 一訪之,

部主 年,隆慶改元,薦起浙江 逐謝 爲 無 獨 士儋學爲詩歌。 《巡撫,檄令屬文,攀龍怫然曰:「文可檄致邪。」 拒不應。會其地數震,攀龍 故交殷、許輩過從靡間。時徐中行亦家居,坐客恒滿,二人聞之,交相得也。 何,奔母喪歸,哀毁得疾,疾少間,一日 病。 攀龍 事 李攀龍,字于鱗,歷城人。 故事,外官謝病不再起,吏部重其才,用何景明例,特予告歸。 旣歸, 構白雪樓, 名日益高。賓客造門, 率謝不見, 大吏至, 亦然, 以是得簡傲聲。 歷員外郎、郎中,稍遷順德知府,有善政。 已,盆厭訓詁學,日讀古書,里人共目爲狂 副使,改參政,擢 九歲而孤,家貧,自奮於學。 河南按察使。 心痛卒。 上官交薦,擢陝西提學副使。 攀龍至是摧亢爲和,賓客亦稍稍進。 生。 稍長爲諸生,與友人許邦才、殷 舉嘉靖二十三年 予告者,例得再起。 心悸,念母 進士,授刑 歸田將十 鄉人殷學 思歸,

攀龍之始官刑曹也,與濮州李先芳、臨淸謝榛、孝豐吳維岳輩倡詩社。 七 王世貞初釋褐,

列

傅

第

百

+

五.

文 苑

Ξ

李。其爲詩,務以聲調勝,所擬樂府,或更古數字爲已作,文則聱牙戟口,讀者至不能終篇。 龍才思勁鷙,名最高,獨心重世貞,天下亦並稱王、李。又與李夢陽、何景明並稱何、李、王、 京,詩自天寶而下,俱無足觀,於本朝獨推|李夢陽。 諸子翕然和之,非是,則詆爲宋學。|攀 先芳引入社,遂與攀龍定交。明年,先芳出爲外吏。又二年,宗臣、梁有譽入,是爲五子。 好之者推爲一代宗匠,亦多受世抉摘云。自號滄溟。 七才子之名播天下。擯先芳、維岳不與,已而榛亦被擯,攀龍遂爲之魁。其持論謂文自西 未幾,徐中行、吳國倫亦至,乃改稱七子。諸人多少年,才高氣銳,互相標榜,視當世無人,

母告歸,杜門讀書。大吏至,辭不見。卒年三十六。 梁有譽、宗臣、徐中行、吳國倫,皆嘉靖二十九年進士。 有譽除刑部主事,居三年,以念

難者萬人。或言賊且迫,曰:「我在,不憂賊也。」與主者共擊退之。尋遷提學副使,卒官,士 起故官,移文選。 宗臣,字子相,揚州興化人。由刑部主事調考功,謝病歸,築室百花洲上,讀書其中。 進稽勳員外郎,嚴嵩惡之,出爲福建參議。 **|倭薄城,臣守西門,納鄉人避**

徐中行,字子輿,長興人。美姿容,善飲酒。 由刑部主事歷員外郎、郎中,稍遷汀州知

其積 府。 優擢。 貯,活饑民萬餘。 廣東賊蕭五來犯,禦之,有功。 尋以 父憂歸,補汝寧, 累官江西左布政使,萬曆六年卒官。 坐大計,貶長蘆鹽運判官。 策其且走,俾武平令徐甫宰邀擊之,讓功甫宰, 遷湖廣 中行性好客,無賢愚貴賤,應之 僉 事,掩捕湖盜 柯 彩 甫宰得 鳳,得

不倦,故其死也,人多哀之。

假 河南 倉 他事謫江 ,則西走興國。 吳國 左參政,大計罷 倫 西按察司 ,字明卿,興國人。 萬曆時,世貞旣沒,國倫 歸。 知事。 國倫 量移南康推官,調歸德,居二 才氣橫放,好客輕財。 由中書舍人擢兵科給事中。 猶無恙,在七子中最爲老壽 歸田 後 歲棄去。 聲 楊繼盛死,倡衆賻送,忤嚴嵩, 名籍甚,求名之士,不東走太 嵩敗、起建寧 同 知 ,累遷

外郎、郎中。 詩社,又與李攀龍、宗臣、梁有譽、徐中行、吳國倫輩相倡和,紹述何、李,名日益盛。 嘉靖二十六年進士。 王世貞,字元美,太倉人,右都御史忬子也。 授刑部主事。 世貞好爲詩古文,官京師,入王宗沐、李先芳、吳維岳等 生有異稟,書過目,終身不忘。 年十九,舉 屢遷 員

奸人閻姓者犯法,匿錦衣都督陸炳家,世貞搜得之。炳介嚴嵩以請,不許。 列 傳 第 百 七 + 五 文 苑 Ξ 七三七九 楊繼盛

旣除服,猶却冠帶,苴履葛巾,不赴宴會。 嵩門,涕泣求貸。嵩陰持忬獄,而時爲謾語以寬之。兩人又日囚服跽道旁,遮諸貴人輿,搏 顏乞救。諸貴人畏嵩不敢言,忬竟死西市。兄弟哀號欲絕,持喪歸,蔬食三年,不入內寢。 爲靑州兵備副使。父忬以灤河失事,嵩搆之,論死繋獄。世貞解官奔赴,與弟世懋日蒲伏 吏,時進湯藥。 其妻訟夫冤,爲代草。旣死,復棺殮之。嵩大恨。吏部兩擬提學皆不用,用

歸,服除,補湖廣,旋改廣西右布政使,入爲太僕卿。 八事,以應詔。無何,吏部用言官薦,令以副使涖大名。遷浙江右參政,山西按察使。 欲出,會詔求直言,疏陳法祖宗、正殿名、廣恩義、寬禁例、修典章、推德意、昭爵賞、練兵實 隆慶元年八月,兄弟伏闕訟父冤,言爲嵩所害,大學士徐階左右之,復忬官。世貞意不 母憂

此,必僞也。」捕訊之,服辜。 僧 「**偽稱樂平王次子,奉高皇帝御容、金牒,行游天下。世貞曰:「宗藩不得出城,而壽張如** 萬曆二年九月以右副都御史撫治鄖陽,數條奏屯田、戍守、兵食事宜,咸切大計。 有奸

道 遷南京大理卿,爲給事中楊節所劾,即取旨罷之。後起應天府尹,復被劾罷。居正歿,起南京 大盛 居正枋國,以世貞同年生,有意引之,世貞不甚親附。所部荆州地震,引京房占,謂臣 `,坤維不寧,用以諷居正。 居正婦弟辱江陵令,世貞論奏不少貸。 居正積不能堪,會

列傳第一百七十五 文苑三

刑部 及大 黄仁榮言 理 右侍郎、辭疾不赴。久之,所善王錫爵秉政,起南京兵部右侍郎。先是,世貞爲副都御史 卿 [世貞先被劾,[四]不當計俸,據故 、應天尹與侍郎,品皆正三。世貞 通 事力爭。 理前 俸,得考滿廕子。比擢南京刑部尙 世貞乃三疏移疾歸。 二十一年卒於家 書,御史

海內。 論,文必西漢,詩必盛唐,大曆以後書勿讀,而藻飾太甚。 世 一時士大夫及山人、詞客、衲子、羽流,莫不奔走門下。 卢 始 與李攀龍狎主文盟,攀龍歿,獨操柄二十年。 。才最高,地望最顯,聲華意氣籠 晚年,攻者漸起,世貞顧漸造平 片言褒賞,聲價驟起。

淡。

病亟

一時,劉鳳往視,見其手蘇子瞻集,諷翫

不置也。

攀龍 維楨 蔡張 五子 ,則陽: 九一也。 、中行、有譽、國倫 世貞自號鳳洲,又號弇州 鄞 屠隆、南樂魏允中 曲王 道行、東明石星、從化黎民表、南昌朱多煃、常熟趙用賢也。 廣五子則崑山兪允文、濬盧柟、濮州李先芳、孝豐吳維岳、順德歐 、臣也。 、蘭谿胡應麟,而用賢復與焉。 山人。 後五 子則南昌余曰德、蒲圻魏裳、歙汪道昆、銅梁張 其所與遊者,大抵見其集中,各爲標目。 其所去取,頗以好惡 末五 爲高 日前 子則京山李 大 任 佳胤 五. 也。 子 續

裳,字順甫,與日 余曰德,字德甫,張佳胤,字肖甫,張九一,字助甫,世貞詩所謂 德 俱 嘉靖二十九年進士。 日德終福建副使,裳終濟南 「吾黨有 知府。 三甫」也。 魏

十二年進士、終巡撫寧夏僉都御史。佳胤自有傳。

是名大起。晚年官兵部左侍郎,世貞亦嘗貳兵部,天下稱「兩司馬」。世貞頗不樂,嘗自悔 其意,居正亟稱之。世貞筆之藝苑卮言曰:「文繁而有法者于鱗,簡而有法者伯玉。」道昆由 汪道昆,字伯玉,世貞同年進士。大學士張居正亦其同年生也,父七十壽,道昆文當

獎道昆爲違心之論云。

撰著。 令,而敷衍其說,謂詩家之有世貞,集大成之尼父也。其貢諛如此。 胡應麟,幼能詩。萬曆四年舉於鄉,久不第,築室山中,搆書四萬餘卷,手自編次,多所 攜詩謁世貞,世貞喜而激賞之,歸益自負。所著詩藪二十卷,大抵奉世貞卮言爲律

推引之,以爲勝己,攀龍、道昆輩因稱爲「少美」。 歷陝西、福建提學副使,再遷太常少卿,先世貞三年卒。好學,善詩文,名亞其兄。 世貞弟世懋,字敬美。嘉靖三十八年成進士,卽遭父憂。 **父雪,始選南京禮部主事。** 世貞力

世貞子士騏,字冏伯,舉鄉試第一,登萬曆十七年進士,終吏部員外郎,亦能文。

歸有光,字熙甫,崑山人。 九歲能屬文,弱冠盡通五經、三史諸書,師事同邑魏校。 嘉

靖十九年舉鄉試, 八上春官不第。 徙居嘉定安亭江上,讀書談道。 學徒常數百 稱爲震

川先生。

吳語,斷訖遣去,不具獄。 順德通判,專轄馬政。 高拱、趙貞吉雅知 四十四年始成進士,授長興知縣。 有光 明世,進士爲令無遷倅者, ,引爲南京太僕丞,留掌內閣制 大吏令不便,輒寢閣 用古敎化爲治。 不 行。有 名為遷, 敕房,修世宗實錄,卒官 所擊斷,直行己意。 每聽訟, 引婦女兒童案前, 實重抑之也。 隆慶 大吏多惡之, 四 年,大學 刺刺 作 土 調

趨 目 爲妄庸巨子。 **久而自傷。」其推** 有光爲古文,原本經術,好太史公書,得其神理。 世貞大憾,其後 重如 此。 亦心折有光,爲之讚 曰:「千載有公,繼韓、歐陽 時王世貞主盟文壇,有光 力相 余豈異 紙排,

善。 其歿 有光少子子慕,字季思。 也,巡按御史祁彪佳請於朝,贈翰林待詔 舉萬曆十九年鄉試,再被放,即屏居江村,與無錫高攀龍最

有光 制舉義,湛深經術,卓然成大家。 後德清胡友信與齊名,世並稱歸、胡。

月錢。 友信,字成之,隆慶二年進士。 友信與民約,歲爲三限,多寡皆自輸 授順德知縣。 ,不取贏,閭里無妄費,而公賦 歲賦率奸胥攬輸,稍以所入啗長吏,謂之 以充。 海寇竊發,

列

傳

第

百

官軍往討,民間驛騷。部內烏洲、大洲,賊所巢穴,諸惡少爲賊耳目。友信悉勾得之, 其魁,餘黨解散。鄉立四應社,一鄉有警,三鄉鼓而援之,不援者罪同賊,賊不敢發。 歳大 捕誅

凶,民饑死無敢爲惡者。

修墮舉,學校城池,咸爲更新。 督課邑子弟,敎化興起。 卒官,士民立祠奉祀 初,友信慮民輕法,涖以嚴,後令行禁止,更爲寬大,或旬日不笞一人。其治縣如家,弊

友信博通經史,學有根柢。明代舉子業最擅名者,前則王鏊、唐順之,後則震川、思泉。

思泉,友信別號也。

校勘記

(1) 學書於李應禎 李應禎,原作「李應楨」,據明史稿傳一六三文徵明傳、孝宗實錄卷七八弘治六

年七月壬寅條改。

- 子尊尼 尊尼、原作「曾尼」、據本書卷九藝文志、明史稿傳一六三文徵明傳改。
- = 曾忭輩 曾忭 ·)原作「會汴」,據明史稿傳一六三王愼中傳、明進士題名碑錄嘉靖丙戌科改。
- 御史黃仁榮言世貞先 被劾 黄仁榮,原作「黃世榮」,據本書卷二一九許國傳、神宗實錄卷二一

五萬曆十七年九月己未條改。

明史卷二百八十八

列傳第一百七十六

文苑四

李維楨 郝敬 徐渭 屠隆 王穉登 兪允文 王叔承 瞿九思 唐時升

袁宏道 鍾惺 譚元春 王惟儉 李 日華 曹學佺 曾異撰

婁堅

李流芳

程嘉燧

焦竑

黄輝

陳仁錫

董其

昌

莫如忠

邢侗

米萬鍾

王志堅 艾南英 章世純 羅萬藻 陳際泰 張溥 張采

修。 萬曆時,穆宗實錄成,進修撰。 李維楨,字本寧,京山人。 **父裕**,福建布政使。 出爲陝西右參議,遷提學副使。 維楨舉隆慶二年進士,由庶吉士授編 浮沉外僚,幾三十年。

天啓初,以布政使家居,年七十餘矣。 會朝議登用者舊,召爲南京太僕卿,旋改太常,

未赴。 聞 ·諫官有言,辭不就。 第 百 七 + 六 文 時方修神宗實錄,給事中薛大中特疏薦之,未及用。 苑 四年四

列

傅

四

月, 用,乃館中諸臣憚其以前輩壓己,不令入館,但超遷其官。 太常卿董其昌復薦之,乃召爲禮部右侍郎,甫三月進尚書,並在南京。維楨緣史事起 維楨亦以年衰,明年正月力乞

崇禎時,贈太子太保。

骸骨去。又明年卒於家,年八十。

無倦,負重名垂四十年。 得,問小李。」維楨爲人,樂易闊達,賓客雜進。其文章,弘肆有才氣,海內請求者無虛日,能 屈曲以副其所望。 維楨弱冠登朝,博聞强記,與同館許國齊名。館中爲之語曰:「記不得,問老許,做不 碑版之文,照耀四裔。門下士招富人大賈,受取金錢,代爲請乞,亦應之 然文多率意應酬,品格不能高也。

維楨,其父執也,援出之,館於家。 並 有能聲。 邑人郝敬,字仲輿。父承健,舉於鄉,官蕭寧知縣。 徵授禮科給事中,乞假歸養。人之,補戶科,數有所論奏。 始折節讀書,舉萬曆十七年進士。 敬幼稱神童,性跅弛,嘗 歷知縉雲、永嘉二縣, 殺 人繋獄。

聽。 旨 陳增一事,甚失衆心。」帝怒,奪俸一年。 不過爲愚弄臣民之虛文。乞先停止,然後以宗堯所奏下撫按勘覈,正增不法 頃之,山東巡撫尹應元亦極論增罪,帝怒,切責應元,斥宗堯爲民。 Щ 東稅監陳增貪橫,爲益都知縣吳宗堯所奏,帝不罪。敬上言:「開採不 帝遣中官高寀権稅京口,暨祿権稅儀眞,敬復力 敬再上言:「陛下處 罷,則 之罪。」 陛 下明 不

不予,遂投劾歸,杜門著書。一崇禎十二年卒。 沒,帝輒可之。樹復力詆增,乞速寢其奏,亦不納。 宗堯之刻增也,增怒甚,誣訐其贓私,詞連靑州一府官僚,旁引商民吳時奉等,請皆籍 坐事,謫知江陰縣。貪汚不檢,物論皆

不至,宗憲顧善之。寅、明臣亦頗負崖岸,以侃直見禮。 勢嚴重,將吏莫敢仰視。潤角巾布衣,長揖縱談。幕中有急需,夜深開戟門以待。 澗。 如草不聞聲」。宗憲起,捋其鬚曰:「何物沈生,雄快乃爾」」即命刻於石,寵禮與渭埓。督府 并他客草寄所善學士,擇其尤上之。 學士以潤表進,世宗大悅,益寵異宗憲,宗憲以是益重 總督胡宗憲招致幕府,與歙余寅、鄭沈明臣同筦書記。宗憲得白鹿,將獻諸朝,令渭草表, 宗憲嘗宴將吏於爛柯山,酒酣樂作,明臣作鐃歌十章,中有云「狹巷短兵相接處,殺人 徐渭,字文長,山陰人。十餘歲做揚雄解嘲作釋毀,長師同里季本。 爲諸生,有盛名。 渭或醉

禍,遂發狂,引巨錐剸耳,深數寸,又以椎碎腎囊,皆不死。已,又擊殺繼 人張元忭力救得免。 渭知兵,好奇計,宗憲擒徐海,誘王直,皆預其謀。 乃游金陵,抵宣、遼,縱觀諸邊阨塞,善李成梁諸子。入京師,主元忭。 藉宗憲勢,頗橫。 及宗憲 妻,論死繫獄,里 下獄,渭懼

列傳

禮法,渭 不能從,久之怒而去。 後元忭卒,白衣往弔,撫棺慟哭,不告姓名去。

不入二人黨。後二十年,公安袁宏道游越中 次之、畫又次之。」當嘉靖時、王、李倡七子社,謝榛以布衣被擯。 渭天才 超軼 ,詩文絕出 「倫輩。 善草書,工寫花草竹石。 ,得渭殘帙以示祭酒陶望齡,相與激賞,刻其集 嘗自言:「吾書第 渭憤其以軒冕壓韋布,誓 一,詩次之,文

寅,字仲房。 明臣,字嘉則。 皆有詩名。 行世。

時招名 14 里里 屠隆者,字長卿,明臣同邑人也。 人張時徹方爲貴官,共相 士飲酒賦詩,游九峰、三泖,以仙令自許,然於吏事不廢,士民皆愛戴之。 延譽,名大噪。 生有異才,嘗學詩於明臣,落筆數千言立就。 舉萬曆五年進士,除潁上知縣,調繁青浦。 遷 族人大 禮

計隆 與世恩淫縱,詞連禮部尚書陳經邦。 西寧侯宋世恩兄事隆,宴游甚歡。 刑部主事俞顯卿者,險人也,嘗爲隆所詆,心恨之。 隆等上疏自理,并列顯卿挾仇誣陷狀。所司乃兩

主

事

黜之,而停世恩俸半歲。隆歸,道靑浦,父老爲斂田千畝,請徙居。 隆不許,歡飲三日謝去。

歸益縱情詩酒,好賓客,賣文爲活。詩文率不經意,一揮數紙。 嘗戲命兩人對案拈二

題,各賦百韻,咄嗟之間二章 並就。 又與人對弈,口誦 詩文,命人書之,書不 逮誦 也

子婦沈氏,修撰懋學女,與隆女瑤瑟並能詩。 隆有所作, 兩人輒和之。 兩家兄弟合刻

其詩,日留香草。

嘉靖 歿,其仲子士騙 年 趙 赫,穉登爲 嘉 徐階當國,頗修憾於煒。 | 燒召數諸吉士曰:「君輩職文章,能得王秀才一句耶。〕將薦之朝,不果。 、隆、萬 七十餘。 志皐輩 吳中自文徵明後,風雅無定屬。 末,遊京師,客大學士袁煒家。 王穉登,字伯穀,長洲人。 曆間,布衣、山人以詩名者十數,愈允文、王叔承、沈明臣輩尤爲世所稱,然聲 最。 子留 **穉登及其同邑魏學禮** 坐事繫獄,稱登爲傾身救援,人以是重其風義。 申時行以元老里居,特相推重。王世貞與同郡 ,字亦房,亦以詩 或勸釋登弗名袁公客,不從,刻燕市、客越二集,備書其 四歲能屬對,六歲善擘窠大字,十歲能詩,長益駿發有盛名。 、江都陸弼、黃岡王一鳴。 **煒試諸吉士紫牡丹詩**,不稱意。 **穉登嘗及徵明門,遙接其風,主詞翰之席者三十餘年。** 有韶徵用、未上、而史局罷。 友善, 顧不甚推之。 萬曆中,詔修國史,大學士 命穉登爲之,有警句。 隆慶初,復遊京師, 事 及 世貞 華垣

卒

刻 傳

第

百

七 + 六

文

苑

四

博。 年未四十,謝去諸生,專力於詩文書法。與王世貞善,而不喜李攀龍詩,其持論不苟同 俞允文,字仲蔚,崑山人。其父舉進士,官大理評事。 允文年十五爲馬鞍山賦,援据該

如此。

之議, 往往臥酒樓,欠伸弗肯應。久之,乃謝歸。 書歎服。 予一錢,乃攜婦歸奉母,貧益甚。入都,客大學士李春芳所。 王叔承,字承父,吳江人。少孤,治經生業,以好古謝去。貧,養婦家,爲婦翁所逐,不 叔承遺書數千言,謂當引大義以去就力爭,不當依違兩端,負主恩,辜物望。 其詩,極爲世貞兄弟所許。 卒於萬曆中。 太倉王錫爵,其布衣交也。 性嗜酒,春芳有所譔述,覓之, 再召,會有三王並封 錫餌得

引水爲四閘,得田數十萬畝。 瞿九思,字睿夫,黄梅人。父晟,嘉靖三十二年進士。 卒於官 歷官廣平知府。 鑿長渠三百里,

曆元年鄉試。 九思十歲從父宦吉安,事羅洪先。十五作定志論。後從同郡耿定向游,學益進。 居二年,縣令張維翰違制苛派,民聚毆之,維翰坐九思倡亂。 巡按御史向程 舉萬

楚中當事,而張居正故才九思,乃獲釋歸。三十七年,以撫按疏薦,授翰林待詔,力辭不受。 歷抵公卿、訟父冤。甲弟罕,亦伏闕上書求宥。屠隆作訟瞿生書,遍告中外,馮夢禎亦白於 劾維翰激變。 吏部尚書張瀚言御史議非是, 九思遂長流塞下。 子甲,年十三,爲書數千言,

九思學極奧博,其文章不雅馴,然一時嗜古篤志之士亦鮮其儔。

詔有司歲給米六十石,終其身。乃撰樂章及萬曆武功錄,遺罕詣闕上之。卒年七十一。

寒餒,天下稱雙孝。崇禎時,辟舉知州。 甲,字釋之,年十九舉於鄉,早卒。罕,字<u>日</u>有,七歲能文。白父冤時,往返徒步,不避

里人婁堅、程嘉燧並稱曰「練川三老」。卒於崇禎九年,年八十有六。 舉子業,專意古學。王世貞官南都,延之邸舍,與辨晰疑義。時升自以出歸氏門,不肯復稱 無一爽者。家貧,好施予,灌園藝蔬,蕭然自得。詩援筆成,不加點竄,文得有光之傳。與 王氏弟子。及王錫爵枋國,其子衡邀時升入都,值塞上用兵,逆斷其情形虛實,將帥勝負, 唐時升,字叔達,嘉定人。父欽訓,與歸有光善,故時升早登有光之門。年未三十,謝

貢於國學,不仕而 婁堅 字子柔。 歸。 幼好學,其師友皆出有光門。 工書法,詩亦清新。 四明謝三賓知縣事, 堅學有師承,經明行修,鄉里推爲大師。 合時升、堅、嘉燧及李流芳

詩刻之,曰嘉定四先生集。

流芳,字長蘅 ,萬曆三十四年舉於鄉。 工詩善書,尤精繪事。 天啓初,會試北上,抵近

郊聞警,賦詩而返,遂絕意進取。

松圓詩老。 歸,築耦耕堂,邀嘉燧讀書其中。 江寓古寺,與酒人歡飲三日夜,賦咏古五章,不見養謙而 程嘉燧,字孟陽,休寧人,僑居嘉定。 閱十年返休寧,遂卒,年七十有九。 工詩善畫。與通州顧養謙善。友人勸詣之,乃渡 返。 崇禎 中,常熟錢謙益以侍郎罷 謙益最重其詩,稱日

學士陳于陸建議修國史,欲竑專領其事,竑遜謝,乃先撰經籍志,其他率無所撰,館亦竟罷。 居,復往從之。萬曆十七年,始以殿試第一人官翰林修撰,益討習國朝典章。二十二年,大 嘉 **靖四十三年鄕試,下第還。** 焦竑,字弱侯,江寧人。爲諸生,有盛名。從督學御史耿定向學,復質疑於羅汝芳。 定向遴十四郡名士讀書崇正書院,以竑爲之長。及定向里

翰 ·林教小內侍書者,衆視爲具文,竑獨曰:「此曹他日在帝左右,安得忽之。」取古奄入善惡,

時與論說。

等九人文多險誕語,並被劾,謫福寧州同知。 疎直,時事有不可,輒形之言論,政府亦惡之,張位尤甚。二十五年主順天鄉試,舉子曹蕃 者爲養正圖說,擬進之。同官郭正域輩惡其不相聞,目爲賈譽,竑遂止。」竑旣負重名,性復 長子曰:「此無他,卽天命之謂性也。」時方十三齡,答問無滯,滋亦竭誠啓迪。嘗講次,羣鳥 易發,得毋諱其誤耶。解則有誤,問復何誤。古人不恥下問,願以爲法。」皇長子復稱善,亦 「稽者,考也。考集衆思,然後舍己之短,從人之長。」又一日,舉「上帝降衷,若有恒性」。皇 皇長子出閣,」」」」「太高講官。故事,講官進講罕有問者。」」」「講學、出言「博學審問,功用維 歲餘大計,復鐫秩,站遂不出。

八年卒,年八十。 也。 熹宗時,以先朝講讀恩,復官,贈諭德,賜祭廕子。 講學以汝芳爲宗,而善定向兄弟及李贄,時頗以禪學譏之。 福王時,追諡文端。子 萬曆 四十

列傳第

百

七

十六

文

潤生,見忠義傳。

詩文推陶望齡,書畫推董其昌,輝詩及書與齊名。至徵事,輝十得八九,竑以閎雅名,亦自 龍、王世貞之學行,則又改而從之。 遜不如也。 十五舉鄉試第一。 獄,輝檢律如老吏。 黄輝,字平倩,一字昭素,南充人。 久之,成進士, 改庶吉士。 館課文字多沿襲熟爛, 目爲翰林體, 及李攀 御史聞而異之,命負以至,授錢穀集,一覽輒記。 輝刻意學古,一以韓、歐為師,館閣文稍變。 竑同年進士。 幼穎異,父子元,官湖廣,御史屬訊疑 稍長,博極羣書。 時同館中, 年

殆。 廷無人,吾輩爲萬世僇矣。」德完奮然,屬輝具草上之,下獄,廷杖瀕死。 險阻,人或危之。 已爲庶子掌司經局,遂請告歸。 輝從內豎徵知其狀,謂同里給事中王德完曰:「此國家大事,旦夕不測,書之史册,謂朝 由編修遷右中允,充皇長子講官。 輝曰:「吾陷人於禍,可坐視乎?」輝雅好禪學,多方外交,爲言者所論。 已,起故官,擢少詹事兼侍讀學士,卒官。 時帝寵鄭貴妃,疎皇后、長子,長子生母王恭妃幾 輝周旋豪館,不避 時

陳仁錫,字明卿,長洲人。父允堅,進士。 歷知諸暨、崇德二縣。 仁錫年十九,舉萬曆

二十五年鄉試。 聞武進錢一本善易,往師之,得其指要。 **久不第,益究心經史之學,多所**

世券。 怒。不數日,里人孫文豸以誦步天歌見捕,坐妖言鍛鍊成獄,詞連仁錫及震孟,罪將不測。 有密救者,得削籍歸。 明年丁內艱,廬墓次。 天啓二年以殿試第三人授翰林編修。時第一爲文震孟,亦老成宿學。海內咸慶得人。 仁錫當視草,持不可,其黨以威劫之,毅然曰:「世自有視草者,何必我」」忠賢聞之 服闋,起故官,尋直經筵,典誥敕。魏忠賢冒邊功,矯旨錫上公爵,給

諡文莊。仁錫講求經濟,有志天下事,性好學,喜著書,一時館閣中博洽者鮮其儔云。 錄,進右諭德,乞假歸。越三年,卽家起南京國子祭酒,甫拜命,得疾卒。福王時,贈詹事, <u>崇</u>禛改元,召復故官。旋進右中允,署國子司業事,再直經筵。以預修神、光二朝實

長子每目屬之。 習卒官,其昌請假,走數千里,護其喪歸葬。還授編修。 董其昌,字文字,松江華亭人。舉萬曆十七年進士,改庶吉士。禮部侍郎田一儁以教 坐失執政意,出爲湖廣副使,移疾歸。 起故官,督湖廣學政,不徇請囑,爲 皇長子出閣,充講官,因事啓沃,皇

列

傳第

百

七十

六

文苑四

卒謝事 勢家所怨,嗾生儒數百人鼓譟,毁其公署。其昌卽拜疏求去,帝不許,而令所司按治,其昌 起山東副使、登萊兵備、河南參政,並不赴。

遠,踰年請告歸。崇順四年起故官,掌詹事府事。居三年,屢疏乞休,詔加太子太保致仕。 詹事府事,尋轉左侍郎。五年正月拜南京禮部尚書。時政在奄豎,黨禍酷烈。其昌深自引 卿,兼侍讀學士。時修神宗實錄,命往南方採輯先朝章疏及遺事,其昌廣搜博徵,錄成三百 又二年卒,年八十有三。贈太子太傅。福王時,諡文敏。 史贊之例,每篇繫以筆斷。書成表進,有詔褒美,宣付史館。明年秋,擢禮部右侍郎,協理 又採留中之疏切於國本、藩封、人才、風俗、河渠、食貨、吏治、邊防者,別爲四十卷。 倣 光宗立、問:「舊講官董先生安在。」乃召爲太常少卿、掌國子司業事。 天啓二年擢本寺

外國。 片語隻字以爲重。 制作手書,以爲二絕。造請無虛日,尺素短札,流布人間,爭購寶之。精於品題,收藏家得 莫如忠及子是龍皆以善書稱。其昌後出,超越諸家,始以宋米芾爲宗。後自成一家,名聞 以善書名者,臨邑邢侗、順天米萬鍾、晉江張瑞圖,時人謂邢、張、米、董,又曰南董、北米。 其昌天才俊逸,少負重名。初,華亭自沈度、沈粲以後,南安知府張弼、詹事陸深、布政 其畫集宋、元諸家之長,行以已意,瀟灑生動,非人力所及也。四方金石之刻,得其 性和易,通禪理,蕭閒吐納,終日無俗語。人儗之米芾、趙孟頫云。

善草書,詩文有體要。是龍,字雲卿,後以字行,更字廷韓。 莫如忠,字子良。 嘉靖十七年進士。累官浙江布政使。 十歲能文,長善書。皇甫汸、汪 潔修自好。夏言死,經紀其喪。

世貞輩亟稱之。以貢生終。

邢侗,字子愿。萬曆二年進士。終陝西行太僕卿。 家資鉅萬,築來禽館於古犂丘,減產

奉客,遂致中落。妹慈靜,善傲兄書。

劾之,遂削籍。崇禎初,起太僕少卿,卒官。

米萬鍾,字友石。萬曆二十三年進士。歷官江西按察使。

天啓五年,魏忠賢黨倪文煥

張瑞圖者,官至大學士,逆案中人也。

萬曆十四年會試第一。授庶吉士,進編修,卒官右庶子。 袁宏道,字中郎,公安人。與兄宗道、弟中道並有才名,時稱「三袁」。 泰昌時,追錄光宗講官,贈禮部 宗道,字伯修。

列傳第一百七十六 交死四

右侍郎。

謝病 進士。 故官。 文,以 官三歲一察,京官六歲,武官五歲,此曹安得獨免。」疏上,報可,遂爲定制。 宏道 歸,數月卒。 風雅自命。 歸家 尋以清望擢吏部驗封主事,改文選。尋移考功員外郎,立歲終考察羣吏法,言:「外 ,下帷讀書,詩文主妙悟。 十六爲諸生,卽結社城南,爲之長。 已而解官去。 起授順天教授,歷國子助教、禮部主事, 選吳縣知縣,聽斷敏決,公庭鮮 閒爲詩歌古文,有聲 事。 里中。 謝病歸。 與 遷稽勳郎中,後 士 舉 萬曆 大夫談說詩 久之, 起 二十年

子博士、南京 四 方名士,足跡半天下。 中道,字小修。 豐將主事。 十餘歲,作黃山、雪二賦,五千餘言。 天啓四年進南京 萬曆三十一年始舉於鄉。 吏部郎中,卒於官。 又十四年乃成進士。 長益豪邁,從兩兄宦游京師,多交 由徽州教授,歷國

熾。 目爲公安體。 好白樂天,於宋好蘇軾,名其齋曰 鍾 先是,汪、李之學盛行,袁氏兄弟獨心非之。 、譚者,鍾惺、譚元春也。 然戲謔嘲笑,間雜 俚語,空疎者便之。 白蘇。 至宏道,益矯以淸新輕俊,學者多舍王、李而 宗道在館中,與同館黃輝力排其說。 其後,汪、李風漸息,而踵、譚之說大 從之, 於唐

惺,字伯敬,竟陵人。 萬曆三十八年進士。授行人,稍遷工部主事,尋改南京禮部,進郎

列傳第一百七十六 文苑四

御史田景新劾之,落職閒住。

中。 得 謝 人事。 擢福建提學僉事,以父憂歸,卒於家。 官南都,僦秦淮 水閣讀史,恒至丙夜,有所見卽筆之,名曰史懷。晚逃於禪以卒。 惺貌寢,贏不勝衣,爲人嚴冷,不喜接俗客,由此

唐 人之詩爲唐詩歸, 自宏道矯王、李詩之弊,倡以淸眞,惺復矯其弊,變而爲幽深孤峭。 又評選隋以前詩爲古詩歸。 鍾、譚之名滿天下,謂之竟陵體。 與同里譚元春評選 然兩人

學不甚富,其識解多僻,大爲通人所譏。

元春,字友夏,名輩後於惺,以詩歸故,與齊名。 至天啓七年始舉鄉試第一 惺已前

年春 空司而逐,惟儉亦削籍歸。家居二十年,光宗立,起光祿丞。三遷大理少卿 了,遼東總兵官馬林以忤稅使高淮被逮,兵部尚書田樂等救之。帝怒,責職方不推代者, 王惟儉,字損仲,祥符人。萬曆二十三年進士。授繼縣知縣,遷兵部職方主事。三十

多失所,惟儉加意綏輯。五年三月擢南京兵部右侍郎,未赴。入爲工部右侍郎,魏忠賢黨 天啓三年八月擢右僉都御史,巡撫山東。值徐鴻儒之亂,民多逃亡,遼人避難來者,亦

惟儉資敏嗜學。初被廢,肆力經史百家。苦宋史繁蕪,手删定, 自爲一書。 好書畫古

玩。 萬曆、天啓間,世所稱博物君子,惟儉與董其昌並,而嘉興李日華亞之。

|儉則口多微詞,好抨擊道學,人不能堪。 曰「名下寧有虚士乎」其自喜如此。 日華,字君實,嘉興人。萬曆二十年進士。官至太僕少卿。 嘗與時輩讌集,徵漢書一 事, 具悉本末, 指其腹笑 恬澹和易,與物無忤。惟

府燬於火,估修資七十萬金,學佺以宗藩條例却之。又中察典,議調。天啓二年起廣西右 添注大理左寺正。居冗散七年,肆力於學。累遷南京戶部郎中,四川右參政、按察使。蜀 曹學佺,字能始,侯官人。弱冠舉萬曆二十三年進士,授戶部主事。 中察典,調南京

無意殺之,乃得釋還。 按 西 御史王政新,以嘗薦學佺,亦勒閒住。 副使,未行,而廷元附魏忠賢大幸,乃劾學佺私撰野史,淆亂國章,遂削籍,燬所鏤板。 初 ,梃擊獄興,劉廷元輩主瘋顚。 崇禎初,起廣西副使,力辭不就。 學佺著野史紀略,直書事本末。至六年秋,學佺遷陝 廣西大吏揣學佺必得重禍,羈留以待。已,知忠賢 巡

列傳第一百七十六 文苑四

何 Щ 立於閩中,起授太常卿。尋遷禮部右侍郎兼侍講學士,進尙書,加太子太保。及事敗,走入 一中,投繯而死,年七十有四。詩文甚富,總名石倉集。萬曆中,閩中文風頗盛,自學佺倡 獨無」,欲修儒藏與鼎立。采擷四庫書,因類分輯,十有餘年,功未及竣,兩京繼覆。 家居二十年,著書所居石倉園中,爲石倉十二代詩選,盛行於世。嘗謂「二氏有藏,吾儒

之,晚年更以殉節著云。

生,究心經世學,所爲詩,有奇氣。」崇禎十二年舉鄕試,年四十有九矣,再赴會試還,遂卒。 及會紘巡撫南、贛,得王惟儉所撰宋史,招異撰及新建徐世溥更定,未成而罷。異撰久爲諸 給爨。然性介甚,長東知其貧,欲爲地,不屑也。吳興潘會紘督學政,上其母節行,獲旌於朝。 家寠甚,紡績給晨夕。異撰起孤童,事母至孝。歲饑,採薯葉雜糠籺食之,母妻嘗負畚鋤乾草 其同邑後起者,曾異撰,字弗人,晉江人,家侯官。父爲諸生,早卒。母張氏,以遺腹生。

南京兵部主事,遷員外郎、郎中。暇日要同舍郎爲讀史社,撰讀史商語。遷貴州提學僉事, 王志堅,字弱生,崑山人。父臨亭,進士。杭州知府。 志堅舉萬曆三十八年進士,授

不赴, 乞侍養歸。 天啓二年起督浙江驛傳,奔母喪歸。 崇禎四年復以僉事督湖廣學政,禮

部推為 學政第 0 六年卒於官。

宗。 考覈唐、宋碑志,援史傳,捃雜說,以參覈其 子,則 志 讀 作詩甚富,自選止七十餘首。 書,先經後史,先史後子、集。 志堅 謂 唐、宋而 少 與李流芳同 後無子,當取說家之有裨經史者補之。 .學,爲詩文,法唐、宋名家。 其讀經,先箋疏 事之同異、文之純駁。 而後辨論。 通籍後,卜居吳門古南園,杜門却掃,肆 讀集,則定秦、漢以後古文爲五 讀史, 其於內典,亦深辨性相之 先證據 而 後發明。 編,

讀

弟志長,字平仲,舉於鄉,亦深於經學。

事中郝土膏發策詆魏忠賢,南英對策亦有譏刺語。 之世。世人翕然歸之,稱爲章、羅、陳、艾。天啓四年,南英始舉於鄉。座主檢討 屋文腐爛,南英深疾之,與同郡章世純、羅萬藻、陳際泰以興起斯文爲任,乃刻 艾南英,字千子,東鄉人。七歲作竹林七賢論。長爲諸生,好學無所不窺。 烈帝即位,詔許會試。人之,卒不第,而文日有名。 忠賢怒,削考官籍,南英亦停三科。 負氣陵物,人多憚其口。 四人所作行 萬曆末,場 丁乾學、給 始王、

駁。 |李之學大行,天下談古文者悉宗之,後|鍾 南英 可憂疏,授兵部主事,尋改御史。 和之,排詆王、李不遺餘力。 兩京繼 、譚出而 覆, 一變。 江西郡縣盡失,南英乃入閩。 至是錢謙益負重 |名於詞林,痛相糾 唐王召見,

明年八月卒於延平。

陳十

七十矣,聞京師 章世純,字大力,臨川人。 變,悲憤,遘疾卒。 博聞强記。 舉天啓元年鄉試。 崇禎中,累官柳州 知府,年已

藻應詔 月 亦卒。 羅萬藻,字文止,世純同縣人。 ,辭不就。 福王時爲上杭知縣。 天啓七年舉於鄉。 唐王立於閩,擢禮部主 崇禎中行保舉法,祭酒倪元璐 事。 南英卒,哭而殯之,居數 以萬

義。 先後所作至萬首,經生舉業之富, 有八矣。 哦,遂畢身不忘。 取旁舍兒書,屛人竊誦。 十歲,於外家藥籠中見詩經,取而疾走。 陳際泰,字大士,亦臨川人,父流寓汀州武平,生於其地。 叉三年 除行 久之,返臨川,與南英輩以時文名天下。 人。 從外兄所獲書經,四角已漫滅, 居四年,護故 無若際泰者。 相蔡國用 父見之,怒,督往田, 崇禎 喪南行,卒於道。 三年舉於鄉。 且無句讀, 其爲文,敏甚,一日可二三十首 家貧,不能從師,又無書, 則牆 自 又四年成進士,年六十 以意識別之,遂通 至 田所, 踞高阜而 時 其

列

傅

第

百

七 +

六

文

苑 四

誦 後 名讀書之齋曰「七錄」,以此 過,卽焚之,又鈔,如是者六七始已。 張溥 ,字天如,太倉 人。 伯父輔之,南京工部尚書。 也。 與同 里張采 右 手握管處,指掌 共學齊名,號「婁東 溥幼嗜學。 成繭。 二張」。 冬日 所讀書必 手皸, 手鈔,鈔已朗 日 沃 湯 數

惡之。 所 無間 名 品品 土 寒暑。 相與 崇禎 題 甲 Ż, 復 元年以選貢生入都,采方成進士, 古學,名其文社日 四方噉名者爭走其門,盡名爲 頗能爲榮辱。 諸奔走附麗者, 復社。 四年成進士,改庶吉士。 復社 輒自矜 兩人 名徹都下。 溥亦傾 日 吾 身結納,交游 以嗣 已而采官臨川 以葬親乞假歸 東林 也。」 日廣, 執 讀 政 撀 溥歸,集郡 大 氣 書若經生, 僚 通 朝右 由 此

等把持計典,己罷職實其所爲,因及復社恣橫狀。 御 史倪 原 於 閩 里人 士子。 元珙、兵備參議馮元颺、太倉 周 、陸文聲者,輸貲爲監生,求入社不許,采又嘗以事挟之。 之變者,嘗爲蘇州推官,坐事 溥、采爲主盟,倡復社 、亂天 知州周仲連言復社 下。二 ,罷去,疑溥爲之,恨甚。 溫 體仁方 章下,巡撫張國維等言之變去官,無預溥 無可罪。 枋 國 事, 下所司。 三人皆貶斥, 聞文聲計溥,遂伏 文聲詣闕言:「風 遷延 嚴旨窮 入人之, 俗之弊, | 闕言 溥

四十。

事,亦被旨譙讓。

遙握 官,懷忠入地。 至發、薛國觀皆不喜東林,故所司不敢復奏。 生平相淬礪,死避網羅,負義圖全,誼不出此。 朝柄,己罪由溥,因言采結黨亂政。 至十四年,溥已卒,而 即今嚴綸之下,幷不得泣 事猶未竟。 刑部侍郎蔡奕琛坐黨薛國觀繫獄,未知溥卒也,計溥 詔責溥、采回奏、采上言:「復社 血自明,良足哀悼。」 及是、至發、國觀亦相繼罷,而周延儒當國,溥 念溥日夜解經論文,矢心報稱,曾未 當是時,體仁已前罷,繼者張 非臣事, 然臣 日服 與 溥

座主也,其獲再相,溥有力焉,故采疏上,事即得解。

之。是延儒 夜觀。 遂有詔徵 曰:「亦未免偏。」延儒言:「誠如聖諭,溥與黃道周皆偏,因善讀書,以故惜之者衆。」帝領之, 明年,御史劉熙祚、給事中姜埰交章言溥砥行博聞,所纂述經史,有功聖學,宜取備乙 帝御經筵,問及二人,延儒對曰:「讀書好秀才。」帝曰:「溥已卒,保小臣,言官何爲薦 |溥遺書,而道周亦復官。 曰:「二人好讀書,能文章。 有司先後錄上三千餘卷,帝悉留覽。 言官爲舉子時讀其文,又以其用未竟,故惜之耳。」帝

溥 詩文敏捷。 四方徵索者,不起草,對客揮毫,俄頃立就,以故名高一時。 卒時, 年止

者,羣擊之死,復用大錐亂刺之。 詢采,片紙報,咸置之法。福王時,起禮部主事,進員外郎,乞假去。 知臨川,摧强扶弱,聲大起。移疾歸,士民泣送載道。知州劉士斗、錢肅樂嚴重之,以奸蠹 宋,字受先,與溥善。 溥性寬,泛交博愛。 采特嚴毅,喜甄別可否,人有過,嘗面叱之**。** 已而甦,避之鄰邑,又三年卒。 南都失守,奸人素衡采

明史卷二百八十九

列傳第一百七十七

忠義一

朝,運丁陽九,時則內外諸臣,或隕首封疆,或致命闕下,蹈死如歸者尤衆。 卹之典,悉從優厚。 征、土木之變、宸濠之叛,以暨神、熹兩朝、邊陲多故,沉身殉難者,未易更僕數。 自傳疑,亦足以知人心天性之不泯矣。仁、宣以降,重熙累洽,垂二百餘載,中間如交阯之 廟及雞籠山功臣廟所祀諸人,爵贈公侯,血食俎豆,侑享太廟,恤錄子孫,所以襃厲精忠,激 業江左,首聚余闕、福壽,以作忠義之氣。至從龍將士,或功未就而身亡,若豫章、康郎山 揚義烈,意至遠也。 從古忠臣義士,爲國捐生,節炳一時,名垂百世,歷代以來,備極表章,尙已。 建文之變,羣臣不憚膏鼎鑊,赤姻族,以抗成祖之威稜,雖表忠一錄出 或所司失奏,後人得自陳請。故節烈之績,咸得顯暴於時。 明太祖創 迨莊烈之 而 司 勳 兩

傳第一百七十七 忠義一

列

之守義,釋張春而加禮,洪量同天地,大義懸日月,國史所載,煥若丹青。 若抒忠勝國,抗命興朝,稽諸前史,例得並書。 斯爲無忝,故備 多及國家興亡所繫,或連屬他傳,本末始著,與夫直諫死忠,疏草傳誦人口,槪具前帙。 今就有明一代死義死事之臣, 博采旁蒐, 彙次如左。 列焉。 我太祖、太宗忠厚開基,扶植名教,獎張銓 同死者,各因事附見。 諸臣之遂志成仁, 其事實繁 至

霍恩 萬琛 琴彭 花雲 朱顯忠 朱文遜 段豸 王祐 陳汝石等 王均諒等 張汝舟等 周 許瑗等 憲 皇甫斌 子幹 王綱 子彦達 王愷 孫燧 楊忠 子酮 許逵 李睿等 孫炎 王道同 吳貴等 王禪 黄宏 馬思聰 吳景 吳雲 張瑛 朱文剛 王源 熊尙 熊鼎 初等 馮 牟魯 傑 易紹宗 孫璽等 王禛 裴源

滁州,率數騎前行,雲從。 俾將兵略地,所至輒克。 花雲,懷遠人。 貌偉而黑,驍勇絕倫。 破懷遠,擒其 猝遇賊數千,雲舉鈹翼太祖,拔劍躍馬衝陣而進。 帥。 攻全椒,拔之。 至正十三年癸巳杖劍謁太祖於臨濠。 襲繆家寨,羣寇散走。 賊鶩曰:「此黑 太祖將取 奇其才,

宋以方

萬木

鄭山

趙楠等

卒萬: 授前 丹陽 太祖 將軍 中一矢。 餘。 渡江 部先鋒。 勇甚,不可當其鋒。」兵至,遂克滁州。 、丹徒、金壇,皆克之。 命趨寧國,兵陷山澤中八日,羣盜相結梗道。 ,雲先濟。 從拔常州,守牛塘營。 旣克太平,以忠勇宿 過馬馱沙,劇盜數百遮道索戰。 太祖立行樞密院於太平, 衛左 甲午從 右。 從 取 和 下集慶,獲卒三千,擢總管。 **摆操矛鼓譟出入,斬首千百計,身不** 州,獲卒三百,以 雲且行且鬭三日夜,皆擒 擢雲院判。 功授管勾。 丁酉克常熟,獲 徇 鎭江 殺之,

諸檣 奮身大呼 結陣迎戰 封雲東丘 叢 還駐· 射 `,縛盡裂,起奪守者刀,殺五六人,罵曰:「賊非 太平。 郡侯,瑗高陽郡侯,鼎太原郡侯,立忠臣祠,並祀之。 之,罵賊不 ,文遜戰死。 庚子閏五月,陳友諒以舟師來寇。 少變,至死聲猶壯,年三十有九。 賊攻三日不得入,以巨舟乘漲,緣舟尾攀堞 雲與元帥朱文遜、知府許瑗、院判王鼎 暖、鼎亦抗 吾主敵,盍 駕死。 趣降 而 上。 _! 一賊怒,碎其首, 城陷 太祖卽吳王位,追 賊縛雲。 縛 雲

使花氏無後,若等善撫之。」雲被執,郜赴水死。 蓮實哺兒,七日 漁家,脫簪 方戰 急,雲妻問祭家廟,挈三歲兒,泣語家 珥 屬養之。 不死。 夜半, 及漢 兵敗,孫復竊兒走渡江,遇價軍奪舟棄江中,浮斷木入 有老父雷老挈之行,踰年達太祖所。 人曰:「城破,吾夫必死,吾義不 侍兒孫瘞畢,抱兒行,被掠至九江。 孫抱兒拜泣 獨存,然不 、太祖亦泣 章洲,採 孫 夜 投 FI]

列

傅

第

爲遼復州衛指揮,請於世宗,贈郜貞烈夫人,孫安人,立祠致祭。 置兒膝上,曰:「將種也。」賜雷老衣,忽不見。賜兒名煒,累官水軍衛指揮僉事。 其五世孫

鎭池州。 參軍事。 鄉第一。 時有劉齊者,以江西行省參政守吉安。守將李明道開門納友諒兵,殺參政曾萬中、陳 文遜者,太祖養子也。 趙普勝來寇,忠陣歿。 已,命守太平。鼎,儀徵人。初爲趙忠養子。 太祖駐婺州,瑗謁曰:「足下欲定天下,非延攬英雄,難以成功。」太祖喜,置幕 嘗與元帥秦友諒攻克無爲州。瑗,字栗夫,樂平人。 鼎嗣職,復故姓,駐太平。至是,三人皆死之。 忠爲總管,克太平,授行樞密院判, 元末,兩舉

|友諒方攻||洪都,殺三人徇城下。及陷||無爲||州,執知州||董會,|會抗罵不屈,沉之||江。 海,執齊及知府宋叔華,脅之降,皆不屈。又破臨安,執同知趙天麟,亦不屈,並送友諒所。

附民。 祖克衢州,命總制軍民事。 王愷,字用和,當塗人。 及建中書省,用爲都事。 **愷增城浚濠,置游擊軍,籍丁壯,得萬餘人。** 通經史,爲元府吏。 杭州苗軍數萬降,待命嚴州境。 太祖拔太平,召爲掾。 愷馳諭之,偕其帥至。 從下京口,撫定新 常遇春屯兵金華, 太

也。」乃謝愷。 部將擾民,愷械而撻諸市。 時饑疫相仍,愷出倉栗,修惠濟局,全活無算。學校毀,與孔子家廟之在櫃 遇春讓愷,愷曰:「民者國之本,撻一部將而民安,將軍所樂聞

色曰「吾守土,義當死,寧從賊邪」逐並其子行 遷左司郎中,佐胡大海治省事。苗軍作亂,害大海。 殺之。年四十六。 其帥多德愷,欲擁之而西。 愷 正

者,並新之。設博士弟子員,士翕然悅服。

開化馬宣、江山楊明並爲亂,先後討擒之。

後贈奉直大夫、飛騎尉,追封當塗縣男。 愷善謀斷,嘗白事,未聽,却立戶外,抵暮不去。 太祖出,怪問之,愷諫如初,卒從其議。

基書數千言,基始就見,送之建康 炎使再往,基遺以寶劍。 同知 ,進華陽知府,擢行省都事。 孫炎,字伯融,句容人。面鐵色,跛一足。 太祖下集慶,召見,請招賢豪成大業。時方建行中書省,用爲首掾。 炎作詩,以爲劍當獻天子,斬不順命者,人臣不敢私,封還之。遺 克處州,授總制。 談辨風生,雅負經濟。 太祖命招劉基、章溢、葉琛等,基不出。 與丁復、夏煜遊,有詩 從征浙東,授池州

時城外皆賊,城守無一兵。 9; 倳 第 百 七 十 七 忠 義 苗軍作亂,殺院判耿再成,執炎及知府王道 同、元帥朱文

剛,幽空室, 曰:「此紫綺裘,主上所賜,吾當服以死。」遂與道同、 不屈 跋帥賀仁德燖雁斗酒噉炎,炎且飲且罵。 文剛皆見害, 時年四十。 贼怒, 拔刀叱解 追贈丹陽 衣,炎

道同,由中書省宣使知處州,贈太原郡侯。

男,建像再成祠

文剛,太祖養子,小字柴舍。 變起,欲與再成聚兵殺賊,不及,遂被難。 贈鎭國將軍,附

祭功臣廟。

矣。 魯曰:「國家混一 我守土臣,義唯一死。」賊不敢害,擁至城南。 牟魯,烏程 人,爲莒州同知。 海宇,民皆樂業。 洪武三年秋,青州民孫古朴爲亂, 若等悔過自新 ,可轉禍 魯大罵,遂殺之。 爲福。 不然,官軍旦夕至,無遺種 **賊破、詔恤其家。** 襲州城,執魯欲降之。

謙 又有白謙、裴源、朱顯忠、王均諒、〔〕王名善、黃里、顧師勝、陳敬、吳得、井孚之屬。 一、婺源知州。 信州盜蕭明來寇,謙力不能禦,懷印出北門,赴水 死。

源,肇慶府經歷。 以公事赴新興,遇山賊陳勇卿,被執,勒令跪。 源大罵曰:「我命官,

乃跪賊邪」遂被殺。洪武三年贈官二等。

顯忠,如皐人。爲張士誠將,來降。以指揮僉事從鄧愈下河州,抵吐番。從傅友德克文

州,遂留守之。洪武四年,蜀將丁世珍召番數萬來攻。三食盡無援,或勸走避,顯忠叱不聽。 攻益急,裹創力戰,城破,爲亂兵所殺。 。均諒時爲千戶,被執不屈,磔死。 事聞、贈恤有差。

名善,義烏人,高州通判。 有海寇何均善曾被戮,洪武四年,日三其黨羅子仁率衆潛入

城,執名善,不屈死。

里,雲內州同知。 洪武五年秋,蒙古兵突入城。里率兵巷戰,死之。

師勝,興化人,峩眉知縣。 洪武十三年率民兵討賊彭普貴、戰死。 詔 褒恤

敬、增城人。洪武十四年舉賢良、爲曲靖府經歷、署劍川州事。鄰寇來攻、敬禦之。官

兵寡,欲退,敬瞋目大呼,力戰死。命恤其家。

賊燒門急攻,二人開門奮擊,得中毒弩死,浮戰死。贈得指揮僉事,浮正千戶,子孫世襲。 得,全椒人,龍里守禦所千戶。洪武三十年,古州上婆洞蠻作亂,得與鎭守將井字守城。

緣累 我 王 綱 |洪 字 武 性常 四 年 餘姚 以基薦徵 人。 至京師,年 有文武才。 七十, 善劉基,常語曰:「老夫樂山林, 齒髮神色如 少壯 太祖異之,策以治 異 時 得志, 勿以 道, 擢 世

兵部

郎

以 並 則 往 、聞、韶 一殺之。 奮罵。 諭 潮民 潮民叩首服罪。 立廟死所。 其6日:「父忠子孝,殺之不祥。」與之食,不顧, 賊昇之去,為壇坐綱,日 (弗靖、除廣東參議,督兵餉、嘆曰:「吾命盡此矣。」以書訣家人,攜子彥達行,單舸 彦達以廕得官,痛父,終身不仕。 還抵增城, 拜請。 遇海寇曹眞, 綱罵不 絕聲,遂遇害。 截 6舟羅 拜, 令綴 願 羊革裹父屍而出。 得 彦達年十六, ·為帥。 綱 諭 以禍 **罵賊求死**, 御史郭純 福,不從, 欲

名 世 王 親元 禕 ,字子充,義烏人。 政衰敝,爲書七八千言上時宰。 幼敏慧,及長,身長嶽立,此有偉度。 危素、張起巖並薦,不報。 師柳貫、黃溍,遂以文章 隱青岩山 ,著書,名

日盛

宋濂 太祖 取婺州,召見,用爲中書省掾史。 學問之博,卿不如濂。 才思之雄,濂不如卿。」太祖創禮賢館,李文忠薦禪及許元、 征江西、禪獻頌。 太祖喜曰:「江南有二儒,卿與

錫,召置館 中。 旋授江南儒學提舉司校理,累遷侍禮郎,掌起居注。 同知南康府

惠政,賜 金帶寵之。 太祖 將卽位,召還,議禮。 坐事忤旨,出爲漳州 府 通 剉

雷 三霆霜雪,可暫不可常。 浙西既平,科斂當減。」太祖嘉納之,然不能 盡從 也

(武元年八月上疏言:「祈天永命之要,在忠厚以存心,寬大以爲

政,法天道,順

۱٢

洪

制,同 從容宴語。未久,奉使吐蕃,未至,召還 明年修元史, 知制 語 兼 國 史院編修官。 命韓與濂爲 總裁。 奉詔預敎大本堂, | 禪史事擅長,裁煩剔穢,力任 經明理達,善開導。 筆削。 召對殿廷,必賜坐, 書成, 擢翰林待

明命, 詔贈翰林學士 不可害。」脫脫攘 爝 言,必欲殺禪。 至。 火餘燼, 敢與 逐遇 五年正 王不聽,館別室。 龍驤 害,時十二月二十四日 鷁艫, 月議招諭雲南,命禪齎詔往。 ,諡文節。 王不得已出禪見之,脫脫欲屈禪,禪叱曰:「天旣訖汝元 日月爭明邪 臂曰:「今雖孔聖,義 會戰昆明,悔無及矣。」梁王駭服,即爲改館。 他日,又諭 正統 ! 中,改諡忠文。 且我與汝皆使也,豈爲汝屈」或勸脫脫曰「王公素負重名, 也。 曰:「朝廷以雲南百萬生靈,不欲殲 梁王遣 不得存。」禕 至則論梁王,亟宜奉版圖歸職方,不然天討旦 使致祭,具衣冠斂之。 成化中,命建祠祀之。 顧王曰:「汝殺我, 會元遣脫脫徵餉,脅王以危 建文中,禪子紳訟禪事 天兵繼至,汝禍 於鋒刃。 命,我朝實代之。 若恃險遠,抗 不旋踵 汝

列

滇南慟哭記以歸。建文帝時,用薦召爲國子博士,預修太祖實錄,獻大明鐃歌鼓吹曲十二 曰:「吾友不亡矣。」蜀獻王聘紳,待以客禮。神啓王往雲南求父遺骸,不獲,卽死所致祭,述 紳,字仲縉。 **禕死時,年十三,翰於兄綬,事母兄盡孝友。長博學,受業宋濂。** 濂器之

仕進。 莊先生。 子稌,字叔豐。師方孝孺。 初、紳痛父亡,食不兼味。除守之不變,居喪,不飲酒,不食肉者三年,門人私諡曰孝 孝孺被難,與其友鄭珣輩潛收遺骸,禍幾不測,自是絕意

與方孝孺友善,卒官。

交薦,與檢討陳獻章同召,未抵京卒。 子汶,字允達。成化十四年進士。 授中書舍人。 謝病歸,讀書齊山下。 弘治初,言者

朔,殺我使臣,卿能爲我作陸賈乎。」雲頓首請行。 大將軍所獲,送京師,太祖釋之,令與雲偕行。旣入境,鐵知院等謀曰:「吾輩奉使被執,罪 洪武八年九月,太祖議再遣使招諭梁王,召雲至,語之曰:「今天下一家,獨雲南未奉正 **禪死雲南之三年,死事者又有吳雲。雲,宜興人。元翰林待制,仕太祖,爲湖廣行省參** 時梁王遣鐵知院輩二十餘人使漠北,爲

且 死。」乃誘雲,令詐爲元使,改制書,共紿梁王。 雲誓死不從,鐵知院等遂殺雲。 梁王聞其

事,收雲骨,送蜀給孤寺殯之。

忠節 雲子黻 與禪並 酮 Ŀ 改祠 雲 事 於朝 額日 忠。 詔 馳 傳返葬,以黻爲國子生。 弘治四年五月贈雲刑部尚書、諡

納,鼎偕給 之,乃不遣御 舍 軍 屢脅之,不應。 事。 人耿忠使 吳元 熊鼎 母喪除 年召 ,字伯潁,臨川人。 事 廣信還,奏郡縣官違法狀,帝遣御 史。 中尹正 議 , 召至京師, 授德淸縣丞。 鄧愈鎭江 禮儀、除中書考功博 進曰:「朝廷布大信於四方,復以細故煩御史,失信,且褻威。」帝默 西 了,數延 元末舉於鄉,長龍溪書院。 見,奇其才,薦之。 士。 松江 遷起居注,承詔搜括故 民錢鶴皐反,鄰郡大驚,鼎 史廉之。 太祖欲官之,以親老辭,乃留愈 而時已頒赦書,丞相 江西寇亂,鼎結鄉兵自守。 事可懲戒者,書新宮壁間 鎭 之以 李善長 再 陳友諒 幕 然久 諫不 府

百 人,暴橫甚。 洪武改元,新設浙江按察司,以鼎爲僉事,分部台、溫。台、溫自方氏竊據,僞官悍將二 鼎盡遷之江、淮間,民始安。平陽知州梅鎰坐贓,辨不已,民數百咸訴 知州無

列

傅

第

百

七

+

七

忠

義

立案上,鼎曰:「蛙非黎異乎。果異,止勿動。」蛙果勿動,乃逮德仲,鞫實,立正其罪。 釋鎰,以情聞,報如其奏。寧海民陳德仲支解黎異,異妻屢訴不得直。 | 鼎將聽之,東白鼎:「釋知州,如故出何。」鼎嘆曰:「法以誅罪,吾敢畏譴,誅無罪人乎」 鼎一 日覽牒,有青蛙

按曆鈎考之,莫敢隱者。尋進副使,徙晉王府右傅。 鼎欲稽官吏利弊,乃令郡縣各置二曆,日書所治訟獄錢栗事,一留郡縣,一上憲府,遞更易, 是秋,山東初定,設按察司,復以鼎爲僉事。鼎至,奏罷不職有司數十輩,列部肅清。 坐累左遷,復授王府參軍,召爲刑部主

成及知事杜寅俱被殺。帝聞,悼惜,命葬之黃羊川,立祠,以所食俸給其家。 使慰勞、賜裘帽、復遣中使趙成召鼎。 八年,西部朶兒只班率部落內附,改鼎岐寧衞經歷。 **鼎旣行**,寇果叛,脅鼎北還。 既至,知寇偽降,密疏論之。帝遣 鼎責以大義,罵之,遂與

宗大書於壁曰:「設將禦敵,設軍 不職,何以爲人」書畢,命妻李具牲酒生奠之,訣而出,密令遊兵間道焚賊舟。 易紹宗,攸人。 洪武時,從軍有功,授象山縣錢倉所千戶。 一衛民。 縱敵不忠, 棄民不仁。 不忠不仁, 建文三年,倭登岸剽掠。 何以 為臣 賊驚救,紹 ! 為臣

宗格戰,追至海岸,陷淖中,手刃數十賊,遂被害。 其妻攜孤奏於朝,賜葬祭,勒碑旌之。

其城。 未至而城陷,彭死之。 等曰:「茶籠守彭被困孤城,矢死無貳,若等不援,將何以逃責!急發兵解圍,無干國憲。」敕 琴彭,交阯人。 彭拒守七月,糧盡卒疲,諸將無援者,巡按御史飛章請救。宣宗馳敕責榮昌伯陳智 永樂中,以乂安知府署茶籠州事,有善政。宣德元年,黎利反,率衆圍 詔贈交阯左布政使,送一子京師官之。

深入賊陣,中流矢墜馬,與千戶朱多蒲皆死。 官爲置塚。 征,率先歸附,積功至都指揮僉事。 時交阯人陳汝石、朱多蒲、陶季容、陳汀亦皆以忠節著。 永樂十七年,四忙土官車綿子等叛。汝石從方政討之, 多蒲,亦交阯人。 汝石初爲陳氏小校,大軍南 事聞,遺行人賜祭,賻其家,

先士卒。 皇甫斌,壽州人。 宣德五年十月勒 先爲興州右屯衞指揮同 兵禦寇,至密城東峪,自旦及晡力戰,矢盡授絕,子剛以身衞父, 知,以才調遼海衞。 忠勇有智略,遇警,輒身

列

傳

俱 亦引退。 戰 死。 事聞,詔有司襃恤。 千戶吳貴,百戶吳襄、毛觀並驍勇,出必衝鋒,至是皆死。 斌等雖死,殺傷過當,寇

鄧茂七作亂,賊二千餘迫城結砦,四出剽掠。 張瑛,字彥華,浙江建德人。永樂中,舉於鄉, 瑛率建安典史鄭烈會都指揮徐信軍,分三路 歷刑部員外郎。 茂七旣誅,其黨林拾得 正統時,擢建寧知府。 詔贈

歷。 之,拒於古陵坡。 而 等轉掠城下,英與從父敬禦之。賊敗,乘勝逐北,陷伏中,敬死,英被執,大罵不屈死。 襲之,斬首五百餘,遂拔其砦。進右參議,仍知府事,烈亦遷主簿。 福建按察使,賜祭,官其子。弘治中,建寧知府劉璵請於朝,立祠致祭。 城逼 正統 時泉州守熊尚初亦以拒賊被執死。 城下,守將不 中之 用 都 兵敗、皆遇害。 御史陳鎰薦,擢泉州知府。 · 敢禦。 尙初 憤,提民兵數百,與晉江主簿史孟常、陰陽訓術楊仕弘分統 郡人哀之,爲配享忠臣廟 尚初,南昌 盜起,上官檄尚初監軍,不旬日降賊數百。已 人。 初爲吏,以才擢都察院都事, 進經

國 人 二年 見 出 , 賊郎 力,肯復行乎。」顧即請往,兩 ,荆、襄石和尚 甫 王順 三日 至則 走。 字維禎, 城巴陷 賊復 **醎被圍半日,誤入淖中,** 劫大昌。禛 流劫至巫山,督盜同 ,賊方聚 吉水人。 山中。 祖省,死建文難,自有傳。 趣同 人偽許相左右。 旗擊殺其魁,餘盡遁,乃行縣 知行, 賊執欲降之,頑大罵。 知王某者怯不救。 不應。 指揮曹能、 **禛上馬,挾二人與俱,夾水陣。** 成化初,順由國子生授夔州 順 柴成 面 **賊怒,斷其喉及右** :撫傷殘,招潰散,久乃得還。 數之, 與同知比,激禎 卽 代 勒 所部民兵,晝 臂 旣 日:「公爲 而 渡,兩 通判。 死。

擣其胸,翼日嘔血死,人稱爲義馬。 子 廣 **鬻馬爲歸貲,王同知得馬不償直。** 自 死 所至府三百餘里,所乘馬奔歸,血淋漓,毛盡赤。 事聞,贈膩僉事,錄一子。 櫬旣行,馬夜半哀鳴。 衆始知順敗,往覓屍,面 同知起視之,馬驟前囓項, 如生。

從行

者奉節典史及部卒六百餘人皆死。

明日,力屈被執 大至,縣人洶 萬琛,字廷獻,宣城人。 洶 逃竄 馬馬 不 絕口,賊攢刺之,乃死。 有勸琛急去者,琛斥之,率民兵數十人迎 慷慨負氣節,舉於鄉。 贈光祿少卿,賜祭葬,予廕 弘治中,知瑞金縣。 敵,殺賊二十餘人。 十八年 ·正月, 相持至 劇盜

守,何生爲 時 有 王祐 一上左右 者 為爲 奔奪其刀。 廣 昌 知 縣,賊至,民盡逃,援兵又不至。 後援兵集,賊稍退。 越七日復突至,肺倉皇赴敵,死之。 **祐拔刀自刲其腹曰** 「有城不能

槍 擊。 仙女、雞公嶺諸寨,先後斬獲千餘人。 通 判 幹前救,力戰墮崖死。 他將多觀望,憲攻北 周 憲,安陸人。 正 德初,復故官,歷 弘治六年進士。 門,三戰,賊稍 憲創 江西 副 重被執,罵不 使。 除刑部主事,進員外郎。 華林 華林 却, 、馬腦賊方 賊窘,遣諜者詭言饑 與子 絕口,賊支解之。 幹先登逼之。 熾, 總督陳金檄 十七年坐事下詔獄, 謫兗州 困 賊下木石 狀 憲剿之, 憲 如 信之,移檄會 雨,軍潰, 平馬腦 憲 師夾 **砦及** 中

期 請 與黃宏、馬思聰並旌,韶附祀忠烈祠。 事始聞,贈按察使,予祭葬,諡節愍,廕一子,旌幹門曰孝烈。 後從給事中李鐸言,命有司歲給其家米二石,帛 嘉靖二年,江西巡撫盛應

楊忠,寧夏人。 世官中衛指揮,以功進都指揮僉事,廉介有謀勇。 正德五年,安化王寘

鐇 反,其黨丁廣將殺巡撫安惟學,忠在側,罵曰:「賊狗敢犯上邪」廣怒,殺之,迄死罵益厲。

門閉不得入,大罵,爲賊所殺。

百戶張欽不從逆,走至

雷福 一怪,亦被殺。皆贈官予廕,表忠、睿曰忠烈之門,欽曰忠節之門。

忠

同官李睿聞變,馳至寘鐇所。

大呼曰:「寧殺我,毋殺士民」」賊强之跪,不屈,遂被殺,俊亦死。巡撫林俊上其事,詔贈景 鳳禦之。鳳邀景俱走,景不可,率典史張俊迎擊,手殺三賊,矢被面。急收兵入保,城已陷, 州,糾衆寇川南,謀與大盜藍廷瑞合。六年正月逼江津。御史兪緇遁去,屬景及都指揮龐 [使,賜祭葬,立祠江津,予世廕。 吳景、南陵人。弘治九年進士。正德中,歷官四川僉事,守江津。 重慶人曹弼亡命播

被殺。 是月,僉事王源行部川北,會藍廷瑞、鄢本恕等掠通、巴至營山,源率典史鄧俊禦之,皆 贈源副使,廕其子。源,五臺人,弘治十二年進士。

副

賊 乘夜衝突,傑死之。贈按察使,賜祭葬,諡恪愍,世廕百戶。 明 《年正月,賊麻六兒將逼川東。 副使馮傑追擊於蒼溪,俘斬頗衆。 日晡,移營鐵山關,

是 時 略 陽 知縣 孫璽 一一劍州 判官羅明、梁山主簿 時植亦皆死於賊

往城之。 日 城陷 璽,字廷信 **,璽被執,** 工未畢,賊至,縣令嚴順 八代州 大罵不屈, 人。 舉於鄉,知扶 賊臠殺之。 欲 去,璽拔刀斫坐几曰:「欲 風 順 縣 逃去,誣璽 0 都 御 史藍章以 俱 逃,溺於 去者視 略陽漢 江, 此 中 以 要 _1 他人屍斂。 地, 乃率僚屬 舊 無城, 堅守、數 璽子啓 檄 璽

明 以吏起家。 鄢本恕逼 其城,與子介拒 守。 祭予麼,抵順罪。 城陷,父子皆罵賊死。

視

,非是,

訟於朝。

勘得

死

節狀

,贈光祿

少卿

賜

級。 女九歲、赴火死。 踰月復至,相拒 植,字良材,通許 數日,城陷,說之降,不屈。 明、植皆贈恤 人。 由國子生授官,特攝縣事。 如 知,而 表植 脅取 妻女爲貞烈。 其印 賊方四等略地, ,不予,大罵被殺。 植 拒 却之,斬獲數 妻買聞 變卽 自

其時,士民冒死殺賊者,有趙趣、徐敬之、雷應通、袁璋之屬

趣, 梁 Щ 諸 生。 賊攻 城,同友人黃甲、李 鳳 何璟 、蕭銳、徐宣 、楊茂寬、趙采誓死拒守。

城陷 ,皆死。 都御史林俊嘉其義,立 丽 祀之。

敬之,亦梁山 人。 衆 推 爲部長,以 拒 一賊陷 陣 死。

應通 嘉州 人。 賊衝百丈關,父子七人倡義死戰。 被執,俱慷慨就殺。

連 殺 七賊,亦被執,俱死。 璋 ,江南人。 素以勇俠聞。 襲死三日,兩目猶瞠視其父。 巡撫林俊委剿賊,所在有功。後爲所執,其子襲挺身救之, 林俊表其門曰父子忠節。 總制彭

澤爲勒石城隍廟,祀於忠孝祠。

霍 恩,字天錫,易州人。弘治十五年進士。正德中,歷知上蔡縣。六年,賊四起,中原

縣熊驂,萊州衞指揮僉事蔡顯,南畿則靈壁主簿蔣賢,皆抗節死,而恩、佐、采、環死尤烈。 始丞曾基,夏邑丞安宣,息縣主簿邢祥,睢寧主簿金聲、丘紳,西華教諭孔環,山東則萊蕪知 佐、主簿李銓、葉縣知縣唐天恩、永城知縣王鼎、裕州同知郁采、都指揮詹濟、鄉官任賢,固 郡 邑多殘破。 畿內則棗强知縣段豸、大城知縣張汝舟,河南則恩及典史梁逵,西平知縣王

執,賊脅之跪。罵曰:「吾此膝肯爲賊屈乎」」賊日殺人以懾之,罵益厲。賊以刀抉其口,支 「見我下城,卽賊入矣。」及城陷,恩拔刀下城,劉臺上見之,卽縊,未絕,以簪刺心死。 恩與梁逵共守,當賊至時,語妻劉曰:「脫有急,汝若何。」劉願同死,乃築臺廨後,約曰: 恩被

解之。逵自經死。

汤,字世高,澤州人。 起家進士。 列 傳 第 百 七 + 七 忠 義 正德中,授兵科都給事中,謫棗强令。 七四二五 賊至, 連戰却

之。 及城 陷 中 四 鎗, 瞋目大呼,殺 敗而 死, 賊屠: 其城。 汝舟官大城 時, 與主簿李銓 迎

戰、皆被殺。

知 力 永城 屈 被 佐 , 城 字字 執,罵不 陷,繫印於 汝 丽。 絕 潞州舉人,授西平令。 口 肘、端 **賊懸諸竿**,殺 坐待 賊,不屈 而 支解之。 死 手殺賊數十人,矢斃其渠 天恩知葉縣 賊 至,與父政等 帥。 賊忿, 七人俱 急攻三日 死。

仕 賊 拒 城 《楊虎 ,城陷,罵賊死。 一守,罵賊死,一 陷 被執。 采,字亮之,浙江 逼其境,或勸毋往,宣兼程 采罵 家死者十三人。 不輟,財碎其 聲、紳 Щ 陰 與義 人,進士。 輔 士朱用 頰 進。 基為固始 而 由 死 之迎戰死 抵 主 濟 任 事 1 丞, 亦 謪 日 不 教諭 被執, , 屈 賊 死。 ,遷裕州同知。與濟、賢共堅守,斬 大至,拒守有功。 使馭 賢嘗爲御史,方里 馬不從,被害。 城陷,死之。 居,招邑子三千人 宣,初授夏邑丞 **祥已致** 獲多,

韓 王 塘俱 創釋 環 不屈 南宮人。 汝。」 死。 厲聲曰:「我恨不 顯 由歲貢 與三子淇、英、順俱 生授 得 水安 碎汝萬段,肯娟 知 縣,爲劉瑾 禦盜 力戦 死 黨所陷,左遷 汝求活耶 _! 遂被殺。 西華教諭 **驂**爲 財 被執 所 賊曰:「呼我 執 與主 渖

諸 人 死 節 事 聞 ,皆贈官賜祭予廕立祠 如 制。 恩妻瀏贈宜人,建忠節坊旌之。 天恩、鼎、

基、宣、**游諸人**,里貫無考。

列傳第一百七十七 忠義

時有 王 振 者,爲 鄭寶、爲鬱林州同知、署北流縣事。 福 建黃崎鎭巡檢 海寇大至,率三子臣、朝、實迎 妖賊李通寶犯北流,寶 戦竟 與子宗珪出 月。 伏兵起,振被殺, 戦, 皆死。

屍僵立。三子救之,臣重傷,朝、實皆死。亦予恤有差。

以 益,乃托 燧 攜二 與之謀。 惴 己用 政 漸弭之。 惴 防察密,左右不得窺,獨時時爲宸濠陳說 使。 **僮以行。** 十年 ,以得去爲幸。 孫 燧, 寧王宸濠 惡巡撫王哲 禦他寇預 先是,副使胡世寧暴宸濠逆謀,中官幸臣爲之地,世寧得罪去。 十月擢右副都御史,巡撫江西。 字德成,餘姚人。 而 請復饒、撫二州兵備,不得復,則請敕湖東分巡兼理之。 時宸濠逆狀已大露,南昌人洶 有 為備。 不附己,毒之,得疾 逆謀,結 代傑者任漢、兪諫、皆歲餘罷 先城進賢,次城南康、瑞州。 中官幸臣,日夜詗 弘治六年進士。 瑜 年死。 燧聞命歎曰:「 大義,卒不悛。 洶,謂宸濠 中朝事 歷刑部主事,再遷郎中。 歸。 **董傑代哲,僅八月亦死。** ,幸有 患建昌縣多盜,割其地,別置 燧以才節著治聲,廷 旦暮得天子。 是當死 變。 陰察副使許逵忠勇 生 叉 劫 以之矣。」遣妻子還鄉,獨 持 燧左右悉宸濠 羣 正德中,歷 九江 吏, 燧念訟言於朝無 臣推之代。 自是, 當湖衝, 厚餌 7,可屬 官其 河南 之, 安義縣, 大事 耳 最 地 使爲 右布

害,請 他所。 先發後聞,燧曰:「奈何予賊以名,且需之。」 Щ [諸窯 重 "地險' 宸濠瞷燧圖己,使人賂朝中幸臣去燧,而遺燧棗棃薑芥以示意,燧笑却之。 兵備道權,兼攝南康、寧州、武寧、瑞昌及湖廣興國、通城,以便控制。 人悍,則請設通判駐弋陽,兼督旁五縣兵。 又恐宸濠劫兵器,假討賊, 廣信橫峰、青 達勸燧 盡出之

仕,又不許,憂懼甚。 狀,且言宸濠必反。章七上,輒爲宸濠遮獲,不得達。 三賊遁沙井,燧自江 十三年,江西大水,宸濠素所蓄賊凌十一、吳十三、閔念四等出沒鄱陽湖,燧與逵謀捕 .外掩捕,夜大風雨,不克濟。 宸濠恚甚,因宴毒燧,不死。 三賊走匿宸濠祖墓間,於是密疏白其 燧乞致

議 方降旨責燧等,會御史蕭淮盡發宸濠不軌狀,詔重臣宣諭,宸濠聞,遂決計反。 明 年,宸濠脅鎭巡官奏其孝行,燧與巡按御史林潮冀藉是少緩其謀,乃共奏於朝。 朝

當扈駕。」燧大怒曰:「汝速死耳。天無二日,吾豈從汝爲逆哉」」宸濠怒叱燧,燧益怒,急起, 不得出。 之乎?」衆相 |孝宗爲|李廣所悞,抱民間子,我祖宗不血食者十四年。今太后有詔,令我起兵討賊,亦知 六月 宸濠入內殿,易戎服出,麾兵縛燧。逵奮曰:「汝曹安得辱天子大臣」」因以身翼蔽 乙亥,宸濠生日,宴鎭巡三司。明日,燧及諸大吏入謝,宸濠伏兵左右,大言曰: 顧愕眙,燧直前曰:「安得此言!請出詔示我。」宸濠曰:「毋多言,我往南京,汝

列傳第一百七十七 忠義一

先發者,知有今日故也。」燧、達同遇害惠民門外。 賊幷縛逵。二人且縛且罵,不絕口,賊擊燧,折左臂,與逵同曳出。 巡按御史王金、布政使梁宸以下,咸稽首 逵謂燧曰:「我勸公

呼萬歲。

燧功。 率吏民哭之。 敢發。大索兵器於城中,不得,賊多持白梃。伍文定起義兵,設兩人木主於文天祥祠, 宸濠遂發兵,爲署三賊爲將軍,首遣婁伯徇進賢,爲知縣劉源淸所斬。 南赣巡撫王守仁與共平賊。諸逋賊走安義,皆見獲,無脫者。人於是益思 招窯賊,賊畏守

走收 之,會宸濠已擒,扶柩歸。兄弟廬墓蔬食三年,有芝一莖九葩者數本產墓上。服除,以父死 禮部尚書,諡忠烈,與逵並祀南昌,賜祠名旌忠,各廕一子。燧子堪聞父計,率兩弟墀、陞赴 ,更墨<u>衰三年,世稱三</u>孝子。 「兩人屍,屍未變,黑雲蔽之,蠅蚋無近者。 燧生有異質, 兩目爍爍,夜有光。死之日,天忽陰慘,烈風驟起凡數日,城中民大恐。 明年,守臣上其事於朝,未報。 世宗卽位,贈

强弩,教弩卒數千人以備邊。 堪,字 志健。 爲諸生,能文,善騎射。 歷都督僉事。 旣廕 事母楊至孝,母年九十餘,歿京師 錦衣,中武 會試第一,擢署指 揮 同 堪年亦七 知。 善用

同

知

鈺子

如津

,都督僉事

護 在 道 以 毁卒。 巡按 御史趙炳然上堪孝行 得 旌。 堪子鈺 ,亦舉武 會試

其 事 家 陞子, 鑵 墀 陞、雛 ,字仲泉,以選貢 鑛 、鑛、如游、 皆尙書,鋌侍 如法、嘉績、事皆 生歷官尚 郞 錝 寶 卿。 太僕 I別見。 卿。 陞,官尚 **鑵子**, 書。 如法 墀 主事 孫 如 丁,如洵 游, 大 一參政。 學 士。 並以文章行誼 如游 孫 嘉 績 世 僉

乞賊 縣。 後 從 牆 數 事 高 犯 六年 許逵 過簷,啓圭竇,才容人。 毋 攻。 ,數却之,遂 又募死士伏 春、流 一,字汝登 逵之官,慨然爲 賊 一,固始人。 劉七等屠 相 巷中,洞 戒 不 ·敢近。 開城 戰守計。 城邑,殺 家選一 正德三年進士。 門。 事 壯者執 聞 長吏。 賊果至,旗 縣初 進秩 無城,督民 諸 刃 伺 長身 州 舉伏 竇 縣 、內,餘皆 巨口 率 發、寶 閉 **版築**,不 城 ,猿臂燕頷 守, 中 入 、隊伍 人皆出 或 踰 月, 棄 , 沈靜 城遁 日 城成。 賊 視 大驚竄 有謀略。 旗 或遺之芻粟弓馬 爲號, 令民 斬 屋外築牆, 違者軍法 授樂陵知 獲

逵 屢 缜 時 六大賊 知 縣 能抗 有 功 | 逐興鸞俱 賊者 益 都 超 則 擢 牛鸞,郯 兵備僉事 城則 唐龍,汶上 逵駐 近 定州 則 左經,濬 州 城圯濠 則 陳滯, 平,不能 然所當 限牛馬。 賊 少。 達築 加

傳第一百七十七 忠義一

列

追敗之高苑,令指揮張勛邀之滄州,先後俘斬二百七十餘人。 城鑿池、設樓櫓、置巡卒。明年五月,賊楊寡婦以千騎犯濰縣、指揮喬剛禦之,賊少却。 未幾,賊別部掠德平,逵盡殲 逵

之,威名大著。

恃權 耳。」宸濠怒曰:「我不能殺汝邪。」」逵罵曰:「汝能殺我,天子能殺汝。汝反賊,萬段磔汝,汝悔 元年詔達死事尤烈,改贈逵禮部尚書,進廕指揮僉事。 Ш 然之,每事輒與密議。及宸濠縛燧,達爭之。宸濠素忌逵,問許副使何言,逵曰:「副使惟赤心 何及一一宸濠大怒,幷縛之,曳出斫其頸,屹不動。賊衆共推抑令跪,卒不能,遂死,年三十六。 乎。」達父家居,聞江西有變,殺都御史及副使,卽爲位,易服哭。人怪問故,父曰:「副使, 見也。」世宗卽位,贈左副都御史,諡忠節,廕一子。 臣也。權臣左右之者,貧重賄也。重賄由於盜藪,今惟翦盜則賄息,賄息則黨孤。」燧深 初 十二年遷江西副使。時宸濠黨暴橫,逵以法痛繩之。嘗言於孫燧曰:「寧王敢爲暴者, ,達以文天祥集貽其友給事中張漢卿而無書。漢卿語人曰:「寧邸必反,汝登其爲文 又錄山東平賊功,復廕一子。

陽乃因得官。」痛哭不能仰視。 長子瑒,好學有器識。 既葬父, 日夜號泣, 六年而後就廕。人或趣之, 陽曰:「吾父死, 場子娜,事親孝。 隆慶中舉於鄉,數試禮部不第。 有試官與

瑒 婚 姻,慕翊才 欲 收羅之。

能傳其家。

我輩 宸濠 横水 梏 向 柱 祖墓· 桶 令在,何禱也。」訟者至,輒片言折之。 黄宏, 守土,死 擊項,是夕卒,賊義而棺斂之。 岡賊,宏主餉有功。 中,盡得其 字德裕,鄞人。弘治十五年進士。 而已。」有持大義不從宸濠黨者,宏每陰左右之。 輜重以歸。 賊閔念四旣降,復恃宸濠勢,剽九江上下。 宸濠逆節益露,士大夫以爲憂,宏正色曰:「國家不幸有此, 子紹文奔赴,求得其棺,以偽命治斂,非父志,亟易 累遷江西左參議,按湖 知萬安縣。 民好訟,訟輒禱於神,宏毀其祠 宸濠反,宏被執,憤怒,以手 西、嶺北 宏發兵捕之,走匿 二道。 王守仁討

十六渠,溉 時 主事馬思聰亦抗節死。 田 一萬頃。 累遷南京戶部主事,督糧江西,駐安仁。 思聰,字懋聞,莆田人。弘治末舉進士,爲象山 值宸濠反,被執緊獄,不屈,絕 知縣,復二

世宗立、贈宏太常少卿、思聰光祿少卿、並配享旌忠祠。 時有謂宏、思聰死節非眞者

食六日死

相 給 列上二人死節狀甚悉,逐無異議 事 中毛玉 勘江 西逆黨, 復請表章宏、思聰及承奉周儀,而宏子紹武訴於朝。 巡按御史穆

華林 冠 西 日,宸濠反,出以方,脅之降,不可,械舟中。 城繕守具,募兵三千,日 歸葬。 人音,則「王失機 大盗 宋以方,字義卿,靖州人。 嘉靖六年,巡撫陳洪謨上其事,詔贈光祿卿,廕一子,立祠瑞州。 瘡痍 也。 未復,以方悉心撫字,吏民愛之。 宸濠以爲 夕訓練。 弘治十八年進士。 宸濠深忌之,有徵索又不應,遂迫鎭守劾繫南昌 不祥,斬 。至安慶,兵敗,問地 以方祭江。後賊平,其子崇學求遺骸不得,斂衣 歷戶 宸濠逆謀萌,而瑞故無城郭 部郎 + 何名,舟子云「黄石磯 正德十年遷瑞 州知府 以方築 獄 江 明 時

葦張 强 而 椎 不 ·附者。 睢 之,皆罵 方宸濠之謀爲變也,江西士民受害者 陽 廟 前 有萬木、鄭山 贼 ,縛人馬,生焚之,濠黨不敢犯。 死 ,俱新建人,集鄉 不可勝紀。圖 人結砦自固。 二人飲江上,爲盜凌十一所逼,趣見宸濠,烙 初遣閹校四出, 賊黨謝 重 馳入村, 籍民 田廬, 二人執之,積 收縛豪

邑辜增見迫,抗節不從,一家百口皆死。 趙楠,南昌諸 生。 兄模,嘗捐粟佐振。 諸生劉世倫、儒士陳經官、義士李廣源,皆被掠,不 宸濠捕模索金,楠代往,脅之,不屈,被掠死。 同

屈死。

都 正涂欽所譖,三人懼誅,潛詣京師上變。 吴城,景恩弟景允以三百人邀擊賊。 ,慮事泄,誣奏其罪,且嗾羣小必殺之,會已遣戍孝陵,乃免。 葉景恩者,以俠聞,族居吴城。 又有閻順者,爲寧府典寶副。 宸濠將反,順與典膳正陳宣、內使劉良微言不可,爲典寶 宸濠將作難,捕景恩,脅降之,不從,死獄中。 賊分兵焚劫景允家,其族景集、景修等四十九人皆死。 羣小庇宸濠,下之獄,搒掠備至。 世宗立,復官。 宸濠聞三人赴 宸濠兵過

校勘記

王均諒 原作「王君諒」,據太祖實録卷六六洪武四年六月戊戌條改。 按本傳下文正作「均諒」。

蜀將丁世珍召番數萬來攻 丁世珍,本書卷二太祖紀作「丁世貞」,太祖實録卷六六洪武四年六

月戊戌條作「丁世真」。

= 洪武 四年 四年,原作「五年」,據本書卷二太祖紀、太祖實録卷六七洪武四年八月「是月」條改。

24 江西士民受害者不可勝紀 江西,原作「西江」,據本書卷一九五王守仁傳改。

明史卷二百九十

列傳第一百七十八

忠義二

王冕 襲諒 陳聞詩 董倫 王鈇 錢泮 錢錞 唐一岑 朱裒 齊恩

孫鏜 蘇夢暘 杜 韋宗孝 槐 黄釧 龍旌 陳見等 張振德 王德 章文炳等 叔沛 董盡倫 汪一中 李忠臣 王應鵬 高 唐鼎 光等

襲萬祿 李世勛 翟英等 管良相 李應期等 徐朝綱 楊以成

何天衢 楊于陛

孫克恕

鄭鼎

姬文胤

孟承光

朱萬年

秦三輔等

張瑤

王與變等

壯 士,得死士數千人,從王守仁攻復南昌。宸濠解安慶圍,還救,至鄱陽湖,兩軍相拒。濠盡 王冕,字服周,洛陽人。正德十二年進士。除萬安知縣。宸濠反,長吏多奔竄。冕募勇

列

傅

第

一百七

+

八

忠

義二

濠 舉 出 平, 火 金 帛 守仁 犒 濠 兵 士 封新 , 殊 大 驚 建伯 死 ,

一、

<br / 、戰,官 而冕未 軍 朩 利。 及 (敍,坐 冕密白守仁,以小艇實葦於中,擬 他事落 濠 職。 湯舟, 旣 挾 加 宮 錄 人遁 前 功, 冕部 擢 兵 建昌 部 卒. 棹 主 人語? 事 漁 巡 州 就 追 視 賊艦,乘 Щ 執 之。 海 關 宸 風

吾 有親在。」急趨母所,執兵以衞。 嘉靖三年十二月,遼東妖 城陸 雄、李眞等作亂,突 賊 至,母 被傷 一人是奮前 入關 救之,被 侍 吏 執 欲 扶 脅 冕 以刃, 趨 避,冕 大罵, 不 可 ', 曰: 遂見

世 宗 嗣 位 之歲 寧津 盜起,轉掠至德平。 知縣襲諒率吏民禦之,力屈,被殺。 贈濟南通

判,恤其家。

詔

贈

光

祿

少卿

有

司

祠

祀

行。 其 年 家 數 秋 聞 陳聞 詩 ,賊師 人 詩,字廷訓,柘城人。嘉靖中舉於鄉,以親老,絕意仕進。 斬之,曰:「不從,滅 遂不食,至鹿邑自 尙 詔 陷 歸 徳、聞聞 經 叫 死。 族。」 詩名,欲 聞詩給 劫為 曰「必欲吾行,毋 帥。 已,陷 柘 城,擁 殺 人, 毋縱火。」 之至,誘說 親殁, 居喪哀毀。 百端,不屈。引 賊許 擁 以

董倫 歸德檢校 也。 尚韶 入歸德,知府及守衞官皆遁。 倫率民兵巷戰,被執,垂死猶手

刃數賊。 妻賈及童僕皆從死。 韶贈聞詩鳳陽同知,倫歸德同知,並立祠死所。

江陰。 鈇悉貰其罪。 餘倭皆遁。 人,合防卒訓練。 王鈇,字德威,順天人。 參政任環令鈇與指揮孔燾分統官民兵三千,破其寨,斬首百五十有奇,焚二十七艘, 復掠旁縣,將由尚湖還海。 倭患起, 鉄語諸猾曰:「何以報我。」咸請効死, 於是立耆長, 部署子弟得數百 縣故無城,趺率士卒城之。倭來薄,數禦却之。已,自三丈浦分掠常熟 嘉靖二十九年進士。 授常熟知縣。 濱海多大猾,匿亡命作奸,

祭,立祠死所,歲時奉祀。 殺三賊而死。 躡倭,倭夾擊之隘中,獨耆長數人從,皆力鬭死。 會邑人錢泮,字鳴聲者,以江西參政里居,忿倭爇其父柩,力從臾贊鈇。乃用小艇數十 時三十四年五月也。 詔贈泮光祿卿,餘太僕少卿,並廕錦衣世百戶,遣官諭 鉄陷淖,順目大呼,腹中刃死。 泮被數鎗,

錢錞,字鳴叔,鍾祥 列 傳 百 七 + 八 忠 嘉靖二十九年進士。授江陰知縣。 義 初至官,倭已熾。三十三 七四三七

縱之入,而身自搏戰於爲橋,三戰却之。明年六月,倭據蔡涇閘,分衆犯塘頭。 年入犯,鄕民奔入城者萬計,兵備道王從古不納。 **鯙曰:「民死不救,守空城奚爲」」遂開門** 錞提狼兵戰

九里山,薄暮,雷雨大作,伏四起,狼兵悉奔,錞戰死。

遂爲亂軍所殺。 時唐一岑知崇明縣,建新城成,議徙居,爲千戶高才、翟欽所沮。 韶贈傳、一學光祿少卿,傳世廢錦衣百戶,以陰國子生,並建祠祀。 倭突入,一岑戰且詈,

丞,錄一子,厚恤其家,建祠祀之。 還所掠牲畜甚衆。未幾,復大至,薄城東門。督兵奮擊,兵潰,死焉。 關中呼爲鐵漢。遷揚州同知,吏無敢索民一錢。三十四年,倭入犯,擊敗之沙河,殲其貧, 八,最驍勇,擊倭至安港,伏發被圍,恩家二十餘人俱力戰死,惟嵩等三人獲全。 明 朱裒,字崇晉,鄖西人。嘉靖中舉於鄉,署鞏縣教諭事。 年,倭犯無爲州,同知齊恩率舟師敗倭於圖山北等港,自動首百餘級。子嵩,年十 遷武功知縣,抑豪强,祛 贈左參政,錄一子。 贈恩光祿 積弊,

<u>螳</u>墮水,中刃死。 吳中倚鏜若長城。倭舟渡泖滸,鏜突出,酣戰竟日,援兵不至,還至石湖橋,半渡,伏大起, 以雙刀、若飛、錄爲土兵。擊走倭、出參政任環圍中。遣人還莒、括家貲、悉召里兒爲爪牙, 孫鐘、莒州人。商販吳、越。倭擾松江,謁郡守自請輸貲佐軍。守薦之參政翁大立,試 贈光祿丞,錄一子,亦建祠祀。

十三合,斬三十餘人,馘一酋,身被數鎗,墮馬死。 父老,以身任之,數敗倭。 杜槐,字茂卿,慈谿人。 副使劉起安委槐守餘姚、慈谿、定海。 倜儻任俠。 倭寇至、縣僉其父文明爲部長、令團結鄉勇。 遇倭定海之白沙,一 日戦 槐傷

明贈府經歷,槐贈光祿丞,建祠並祀,廕槐子國子生。 文明擊倭鳴鶴場,斬酋一人,倭驚遁,稱爲杜將軍。 無何,追至奉化楓樹嶺, 戰歿。

文

倭必復來,日夜爲備。又三年,倭果大至。 黄釧,字珍夫,安溪人。 由舉 人歷官溫州同知。 釧出城逆擊,分軍為三,釧將中軍,其二軍帥皆 嘉靖三十四年,倭入犯,釧擊走之。 知

列

贖 紈 袴子 ,釧笑且罵 倭 方不 ', 約 支,二軍帥望敵 左 目 右 「爾不 應 援。 知黃大夫 及 與倭遇,倭遣 而潰。 不愛錢邪 倭合兵擊釧 衆分掩二軍,而以銳卒當中軍。 」倭怒, 釧 腹背受敵,逐被執。 裸 而 寸斬之。 子購屍不獲, 脅之降,不屈 釧 發 勁弩巨礮,戰 具 衣 責 冠 以 金 良

事 聞 贈浙 江 參議,官一子,有司 建 洞

是年

·, |倭

陷

倭 乘勝 犯惠安,知縣 番禺林 咸 拒 守五 晝夜,倭引去。 已, 復至,咸擊之鴨山,窮追 逐

福清,舉人陳見率衆禦之,與訓導鄔中涵被執,大罵

m

死。

陷伏死。贈泉州同知,賜祠,任一子。

其陷興化 近平 同 知 奚世亮署府事,守踰月,城陷,力戰死。 贈右參議,廕子,賜葬。 世

亮,字明仲,黃岡人。

朝,乃贈太僕丞,而廕尙 先是,三十一年,台州知事溧水武暐追倭釣魚嶺 實爲 國 子 生 ,力戰死,上官不以聞。 其子 尚實訴於

閒 田 爲業,且言私置莊田,不宜以災傷免賦。 王 德 ,字汝修,永嘉人。 嘉靖十七年進士。 德抗疏劾之, 歷戶科給事 中。 俺答圍都 定國 城 公徐延德 ,屢陳軍 丐無極諸 國 便宜 悉 縣

列傳第一百七十八 忠義一

撫 報 東,所得悉驍勇,爲諸道最。 可。 爭事,投劾徑歸。 時城門盡閉,避難者不得入,號呼徹西內。 默復起吏部,用前憾,落職閒住。 還朝,會李默長吏部,怒德投刺倨,出爲嶺南兵備僉事。 德以爲言, 民始獲入。 德鄉居,以倭亂,奉母居城中,傾貲募 寇退, 命募兵山 與巡

健兒爲保障計

忠。 族弟崇堯、崇修殲焉。 人,罵賊死。 沛贈太僕丞,立祠,予廕。 三十七年夏,倭自梅頭至,大掠。 然倭自是不敢越德鄉侵郡城矣。 亡何,倭復至,大掠。 德偕族父沛督義兵擊之,宵遁。 德憤怒,勒所部追襲至龍灣,軍敗,手射殺數 事聞、贈太僕少卿、世廕錦衣百戶、立祠日愍 俄一舟突來犯,沛及

斬首 祭日 時乎」當路遂以討賊屬之。 賊 入寇,薄泰和 以徇 "「爾職抱關,猶死疆事。 汪 一中,字正叔,歙人。嘉靖二十三年進士。 。一中方讌,投箸起曰:「賊鼓行而西,掩我不備,不早計,且無噍類,豈飲酒 先是,泰和巡檢劉芳力戰死,賊怒磔其尸。 吾待罪方面,不滅賊,何以生爲一」遂誓師,列陣鼓之,俘五人, 由開封推官歷江 西 一副使。 一中至,率諸將吏 四十年,鄰境

出之,喪至,不食五日死。 人,手刃一人,而左脅中鎗二,臂中刃三,與指揮王應鵬、千戶唐鼎皆死。 旦日 陣 如前 會 賊 至,左右軍皆潰,賊悉赴中軍、 一中贈光祿卿,給祭葬,諡忠愍,妻程並贈 ,中軍亦潰。 如如如 中躍馬當 制。 妻程投於井,家 一賊鋒 射 殺

轉寇祿豐。 之去,不屈死。 蘇夢陽,萬曆間,爲雲南祿豐知縣。 夢暘率民兵出城力戰,賊退去。 贈光祿少卿,有司 建祠、錄 三十五年十二月,武定賊鳳騰 一子。 明年元旦,方朝服祝釐,賊出 霄反, 不意襲陷其城,執 圍雲南府

當祿豐之未陷也,賊先犯嵩明州,吏目韋宗孝出禦而敗,合門死之。 贈本州同知、廕子

入國學。

有龍旌者,趙州人,由歲貢生爲嵩明州學正。 **賊薄城,被執,罵賊死。** 贈國子博士。

選貢生授四川 張 振 德,字季修,崑山人。 興文知縣。 縣故 九絲蠻地,萬曆初,始建土牆數尺,戶不滿千。 祖情,從祖意,皆進士。 情福 建副使,意 山東 副使。 永寧宣撫 振德 奢 由

葬,贈 女持 振德却 百 火所, 能殺 者欲 崇明 同 重慶 戶 死 賊,惟一死明志。」妻女先伏 天啓元 走 知 大 振德旣死,與文教諭劉希文代署縣事。 有 金,振德怒却之,裂 光祿 見 禮守長寧,城 之。 列 城 劍坐後堂,曰:「若輩死此,吾死前堂。」乃取二印繫肘後,北向拜曰:「臣奉職無狀,不 長 府 異 振 破、夫婦罵賊、並死。 寧。 章文炳、巴縣知縣段高選皆抗節 志,潛結 德 卿,諡烈愍。 督鄉兵與戰,不敵,退集居民城守。 年 面 方赴成都 振德曰:「守興文,正也。」疾趨入城。 如 生,左手繫印,右手握 奸人,掠賣子女。 亦陷。 敕有司 與 其 牘 鄉闡事,而崇明部將樊龍殺巡撫徐可求,副使駱日 大禮曰:「吾不可負張公。」一家四人仰藥死。 建祠,世廢錦衣千戶。 劍死。 振德捕奸人,論配之,招還被掠者三百餘人。 乃命家人舉火,火熾自剄。 刀,忿怒如赴敵 死,賊遂據重慶。 甫半載,賊復薄城,誓死不去。 會大風 長寧主簿徐大禮與振 狀,皆駭愕, 雨,賊毁土城 時 振 德兼署長 羅拜而· 門死者十二人。 入。 贈重慶同知, 徳善, 振德 寧,去賊稍 去。 妻白亦 升、李 命妻錢及二 事聞 以騎 崇明賄以 繼 慷慨 來迎, 遠,從 周等。 賜 賊至 世廕

傳

百

七

+ 八

忠 羧

七四四三

願

太

僕

少

卿

再

贈

太常

卿

世際:

外衞

副

千月

殺 巡 撫 文 炳 可 求 長 等, 泰 文炳 罵 萬 賊 曆 亦 四 + 被 殺 年 後 進 知 士。 其 賢 歷 戶 爲覓 部 郎 屍 中 殯 ·,遷 而 歸之, 知 府,治 喪 出 行 江 廉 潔 上,夾岸皆大哭。 吏民 愛 之。 賊 贈 旣

皆自 訓導 經 輔 請 肥 上 其 賊 歷 優 城陷自 敗 趙愷 盡。 狀 袁 恤 時 高 先後 選 魁 贈 贈 修 僕冒死 光祿 戒 重 虚 雲 率 う義 殉 其 財財 南 衆撃賊, 難者 碩 不汙 卿 1 劍 輔 支解 覓主屍 世 勿 Ш 維 贼, 墜城 殺 縣 灌 之。 廕 被 而 翰 人。 縣 錦 ,亦被害。 刺死。 尙 知 衣 桐 高選罵 寶卿 萬 縣 千戶 死。 梓 曆四 左 知 遵 重 建 世廕 縣 大足 不絕聲,遂 初贈 義 十七年 洪維 推官 率 祠 干 主 壯 奉 尙 翰 簿 戶 馮 祀 寶 進 士 張 城城 鳳 遇 追 卿 士。 啓鳴 汝元 志 雛 陷 一、世 賊 害。父汝元, 譽、典史宋應阜 適在演 成都, 挺 等亦 廕 重 奪 身禦賊 一慶通 百 削 卢 獲 不不 力戰 武 0 旌 绀 場 母 崇禎 一被創 屈 馬 引聞 劉 愷 + 死。 蹶 重慶 變,立 五. 側 元 集兵奮戰, 死。 年 年 室 黑 典 同 (史黃) ·, 子 復 徐 賊 遵義 遭 知 以 死 及 喧 吏歸印 , 啓 諡 援振 俱 司 子 力屈 **詩,賜** 鳴 南 世廢 獄 亦 溪 蘇樸 德例 於署,厲聲 女, 死。 死 知 試 諡 縣 、威 恭節 聞變, ,叩闡 百戶 所 郫 王 碩

其 子 監生 崇明 父子 世 駿言: | 賊 據水 寧, 踞 貴陽 永寧 司 ,臣父刺血草三揭,繳印 知 嘉 興王 昌胤 分 理永 寧衞 上官,以次年五月再拜自 事 , 死 難 贈 僉 事 ,賜祭。 縊 賊 恨 禎 崇禎

年,重

子廷

皐

援

高

選

例

乞恩

命

如

其

請

人詣闕奏留,詔加鞏昌同知,仍 董 盡倫,字明吾,合州人。萬曆中舉於鄉,除淸水知縣,調安定,咸有惠政。 視縣事。久之,以同知理甘州 軍餉,解職 歸。 秩滿,安定

錦衣千戶。 起,遂戰死。 賊使,抉其睛啖之,屢挫賊鋒,城獲全。 天啓初,奢崇明反,率衆薄城。 贈光祿少卿,世廕百戶,建祠奉祀,尋改廕指揮僉事。 盡倫偕知州翁登彥固守。 復率衆援銅梁有功,尋被檄擣重慶,孤 。賊遣使說降,盡倫 崇禎初,論全城功,改廢 軍深入、伏四 大怒,手刃

緯傾 城陷,薙髮爲僧,與子在崑募壯士,殺賊百餘。 人同死。 總兵官楊愈懋,令以大兵薄城,己爲內應。事洩,合門遇害。高光,瀘州人,嘗爲應天通判。 家救 旣而 其時里居士大夫死節者,有李忠臣,永寧人,官松潘參政。家居,陷賊。募死士,密約 胡縝,永寧舉人。 爲 免,乃糾義徒,潛結賊將張令等,執其僞相。 火藥焚死 聶 繩昌, 預策崇明必反,上書當事,不納。 富順舉人。 毁家募義勇禦賊,戰死。 賊怒,追至大葉壩,光罵賊不屈,與家衆十二 部勒行陣,自當一面 賊起,被執,嚴刑錮獄中。弟 吳長齡,瀘州監生。 ,數斬馘,賊甚畏

予恤

率 衆恢復瀘州 尋中伏,父子俱戰死。 胡一夔,興文人。 仕龍陽縣丞, 被執,不屈死。

襲萬祿,貴州人。目不知書,有膽志,膂力過人。從劉綎征楊應龍,先登海龍囤,署守

備,戍建武所。

攻 賊 自 故 遣 守。 ·焚死。 相 ,萬祿力戰三日,手刃數十人,與子崇學並死。 巢者悉老弱,誠假萬祿萬人搗其巢,彼必還救,成都圍立解矣。」如珂奇其計,而不能 他 視不 崇明謀 將來 未 奢崇明反,衆推萬祿遊擊將軍,主兵事。指揮李世勛,名位先萬祿,亦受節制, 幾,賊悉衆攻建武,萬祿邀擊十里外,兵少敗還,城遂陷。世勛具衣冠再拜,率家屬 萬祿 戍,萬祿脅降之,誘殺無算。 犯成都,憚萬祿牽其後,遣部將張令說降。 手刃兩妾、兩孫,自刎不殊,乃握矟馳出, 走至敍州,乞師巡撫朱燮元,遂以兵復建武。 復微服走敍州,說副使徐如珂曰:「賊精騎萃成都,留 詔贈都督僉事,立祠賜祭,世廕百戶 令與萬祿結, 紿崇明以降。 大呼:「我龔萬祿也, 孰能追我者 會官軍敗於江門,賊四面 戮力固 崇明果 用 來

時成都衞指揮翟英扼賊龍泉驛,三成都後衞指揮韓應泰赴援成都,遇賊草堂寺,小河

所 鎮撫郁聯若鏖賊城西,茂州百戶張羽救援郫縣,皆力戰死。

勛 長策,保此一方。」逾月,邦彦果反,圍其城,良相固守不下。 撒 麾 、壩陽把總簡登、龍里故守備劉皐、皐子景並死難,而訓導劉三畏,賊至不避,兀坐齋中 孤 下,與籌軍事 城,密邇水西,且與安效良相響。 同官李應期、朱運泰、蔣邦俊亦遇害。 管良相者,烏撒衞指揮也,爲人慷慨負奇節。 良相策安邦彦必反,佐摆爲固守計。 水西有變,禍必首及,良相無子,願以 時普定衞王明重、威淸衞丘述堯、平壩衞金紹 天啓初,樊龍等反於四川,巡撫李橒召至 尋以祖母疾,乞假歸,泣語標 **外之,外援不至,城陷,自縊** 死 報國。 日:「鳥 乞建

見殺,人稱「龍里三劉」

之,逼降,不屈。 明年,安邦彦反,來攻城 徐朝綱, 雲南晉寧人。 索其印 馬馬 ,朝綱督兵民共守。 曰:「死賊奴,吾頭可斷,印不可得!」賊怒,刀斧交下而死。 萬曆二十八年舉於鄉。 土官溫 如璋等開 天啓元年,授安順推官, 門迎賊, 朝綱奮怒督戰, 至卽署府事 其妻 賊執

列傳第

百

七十

八

忠義

七四四七

城覓其祖,遇賊被殺。

婢僕從死者十一人。

聞之,登樓自縊。長子婦急舉火焚舍,挈十歲女躍烈焰中死。 孫應魁,年十六,持矛潰圍出

錦衣世千戶,賜祭葬,立祠建坊,諸從死者皆附祀 有之節烈,乞如張振德例,再加優恤。臣母、臣嫂,一體旌表。」帝深嘉之,再贈光祿卿,改廕 闋,授戶部主事。 五年正月恤殉難諸臣、贈朝綱光祿少卿、廕子入國學。子天鳳甫第進士、即奔喪歸、服 疏言: 「臣家一門,臣死忠,妻死節,婦死姑,孫死祖,婢僕死主。 此從來未

同時殉難者

節。 至散納溪,賊搜得其書,幷以成殺之,家屬死者十三人。 城遂陷。以成倉皇投繯,賊絷之去。乃爲書述賊中情形,置竹筒中,遣弟以恭赴雲南告變, 衆,以成遣吏懷印間道趨省,身督吏民拒守。 邦彦圍貴陽, 楊以成,雲南路南人。 以成具蠟書乞援於雲南巡撫沈儆炌。 萬曆中,由貢生授貴陽通判,理畢節衞事。秩滿,進同知,仍治畢 會援兵至,賊方夜逃,而衞吏阮世爵爲內應, 贈按察僉事,賜葬。 書發而賊已至,戰却之。 賊來益

城,督民樹棚實以土。 鄭鼎,字爾調,龍溪人。 無何,邦彦果反,來攻城,鼎誓死固守。 由 鄉舉為廣順 知州。 策安邦彦必反, 或言賊勢盛,宜走定番。 上書當事言狀。 州故無 鼎

六人。 人興南 "「吾守土吏也,義當與城存亡。」及賊入,與土官金燦端坐堂上,並爲 ,鼎子舉人崑禛皆援朝綱 吏目胡士統被執,亦不 ·屈死。 例 請 巡撫李橒 加 卹 並 贈光祿 上於朝, 卿,世廕錦衣千戶,予祭葬,有司 贈 僉事,賜祭。 崇禎 賊所殺,婢僕 元 年,以 從死 成 子 舉 者

虎 |守其骸不去,蠻人嗟異。 時 有孫 克恕者 ,字推之,馬平人。 事聞、贈太僕卿、賜 舉 於鄉,歷官貴州副使, 祭葬。 分巡思 石道。 禦賊 戰死,

有

立

坊,以恭亦附祀。

崑禎

後

舉進

士

,歷御史,尚

寶

卿

文胤 何故 赤面 儒 薄 ,鬚髯戟張,賊望見,駭爲神 憑城 從賊,日 城,民什 姬 文胤,字士昌, 諭曰:「良民以董二故,挺 一禍 九 從 由董 亂。 華州 二。」董二者,故延綏 文胤徒步 人。 舉於鄉。 叫 人,皆灌 號,驅 而 從賊。 呼 東卒登陴,不滿三百,望賊 天啓二年授滕縣 羅 巡撫董國光子也,居鄉貪暴,民 吾將執二置諸法, 拜 知縣。 爲若雪憤,可乎。」文胤身長 視事 輒 走, 甫三日 存者 不 聊 , 白蓮 纔 生 製十。 ,故從賊。 賊 徐 問 鴻

潰。 文胤緋 俄而 發箭 衣 坐堂 西 隅 皇,嚼 ,斃二賊。 齒 罵 視 賊。 之,延綏沙 賊 前 **,搏裂冠裳,械繫之,罵不屈。** 柳 簳 也。 賊謂文胤紿之,大憤,肉薄 三日 潛 解 登 印 ,畀小吏 城, 衆悉

列

傳

第

百

七

+

八

忠

義

賊,並死之。 魏顯照及家僮李守務,北向拜闕,遂自經。 事聞、贈太僕少卿、立祠致祀、錄一子、優恤顯照、守務家。」董二踰城遁去。 賊搒掠顯照索印,顯照潛授其父,而與守務罵

觀,亞聖裔,世廕五經博士也。

時賊陷鄒縣,博士孟承光被執,詬詈不屈死。

贈尚寶少卿,世廕錦衣千戶。承光,字永

盡在此,急發礮擊之,毋以我爲念一,守將楊御蕃不忍,萬年復頓足大呼,賊怒殺之。 見萬年已死,遂發礮,賊死過半。 從我,呼守者出降。」賊以精騎五百擁萬年至城下,萬年大呼曰:「我被擒,誓必死。 登州 守數月,從治中酸死。 ,率衆來犯。 朱萬年,黎平人。 萬年率吏民固守。 萬曆中、舉於鄉。 賊詭乞降,璉率萬年往受,爲所執。 事聞、贈太常卿、賜祭葬、有司 時山東巡撫徐從治、登萊巡撫謝璉並在城中,被圍,堅 歷萊州知府,有惠政。崇禎五年,叛將李九成等陷 萬年日:「爾執我無益,盍以精騎 建祠、官一子。 城上人 賊精銳

光祿少卿,所聞贈太僕少卿,並賜祭葬,建祠, 丞 張 國輔 初,賊掠新城,知縣秦三輔、訓導王協中禦之,並死。 、參將張奇功、守備熊奮渭皆力戰死。 廕子。 陷平度,知州陳所聞 協中、國輔、奇功亦贈恤有差。 其陷黃縣,知縣吳世揚罵 自縊 死。 三輔、世揚贈 賊死,縣

州 尙 年行 書閱洪學劾瑤饋遺奔競, ,瑤率家衆登陴拒守。 取入都,吏科宋鳴梧力援宋政爲給事 張瑤,蓬萊人。 天啓五年進士。 城陷,瑤獪 鳴梧復極論之, 揮石奮擊。 授開封府推官,絕請寄,抑豪强,吏民畏 而 謫河州 抑瑶,授府同 賊擁執之,大罵不屈,被殺。 、判官, 未赴。 知。 瑶怒, 疏 明年正 摭玫 月, 行 妻女四人並投 李 如 九成 賄 神。 狀 等逼 崇禎 吏 登 部 四

井死。

贈光祿少卿

得 獨 皆格於例,不獲旌。禮部侍郎 其後地方死難,若舉人李讓、吳之秀、賈煜、張慶雲,貢生張茂貞、 獨遺。乞量贈一官,永爲定制。」可之。乃贈與夔、儼然宛平知縣,聯台、時行順天府敎授。 `後於流官,九泉之下,能無怨恫。 比者,武舉李調禦賊捐軀,已蒙贈恤。 先是,賊陷新城,舉人王與夔、張嚴然死之。 陳子壯上言:「舉貢死難,無恤 其陷他縣者,貢生張聯台、蔣時行亦死之。 典、舊制 張茂恂,皆贈官如前制。 也。然名旣登於 武途如 此,文儒安 天府、恩

嗣泌進剿有功。 開城納之。 聲反,謀出三路兵,至昆明會戰。 「此大丈夫報國秋也,吾豈爲逆賊用哉 何天衢 名聲已陷彌勒,聞大懼,急撤兩路兵歸。 ,字升宇,阿迷州人。 令天衢自維摩羅平入,以礮手三百人助之。 有勇略,土酋普名聲招爲頭目,使駐三鄉。 」坑殺礮 手數十人,率衆歸附,署維摩州同知李嗣 巡撫王伉上其事,授爲守備。 崇禎三年,名 天衢慨然曰: 後數 爽 泌

應,賊悉力攻之,食盡,舉家自焚死 兵。 萬氏贅沙定洲爲壻,益以南安兵,且厚賂黔國公用事者,令毁天衢。 及名聲死,妻萬氏代領其衆,屢攻天衢。 天衢屢挫之,錄功,進參將。 天衢請兵 十三年 餉 擢 皆 副

總

兵敗被執,死之。 初,名聲之亂,有楊于陛者,劍州人。 贈太僕少卿,建祠日 一精忠。 舉於鄉。 歷官武定府同知。 巡撫伉令監紀軍事,

校勘記

敗倭於圖 本 書卷 四 山北等港 地理志載、圖山 圌山,原作 屬鎭江府,與傳文所記 「團山」, 據世宗實錄 地 园 相符。 卷四三四嘉靖三五年四月甲辰條改。

按

ハニ 翟英扼賊龍泉驛 翟英,本書卷二四九朱燮元傳作「瞿英」。

明史卷二百九十一

列傳第一百七十九

忠義三

陳輔堯

段展

鄭國昌

張鳳奇

盧成功等

黨還醇

安上達

任光裕等

潘宗顏 竇永澄等 張銓 何廷魁 徐國全 高邦佐 顧頤 崔儒秀

李獻明 何天球 徐澤 武起潛 張春 閻生斗 李師聖等 王肇坤

王一桂 張秉文 上官蓋等 宋學朱等 顏胤紹 孫 士美 趙延等 白慧元 吉孔嘉 王端冕等 李禎宁等 喬若雯 邢國璽 李崇德等

馮守禮等 張振秀 劉源淸等 鄧藩錫 王維新等 張焜芳

中。 數上書當路言遼事、當路不能用。 潘宗顏,字士瓚,保安衞人。 善詩賦,曉天文、兵法。 以宗顏知兵,命督餉遼東。 舉萬曆四十一年進士, 旋擢開原兵備僉事 歷戶部郞

傳第一百七十九 忠義三

列

七四五三

卿 午,力不 旦,大清兵大至。 爲 ,再贈大理卿,廕錦衣世百戶,諡節愍,立祠奉祀。 後繼,不 四 支,與遊擊竇永澄、守備江萬春、贊理通判董爾礪等皆死焉。 然必敗。」鎬不從。宗顏監林軍 年,馬林 林恐甚,一戰而敗,策馬先奔。 將出 師,宗顏上書經略楊鎬 ,出三岔口,營稗子峪,夜聞杜松敗,林軍 曰:「林庸懦,不堪當 宗顏殿後, 永澄等亦賜恤如制 奮 呼衝擊, 事聞,賜 面, 膽 氣彌 乞易他將,以林 祭葬,贈光祿 厲。 一遂譁。 自辰 至 及

張銓,字字衡,沁水人。 萬曆三十二年進士。授保定推官,擢御史,巡視陝西茶馬。 以

憂歸,起按江西。

選丁 調 當主,非計 能 募 悉 ,騷擾天下,恐識者之憂不在遼東。」因請發帑金,補大僚,宥直言,開儲講,先爲自治之 ,屯集要害以固吾圉,厚撫北關以樹其敵,多行間諜以攜其黨,然後伺隙而動。 若加 知 又言:「李如柏、杜松、劉綎以宿將並起,宜責鎬約束,以一事權。 時遼東總兵官張承蔭敗歿,而經略楊鎬方議四道出師。銓馳奏言:「敵山川險易,我未 [^],懸軍深入,保無抄絕。 且突騎野戰,敵所長,我所短。 也。 昔臚朐河之戰,五將不還,奈何輕出塞。爲今計,不必徵兵四方,但當就近 以短擊長,以勞赴逸,以客 唐九節度相州之潰 賦

錯亂,是謂無法。率萬餘之衆,不能死戰,是謂無勇。臣以爲不宜恤。」又論以非大帥才,而 可爲明鑑。」又言:「廷議將恤承蔭,夫承蔭不知敵誘,輕進取敗,是謂無謀。 猝與敵遇,行列

力薦熊廷弼

當軸卒不省。擬、松敗,時謂銓有先見云。 朘削無已,驅之使亂。

且陛下內廷積金如山,以有用之物,置無用之地,與瓦礫糞土何異。 至九釐。辟之一身,遼東,肩背也,天下,腹心也。 乃發帑之請,叫閽不應,加派之議,朝奏夕可。 心先潰,危亡可立待。竭天下以救遼,遼未必安,而天下已危。今宜聯人心以固根本,豈可 四十八年夏復上疏言:「自軍興以來,所司創議加賦,畝增銀三釐,未幾至七釐,又未幾 臣殊不得其解。」銓疏皆關軍國安危,而帝與 肩背有患,猶藉腹心之血脈滋灌。 若腹

從。 壯聲援。疏甫上,遼陽被圍,軍大潰。銓與應泰分城守,應泰令銓退保河西,以圖 遂自經。 三月,瀋陽破,銓請令遼東巡撫薛國用帥河西兵駐海州,薊遼總督文球帥山海兵駐廣寧,以 守三日,城破,被執不屈,欲殺之,引頸待刃,乃送歸署。 熹宗卽位,出按遼東,經略袁應泰下納降令,銓力爭,不聽,曰:「禍始此矣。」天啓元年 事聞、贈大理卿、再贈兵部尚書、諡忠烈。 官其子道濬錦衣指揮 銓衣冠向闕拜,又遙拜父母, , 僉事 再舉,不

銓父五 傳 典, 第 歷官南京大理卿,時侍養家居。 百 七 + 九 忠 義 Ξ 韶以|銓所贈官加之,及卒,贈 太子太保。

初,五典度海内將亂,築所居實莊爲堡,堅甚。 僕堅守。 在,衆請避之。 賊環攻四晝夜, 日:「避賊而出,家不保。 不克而去。 副使王肇生名其堡曰「夫人城」。 出而遇賊,身更不保。 崇禎四年, 流賊至,五典已殁, 等死耳,盍死於家。」乃率僮 鄉人避賊者多賴以 獨銓妻霍氏

免。

西巡撫宋統殷檄道濬軍前贊畫。 而受王永光指,攻錢龍錫、成基命等,爲公論所不予。 道濬既官錦衣,以忠臣子見重,屢加都指揮僉事,僉書衞所。 道濬家多壯丁,能禦賊。 尋以納賄事敗, 顧與閹黨楊維垣等相善, 戍雁門。 流賊起,山

濬求撫。 紫金樑、老回回、八金剛等以三萬衆圍竇莊,謀執道濬以脅巡撫。 源,陷温陽。 至舊縣,守約不動,廷憲日悬紫金樑就款,未決。 我宜川 崇禎五年四月,賊犯沁水,寧武守備猛忠戰死。 廩生韓廷憲,爲佳胤所獲,請誓死奉約束。」道濬勞遣之:而陰使使啗廷憲圖賊。 紫金樑請見, 免胄前曰:「我王自用也, 官軍襲之,賊怒,尤廷憲,遂敗約,南突濟 誤從王佳胤至此。」「二又一人跽致辭 道濬遣遊擊張瓚馳援,賊乃退。 道濬屢敗賊,賊乃欲因道 八月, 賊

九月,廷憲知紫金樑疑己,思殺之以歸,約道濬伏兵沁河以待。 道濬遣所部劉偉佐之。

混 據 憲。 是夕 洩,偕偉 九 世 王 仙 籫 乃得請。」 賊 就 莊 臺 攻 倉 一以
発。 道濬乞降。 東 諸生 卒 面河 奔。 蓋 ,道濬潛渡 十二月,廷憲知紫金樑、亂世王有隙,縱諜遺 世 賊 汝 追 璋 時統殷 一快快去,賊衆遂分部掠諸郡縣 之及 樓, 掘地 河 上流,繞賊後 以失賊罷,許鼎臣 伏 深丈 起, 餘 殺 ٠, 追者 樓不 大噪,賊駭 滚山 毁。 來代,主進討。 虎等六 賊怒,誓必 遁 去。 人,皆賊 未幾,官軍 書間 拔。 道濬權詞難之曰:「断紫金樑 之。 腹 雞 鳴 心 扼 亦 亂 也。 賊 世 得 陵 王果疑,遣 賊 間 胢 臨 、,師潰 廷憲 沁 河 知 , 索 道 其 事 廷 且

以

來,

混

王

傾家 犯皆 道濬 離 伍 冒 困 功第 刦 明 功。 年三月, 以 去 餉。 至 0 巡按御史 是乃陷。 八月,賊陷 副 官軍躡 使 王肇生列 馮 道濬率家衆三百 賊 明 沁 **玠覆劾**,謂 自 水 狀上道濬 陽 沁水 城 而 沁城旣 當 北。 功。 人 賊 馬也 衝,去來無時 道濬設伏三纏凹, 道濬故 失,不可言功,乃更戌 赴擊賊,賊退徙十五 得 :罪清: ,道濬倡鄉 議,冀用 擒賊渠滿天星等, 里。 海寧衛 軍 人築堡五十四以 功 道濬收散亡,捕 自湔 祓,而 巡撫鼎 言者劾其 守,賊五 賊衆 臣

事 歷 何 歸德、 列 廷 魁,字汝謙 傅 第 衞 輝 百 河 -6 山西 南 + 知 九 府 威 西 遠 忠 衞 ij 寧 副 人。 使。 萬 曆二十九年進士。 坐考 功法。復爲黎平知府 授涇縣 知縣,調 會遼 七四五七 事 寧晉 棘 遷 遷 副 刑部、 使 主

分

巡遼陽。

廷魁 聞 清兵渡濠 贈 懷 袁 光祿卿,再贈大理 即 應 延魁 率其妾高氏、金氏投 泰 納降,廷魁 請 乘半濟急擊之。 爭,不聽。 卿,賜祭葬,諡忠愍,世廕錦衣百戶。 井 死, 俄薄 及瀋 婢僕從死者六人。 陽破, 城, 圍 未合, 同事者遺孥歸, 廷魁 叉請盡 都司 銳 徐國全聞之, 國全 出 禦。 贈 曰:「吾不敢爲民望。」大 應泰 恤 如 制 並 亦自經 不從。 公署。 遼陽

家。 津 兵備 歷 高 邦佐,字以道,襄陵人。 副 戶 部 使,平巨盜 主事、員 外郎。 董 時耀。 遷永平知府,濬灤河,築長堤。 轉神 萬曆二十三年進士。 木參政,屢破套寇沙計。 授壽光知縣,教民墾荒,招集流亡三千 裁抑稅使高淮,不敢大橫。 以嫡母 憂歸,補薊州道,坐調兵 遷天

仵

者

意

,被劾

歸

告,可 謁 熊 廷朔、言:「城中雖亂,敵尙未知。 廷弼、王化貞搆隙,邦佐知遼事必敗,累乞歸。 天 、啓元年,遼陽破,起參政,分守廣寧。 關。 |邦||佐 叱曰:「吾一日未去,則一日封疆臣也,將安之」」夜作書訣母,策騎趨右屯 亟提兵入城, 斬一二人, 人心自定。 以母年八十餘,涕泣不忍去,母責以大義乃行。 方報允,而 化貞棄廣寧逃。 公卽不行,請授邦 衆謂 邦佐旣請

傳第一百七十九 忠義三

列

佐 Щ . 吾守 兵赴難。」廷弼不納,偕化貞並走。 地, 當死此。 汝歸報太夫人。」遂西向拜闕,復拜母,解印 邦佐仰天長嘆,泣語從者曰:「經、撫俱逃,事去矣。 綬自經官舍。 僕高永日:

「主死,安可 衣百戶。邦佐 無從者。」亦自經於側。事聞,賜祭葬,贈光祿卿,再贈太僕 與張銓、何廷魁皆山西人,詔建祠宣武門外,顏曰三忠。 卿,諡忠節,世廕錦

同 .ド 顧頤,以右參政分守遼海道。 廣寧之變,力屈自經。贈太僕少卿,世廕本衞副

戏服北向拜,自經。 必死之心 原已失,儒秀募壯士,攜家辭墓 崔儒秀,字儆初,陝州人。萬曆二十六年進士。歷戶部郎中,遷開原兵備僉事。 耳。」應泰深然之。 事聞、賜恤視何廷魁、賜祠曰愍忠、以陳輔堯、段展配祀 遼陽被圍,分守東城,矢集如雨,不少却。會兵潰,儒秀痛哭, |行。經略||袁應泰以兵馬甲仗不足恃爲憂,懦秀曰:「恃人有 時開

烙 啓 元 ,左右以無守土責,勸之去。 輔 堯,揚州 日暈異常。 人。 萬曆中舉於鄉。 展牒應泰 言天象示警,宜豫防。 輔堯曰:「孰非封疆臣,何去爲。」望闕拜,拔刀 歷永平同知,轉餉出關,與自在知州段展駐瀋陽。天 踰月,瀋陽破,展死之。 (自剄) 與展並 輔堯方奉

贈按察僉事。 輔堯官膠州時,有餽山繭者,受而懸之公帑中。 展,涇陽舉人。

七四六〇

覺也。 國昌自縊城上,中軍守備程應琦從之。 Щ 西 |右布 鄭 初四日黎明登城,有守將左右之,國昌覺其異,捶之至死。 國昌,邠州人。 政使,上官奏留之。三年正月,大清兵自京師東行,先使人伏文廟承塵上,主者不 萬曆三十五年進士。 應琦妻奔告國昌妻,與之偕死。 歷山西參政。崇禎元年以按察使治兵永平,遷 須臾,北樓火發,城遂破。

數 成功等贈恤有差。 中書舍人廖汝欽,武舉唐之俊,諸生韓洞原、周祚新、馮維京、胡起鳴、胡光奎、田種玉等十 人皆死。 知 府 張鳳奇,推官盧成功,盧龍教諭趙允殖,副總兵焦延慶,東勝衛指揮張國翰及里居 國昌、鳳奇一門盡死。 鳳奇,陽曲人,起家鄉舉。 事聞,贈國昌太常卿, 鳳奇光祿卿,並賜祭葬,廕一子。

服闋,起官良鄉。十二月,大清兵薄城,督吏民乘城拒守。 黨還醇,字子貞,三原人。天啓五年進士。授休寧知縣,有善政,以父憂歸。 或言縣小無兵,盍避去。 崇禎二年 還醇毅

之棟、驛丞楊其禮並死焉。 然曰:「吾守土吏也,去將安之」」救兵不至,力屈 事定,父老覓還醇屍,得之草間,赤身面縛,體被數鎗, 城破, 與教諭安上達、訓導李廷表、典史史 **羣哭而**

上達,貴州安順人。

松等十五人,烈婦朱氏等十七人,並建坊旌表。 經博士,與之棟等及千戶蕭如龍、 僅 而 翰苑宫坊,不報。 致命遂志,有死無隕。 贈 吏科上言:「還醇城亡與亡,之死靡貳,猶曰有守土責也。 國 事聞,贈還醇光祿丞,予祭葬,有司 |學教職、良鄕主簿,於聖主優卹之典謂何'」帝處其言,下部更議,乃贈上達、廷表五 宜破格褒崇,以爲世勸。 萬曆末年舉於鄉,謁選得教諭,至是闔門死難 何秉忠,百戶李廕並配祀還醇祠。 建祠、官其一子。 朝廷必不惜今日之虚名,作將來之忠義,乃 順天府尹劉宗周以上達得死難之正,請贈 之棟等亦贈卹,給驛歸 上達、之棟等,微員末秩,亦能 武舉陳蠡測 、諸生梅 其喪。

是時 ', 列 城以 死事 ,聞者,更有香河知縣任光裕、灤州知州楊燫。 光裕贈即如還醇 [] 燫贈

光祿 少卿,並任一子。

官庫 巡 東門,城破 撫 駐 王 李 元 城 獻 中。 雅 明 死 ,字思皇,壽光 與推官 之。 或謂 此 何 邑非 天球 、遵化 人。 君所轄,去無罪。 崇禎 知縣 元 徐澤及先 年進士。 獻 任 明正色曰:「莫非王土,安敢見危避難。」請守 授保定推官。 知 縣武 起潛等憑城拒守。 明年十一月,大清兵臨 時獻 明 以 遵化, 察核

若,襄陽人,獻明 元雅,太原 人。 同 年進士。 爲巡撫數月卽遇變, 涖任 七日 ,與天球、起潛並 自縊死。 天球以永平推官理遵化 殉 難。 軍餉。 |澤, 字及

逐及 獻。 金見,其人惶恐請罪,即 於難 起潛召學官及諸生貧者數人,置 起潛,字用潛,進賢 人。 以金分畀貧者。 天啓五年進士。 |甕庭中,謂之曰:「美酒 治縣一年,有聲,調繁遵化。 初 爲武清 知縣,有諸生爲 不可獨享,與諸生共之。」酒 坐事被劾,解官候代, 人所託,納 金酒甕以

孫 承宗 巡 請 撫 方 卹 殉 大任論畿輔諸臣功罪,因言元雅有失城罪,而 難 諸臣 ,亦首元雅。 帝贈獻明、天球光祿 少卿、澤光祿丞、俱廕一子。 死節概凜然,足以蓋愆。 元雅 樞 以

大吏失城,贈卹不及。

故官。七年,哈刺慎部長汪燒餅者,擁衆窺桃林口,春督守將擒三人。燒餅叩關願受罰,春 平爲孔道,士馬絡釋,關外難民雲集。 |春運籌有方,事就理而民不病。累轉副使、參政,仍 年,遼東西盡失,廷議急邊才,擢山東僉事,永平、燕建二路兵備道。時大軍屯山海關,永 張春,字泰宇,同州人。 萬曆二十八年舉於鄉。 歷刑部主事,勵操行,善談兵。 天啓二

年,法司言春被劾無實,乃釋之。 辯,關內民亦爲訟冤。在晉復劾其通奄剋餉,遂削籍,下法司治。督師袁崇煥言春廉惠,不 御史李炳言: 「春疾惡過甚,爲人中傷。夫殺之濫否,一勘卽明,乞免提問。」不從。明 崇禎元年改關內道。兵部尚書王在晉惑浮言,刻春嗜殺,一日梟斬十二人。春具揭

等責數之,誓不敢叛。

已而偕諸將收復永平諸城,論功加太僕少卿,仍涖兵備事,候巡撫缺推用。時乙榜起家者 職 自效。臣身已許此城,不敢少規避。但必求實濟封疆,此臣區區之忠,所以報聖明而 安並失,昌黎、樂亭、撫寧又關內道所轄。臣寄跡無所,當駐何城。臣以兵備名官,而實無 一兵、操空拳入虎穴,安能濟事。乞於赴援大將中,敕一人與臣同事,臣亦招舊日義勇率之 也。」因言兵事不可預洩,乞賜陛見,面陳方略,帝許之。 三年正月,永平失守,起春永平兵備參議。春言:「永平統五縣一州,今郡城及灤州、遷 旣入對,帝數稱善,進春參政。

七四六三

列

多授節 鉞,而春獨需後命,以無援於朝也。 永平當兵燹之餘,閭閻困敝,春盡心撫卹,人益

惊之。

我。」遂不食。越三日,復以酒饌賜之,春仍不食,守者懇勸,感太宗文皇帝恩,始一食。令 禮,春獨植立不跪。至晚,遣使賜以珍饌。春曰:「忠臣不事二君,禮也。我若貪生,亦安用 謨、楊華徵,遊擊薛大湖等三十三人俱被執,部卒死者無算。諸人見我太宗文皇帝皆行臣 甚熾,天忽雨反風,士卒焚死甚衆。少頃雨霧,兩軍復鏖戰,偉力不支亦走。春及參將張洪 地。春營被衝,諸軍遂敗,襄先敗,春復收潰衆立營。時風起,黑雲見,春命縱火,風順,火 薙髮,不從。居古廟,服故衣冠,迄不失臣節而死。 凌河。越三日次長山,距城十五里,大淸兵以二萬騎來逆戰。兩軍交鋒,火器競發,聲震天 四 年八月,大清兵圍大凌河新城,命春監總兵吳襄、宋偉軍馳救。九月二十四日渡小

遂刻|春降敵不忠,乞削其所授憲職。 食,自縊死。 初,襄等敗書聞,以春守志不屈,遙遷右副都御史,恤其家。春妻濯聞之,慟哭,六日不 當春未死時,我大淸有議和意,春爲言之於朝,朝中譁然詆春。 朝議雖不從,而有司繫其二子死於獄。 誠意伯劉孔昭

入靈 城 如豸,典史張標,教諭路登甫並鬭死。 破破 丘,知縣蔣秉采募兵堅守,力屈衆潰,投繯死,合門殉之。守備于世奇,把總陳彦武、馬 ,被執死之。判官李師聖、吏目王本立、訓導張文魁亦同死,時崇禛七年七月也。八月 閻生斗,字文瀾,汾西人。 由歲貢生,歷保安知州。 事聞、贈生斗太僕少卿、餘贈恤如制。 大清兵入保安,生斗集吏民固守。 秉采,字衷白,

言兵 、驕將悍之弊,請假督撫重權,大將犯軍令者,便宜行戮。 王肇坤,字亦資,蘭谿人。崇禎 四年進士。除刑部主事,改御史。 得旨申飭 而已。 初,流賊破鳳陽,疏 出巡山海、居

庸

二關

忠、吏目郭永、學正解懷亮、訓導常時光、守備咸貞吉皆死之。禹佐子亦從父死 忠,總兵官巢丕昌,戶部主事王一桂、己趙悅,攝知州事保定通判王禹佐分門守。 二千爲內應,城遂破,肇坤被四矢兩 九年七月,大清兵入喜峰口,肇坤激衆往禦,不敵,退保昌平。 刃而死。 丕昌出降。 一桂、悅、禹佐、希忠及判官胡惟 被圍,與守陵太監王希 有降丁

桂,黃岡舉人,督餉昌平,以南城最衝,身往扼之。 列 傅 第 百 七 + 九 忠 義 \equiv 俄西城失守,被執死。 七四六五 妻妾子女

暨家衆二十七人悉赴井死。

脫以公事赴

昌平,遂遇難

樂平 所蘊 薦章十餘 皆死。 人。 未幾,大清兵攻順義。 上。 鄉試第 尋破寶坻, 與遊擊治國器、都指揮蘇時兩等拒守。 一,崇禎七年進士。 知縣趙國鼎、主簿樊樞 知縣上官蓋,字忠赤,曲沃 破定興 教諭欒州熊嘉志殉節 、典史張六師 城破, 人。 起家鄉舉,廉執有聲,在官三年, 、訓導趙士秀皆死。 盡自己 經。 死 國 破安肅、 器 時 雨 國鼎 知 及訓導 縣 臨清 山 陳 西

事 聞 贈肇坤大理卿, 予祭葬, 官一子。 葬, 餘 贈 卹

如

制。

鄭延

任

與

妻同

殉

敎

諭

靈壽耿三麟

亦死之。

父||納 七十 亦自 餘 孫士美,靑浦人。 日,城 縊 以 全。 家死者十三人。 明年擢 由鄉舉授舒城教諭。 知深 州。 贈太僕 十一年冬, 少卿,訥 崇禎八年春,賊來犯,縣令以公事出,士美代守 亦被 大清兵至,力守三日 旌 城破, 自 剄於角樓。

是時 一、畿輔諸郡悉被兵,長吏多望風遁,失城四十有八。 任丘白慧元、慶都黃承宗、 靈

馮登鰲、文安王鑰、蠡縣王采、新河崔賢、鹽山陳誌、故城王九鼎,三皆以殉難聞。 張文煥、興濟錢珍、慶雲陳緘,城破被殺。 教官死難者則有劉廷訓、張純儒、唐一中。 他若

鄕 官 則喬若雯、李禎宁最著。而棄城者,吳橋知縣李綦隆等十人,皆坐死

取。 何,廉仲縋城遁,慧元躬擐甲胄,防禦甚力。及城破,一門俱死,贈僉事 會與大閹有隙,摭其罪於帝,逮治之,未行,大兵已抵城下,乃與代者李廉仲共守。無 [慧元,青澗人。崇禎七年進士。居官善祛蠹,吏民畏之。九年以守城功,命減俸行

爲蠡 鬭 未詳何許人,誌自經死,九鼎戰死城上,各贈卹有差。 身中數樂而死,一門從死者數人。承宗,未詳何許人。馮登鰲,膚施舉人,其從父大緯 縣訓導,亦死。 鄉官李禎宁,萬曆三十八年進士。 王鑰,武功舉人。王采,澤州人,進士。崔賢,弋州舉人。誌、九鼎,亦 歷山西按察使,罷歸,佐慧元拒守。 城破,率家衆格

死, 盍死於守, 爲忠義鬼乎!衆泣諾, 乃堅拒三晝夜。 廷訓中流矢, 束胸力戰, 又中六矢乃 遁 一,廷訓止之,與共守。 劉 廷訓 ,順天通州人。歲貢生,爲吳橋訓導。崇禎十一年,大淸兵入畿內,知縣李綦隆 外圍將合,綦隆縋城走。 廷訓急趨城上,語守者曰:「守死,逃亦

死。 踰月,其子啓棺更殮,面 如 生。

張純儒,新安 列 傅 第 百 人,爲臨城訓導,率諸生共城守,城破死之。 七 + 九 忠 義 Ξ 唐一中, 全州人,為鉅鹿教

諭,抗節死。

等下所司行遣。 犬,專噬善類,罪不下『彪、虎』。乞死者削其官階,生者投之荒裔。」帝責其詆毀先帝,而九疇 爭擊魏忠賢黨,若雯亦兩疏劾兵部侍郎秦士文,御史張訥、智艇,備列其傾邪狀。 尋言: 「故 輔魏廣微,罪惡滔天,致先帝冒桓、靈之名,罪不下忠賢。其徒陳九疇、張訥、智鋌爲之鷹 一民遮道泣送。及城陷,若雯端坐按劍以待,遂被殺。 喬若雯,臨城人。萬曆四十七年進士。授中書舍人,遷禮部主事。 若雯尋改吏部,遷員外郎。出爲兗州知府,剔除積弊,豪猾斂手。以疾歸, 崇禎元年春, 廷臣

人。 皆舉人。崇德歷戶部員外郎。祚未仕。 時鄉官李崇德、董祚、魏克家並以城亡殉難。崇德,青縣人。祚,隆平人。克家,高陽 克家爲鄒平知縣,有善政。|若雯贈太常少卿,

餘贈卹有差。

張秉文,字含之,桐城人。祖淳,官參政,事具循吏傳。 秉文舉萬曆三十八年進士,歷

福 達右參政,與平海寇李魁奇。 崇禎中,歷廣東按察使,右布政使,調山東爲左。

遂臨濟南。秉文等分門死守,晝夜不解甲,援兵竟無至者。 秉文及副使周之訓、翁鴻業,參議鄧謙,鹽運使唐世熊等議守城,連章告急於朝。 應,督師中官高起潛擁重兵臨淸不救,大將祖寬、倪寵等亦觀望。 虛,止鄕兵五百,萊州援兵七百,勢弱不足守。 十一年冬,大清兵自畿輔南下。 本兵楊嗣昌檄山東巡撫顏繼祖移師德州,於是濟南 。巡按御史宋學朱方行部章丘,聞警馳還, 大清兵徇下州縣十有六, 嗣昌無以 空 與

湖死。 終,贈卹亦不及。 **卹如制。** 皆死焉 明年正月二日,城潰,秉文擐甲巷戰,已被箭,力不能支,死之。 ,德王由樞被執。 學朱、之訓、謙、世熊及濟南知府苟好善、同知陳虞胤、通判熊烈獻、歷城知縣韓承宣 學朱死,不得屍,疑未實,獨格不予,福王時,贈大理卿。 秉文贈太常寺卿,之訓、謙光祿卿,承宣光祿少卿,皆建特祠,餘贈 鴻業及推官陸燦不知所 妻方、妾陳,並投大明

死,闔門殉之。 之訓 ,黃岡人,進士。累官浙江按察使, 學朱,字用晦,長洲人。崇禎四年進士。 謙、孝感 人,進士。 戰於城上,與季父有正偕死,母莫氏匿民間不食死,族戚 坐事 ·貶官,被薦未擢而遘難。 爲御史,嘗抗疏劾楊嗣昌、田維嘉,時論壯之。 望闕 再拜,與妻劉偕

列

傅

第

百七十九

忠義

=

七四六九

烈獻 傔 江 西 從 一廣昌 死 ,黄陂貢 者 四 人。 生,城破, 官兵部主 餘 人 世 與二子俱 熊 事,奉使南京,還朝 灌陽舉 死。 人,分守西門, 承宣, ,道歷城,城破抗 大學士爌 被殺。 孫, 進士, 好善, 節 死。 醴泉 與 妻妾同 贈 人,進士。 光 禄 死。 小 卿 有 虞胤 劉 大 一、未詳 年者

武 蒼 城 李 頭 時 、撃盗 大清 承芳、丘 以全城 兵所破 一縣高 () 遂擢 州 重光 縣, 一皆以 爲令。 守令失城者, 死節蒙贈卹 及大軍至,吏民欲負之逃,重光不 皆論 o 死。 重光, 丽 字秀恒 臨邑宋希堯、博平 保定 人。 可,抱印赴井 張 由貢生 列宿 在 爲 死 平黄 柏 鄉 建 訓 極

戰 士,佐有 死 污贈 其 縉 恤 司 紳殉 有差。 力守 難 城 者 城 恩縣 破 李 身被數刃而 應薦,天啓時,官御史。 死。 歷城 劉化光與子漢儀先後 以附 魏忠賢, 麗名逆案。 舉於鄉,父子俱守城 至是, 捐貲募 力

遛。 遷 至。 阗 胤紹 定 閨 顔胤 司 知城必破,豫集 知 紹,字賡 月,大清 守 城剿 明,曲 兵至, 宼 有 阜人,復聖六十五代孫也。 功。 一家老稚於室中, 與 參議趙 十五 年 班、同 擢 河 間 知 積薪繞之,而 知府 姚 汝 ,比歲大饑,死亡載 明、知縣 崇禎 四年進士。 身往城 陳三接等堅守。 上策戰守。 道, 歷知 寇盜 鳳陽 援兵雲集, 一充斥, 城 、江都 破, 趜 加加 拊 歸官 率 循 逗 甚

舍,舉火焚室,衣冠北向再拜,躍入火中同死。

) 斑,字 東珪, 慈谿人。 崇禎元年進士。 知南安、 侯官二縣, 屢遷河間兵備 僉事,一門十

四人悉被難。

汝明,夏縣人。天啓初,舉於鄉。性孝友。崇禎間歲大祲,傾廩振濟,立義塚,瘞暴骨

授蠡縣知縣,聞鄉邑又饑,貽書其子令振救如初。後官河間,與妾任同死。

獄,數年不決,至卽決之。妻武氏賢,三接見封疆多故,遣之歸,答曰:「夫死忠,妻死節,分 三接,文水人。舉崇禎六年鄕試,知河間縣。歲旱饑,人相食。三接至,雨卽降。 有疑

也。」三接巷戰死,武從之。

珽贈太僕卿,胤紹光祿卿,汝明、三接並僉事。

有周而淳者,掖縣人。由進士拜兵科給事中,與同官六人分督畿輔諸郡城守事。 而淳

甫至河間,城卽被圍,遂與諸臣同死,贈太常少卿。

進士,贈光祿卿。師羲,字像先,楚雄人。選貢生,贈參議。一時死,進士,累官參政,贈太常卿。 不至,城遂破。煇整冠帶自盡,子琬同死。師羲、時茪皆死之。煇,字黃如,河津人,崇禎七年 先是,大兵入霸州,兵備副使趙煇偕知州丁師羲、里居參政李時茪等督士民固拒。援軍

俱死。 梅,中 遷刑部主事,治張差梃擊案,事別見。 知 縣, 吉 書舍人孟魯鉢、張鳳鳴募兵,悉力拒守, 蠲繁苛,除寇賊,闔邑頌德。 贈太僕少卿,妻子皆獲旌。 孔嘉,洋縣人。 幼時憩父冤於巡按御史,獲釋,以孝稱。 累遷順德知府。 梅, 死,贈太常 邢 臺人。 力屈城破,孔嘉與妻張、長子惠迪、次子婦王 少卿。 萬曆十九年舉於鄉。 十五年冬,大清兵臨城, 魯鉢、工部主 舉崇禎三年鄉 事 除知登封,有善政 與鄉官知府傅 試。 授寧津

之。 贈右參議,維岱僉事,餘 所學 愚亦死之。 永清縣, 唐鉉,字節玉,睢州 破,教諭曹 何事, 教諭 時 以守城殉難者,有王端冕,字服先,江陵舉人。 視 陳廣心,元城 事 **豈爲兒女戀戀耶!」遂被殺。** 而南樂監 貞、訓導董 甫旬餘卽遇變,一門死之。 人。 生 人,起家乙榜。 崇禎 一 鄭 獻 贈恤有差。 調元皆死。 1 書、河間 年進士。 鄉官吏部 襄陽 城將破,衣冠危坐,諸子環泣請避,厲 典史李 歷定州 訓導王一統,成安人。 知縣賈太初、永年山東副使申爲憲皆抗節死。 郞 時正 中 知 李其紀、黄州 州 、教諭邸養性 死之。 知趙州, 高 以廉惠得民。 維岱, 推官佔鶴舉 居家多義行, 、鄉官劉維蕙 昌邑人。 富 聲曰:「吾平生 死節 城破, 陽 同 舉於 知縣 死。 明倫堂。 被 鄉, 杜 淸 執

鉉

斗

豐

知

死

列傳第一百七十九 忠義三

練民兵、儲糗糧、備戎器四事課天下,有司率視爲具文,惟國璽奉行如詔。 國璽,長萬人。崇禎七年進士。授濰縣知縣,改建石城,盡心民事。 時帝以修城郭 上官交薦,遷戶

部主事。運道梗於盜,有議開膠萊河者,國璽力陳其便。擢登萊兵備僉事,經度河道

竄,國璽叱止之,身先搏戰,矢刃交加,墮馬死。 撫按不奏,帝降旨嚴責,乃具聞,贈恤如制 十五年,畿輔戒嚴,部檄徵山東兵入衞。 國璽監督至龍岡,猝遇大淸兵。部卒驚懼欲

時大兵下山東,直抵海州、贛楡、沭陽、豐、沛,列城將東,或遁或降。 其身死封疆者,有

馮守禮、張日新、張予卿、朱迥添、任萬民等。

守禮,猗氏人,舉於鄉。縣令有疑獄,語訴者得馮孝廉一刺, 獄卽解。其人懷金以告,

拒不聽。選平定州學正,諸生兄弟爭產相訐,餽以金,守禮嚴却之,勸以友悌,感悟去。歷

遷知萊蕪縣。 城破,與二子攄奇、拱奇並自殺。

死。 寇安守夏降之。及齊東被圍,與守夏登陴守,力屈及子光裔死之,妻方氏自刎, 予卿知陽信,〔三 城陷殉難。 日 新 浙江建德人。 由歲貢爲訓導,遷齊東教諭。 迴添者,瀋陽宗室也,居潞安。 見海內寇起,與諸生講藝習射,招土 由宗學貢生爲鄒平知縣, 守夏亦從

城 其 失, 用。 全節以死。 以保舉授武城知縣,在職三年,有能聲,竟殉 萬民,陽曲諸生。 見鄉郡被寇,草救時八議、守城十二策,獻 城死 之當事,果得

上。 共守。 寧洋人。 吳良能 文昌時, 城破, 知東阿,城失守,死之。 遼東蓋州人。 舉家自焚, 全州舉人。 周輔 舉於鄉,知滕縣,城將破,盡殺家屬,拜母 知臨淄 亦 ?殉難。 周啓元、黄岡舉人、知高 縣,以廉愼 同時,壽光知縣李耿,大興人。 得民。及大淸兵東下,城受圍,與訓導申周輔 '苑縣',城破,朱衣坐堂上,死之。 出, 崇禎 力戰死。 中進士,自縊城 吳汝宗

攻西南 力捍城,城破死之。 日 「得梯卽攻。」不信。 劉 · 陬,方力禦,已登西北陬,光<u></u>先殉焉。 光 先 ,未詳里居,知豐縣。 贈山東僉事。 又有逸者曰:「梯成,立攻矣。」婦人亦自營出曰:「盡甲矣。」 昧爽突 大兵二千騎營西城外,不攻。夜一人自營逸出,語城上人 劉士璟,亦不知何許人,知沭陽,有强幹聲。 竭

更歷四 張 司,至文選員外郎,乞假歸。 振 秀,臨淸人。萬曆三十八年進士。 |崇順改元,起驗封郎中,歷考功、文選, 擢太常少卿, 坐 知肥鄉、永平、遷兵部主事。 泰昌元年改吏部,

事落職歸。

加 崇禎 瀛 、判官徐 十五 年,大清兵圍 應芳、 吏目 陳翔龍、在籍兵部侍郎張宗衡、員外郎邢 河間, 遠近震恐。 臨淸總兵官劉 源清 偕榷 泰吉、臨汾知縣尹任 關主事 陳 興言 同 知 及

路 振 秀 人。 等合力備禦。 應芳 臨川人。 未幾,城被圍,力拒數 翔龍,蕭山 人。 泰吉、任皆進士。 日,援不至, 城破, 宗衡自有 並死之。 傳。 興言,南靖人。 源淸,澤淸弟,贈 如瀛

太子少保。

守,力抗,子鳳苞以身翼之,皆被殺。 太僕少卿,以附魏忠賢 其時,城破殉難者,壽張王大年、曹州楚煙、滕縣劉弘緒 名挂逆案,至是盡節 妻趙觸柱 死。 死。 煙舉進士, 弘緒 歷車駕郎 數人。 歷戶部主事 中,遇變死 大年舉進士,歷御史,加 , 解職 歸。 及城失

也。 王, 猶 抵 円 任 猶同 存。 財賄 ,已聞大淸兵入塞,亟繕守具。 鄧藩錫,字晉伯,金壇 舟 者,人之命 不然,大事一去,悔無及矣。」王不能從。 也。 列城失守, 也。 我不能畀彼以命,而望彼畀我以命乎。 皆由貴家惜金錢,而令窶人、餓夫列陴捍禦。 人。 崇禎七年進士。 未幾,四萬騎薄城下 歷南京兵部主事。 ,藩錫走告魯王 王誠散積儲 十五 百.口 年遷兗州 夫城 以鼓 郭者 郡 有 知府, 吏, ,我之命 或 城 甫 有

列

破 副將丁文明, 維 藩錫 新 **猶力戰,被二十一創乃死。** 與監軍 長史愈起蛟及里居給事中范淑泰等分門死守。 參議王維新,同知譚絲、曾文蔚,通判閻鼎,推官李昌期,滋陽 藩錫受縛不降,被殺,其妾攜稚子投井死。 至十二月八 日_, 知縣郝芳聲, 魯王 力不 以派 支,城 亦

昌 期, 永年人。 芳聲,忻州人。 並起家進士。 昌期嘗監軍破土寇萬,衆推其才。 芳聲

治縣有聲。至是皆死。

被殺。

틴。 擊,大破其衆。 世子嗣 起蛟,錢塘人。 位,值歲凶,勸王振貸,自出粟二千石佐之。 及王被難,起蛟率親屬二十三人殉之。 由貢生歷官魯府左長史,相憲王。及惠王立,欲易世子,起蛟力諫乃 文明亦戰死。 大盜李青山率衆來犯,偕淑泰出

事聞,贈維新光祿卿,藩錫太僕少卿,昌期僉事,餘贈恤 有差。

有樊吉人者,元城人。 由進士知滋陽,累擢山東兵備僉事。 未行遇變,自刎死。 淑泰

自有傳。

張焜芳,會稽人。 崇禎元年進士。 歷南京戶科給事中。十一年春,疏薦黃道周、惠世

揚 爲整所訐,遂罷職,事具薛國觀傳。十六年正月,焜芳北上,抵臨清,遇大清兵,與諸生馬之 、陳子壯、金光辰,而爲舊撫文震孟請卹。 帝以沽名市恩,切責之。又糾太僕少卿史亞,

關、之駧俱被執死之。其妻妾聞之,赴井死。

巷戰終日, 時又有天津參將賀秉鉞者,泰寧左衞人。 矢盡, 被執死。 <u>崇</u>禎四年第武科一甲第三,亦以扶父柩至臨

校勘記

- ○1) 誤從王佳胤至此 王佳胤、本書、懷宗實録以及明末清初有關史籍通作「王嘉胤」。
- (ニ) 戸部主事王一桂 被卷九五頁五七四七都作「王桂」,下同。 王一桂,明史稿傳一六八王肇坤傳、懷宗實録卷九崇禎九年七月己酉條、國
- 故城王九鼎 河間府,無「固城」,據改。真定府景州有「固城」,乃一古地名。 故城、原作「固城」、按明史卷四〇地理志、明一統志卷二、畿輔地區有「故城」, 屬
- 四一子卿知陽信 統志卷二二,山東屬縣有陽信,無「信陽」。 陽信,原作「信陽」,據明史稿傳一六八飛國璽傳改。 按本書卷四一地理志、明一

